


BIBLIOTHECA

Seminarii Warmondani.

74 2 24

2, 256.




RG 51/201

RG 51/201

RG 51/201

RG 51/201





ILL^{mo}. DOMINO
D^{no}. ALBERTO
STANISLAO
RADZIWILLE

S. R. I. PRINCIPI,
Duci in Olica & Nieswiefs;
Magni Ducat. Lithuaniae Can-
cellario; Capitaneo Meuenfi,
Tucholiensi, Velunensi; &c.

Domino meo Clementissimo.



VOCARAT ad se, quod
Cælius Rhodiginus
memorat, Lydorum ^{Cal.}
Rex Halyattes, è Græ- ^{Rhodi-}

cis sapientibus Biantem, primi ^{gin.}
nominis philosophum. Animus ^{lib. 12.}
erat multa cum eo colloqui. At ^{Antiq.}
^{lect.}

Bias supercilium philosopho pa-
rum decorum induens vix hæc
paucula pronuntiavit: Ego Ha-
lyatti mando, cepas comesse. Mira-

A 2. batur

E P I S T O L A.

batur rex tam curtum, tam & te-
nebricosum responsum, & quid-
nam hoc sibi vellet ab eruditiori-
bus aliis perquirebat. Vox om-
nium erat: Cepis designari lacri-
mas, quas scilicet exprimerent ce-
pæ. Mentem igitur Biantis videri:
Lacrimas nemini non gustandas;
nec regibus hîc parci, imo quo al-
tius folium, eo plures ac vehe-
mentiores in illud mærores ascen-
dere; cepas omnibus edendas esse;
universæ omnem humanam gen-
tem variis calamitatibus exerceri.

Sapienter Bias & vere. Post po-
num in elysiis campis furto ab-
latum, jam lolio & cepis victita-
mus. Ita paradisi Dominus edixit:
Gen. In sudore vultus tui vescêris pane
cap. 3. tuo: maledicta terra in opere tuo:
v. 17. in laboribus comedes ex ea cun-
18. ctis diebus vitæ tuæ. Spinas &
19. tribulos germinabit tibi, & come-
des herbas terræ. In exilium eje-
ctis jam cepæ in jentaculum, in
merendam, in prandium, in cœ-
nam

E P I S T O L A.

nam ponuntur ; hîc licet helluari.
Nusquam non lacrimæ. Hæc hu-
manæ vitæ conditio est. Aut desi-
nat , aut potius non incipiat vive-
re, qui renuit has cepas edere.

Siracides ingemiscens : Occu- *Eccli.*
patio magna, inquit, creatâ est o- *c. 40.*
mnibus hominibus , & jugum *vers. 1.*
grave super filios Adam, à die ex-
itus de ventre matris eorum , us-
que in diem sepulturæ, in matrem
omnium. Quisque suas habet la-
crimas ; suis quisque miseriis ur-
getur. Vnum atque unicum hîc
remedium est PATIENTIA. Quam
tamen sine magistro ægre disci-
mus. Eam ob rem magister è cæ-
lo in suum nos gymnasium in-
vitans: Discite, inquit, à me. Sed *Matt.*
quid, obsecro, discendum ? E do- *c. 11.*
ctioribus discipulis est, qui respõ- *v. 29.*
deat: Patientia vobis necessaria est, *Hebr.*
ut voluntatem Dei facientes re- *c. 10.*
portetis promissionem. *v. 36.*

Patientia igitur discenda est.
Sed quibus ? num omnibus ? &

E P I S T O L A.

quanto tempore discenda ? quo
 minervali ? quibus condiscipulis,
 quibus legibus ? Istud hac scriptio-
 ne peragendum , quæ in terram a-
 lio calentem sole videbatur able-
 ganda. In Poloniam mihi animus
 jam pridem ibat : calamum illi
 meum equi vicem assignavi quo
 veheretur. Et primo quidem in-
 gressu ipsum regni Solem , Sere-
 nissimum Poloniæ &c. Regem ,
 Sigismundum III supplici vene-
 ratione salutare decentissimum e-
 rat. Et vero nunc grati animi erit,
 ut quam primum licuerit , huic
 soli me denuo sistam, cum quanta
 demum potuero gratiarum actio-
 ne. Idque jam molior, gratam vo-
 luntatem, qua dabitur, in tam pro-
 num ac liberale sceptrum exhibe-
 re. Nunquam tamen regias ad me
 litteras benevolentia ac beneficen-
 tia plenissimas sat dignis officiis
 celebravero. Verum ab hoc sole
 Poloniæ, ad ejus sidera deflectere,
 decorum & ordo suadent. Inter ea
 vero

EPISTOLA.

vero primum, Te, Princeps Ill.^{me}
 jure tuo numero. Te nunc, tuam-
 que Illustrissimam familiam vel-
 ut coram allocuturus adsum. Ne-
 que hoc quisquam mirabitur, ubi
 causas admiserit. Radzivilliorum
 Principum profapiam & virtutem
 jam Orbi notam, ego duplici ra-
 tione nosse didici: scriptis & allo-
 quiis. Quis Illustrissimi Principis
 Nicolai Christophori Radzivilli
 iter in Palæstinam legat, & non
 animos ac virtutem viri obstupe-
 scat? Ex illo ungue hunc leonem
 est cernere. Quantus heros, Supe-
 ri! Quanta tulit, fecitque, quæ
 pericula non adiit, quanta mode-
 stia Fastum triumphavit, quam
 abjecto peregrini schemate se
 principem dissimulavit, quanto
 pietatis sensu, & nascentis Domi-
 ni cunas, & morientis clivum, & *Montē*
 mortui sepulchrum veneratus est? *Golgo-*
thæum.
 Ausim dicere: audita mihi lectaq;
 sæpius est profectio Magni illius
 Principis; sed nulla dum satietas

E P I S T O L A.

me tenet; eadem & audire & legere ardor est. Hoc hactenus unum dolui, non licuisse ipsa viui ora vultumque cernere, & presenti alloquio generosissimos spiritus devenerari. Sed licet occasionem istam fors inviderit, licuit tamen ab hoc parente tres filios familiarissime nosse, qui in Augustano Lyceo sceptrâ faciesque sapientiæ præceptis inclinarunt, modestia prorsus laudabili, & ut rem dicam, paterna. Ex eadem Illustrissima Radzivilliorum stirpe præstantissimus juvenis in Academia Dilingana Rhetoricis disciplinis imbuendum se mihi tradidit, cujus excelsam indolem tanto exploratius, quanto familiarius, & è proximo nosse potui.

Sed quid amplius dissimulem? Te ipsum, Illustrissime Princeps, Magnificæ Humanitatis specimen compello. Aures & oculos meos produco testes amplissimæ comitatis, & plane affabilis modestiæ

E P I S T O L A.

destiæ tuæ, quæ vel hostium ani-
 mos in sui cultum trahat. Specta-
 vimus Te Principem inter nos
 velut unum è nobis sincerissima
 humanitate agentem; audivimus
 modestissimi oris optimos in nos
 affectus. Et quod in Te singulari-
 ter suspiciendum: Non sequeris
 fastidium illorum, quibus plera-
 que omnia externa sordent. Alii
 sunt tui mores. Modestiæ tuæ fa-
 cillime se probaverit; quicquid in
 quavis natione laudandum. Ger-
 maniæ hoc detulisti, ut conjugem
 tibi legeris è Germana Nobilitate
 lectissimam.

Sed acrioribus stimulis in ex-
 teras terras revocor. Ampla sunt
 in Societatem nostram Principum
 Radzivilliorum beneficia. Cetera
 fileant licet, loquitur Collegium
 & templum Nieswiesiense à Ni-
 colao Christophoro Radzivillio
 è fundamentis erectum, & annuo
 censu inter pauca munifice dota-
 tum. Ejusdem Illustrissimæ fami-

E P I S T O L A.

liæ liberalitatem experta Vilna ,
quæ à tuo, Princeps, parente felici
memoriæ , fundis urbi vicinis
est aucta.

Et tuam , Alberte Princeps, largi-
tatem annuam Varfaviësis Pro-
fessa domus prædicat. Is porro
animus tibi est in Societatem no-
stram , ut illam vel peregre ames,
nec enim iter ingrederis ullū, quin
ex ea tibi comites adscifcas.

Ita quocunque cogitationes in-
tendam , obæratum me teneri vi-
deo , in primis à Serenissimo Po-
loniæ Rege, cui quicquid deinceps
gratiæ retulero , minus fecero,
quam grati animi leges postulent.
Deinde à te , Illustrissime Prin-
ceps , cujus benefica humanitas
nos sibi pridem devinxit. Illud sin-
gulariter huic epistolæ hoc iter
longius persuasit , quod intelligā
libellos meos quamvis peregrinos
apud te domi suæ esse , oculis &
manibus à te sedulo gestari. Hæc
audacem me faciunt , jubentque
omnino

E P I S T O L A.

omnino in Poloniam redire. Facio; & in tui obsequium me fisto, Illustrissime Domine, cumque aliud obsequiosi muneris genus non suppetat, hanc scriptionem meam libens merito Illustrissimæ Celsitudini Tuæ dico consecroque. Scriptionis frons est, GYMNASIVM PATIENTIÆ. Vitam nostram spectamus? tam necessarium ei nihil est, quam assidua Patiētia. Ad Patientiæ gymnasium Imperatores, Reges, Principesque non rarius, imo & crebrius quam imi subsellii homines citantur. Hic omnes quotidie cogimur discere, nec prius ex hac schola quam è vita dimittimur. Nunquam deest quod patiamur, ne vel unquam improbis timor, vel spes absit calamitosæ virtuti. Vivere non vult, qui pati recusat. Alterne sunt vices rerum; secunda turbidis assidue miscentur. Maximæ artis & virtutis est, in secundis non confidere, in adversis non deficere. Atqui
hanc

EPISTOLA.

hanc artem sola docet Patientia :
illius præcepta & leges explicat
hic libellus, qui non ante publico
se committere voluit, quam ad
Illustrissimi nominis tui splendo-
rem, ô Magnum gentis tuæ fidus,
caliginem suam exuisset. Hoc unū
submississime nunc rogo, ut &
hoc mei, in Te, ô Princeps, affe-
ctus & obsequii monumentum
quamvis exile, & omnem Socie-
tatem nostram tibi commendatam
habere non desinas. Monachii,
Calendis Septembris, anno à Vir-
ginis partu M DC XXIX.

Celsitudinis Tuæ

*Submississimus in Chri-
sto servus,*

HIEREMIAS DREXELIUS
è Societate IESV.

BENE-

BENEVOLO LECTORI.

A Nimi mei est. mi Lector, Patientiam te docere, sed compendio. Nec tamen negaverim agere susceptum à me hoc thema; quod forsàn mireris, & dicas: Annon copiosum satis & abundans est? Imo vero est: & hac ipsa mihi caussa fuit thematis istius pane deserendi Nimis copiosum, abundans est nimis. Quid primo, quid ultimo loco dicerem, hærebam. Et mihi hoc credas velim: de nulla re copiosius differere, quam de hac ipsa promptum est. Ingens jam olim in hanc rem parata mihi supellex. Ita codices & grandia volumina, quam succinctos & graciles libellos scribere fere facilius foret. Sed ego lectoris mei meumque ipsius profectum potius quam operis molem ac majestatem specto. Multa legere, pauca expendere; primorum oblivisci, antequam ad extrema perveneris quid juvat? Ad commendandam Patientiam, profecto parum facit exuberans & laciniosa dictio. Ea de caussa scriptionem meam hoc circo atque his finibus circumscripsi, ut pauca quidem, sed ut ordine dicerem. eoque stricto, tam Memoria quam voluntati ac intelligentia magis juvanda. Liceat dicere: Non collegi, sed selegi. Plura fortassis hac de re daturus, si vita & valetudo fuerit: hac interim in gustulum propino. Vale, mi optime Lector, & ad patientiam, rem omnium maxime necessariam te compone.

Imaginis explicatio

A. Patientia suos erudit, ostenditque, Vel hîc, vel ibi; In hac, vel altera vita patiendum esse. Neque enim è paradiso in paradisum, à delitiis ad delitias transiri. Eligant ergo, malintne spineam coronam afflictionis, momento nunc paullulum productiore ferre, & auream beatitudinis aeternum; an mutatis vicibus, nunc auream, dein spineam.

B.B. Patientia discipuli, monstrant decem symbola. 1. Virgas. 2. Sagittas. 3. Faces. 4. Stramineum sertum. 5. Bacillos. 6. Laqueos & catenas. 7. Nodosos Fustes. 8. Pallium. 9. Flagra. 10. Saccum. Hæc explicat Patientia, & docet, quæ potissimum castigationes in suo Gymnasio sint toleranda. Tanto quisque minus est doctus, quanto minus castigationis patiens.



Quæ prius placet? Hæc, aut, Ista?

2 GYMNAS. PATIENT.

P A R S P R I M A.

C A P V T I.

*Qua poenarum genera, seu, quæ cruces sint in
gymnasio patientiæ ferendæ.*

QUercus olim, sed faucia & fracta
cum Arundine familiarius cœpit
fabulari. Initium colloquii Quer-
cus à clade propria traxit. Fortunæ sci-
licet malignitas, & casus adversi Quer-
cum fecere disertam. Me, aiebat, aspice,
ô mea vicina, & calamitatis cernes spe-
culum : vix ego mei dimidium retinui:
adito convulsa misereque lacerata : sic
Æoli fratres me tractarunt. Sed, obse-
cro, quid prius mirer, te tam salvam, an
me sic ægram? Tu mihi viribus, ô Arun-
do, nequaquam par es. Ipsi oculi dicunt,
me millies robustiorem esse quam sint
vel centum, vel mille Arundines. Nihilo-
minus cum venti ac turbines me incur-
sant, nullæ sunt vires meæ; convellor,
laceror, frangor, dejicior. Tu vero ven-
torum vim omnem eludis; vacuo ventre
pugnas, & nunquam non vincis; trium-
phas sola. Nos Ajaces vincimur. qui de-
mum hoc fieri dicam? Arundo filere do-
cta, nihil interpellans loquentem, vix
demum sic orsa : Non est, inquit, quod
mireris, ô mea optima vicina; tuum tibi
robur exitio est : Si minus esses robu-
sta, magis fores integra & sana. Pace
tua dixerim, tu robori tuo fidis, vento
refi-

resistis, atque ita vinceris. Adversarium habes qui cedere nesciat; illum hostiles vires animant; robur ei additur, quoties cum robustissimis congreditur; tantoque certiolem habet victoriam, quanto difficiliorem pugnam. Hinc ventus vel altissimas, vel densissimas quercus dejicit, ridetque insaniam frustra resistentium. Ego fragilitatis meæ non ignara cedo, & vel uno die sexcenties ventum veneror prono corporis flexu. Nec mihi grave est, ut vitam tuear, vel millies adorare tam potentem hostem. Proinde hinc non viribus agendum est, sed dexteritate.

Ita prorsus est: Intutæ sunt vires, cum consilium deest aut dexteritas. Calamitatis ventus neminem non incursat, nemini parcat; probos, improbos juxta habet. Et quis est qui nihil adversi sentiat? Sed multi adversis erudiuntur, & attolluntur cælo; non pauci franguntur, & dejiciuntur Erebo. In eo res vertitur, non quantum adversi sentiamus, sed quomodo id perferamus.

In unam eandemque scholam ducen-
ti subinde discipuli compinguntur, sed
non omnes hinc Apollines emergunt.
Laurigeri multi, pauci Phæbi. E scholis
aliqui ad castra transeunt; Alii hoc di-
scunt ut cauponariam, aut mercaturam
exerceant; Alii è ludo litterario vespil-
lones aut æditimi, aut etiam tabellarii,

4 GYMNAS. PATIENT.

vel frumentarii mensores & menses rustici prodeunt. Refert, non quid discas, sed quid discendo proficias. Et quia varia discendum fors est, diversus etiam profectus est. Illis deest ingenium, istis pecunia, his industria: ita nec illi, nec isti, nec hi doctrinam adipiscuntur.

Eadem pæne ratio est in *Gymnasio Patientia*, seu, *Schola Christi*. Varius hinc discētium vel ardor, vel languor est, hinc & profectus plane dissimilis. Illud tamen præclarissimum, & huic uni *Gymnasio* proprium, ut in eo nemo non proficiat, nisi qui proficere nolit: ingenium aut pecunia hinc nulli negatur, modo ille adferat promptum ac cupidum discendi animum. Sola hinc industria potest omnia. Hinc illud unum unicū inter deterima censetur: NOLLE DISCERE.

Sed quibus libris hinc opus? quæ volumina in hoc *gymnasio* terenda? Priscorum mos non illaudatus fuit, convivis ante accubitus schedam porrigere, aut etiam domum præmittere, quæ omnium ferculorum in convivio apponendorum seriem ediceret. Ita convivarum quemque præmonebant: Hos missus habebis, hæc tibi fercula, hoc numero atque ordine ponentur. Proinde si quid è prioribus minus ad palatum aut stomachū tuum fuerit, substringe famem, & locum melioribus serva. Consultum omnino censuerunt, sciri à convivis, quid positurus esset paterfamilias.

P A R S I. 5

In Gymnasio Patientiæ non minus expediet scire, quibusnam calamitatibus DEVS mortales premere consuevit. Primum discipuli munus est, libros nosse qui prælegendi sunt. Iobus his ipsis curis agitatus: Librum, inquit, scribat ipse *Iob. c. 31. v. 10.* qui iudicat, ut in humero meo portem illum. Omnia quæ sibi patienda forent, in unum volumen redigi cupiebat, paratus hoc onus non invitis humeris asportare.

Hoc igitur ante omnia agamus, & afflictionum genera (usitato nomine CRUCES appellantur) in certas classes distribuamus.

I. Quicquid pœnarum in hoc Orbe, quicquid afflictionum vel exercitationum est, sub hoc decemplici cruciatuum schemate continetur. Habet nimirum DEVS in patientiæ gymnasio

1. VIRGAS
2. SAGITTAS
3. FACES.
4. STRAMINEVM SERTVM.
5. BACILLOS
6. LAQVEOS & CATENAS
7. NODOSOS FVSTES
8. PALLIVM
9. FLAGRA
10. SACCVM.

Hæc strictim nunc exponamus, uberior singula suo loco explicaturi.

I. VIRGAE Morbos ac dolores significant. Morborum pæne innumeri sunt;
B 2 singuli

6 GYMNAS. PATIENT.

singuli aliquid amaroris à Morte participant. His Virgis initiamur ad Mortis sacra. Per Morbos ad Mortem via est. Multorum mortem distulit Morbus; & saluti illis fuit, videri perire. Et est etiam virtuti in lectulo locus.

2. SAGITTÆ animi cruciatus repræsentant, sollicitudines, curas, ægrimoniam, mœrores, pavores, suspiciones, & angores: anxiferos scrupulorū aculeos, illecebrarum ac tentationum impetus, occultos conscientiae morsus, metus, fluctus æstusque sollicitudinum. Sagittæ
Is. c. 5.
v. 28. Domini acutæ, & omnes arcus ejus extenti.

3. FACES Paupertatis signa sunt. Paupertas varie mortales urit, prout domesticus urendi modus varius est. Subinde charta sevo illita, & dormientis calceo imposita incenditur; alias gracilis cereus supponitur digito; quandoque hypocaustum ita calefit, ut æstuantur thermas putes; nonnunquam quod charissimum est eripitur, & in ignem abjicitur. Satis uritur, cujus delitiæ ardent. Ita paupertate homines solent exerceri.

4. SERTVM STRAMINEVM derisus, illusionis, ac contemptus signum est. Vix quidquam plerosque discipulorum in hoc gymnasio sic premit vexatque ac ludicrum hoc sertum. Quod tamen frequentissimum est supplicium. Pæne ubique Iusti simplicitas deridetur. Ambulans recto itinere & timens DEVM
Iob.
c. 12.
vers. 4. despi-

despicitur ab eo, qui infami graditur *Prov.*
via. *c. 14.*

Hoc quadruplici poenarum genere, *vers. 2.*
quicquid fere patimur, comprehenditur. Aut enim corpus, aut animus, aut corporis, aut animi bona calamitatem accipiunt. Ideo Virgas, Sagittas, Faces, Sertum Stramineum assignavimus. Sed has misérias in alias rursus tribuimus.

5. B A C I L L I S adumbrantur miseriae quotidianæ, fames, sitis, æstus, frigus, habitatio incommoda, vestis corpori non habilis, itio superflua, expectatio vana. Quemadmodum ludimagister bacillum vix unquam de manibus ponit, & modo hunc, modo illum discipulum, modo manus, modo caput ferit: sic à quotidianis illis miseriis raræ sunt feriæ inter mortales. Nunquam deest, quod abesse malis.

6. CATENAE AC LAQVEI propriæ cuiusque status miseriae sunt. Sua quemque fors vivendi ligat; hunc arctius, illum remissius. Conjugium arctissimum est vinculum, & vere ferrea, imo adamantina catena, quam nemo nisi mors ruperit. Sæpe conjuges non esuriunt, non sitiunt, non ægro corpore sunt, sed male conveniunt: alter alteri objicit, nec possum tecum vivere, nec sine te. Ligatus *Luc.*
utique fuit, qui dixit: Vxorē duxi, & *c. 14.*
ideo non possum venire. *v. 20.*

7. EVSTES NODOSI, seu scorpiones, calamitates sunt plurimis communes,

8 GYMNAS. PATIENT.

Hæresis, Lues, Tyrannis, Bellum, Incendia, Annonæ caritas, Eluviones fluminum, Oppressio egenorum. Ecclesiastes *cap. 4.* questus : Verti me ad alia, inquit, & *vers. 1.* di calumnias quæ sub sole geruntur, & lacrimas innocentium, & neminem consolatorem : nec posse resistere eorum violentiæ, cunctorum auxilio destitutos. Et laudavi magis mortuos quam viuentes, & feliciorum utroque judicavi, qui necdum natus est, nec vidit mala quæ sub sole fiunt.

8. PALLIVM vocamus eas miseras, quas nos ipsi nobis creamus, & nostris nosmet opinionibus aut suspicionibus in crucem attollimus, ac misere sauciamus. Frequentissimum est propria vincta cedere; seipsum malis onerare, seu fictis seu veris. Contra seipsum Iobus queritur, & : Factus sum, inquit, mihi metipsum gravis. Nimirum, tam miser quisque est, quam se esse credit.

9. FLAGRA sunt afflictiones ab aliis quibuscunque provenientes, præsertim illæ quæ à lingua, uti sunt calumniæ, probra, detractiones, exprobrationes, omnes verborum injuriæ. Huc refero, cum ab altero negatur, quod ab isto votis omnibus expetebatur; aut imperatur, quod velis ac remis fugiebatur. Atque hi flagrorum ictus sunt, qui mox vibices & sanguinem cient. Sed solatur Gregorius, & : Nunc, inquit, foris per flagella tundimur, ut intus in templum Dei

*Greg.
part. 3.
pastor.
admo-
nit. 13.*

Dei postmodum sine disciplinæ percussione reformemur.

10. SACCVS denique est plurimum malorum cumulus. Æger subinde interrogatus, qua parte corporis dolores sentiat: Vbique, responder; omnia dolor occupat. Ita sæpius malorum acervus premit, cacodæmon insultat, homines adversantur, DEVS non solatur, morbus & paupertas cruciant, corpori & animo male est, quicquid oculos incurrit hostile creditur. De tali homine non male pronuntiem, *in sacco est*, sed usque ad colulum: Vbi mors venerit, totum hominem involvet sacco, & è vivis ejiciet. De singulis afflictionum harum paullo post uberius dicemus.

Quod si alicui Deus eligendi copiam faciat jubeatque: Elige quam tibi maxime convenire judicas crucem. An linguis flagellari mavis, an paupertate uri, an virgis ægritudinum cædi, an mœorum jaculis configi, an stramineo contemptus serto coronari? Quis hîc illud Davidis & Susannæ non usurpet: Angustiæ sunt mihi undique; coarctor nimis. Inexplicabilis deliberationis res foret. Hoc tamen, puto, denique rogaret: Domine si regium tribuere vis beneficium, ab omnibus me molestiis & miseriis immunem præsta.

Ah, quam erramus splendide; Orbis ordinem, si liceret, turbaturi. In eum intravimus mundum, ubi his legibus vivi-

Dan.
c. 13.
v. 22.
2. Reg.
c. 23.
v. 14.

10 GYMNAS. PATIENT.

tur, ut ad omnia patienda parati simus, Impares nascimur, pares morimur. Quicquid inter natalem & mortalem diem medium est, ærumnis plurimis agi necesse est. Et doleas oportet, & sitias, & elurias, & senescas: & si tibi longior contigerit inter homines mora, & ægrotes, & perdas aliquid, & pereas. Hæc vitæ lex est.

II. Occulta sed plane stulta persuasio est: *Inoffenso pede vitam transigere.* Erra-

Aster. tis, ô mortales, erratis amplissime: Quo-
c. 14. niam per multas tribulationes oportet
v. 21. nos intrare in regnum Dei. Et, nonne
Iac. hæc oportuit pati Christum, & ita in-
c. 24. trare in gloriam suam? Cur membra vi-
v. 26. lissima sub nobilissimo capite conditio-
 nis sint melioris? Illud cum primis
 sciendum, non esse mollem ad astra viâ;
 non rosetis aut salicetis amœnam: aspe-
 ra est, & confragosa, nec pede tenero
 calcanda. Certe Deus suos molliter ha-
 bere non solet. Sed Hipponensis Præsul,
Aug. gemma Præsulum, Augustinus solatia
tom 8. hîc adhibens: Flagellat nos DEVS, in-
in ps. quit, in istis laboribus, & erudit nos.
138. Tota ista miseria generis humani, in
circa qua gemit Mundus, noveritis fratres,
med. quia dolor medicinalis est, non senten-
mihi tia pœnalis. Videte quia dolor ubique,
p. 654. ubique metus, ubique necessitas, ubique
Eccles. labores. Locupletissimus hîc testis Ec-
cap. 2. clesiastes: Cuncti dies ejus doloribus,
v. 23. inquit, & ærumnis pleni sunt. Sapiens
 ille

P A R S I. II

ille Augustini discipulus : Qualitercun-^{Thom.}
 que, ait , ordinavero de pace mea , non ^{de Kép.}
 potest esse sine bello & dolore vitali^{lib. 3.}
 mea. Et quæ uspiam latebra est, in quam ^{c. 12.}
 non intret calamitas ? quæ tam munita ^{lege to-}
 & in altum subducta vitæ quies quam ^{tum}
 non dolor terret ? Quocunque te abdi- ^{caput.}
 deris, inquit Lucius Annæus , mala hu- ^{Seneca}
 mana circumstrepent. Multa extra sunt ^{82. in-}
 quæ circumeunt nos , quo aut fallant ^{itia. &}
 aut urgeant : multa intus quæ etiam in ^{consol.}
 media solitudine exæstuant. Nulla do- ^{ad Po-}
 mus in toto Orbe terrarum aut est, aut ^{lyb. c.}
 fuit sine aliqua comploratione , nec ul- ^{33. &}
 lam tam miseram nominabis domum, ^{cons. ad}
 quæ non inveniat in miseriore solatiū. ^{Marc.}
 c. 12.

*Plena & infesta variis casibus vita est,
 à quibus nulli longa pax , vix induciæ
 sunt. Non est delicata res, vivere. Lon-
 gam viam ingressi sumus , labamur o-
 portet, & cadamus, & lassemur. Per e-
 jusmodi offensas emerendum est con-
 fragosum hoc iter. Nusquam tuta quies,
 nusquam securum gaudium; ubique oc-
 currit quod turbet. Quicquid agamus,
 vivendi ratio aliter non constat.

Et omnem obsecro rerum ordinem
 mihi contemplantini: Nihil in Orbe tam
 excellens, cui suus à latere non hæreat
 adversarius. Quid fecundioris imo &
 honestioris lucri est agricultura? at uni-

B 5 ca cæli

*Jeder tag hat sein Zustandt/je-
 de stund ihr Ellend.

12 GYMNAS. PATIENT.

ca cæli excandescencia sæpe omne ter-
Eccles. ræ fenus abstulit. Verissime dictum: Qui
c. II. observat ventum, nunquam seminat, &
vers. 4. qui considerat nubes, nunquam metet.
 Quid pulchrius aut mirabilius sole? Ha-
 bet & hic suas maculas, nubibus obte-
 gitur, terra quotidie sepelitur, eclypses
 & deliquia patitur. Quid aëre, quo vesci-
 mur, magis necessarium? uno anno, vel
 imo mense uno sexcenties, millies mu-
 rat, jam humidus, jam ficcus, jam sere-
 nus, jam turbidus; modo salubris, modo
 noxius, modo subtilis, modo crassus &
 qualis in Bœotia. Nobilissimus liquor est
 vinum, sed quantis innatat fœcibus? vix
 illud biberet, qui torcular cogitaret: Et
 quod à vino quotidie damna sunt? Zy-
 thus, seu cerevisia, quæ plurimorum gu-
 læ pro nectare est, ex impurissima ple-
 runque aqua coquitur. Macellum vena-
 les porrigit carnes, sed una cum ossi-
 bus. Pulcherrimæ arbores etiam nana,
 immitia, vermiculosa, fugacia, calculosa
 poma generant: Venustissimæ urbes vi-
 lissimis domunculis & tuguriis non ca-
 rent; ornatissimæ domus obscurissimos
 recessus & latebras habent, quo retri-
 menta conjiciantur; artificiosissima æ-
 dificia non ab omnibus incommodis
 sunt eximia. Cælum respicimus? Vix ul-
 lus innubis est dies; à serenissimo cælo
 sævissimæ tempestates: non iidem sem-
 per flant venti; Favonios & Zephyros
 sæpe plumbeus Auster, & imbricator
 Boreas

Boreas excipit. Nec oleum sine amurca est, nec sine lolio triticum. Et quantum sordium latet vel in formosissimo homine: & quoties idem vel uno die mutatur? Vere, Nunquam in eodem statu per-^{Iob.}
manet. Ecquid tibi vis, ô homo, DEVS ^{c. 14.}
etiam in angulis suis reperit pravita-^{vers. 2.}
tem. Vbique adversarius, ubique hostis ^{Idem.}
est. Nihil beatum ab omni parte. Et nos ^{cap. 4.}
omni die volumus ridere Phœbum? om-
nia ire tranquille, atque ad votum om-
nia succedere? Hæc somniantium insania
est, non vigilantium. Omnia Naturæ o-
pera reclamant, & ubique hostem late-
re pronuntiant. Idem in moralibus vi-
dere est.

III. Vix ullus liber est, cui non suus sit error & nævus, aut ab auctore, aut à typographo. Vbi honor est sine onere? Si onus desit, verus honor non erit. Et ubi cætus ille hominum est, qui malos omnes excluferit? Et ubi vir ille tam sanctus est, in quo nihil sit quod jure reprehendere possis? quod prandium, quæ cœna est, cui non suum misceatur acetum? Edo satis & impleo me? gravor, jamque cuperem parcius edisse. Substringo appetentiam, & tempero? jam gula in cruce est. Ita semper liberalibus proximus hæret dies Cinerum, & Paschati parasceue. Honoris templo proximum est laboris: ex hoc in illud transi-
tur. Sic ubi uber, ibi tuber; ubi mel,
ibi fel,

Dicun-

14 GYMNAS. PATIENT.

Dicuntur Iove iudice ligatæ Voluptas & Dolor, neque illa huic, neque hic illi in ullo cessurus videbatur: Ad quos Iupiter: Bene est, inquit, ita componam vos, ut dirimi nequeatis. Et adamantino vinculo colligavit diffidentes. Inde nunquam non simul sunt. Quid miramur?

Semper odoriferis proxima spina rosas.

Lips.
l. i. de
Const.
15.

Quocunque oculos convertas, mel felle temperatum reperies, nec quidquam adeo purum est ab omni fæce. Ingenium hoc omnibus creatis est, ut insita quadam vi ad mutationem ferantur & casum. Vt ferro consumens quædam rubigo per naturam agnata est; ligno exedens caries aut teredo: sic animalibus, oppidis, regnis internæ & suæ causæ pereundi. Supera, infera respice: grandia, parva: manu facta, aut mente: ab omni ævo corruunt; & corruent in omne ævum. Atque ut flumina ad mare feruntur, perpeti & prono cursu: sic res omnes humanæ per hunc (ut sic dicam) cladium canalem labuntur ad suam metam. Meta ea mors, & interitus, quibus pestis, bella, cædes administri & instrumenta sunt.

Quid ergo sibi vult impatientia nostra? Triumphos ante victoriam? lautissimam mensam ante labores? Quis servum ferat, qui domum rediens ex agro, conqueratur triclinium nondum stratum, nondum illatas epulas? Tu bone
vir

vir sterne, tu epulas infer. Ita paterfamilias jubet: Præcinge te, & ministra mihi, post hæc tu manducabis, & bibes. Est tempus spargendi ac seminandi, erit etiam tempus colligendi. Illud præcedit istud. Qui seminant in lacrimis, in exultatione emetent: Euntes ibant & flebant, mittentes semina sua, venientes autem venient cum exultatione portantes manipulos suos. Ad rem Chrysostomus: Quemadmodum, inquit, semina opus habent imbribus, ita nos etiam lacrimis: & quemadmodum terra opus habet ut aretur & proscindatur, ita anima fidelis, pro ligone indiget tentationibus & afflictionibus, ne producat malas herbas, ut ejus molliatur durities, ne nimium efferatur & exiliat. Oportet nos prius laborare, & tunc animi remissionem & otium quærere. In Orbe hoc labor & afflictio est, in cælo quies & feriæ sequentur. Cælum affectas, & de corporis quiete cogitas? Eundem audi Chrysostomum, qui non inmerito nostram nobis segnitiam sic exprobrat: Quid dicis, ô homo, quid agis? cælum paras ascendere, & regnum cæli invadere: & interrogas, ne qua tibi difficultas occurrat in itinere, ne quid asperum tibi in via accidat aut laboriosum, & non erubescis? non pudore oppressus sub terra temetipsum defodis?

Quicquid agas, ad cælum non evades,

Luc.

c. 12.

v. 37.

Psal.

125.

vers. 6.

Chryf.

tom. 1.

in psal.

125.

michi p.

981.

16 GYMNAS. PATIENT.

Vita des, nisi probe contusus. Vir ille religio-
Alva- fiffimus vere dixit: Regnum cælorum
restit. e. est regnum tentatorum, afflictorum,
 40. contemptorum, & varie detruncato-
 S. I. rum. Quomodo audebis tu timide, inter
 tot decantatos duces comparere? Deus
 vult te scire, pretiosum esse bonum
 quod quærimus, pro quo consequendo
 hæc toleramus.

Dent. Gens Hebræa in terras uberes illas
cap. 2. transitura, Schon regem Hesebon his
v. 27. precibus convenit: Transibimus per ter-
 28. ram tuam, publica gradiemur via: non
 declinabimus neque ad dextram, neque
 ad sinistram. Alimenta pretio vende
 nobis ut vescamur; aquam pecunia tri-
 bue, & sic bibemus. Non annuit rex: ita-
 que vi fuit aperienda via. Cuperemus
 & nos transire ad cælum sine turbis &
 hostibus; & multorum votum est, ne-
 minem lædere, modo nec ipsi lædantur.
 Frustra sumus. Non admittit cælum tam
 effeminate pavidos, & qui hoc unum
 fatagant, NIHIL PATI.

Ergo quod prisci cum laude usurpa-
 runt: *Nulla dies sine linea*: Imitemur &
 nos, dicamusque: *Nulla dies sine nubecu-
 la*. Lux nulla transeat, qua non aliquid
 strenue agamus, aut fortiter patiamur
Act. 14. pro Christo. Quoniam per multas tri-
 21. bulationes oportet nos intrare in re-
 gnum Dei. Per multas omnino, per plu-
 rimas. Nec fere quidquam in Orbe di-
 gnioris admirationis est, quam homo
 forti-

fortiter miser, & obfirmatæ mentis ad tolerandum. Et ecce nunc tempus acceptabile, ecce nunc dies salutis. Primus in Patientiæ gymnasio profectus est, scire, neminem nisi plurima patiendo proficere.

C A P V T I I.

Quare discipuli in hoc gymnasio tam duriter, & aspere habeantur.

MOtu & agitatione plurima conservantur, alioqui peritura. Frumentum nisi ventiletur, corrumpitur; non raro cum situm ducit, alas acquirit, & evolat. Vestis perpetuo ci-
Horat. lib. 2. serm.
 starum exilio damnata tineis fit epulum.
 Ferrum si nullo teratur usu, rubigine detritur, & vires perdit. Vites nisi putentur, in silvam degenerant. Vvæ nisi torculari premantur, putrescunt. Centena-
3. Stragula vestis, blattarum ac tinearum e-
pula, putre-
 talia capimus, nec fidem negamus experientiæ. Nihilominus miramur, & ægre ferimus, homines à Deo tot tamque variis calamitatibus exerceri & agitari.
scit in arca.
 Diximus priori capite, sic oportere fieri: Nunc porro dicemus, sic optime fieri.

I. Cur suos DEVS non in paradiso, sed è cruce in paradisum transferre decreverit, sexcentas causas est assignare. Hic ego ipsam inter homines consuetudinem interrogo: Si quis inhonestæ domus odium non concipiat à plagis, aut inde per scalas præcipitatus, multo minus domum illam detestabitur, si pro-
 gra-

18 GYMNAS. PATIENT.

gratissimo hospite in ea habeatur: Ita prorsus si paullo nobis suavius esset in hoc Orbe, cælestes delicias vix ullus ambiret. Millesimus quisque diceret: Bene mihi est, quid ultra cupiam voluptates incertas? Hic plurimorum sensus foret: opibus & voluptatibus suis e-brii, nausearent cælum, velut boves è suo prato saturi, ibi procumbunt ubi pascuntur. Ideo felle miscenda erant omnia, ne mel Mundi pro summis delitiis haberetur. Cur, oro, Hebræi tam inimicam experti sunt Ægyptum? si quidem immitissimi erant præfecti, labor geminatus, flagella perpetuo intentata, & insuper necandi erant eorum parvuli. Quid voluit his DEVS? Ægypti & universæ idololatriæ ingens apud suos tædium & odium conciliare. Eo spectabant Mosis exhortationes ad terras fertilissimas desiderandas. Eo permissus sævire Pharaos, ut populus Hebræus, odio tam ferocis domini aliam sibi patriam indagaret.

Greg. Pulchre dixit Gregorius: Pio Dei con-
lib. 23. filio agitur, ut hujus peregrinationis
mor. tempore electorum vita turbetur. Via
c. 15. est vita præsens, qua ad patriam tendi-
post. mus: & idcirco hîc occulto judicio fre-
med. quenti perturbatione conterimur, ne
 viam pro patria diligamus. Viator, præ-
 fertim lentus ac deses in amœnis pra-
 tis, sub umbrosis arboribus, in opacis
 nemoribus facillime detineri se patitur:
 usque

usque & usque moras nequit; modo hinc,
modo illic seffitat, dum diem amittit.
Addit Gregorius: Electis ergo suis ad *Greg.*
se pergentibus Dominus hujus mundi *l. 23.*
iter asperum facit: ne dum quisque *mor.*
præsentis vitæ requie, quasi amœnitate *c. 15.*
viæ pascitur, magis eum diu pergere, *post-*
quam citius pervenire delectet: ne dum *med.*
oblectatur in via, obliviscatur quod de-
siderabat in patria.

Quemadmodum vero divinum amo-
rem acuit, vel primoribus labris gustas-
se, quam suavis sit Dominus; ita pror-
sus delibasse nonnihil quanta rerum
fluxarum sit amarities, in earundem o-
dium non leviter impellet. Atque hoc
agit afflictio; absinthium Mundi liban-
dum porrigit; spinas pedibus substernit,
ut ad concitatus eundem impellat. E- *Aug.*
legantur Augustinus: O infelicitas, in- *tom.*
quit, generis humani! Amarum est *10.*
Mundus, & diligitur; putas, si dulcis es- *serm.*
set, qualiter amaretur? Turbatur, & ta- *3. de*
men amatur: quid si tranquillus esset? *Temp.*
Flores Mundi quomodo colligeres, qui *circa*
à spinis non revocas manum? *med.*

Ejusdem animi Chrysostomus: Si, ait, *Chrys.*
cum nos undique tristitia circumeunt, *hom. 6.*
tam libenter præsentis vitæ immoramur, *ad pop.*
si nihil horum esset, quando unquam *Antio.*
futura desideraremus? Adeo cæco nostri
amore furimus, ut pro fanitate phar-
macum, pro termino viam, pro condi-
tore res conditas amemus. Hinc DEVS

20 GYMNAS PATIENT.

pæne cogitur calices ingerere amariores, ne poscam & absinthium pro nectare bibamus, & ne cælo præferamus terram.

II. Aureus ille, quē dixi, orator Chrysostomus, decem rationibus illud egregie adstruit, *Vtile esse affligi*. Qua in re illud pensiculatus hîc cogitandum, ab intelligentia humana nec tenuissimam quidem umbram divinæ Majestatis capi: Reges nobis & Cæsares imaginamur, cum DEVM cogitamus. Ah, quam viles, quam & pueriles sunt vel sublimissimæ cogitationes nostræ. Atque hinc varius error. Sapientiæ vox est:

Sap. DEVS tentavit eos, & invenit illos dignos se. Adeo immensa Dei Majestas
cap. 3. est, ut divino aspectu nemo dignus haberi possit, nisi calamitatibus variis exercitissimus, velut generosus & fortis athleta, cui præmium non debetur, nisi post certamina. Ad rem dixit Nice-
vers. 5. tas Choniates: Is solum miser est, qui in afflictione constitutus nimium tristatur, & Deo non se dignum præbet.

Gen. Isaacus senio jam pæne cæcus, ut filium attactu exploret: Accede ad me,
cap. 27. inquit, ut tangam te fili mi, & probem utrum tu sis filius meus. Vix aliter Deus: Tangendus es, mi fili; calidas quidem manus habeo, & urunt, sed si filius meus es, patieris te tangi. qui uri non vult, meus non est, me indignus est. V-
v. 21. nigenam filium meum in crucem agi
pas-

passus sum, & inveni eum dignum me;
 nec fere mitius egi cum Matre Virgine,
 in cujus pectore gladium doloris defi-
 xi, plurimis annis inhæsurum, & inveni
 eam dignam me; nec certe hæcenus
 mihi amicissimos aliter tractavi, & in-
 veni eos me dignos. Et quid tu jam,
 eximi vis hoc numero, & esse singula-
 ris? Si exceptus es à supplicio flagello-
 rum, deletus es è numero filiorum. Sic
 ego filios meos exerceo, sic exercendo,
 etiam honoro. Opulentior certe fuit &
 honoratior Ioseph in exilio, quam in
 paterna domo. Ezechiel captivorum
 medius, cælestibus ostentis exhilaratus
 est. Tribus Hebræis juvenibus nunquā
 suavius fuit, quam in flammæ erga-
 stulo: nihil eis unquam honorificentius
 contigit, quam in mediis ignibus habe-
 re socium aspectabilem angelum. Quis-
 quis igitur inter Dei filios vult nume-
 rari, generosis vocibus se talem mon-
 stret; dicat impavidus: Affligor, sed
 patienter: bene est. Torqueor, sed pro
 Christo libenter: dulce est. Calumniis
 & falsis accusationibus obruor, sed pro
 Deo hilariter: recte est. Vincior & u-
 ror, sed pro cælo fortiter: optabile est.
 non quod ignis me non urat, sed quod
 non vincat. Malo me Deus in castris
 suis, quam in delitiis hîc habeat. Scio:
 mactandus vitulus ad pascua liber di-
 mittitur, servandus iugo premitur. Ca-
 stigās castigabit me Dominus, & morti

Psal.

117.

22 GYMNAS. PATIENT.

non tradet me. Ita sentire, ita & loqui decet Christianum athletam.

III. Atque ut hæc probius capiamus, ita ratiocinamur: Supremum elementum ignis tantæ nobilitatis, sed & roboris tanti est, ut quicquid comprehendit ac suum facit, pannum, corium, ligna, ipsos etiam filices redigat in cineres. perinde si dicat: ea mihi est innata generositas, ut hæc viliora omnia in gremium meum non admittam, neque enim invenio illa me digna: sed da argentum, da aurum metallorum nobilissima, his non noceo, hæc gremio meo dignor, hæc purgo, & nitidiora reddo, ista scilicet invenio me digna. Itane ignis tam inter res creatas eminent, ut in amplexum non recipiat nisi se dignissima: quid de Deo sentiemus? Mala-

Mal. chias admirabundus: Quis poterit co-
cap. 3. gitare, inquit, diem adventus ejus, &
vers. 2. quis stabit ad videndum eum? ipse e-
et 3. nim quasi ignis conflans, & emundans
 argentum, & colabit eos quasi aurum
 & quasi argentum. *Sedebit conflans*, ne-
 que enim levi brachio, & obiter, sed
 accurate argentum atque aurum in pri-
 stinos nitores recoquet; Tentabit sci-
 licet eos, & inveniet illos dignos se.

Hoc DEVS triplici fine agit. Nam quos affligit, hos aut castigat & punit, aut corrigit & emendat, aut denique remuneratur & coronat. Primum quid miramur, à Deo quotidie puniri nos &

cor-

corripi ? quotidie delinquimus : septies *Prov.*
 enim indie cadet justus. Qua in re *c. 24.*
 Deus humanam industriam imitatur, *v. 16.*
 hæc ubi æs alienum conflare refugit,
 omne nomen præsentis moneta expedit:
 ita Deus quotidianas noxas, miseriis
 quotidianis expiat. Et hoc magni favo- *I. Cor.*
 ris est. Nam dum judicamur, à Domino *II. v.*
 corripimur, ut non cum hoc Mundo *32.*
 damnemur. Hebræus rex David : Prius *Psal.*
 quam, ait, humiliarer, ego deliqui. Vbi *118.*
 noxa, ibi pœna. *v. 66*

Alter Dei finis est cum afflictione
 nos docet & corrigit. Seipsum, cur-
 tamque suppellectilem suam nosse, maxi-
 mæ felicitatis est. Atqui notitiam hanc
 inter adversa commodissime docemur.
 Gregorius dilucide : Dum exterius, in- *Greg.*
 quit, percutimur, ad peccatorum no- *part. 3.*
 strorum memoriam taciti afflictique *pastor.*
 revocamur, & per hoc quod foris pati- *admon.*
 mur, magis intrus quod fecimus, dole- *13. si-*
 mus. Gigas ille Goliathus in duello ce- *ne.*
 cidit, lapillo dejectus, quia se invincibi-
 lem credidit. Petrus promissis animo-
 sissimus paratum se ajebat & carceres
 & mortem pro Domino tolerare. Ergo
 adsis, mi Petre, & sesqui horula excu-
 bias age. Ah, qualis excubitor ! vix à
 statione dux abiit, & miles hic stertere
 cœpit. O vigilum Præfectum ! in ex-
 cubiis dormit, dein fugit & stationem
 deserit, ad ancillulæ vocem arma proj-
 cit, & militem se negat capti ducis. Sed

24 GYMNAS PATIENT.

Aug. in ps. 60. hac ratione Petrus se nosse didicit. Augustino teste, Profectus noster per tentationem fit, nec quisquam sibi innotescit, nisi tentatus. Ignem in saxi venis latere quis sciret, nisi eum chalybe proliceret?

Greg. prefatione in Iob. c. 5. med. & lib. 20. moral. c. 20. Post med. Iacobi cap. I. v. 12. Demum, coronat etiam Deus affligendo. Gregorius id observans: Cum innoxius, inquit, flagello atteritur, ei per patientiam, meritorum summa cumulatur. Electorum anima nunc marcescit, quia in illa postmodum æterna exultatione viridescit. modo eos dies afflictionis possident, quia dies lætitiæ post sequuntur. Hoc ipsum divinus præco pronuntiat: Beatus vir qui suffert tentationem, quoniam cum probatus fuerit, accipiet coronam vitæ. Neque ideo tantum affligimur, ut futuris præmiis paremur, sed ipsa quandoque afflictio præmium est.

Iustus Lipsius, sol ævi nostri, & quod de Plinio ferebatur, eruditionis facile princeps, ita Musas coluit, ut pietatem non tantum non neglexerit, sed Musis eam omnibus prætulit. Annis compluribus octavo quoque die apud Leonardum Lessium Societatis Iesu theologum conscientiae nævos absterfit, tenuitque constanter quam cœpit integerrimam vivendi rationem. Quid præmii à Deo accepit? Hoc ipsum quod nos supplicium nominamus. Habuit Lipsius bibliothecam undequaue lectissimam, quæ

quæ librorum florem possideret. Nam ex omnibus Orbis partibus, quicquid rarioris aut venustioris litteraturæ pretio & precibus nancisci potuit, in hoc gazophylacium redegit. Sic optimorum voluminum thesaurus ingens, & contra omne aurum æstimandus in unam domum confluit. Nec habuit Lipsius extracælum quod ardentius amaret quam litterarias has delitias. Dixisses cor omne Lipsii in bibliotheca illa altissime sepultum. Sed ô fatum, Deus, acerbum! Quod maxima cura, quod annis pluribus studiosissime congestum est, id omne subitus ignis unica rapina abstulit. Heu, dolor! Maluisset, credo, Lipsius se ipsum perdere, quam hæc sua longe sibi charissima. Sed hic Dei mos est, hæc illius sunt præmia, quibus virtutem in hoc Orbe remuneratur. Atq; hoc etiam favor interpretandus est. Sic Deus cum amicissimis agit: aut enim quod illis charissimum est aufert, aut quod innumeris precibus postulatum est negat. Est subinde, qui velut Deo persuasurus, ne suas sibi delitias auferat: O domine, inquit, afflige me prout vis, hoc solum quod postulo, concede; aut hoc unum quod sic amo, non eripe. Surdus est hîc Deus; charissima tollit, desideratissima non concedit, atque sic ipsum cor hominis configit. Et hæc gratia, hoc Dei præmium est. Sic Angelus Tobiam solatus: Quia, inquit, acceptus eras Deo, *c. 12.*

26 GYMNAS. PATIENT.

necesse fuit ut tentatio probaret te. Perinde si dixisset: Vbi virtus, ibi & virtutis præmium afflictio. Afflictus est, quisquis Deo charus est.

I V. At subinde Deus calamitates im-
mittit, non ut noxas puniat, aut erran-
tes corrigat, nec ut virtutem erigat, sed
ut potentiam suam ostendat. De cæco
Ioan. aperte Servator: Neque hic peccavit,
cap. 9. neque parentes ejus, inquit, sed ut ma-
verf. 3. nifestentur opera Dei in illò. Qua hoc
æquitate, dixerit aliquis: an fas esse
censeam, alterum spoliare, ut me ve-
stiam? Respondemus, Ius duplex statui;
jus strictum, rigidum, summum, Theo-
logis *Condignum* dicitur: & jus mitiga-
tum, cum quid bona fide decernitur.
*Sint igitur omnes homines Hieremiæ,
Danieles, Baptistæ, moribus integerri-
mis, nihilominus Deus jure stricto pu-
nire hos potest, quandoquidem noxa
primigenia, & inhærentis peccati con-
tagio præcessit, quæ quidem miseriarum
Rom. omnium scaturigo est. Per unum homi-
cap. 5. nem peccatum in hunc mundum in-
v. 12. travit, & per peccatum Mors: sed non
sola; comites ea habuit calamitates in-
numeras. Igitur post præmissam labem
nativam potest Deus æquissime, &
omni-

*Trewlich vnd ohngefährlich.

† Prescindendo à presenti Dei decreto, & absolute loquendo,
non de pœna culpæ, sed de pœnalitatibus, ut distinguunt
Theologi. Vide Vasquez tom. 2. in 3. partem S. Thomæ
quæst. 69. disput. 156. de Baptismo cap. 3.

omnibus juris apicibus servatis, vel innocentissimos quibuscunque suppliciis non æternantibus (*de Condigno*) afficere. Hinc & infantum plurimi morbis ac morte puniuntur. Quanto autem jam magis puniendi sumus, cum naturæ crimen nostris sceleribus augemus? Deinde, si puniat Deus subtrahendo ea quæ alioqui solitus est concedere, victum, valetudinem, facultates, & si quis hæc talia sibi adempta conqueratur, justissime Deus responderit: Nihil tibi debeo. quod hætenus dederim, tu merissimam interpretare gratiam: dona mea sunt gratuita. Nunc illa subtraho, ut sciās à me fuisse, nec me tibi quidquam obligatum. Hætenus in te liberalis fui; si nolim esse amplius, qua lege contra me ages? An non licet mihi quod volo, facere? Amice non facio tibi injuriam: *Matt. c. 20. v. 15* tolle quod tuum est, & vade. Hanc nuntius æquitatem Augustinus explicans: Subtrahit nobis aliquando, inquit, quæ *Aug. tom. 8. in ps. 62.* necessaria sunt, & atterit nos: ut sciamus, quia pater & dominus est, non solum blandiens, sed & flagellans. Et quis *mihi pag. 260.* injuriolam vel levissimam hîc objecerit? Principis arbitrium est, huic equum, huic torquem, huic præfecturam, huic ^{2.} nihil donare. Sed esto debeantur nobis vitæ necessaria, nihil tamen injuriæ inferretur, si ea Deus ob solum Majestatis suæ honorem adimeret. quid querimus, subditi sumus, & ab opere * clientelæ

* **Scharwerck.** C 5 nequa-

28 GYMNAS. PATIENT.

Psal. nequaquam immunes. Illos solum exi-
72. mios dixeris , qui in labore hominum
vers.5. non sunt, nec cum hominibus flagella-
 buntur.

Nec nescimus, vitam chariorem esse
Iob. valetudine, pecuniis , honore : Cuncta
cap. 2. quæ habet homo dabit pro anima sua.
vers.4. Atqui Martyres testando in Christum a-
 mori , vitam impendebant alacerrime ;
 & nos eandem ob causam minora ne-
 gabimus ? Deinde , quod hoc genus est
 injuriæ, si cui depexum ac defloccatum
 palliolum adimatur , & detur novum
 atque melius ? non nisi insanus relucta-
 bitur. nec minus fatuus sit qui pileum
 tribolarem sic æstimet, ut quinquagin-
 ta pro eo philippeos respuat. Deus va-
 letudinem, opes , dignitatem eripit, ut
 tanto plus reddat gratiæ , plus gloriæ.
 quid hoc injuriæ ? Ea de causa beatus
Iac. 1. Iacobus hortatur: Omne gaudiū existi-
2. mate, fratres mei, si in tentationes varias
 incideritis. Optima commutatio, res flu-
 xas æternis commutare.

Ignatius Antiochenus præsul eo ar-
 debat patiendi desiderio, ut animose di-
 xerit : Ignis, crux, bestię , ossium con-
 fractio, membrorum divisio , & totius
 corporis contritio , & tota tormenta
Clim. diaboli in me veniant , tantum Christo
gradu. fruar. Nempe res maximi quæstus est, sic
4. ante jacturam facere,

med Refert Ioannes Climacus rem mi-
mihi ram in monasterio à se suis & oculis &
pag. auribus
57.

auribus observatam. Erat illius monasterii œconomus vir modesti prorsus mitisque ingenii, ut quis alius. In hunc cœnobii pater gravissime invecus, eum velut ceterorum consortio indignum è templo iussit ejici. Climacus secreto alloquio abbatem conveniens, reprehensum hominis innocentiam impensius commendare cœpit. Cui abbas prudenter: Scio, ait, mi pater, œconomum nostrum virum esse religiosum ac probum, neque hæcenus id unquam commississe, quod tam mordaci aceto sit eluendum. Sed nosti, neminem nisi crudelem & barbarum ex infantis ore aut manu panem rapere: ita & cœnobiarcham eum nec sibimet nec aliis æquum censeas, cui curæ non sit suos singulis horis ad auctius in cælo præmium obtinendum evehere, quacunque demum id fiat ratione, sive reprehensionibus, seu contumeliis, sive ludibriis, seu accusationibus. Virtus adversis agitata crescit; vulnere virescit; inter injurias erigitur; inter miseras floret; Virtus sine adversario marcet. Religiosus ergo Præses, qui horum negligens est, hos quidem tolerantiae præmio privat, illis autem exemplum patientiae subtrahit, istis denique ansam præbet superbiendi, cum illis desit exercitium tuendæ modestiæ; uti terris etiam fertilissimis infelix lolium innascitur, si cultura cesset, aut ros pluviaeque non rigent. Quod si cœnobiarcha

30 GYMNAS. PATIENT.

biarcha rite ac ordine facit, quando infontes etiam contumeliis exercet, cur amplissimi monasterii pater, Orbis gubernator Deus, qui Oceano & Cælo velut muris clausum continet monasterium suum; Cur hic, inquam, Magnus pater inique faciat, si filios suos fame, morbis, egestate, injuriis exerceat? Optima ratiocinatio. Et certe Virtus sine adversario marcet. Vel hoc Quinti Metelli tum gravis, tum etiam alta in senatu sententia commonstret. Metellus devicta Carthagine, in frequenti senatu: Nescire se, ajebat, bonine plus an mali Reipublicæ attulisset illa victoria. quoniam ut pacem restituendo profuisset, ita Hannibalem submovendo, non nihil nocuisset. Ejus enim transitu in Italiam, dormientem populi Romani virtutem excitatam dicebat: metuique debere, ne acri æmulo liberata, in eundem somnum revolveretur. In æquo igitur malorum posuit uri tecta, vastari agros, exhaustiri ærarium; & prisca roboris hebetari nervos.

Valer.
l. 7.
c. 2.
post.
init.

En oraculum longe certissimum: Virtus sine adversario marcet: sine cruce dormitat Patientia. Ergo salve ô pretiosa crux, quæ noxarum rubiginem detergis, quæ speculum opponis, ut nos ipsos discamus nosse, quæ in theatrum producis ad exhibendum patientiæ specimen, quæ coronas non navales, non obsidionales, non civicas, non murales,

Beati
And.
voces.

rales, non castrenses, sed cælestes porrigis, quæ ad omnigenam nos virtutem erudis, quæ deducis ad Deum. O ergo Domine hîc punge, hîc ure, hîc seca, hîc lacera ut in æternum parcas. Atque ubi deinceps amarior nobis calix ingeretur, quæreturque : Potestis bibere calicem? Animose respondebimus : Possumus, *Matt. c. 20.* possumus; divinis freti viribus, non *v. 22.* nostris. Neque vero major est servus *Ioan. c. 15.* Domino suo. Si Ioab dux belli sub pel- *v. 15.* libus degat, turpe prorsus erit Vriam *2. Reg. c. 11.* domi suæ molli lectulo decumbere. Turpissimum, sub capite cruento & spi- *v. 11.* nis redimito, membra delicata, rosis & armillis decorata cinnamomum & balsamum olere.

Nostrum igitur est, exacte scire, Deo sexcentas esse causas, cur discipulos suos in schola sua exagitet, curis fatiget, doloribus premat, & prorsus aspere tractet. His plagis ad beatam immortalitatem erudimur : hac itur ad vitam sempiternam. Non itaque, ait *Aug. tom. 10. de verbis Dom. serm. 23. cap. 3.* Augustinus, in flagello deficiamus, ut in Resurrectione gaudeamus.

C A P V T III.

Cur discipulorum aliqui plus aliis in hoc gymnasio vexentur.

Vetus discipulorum in scholis, & civium in urbibus querela est, alios plus aliis exagitari; his plurimum indulgeri, nihil illis; corvos dimitti, cen-
furis

32 GYMNAS. PATIENT.

furis columbulas vexari. Non rite hoc fieri ; civibus æquali jure vivendum esse videri, cum tamen immorigeri, contumaces, ac refractarii plerumque plus favoris obtineant & præmii, quam optimus quisque. Non pauci hac de re cōquesti sunt, & quidem sanctissimi viri.

Hier. Hieremias yates : Quare, inquit, via impiorum prosperatur ? bene est omnibus
c. 12. qui prævaricantur, & inique agunt. Io-
vers. 1. bus de eodem conquestus : Quare, ait,
Iob. c. 21. impii vivunt ? sublevati sunt, confortati-
vers. 7. que divitiis. His non minus queritur
Habac. propheta Habacuc, dum propemodum
cap. 1. expostulat, hoc modo : Quare respicis
vers. 3. contemptores, & taces conculcante
Psal. impio justiorē se ? Sanctissimus rex Da-
72. vid in has ipsas querelas devolutus :
vers. 3. Mei autem pæne moti sunt pedes, in-
quit, pæne effusi sunt gressus mei, quia
Zelavi super iniquos, pacem peccato-
rum videns. Et dixi ; ergo fine caussa
justificavi cor meum. Frustra virtutem
colimus, si nequitia virtute sit poten-
tior, si amplioribus præmiis ornetur
vitium quam virtus.

Quisquis es, oculos in Orbem emit-
te, & videbis eos hīc illic mori à quo-
tum incolumitate plurimorum salus
vertebatur ; eos porro superstites vive-
re, quos nunquam nasci, melius fuisset
cernes sanissimos rapere ac latrocinari :
eos qui neminem lædunt, misere consi-
derari morbis : non paucos improbissi-
morum

morum emergere ad dignitatum apices, honestissimum quemque cum dura egestate luctari. Quis hæc satis miretur? quis non etiam indigneretur, passim florere Vitium, virtutem laudari, & algerere? Ipse Augustinus : Nescimus, inquit, quo judicio Dei bonus ille sit pauper, *Aug. lib. 20. de civ. cap. 2.* malus ille sit dives. Hunc jam scopulum, ad quem impeerunt tot integerrimi viri, amolieretur è via. Huic igitur quaestioni respondendum : Cur in gymnasio patientiæ dociliores & modestiores laboribus urgeantur gravioribus, & plerumque durius asperiusque tractentur, hoc est, Cur sæpe bonis male fit, & malis bene.

I. Humanæ rationi difficile videtur captu, *Viam impiorum adeo prosperari*. Si quis innocens Abel in Adami familia, occiditur; si quis in ædibus Iacob obsequens Iosephus, in foveam dejicitur, exteris venditur, in carcerem detruditur; si quis fervidus Elias, in exilium pellitur, fame cruciatur; si quis pius Daniel, ad leones damnatur; si quis patiens Iobus, à diabolo flagellatur; si quis sceleris purus Baptista, in Herodis vincula trahitur; si quis ardens amore Petrus, ad Neronis gladium rapitur. Evolve sacra oracula à primo Geneseos ad ultimum Apocalypseos caput, nil pæne crebrius spectabis, quam proborum calamitates. Ite, mortales, per cuncta retro sæcula, sacram profanamque historiam

34 GYMNAS. PATIENT.

historiam omnem peruestigare, nusquam
 non lacrimas sanctorum hominum de-
 prehensuri. Athenis Sapiens Socrates,
 Phocion Bonus, Aristides Iustus, Mil-
 tiades Victor indigna patiuntur : Ari-
 stides exilio, alii morte puniti. Idem
 Romæ M. Cato sapientis viri exemplar,
 virtutum viva imago trahitur, vellica-
 tur, truditur, spuris obruitur, prætura &
 toga ei detrahitur, è senatu in carce-
 rem ducitur, & uti Socrates, in carcere
 mori cogitur; Rutilius & Camillus in
 exilio vivere; Pompejus & Cicero
 clientibus suis cervicem præbere ju-
 bentur. Bonorum exitus sæpe mali, sæ-
 pe pessimi. Ecquis virtutem colat, si tam
 iniqua sunt virtutis præmia? In vinculis
 gemit Ioannes Baptista, Herodes inter
 delitias tripudiat. Lazarus fame mori-
 tur, opulentus ille Lazari carnifex in
 purpura quot diebus splendide epula-
 tur. Multæ tribulationes iustorum, mul-
 tæ prorsus, multæ. Quid hîc Deus? an
 dormitat, an dissimulat? qui omnes ca-
 pitis pilos, omnes aëris passerculos, om-
 nia cujuscunque arboris folia habet
 numerata, nec ullum ipso non annuen-
 te in terram defluit: hæne tot injurias
 spectare potest & tolerare? Quomodo
 scit Deus, & si est scientia in excelsis?
 Hic ille scopulus est tot male trepidan-
 tium diffidentia infamis.

O mortales, nec rerum ignarus, nec
 injustus est Deus, Sapientissime, justis-
 time

sine rerum vices in Orbe mutantur,*ut
 primi fiant novissimi, & novissimi pri-
 mi,ut insontes puniantur, & dimittan-
 tur fontes. Hæc modo Saturnalia vivi-
 mus,improbi vigent, florent; probi ja-
 cent, gemunt, dolentque; domini ser-
 viunt,servi dominantur.Sed hoc quant-
 illo tempore? Aliud decernet Æterni-
 tas. Nunc illi meliori vitæ præludimus.
 Ne miremur in hoc lusu omnia susque
 deque verti, Virtutem premi catenatis
 laboribus,vitium delicato frui otio. Ni-
 hil in terra sine causa fit.Aliquot caus-
 farum pandimus.

ut
 vices
 w p r e
 om

Iob.
 cap. 5.
 v. 6.
 Rom.
 c. 8.
 v. 29.

II. Prima: *Conformitas cum Christo*. Nam
 quos præscivit; & prædestinavit con-
 formes fieri imaginis filii sui. Filium
 Deus ad nos misit: sed quam ille nobis,
 obsecro,imaginem sui exhibuit? Homi-
 nis contemptissimi,calamitosissimi, in
 crucem acti.En tibi,ô homo, quam æ-
 muleris imaginem, cui conformis fias.
 Omnis vita Christi, crux fuit merissi-
 ma. Et quam tu tibi vitam fingis quie-
 tam, delitiis affluentem, voluptatibus
 refertam? Christo, antequam nascatur,
 natalitia domus monstratur stabulum;
 vix nascitur, & ad mortem quæritur:
 natus non eburneas argenteasve cunas,
 sed stramineum præsepe occupat. In-
 fantiam & juventutem inter labores &
 D. egesta-

*das hinder vor dem fordern die
 umkehrt Welt.

36 GYMNAS. PATIENT.

Ps. 78. egestatem exigit. Testis ipsemet: Pau-
v. 16. per sum ego, inquit, & in laboribus à
 juventute mea. Vbi concionari cœpit,
 contumelias, irrisiones, omnis generis
 injurias excepit; non defuerunt qui sa-
 xa tollerent ad eum lapidandum; qui
 ad montis jugum ducerent, ad eum
 præcipitandum. Denique, ad omnium
 injuriarum coronidem, in cruce mori-
 tut; in tumultu non suo sepelitur. Et
 quemadmodum pati cœpit Christus,
 antequam natus est, ita pati non desit,
Matt. postquam mortuus est. Post mortem,
c. 27. jam sepultus audit, *Seductor ille.* De se-
v. 63. ipso Christus verissime dixerit: In me
Psal. transierunt iræ tuæ, & omnes fluctus
87. tuos induxisti super me. Hanc Deus
vers. 8. imaginē filii proponit imitandā.* Hic in
 in palatinæ familiæ vestitu color est,
 hoc principis colore insigniri est, varie
Thom. affligi. Verissime dictum: Tota vita
de Christi crux fuit, & martyrium, & tu
Kemp. tibi quæris requiem & gaudium? Aca-
lib. 2. demiis quibusdam mos est, ut qui in
c. 12. domo sapientiæ degunt, unius sint ve-
v. 7. stitus: ita & Deus alumniis suis in gy-
 mnasio Patientiæ concolorem vult esse
 vestem; paribus cum filio insignibus
 vult eos amiciri; contemptu, irrisioni-
 bus, opprobriis, calumniis, calamitati-
 bus velut veste operit; Prædestinavit
 conformes fieri imaginis filii sui.

Altera

* *Liverey/oder/Hoffarb.*

Altera caussa : *Calamitas & afflictio ignavia stimulus est.* Plerique omnes laboris fugitantes, ad ferias & ad otium pronissimi sumus. Hinc quando cessant stimuli, in somnum ignavissimum delabimur, non sine noxa salutis nostræ. Vestem semper otiosam perrodunt tineæ. Agrum ab aratro semper vacantem obtexunt spinæ. Aquam perpetuo stagnantem incolunt ranæ & rubetæ. Hominem extra calamitatis metas positum enervant delitiæ, occupant vitia. Nimirum dum dormiunt homines, venit inimicus homo, & superfeminat Zizania. *Matt. c. 13. v. 25* Dum Samson sinum Dalilæ dormiendo implet, & capillos & robur omne amittit. Philistæi eum excitarunt, sed jam male attonsum & viribus destitutum. Scipio Nasica, illud Sapientiæ corculum, vel ideo deleri noluit Carthaginem, ut essent qui Romanos dormire prohiberent. Deus ipse Hethæos, Gergezæos, Amorrhæos, Chananæos, Perezæos, Hevæos & Iebusæos robustissimos hostes in medio Israelis statuit, ne Israel vitiis indormiret, haberetque perpetuam pugnandi ac vincendi materiam.

Eo tempore, quo David nondum proclamatus rex, ferarum latibula incolebat, nusquam ab insidiis securus, religioni sibi duxit, vel hostem capitalissimum Saulem attingere; parta tranquillitate, jamque inter delicias otiosus fide-

lissimum Vriam litterulis occidere non reformidavit.

Ecclesia nunquam florentior, quam cum afflictior inter cruces & gladios suorum martyrum pugnas & victorias spectavit. Eadem cujusque hominis ratio est; cum ab adversis quietus est, in somnum vergit, & vitia cogitat. profecto ni fodiamur, vellicemur, pungamur, in ignaviam defluimus; nisi aliquid intervenit, quod humanæ sortis admoneat, pæne perpetua ebrietate sopimur. Sed observa hîc mihi, quid quandoque in scholis faciat magister. Videt is duos suorum in diversis sedilibus dormientes, mox altum inclamans: Tu illic, inquit, dormientem puerum fodica, & somnum ei excute. Alterum dissimulat videre dormientem. Eccur non utrumque jubet excitari? In promptu causa est. Alter adolescens docilis ac disciplinæ capax, brevi jubebitur repetere prælecta, linguæ ac ingenii prompti, atque hac nota magistro charus: Ille alter Endymion, scholæ fucus est & merus stupor, nunquam fere taciturnus aut bonus, nisi cum dormit. Hunc talem neglectum præterit magister, eumque mavult dormire quam garrere, & cetero turbare: ita Deus dociliores ceteris sibi que commendatiores urget, excitat, exercet: flagellat omnem filium, quem recipit.

III. Tertia causa: *Augmentum fidei.*
Discen-

Discentem oportet credere. Elyfias beatorum sedes, æternos damnatorum rogos credimus, sed qua fide, obsecro, & quàm vivâ? oculus eo nequit pertinere, nec ulli è cælo aut inferis remeant, qui narrent quis illic rerum status sit. Hæc cogitatio non neminem torquet. Dixerunt enim cogitantes apud se non recte, non est qui agnitus sit reversus ab inferis. Enimvero utrumque illud firmissime credendum, nisi divinum Numen injustitiæ arguamus. Nam si Deus nec improbis supplicium, nec probis præmiū, quod ex pacto vult debere, inter has mortales moras tribuit, cetero loco meliore non differet virtutem liberalissime remunerari. Atqui constat virtutis præmium hîc plurimis negari, quos dura paupertas, quos morborum series, & agmina malorum cingunt. Sed nec improbis sua stat merces hoc vitæ curriculo, siquidem aura secunda navigant, ventosque habent faventissimos, cum tamen procellosissimas maris procellas essent meriti. Illorum itaque spes in dies augenda; hi vero metuant, quem oderunt, futurum judicem. Nemo revera gratis bonus est, nec malus gratis est ullus. Quando igitur nemo tam improbus est, quin subinde, veluti per oblivionem nequitiae, boni quid dicat faciatve, hoc quantumcunque est, præmio suo quasi ex temporaneo non destituitur. At suppli-

*Sap.
cap. 2.
vers. 1.*

40 GYMNAS. PATIENT.

Eccli. Etantia differuntur, non auferuntur: Al-
cap. 5. tissimus est patiens redditor. Quapro-
vers. 4. pter hęc fides animanda est, ut è pœnis
 istis ac præmiis brevioribus, altissime
 imbibat æternitatis & præmia, & sup-
 plicia.

Quarta caussa : *Intellectus illustratio.*
 Valde laborandum est magistro in
 scholis, ut pueri paullatim sapere discāt,
 & nuces abjicere; ut incipiant scire
 quam nihil sciant. Hoc ipsum in Pa-
Isai. tientię gymnasio laborat Deus, ut ve-
a. 28. xatio det intellectum.

v. 19. Sane quam miseri, quam & fragiles
 ac caduci simus, non satis capimus, dum
 ipsæ nobis miserię id persuadeant. Tan-
 to insuper nos ipsos amore deperimus,
 ut persuasissimum habeamus deesse no-
 bis vires ad multa perferenda. Sed testis
 in nos experientia, vel invitis oculis in-
 gerit, docetque quanta possimus, si veli-
 mus, pro Christo ferre. Ægrotorum plu-
 rimi ea patiuntur, quæ sani nunquam
 credidissent se pati posse. Sed & hoc
 patiando discimus, quam tenuis & exi-
 gua sit nostra patientia. Facile cuivis est
 patientem se gerere, cum quod patiatur
 non habet. Iessæus rex seipsum arguens:
Psal. Ego dixi, ait, in abundantia mea, non
29. movebor in æternum. Avertisti faciem
 tuam à me, & factus sum conturbatus.
v. 7. Tam imbellem ac timidum Petrus se
 nunquam credidisset, nisi tam miserabili
 lapsa

lapsu corruisset. In cœnaculo magnificas sparsit voces : Etsi oportuerit me mori tecum, non te negabo ; etsi omnes scandalizentur ; non ego. Sed paullo post qui esset didicit. Hanc ob causam Siracides hortatur : Fili in vita tenta a-

Ecclesi.
c. 37.
v. 30.
Idem.
c. 34.
vers. 9.
¶ II.

nimam tuam, & si fuerit nequam, non des illi potestatem. Qui non est tentatus quid scit ? Opus est ad notitiam sui experimento. Nemo sciet quid possis, ne tu quidem ipse, si nullam tibi difficili-
 or casus det occasionem. Quousque tubæ sonitus progrediatur, tunc sciri potest cum tuba inflatur. Piper integrum quam sit odoriferum, tunc sentitur cum teritur. Testudo aut chelys, quam correctas habeat fides, tunc cognoscitur, cum manus aut pecten admovetur. Quā patiens fuerit beatissima Domini Mater, in stabulo Bethlehemi, ex fuga in Ægyptum, sub cruce Hierosolymis patuit. Benjaminus & Stephanus sanctissimi anachoretæ quam & ipsi fuerint patientes, gravissimi eorum morbi pro testimonio dixerunt. Stephanus quidem cum putridos artus chirurgo secandos præberet, ipse interim ne quid temporis periret, manibus palmas contexit : tamque constanti ore sectiones omnes pertulit, perinde si corpus non suum secandum obtulisset. Cumque alii vel spectando dolores alienos sentirent, Stephanus iis : O filii, ait, quicquid Deus facit, ad bonum finem facit. Pa-

42 GYMNAS. PATIENT.

Idem. tiamur, & luctemur dum in stadio su-
Pall. mus. Melius est breviculo dolore corri-
c. 13. pi, quam suppliciis æternis involvi.
& He- Benjaminus, qui annis 80 ad virtutis a-
racid. mussum omnia egit, & quibuscunque
in suo morbis vel attactu solo mederi potuit,
Para- ipse miserandum in modum hydrope
difo intumuit. Ad hunc Dioscorus antistes
cap. 2. cum Euagrio & Palladio revisens: Ad-
fine. este, ajebat, & videte obsecro novum
 Iob, qui dolores incredibili condit pa-
 tientia, sed & gratias agit, quod ægro-
 tare sibi liceat. Quibus & ipse Benja-
 minus: Orate, inquit, filii, ne interior
 homo sit hydropicus. Corpus mihi non
 profuit, cum illi bene fuit; neque jam
 me lædit, cum tabescit.

IV. Quinta causa: *Maximum profectus*
& argumentum, & incitamentum est affli-
ctio. Præceptores in scholis plus operæ
 ab iis exigunt, de quibus amplior spes
 est eruditionis. Præclarissime Romanus
Sen. Sapiens hac de re differuit in hunc mo-
lib. de dum: Hos itaque Deus, quos probat,
provid. quos amat; indurat, recognoscit, exer-
cap. 4. cet. eos autem quibus indulgere vide-
 tur, quibus parcere; molles venturis
 malis servat. Erratis enim si quem ju-
 dicatis exceptum: veniet ad illum diu
 felicem sua portio. Quisquis videtur di-
 missus esse, dilatus est. Quare Deus o-
 ptimum quemque aut mala valetudine,
 aut aliis incommodis afficit? Quare in
 castris quoque periculosa fortissimis
 impe-

imperantur? Dux lectissimos mittit, qui nocturnis hostes aggrediantur infidiis, aut explorent iter, aut præsidium loco dejiciant. Nemo eorum qui exeunt, dicit, *Male de me Imperator meruit*: sed, *Bene judicavit*. Idem dicant quicunque jubentur pati timidis ignavisque flebilia: Digni visi sumus Deo, in quibus experiretur, quantum humana natura posset pati. Hanc itaque rationem Deus sequitur in bonis viris, quā in discipulis suis præceptores: qui plus laboris ab his exigunt, in quibus certior spes est. Nunquid tu invisos esse Lacedæmoniis liberos suos credis, quorum experiuntur indolem publice verberibus admotis? ipsi illos patres adhortantur, ut ictus flagellorum fortiter perferant, & laceros ac semianimes rogant, perseverent vulnera præbere vulneribus. Quid mirum, si dure generosos spiritus Deus tentat? nunquam virtutis molle documentum est. Verberat nos & lacerat calamitas? non est sævitia: certamen est. quo sæpius hoc adierimus, fortiores erimus. Quem diligit Dominus, castigat. Quo ^{Hebr. c. 12.} sensu Augustinus illustrissime: Boni ^{vers. 7.} laborant, inquit, quia flagellantur ut fiant ^{Aug. in ps.} lii; mali exultant, quia damnantur ut avertantur. Ergo ne timeas flagellari, sed timeas exheredari. 93.

Ægyptius rex Pharaon in Hebræos infans iniquissime decernens: Si, inquit, masculus fuerit, interficite illum. ^{Exod. cap. 1. v. 26.}

44 GYMNAS. PATIENT.

Origenes Manlianum hoc imperium sic exponit : Si rarum quemque videas, unum ex mille, ad dominum converti, & ea quæ æterna sunt quærere, odisse delitias, amare continentiam, &c. hunc quasi masculum necare cupit Pharaos, rex Tartari, mille adversus eum machinis pugnat. Itaque nemini mirum videatur; corvis dari veniam, censura vexari columbas, improbos felices, miseros esse virtutis cultores. Demetrii vox olim erat : Nihil mihi videtur infelicius eo, cui nihil unquam evenit adversi. Simili sensu dicebat Bias, infelicem eum qui infelicitatem non ferret.

Sen. lib. de provid. c. 3. Hæc sapientum effata Romanus Sapiens illustri testimonio firmans : Brevem, inquit, tibi formulam dabo, qua te metiaris, qua perfectum esse jam sentias : Bonum tunc habebis tuum, cum intelleges infelicissimos esse felices. Quis ergo Christiani sanguinis non miserum se judicet, eo ipso quod rarius sit miser. *Sen. epist. 124. & hoc omnium epistolarum clausula est.* Sexcetas hujus rei causas est assignare. V. Sed esto nullam indagare causam possimus, cur jure miseri simus; nihilominus nec verbulo pugnandum est contra magistri imperium. An non scholarum morem novimus? Si præceptor è cathedra clamet: I, puer, virgis te para; jam adero. At vero discipulus contra mutire audeat, dicatque : *Quare domine præceptor? quid feci?* Mox opponet magister : Quid tu nequissime? etiam interrogas,

rogas, cur pœnas des? I, cito, culpam quam interrogando geminasti, geminato lues supplicio. Optime Salvianus, & *Salv.* velut ludimagistri loco: Quid me inter- *l. 3. de* rogas, inquit, quare alter major, alter *Pro-* minor; alter miser, alter beatus? caus- *vid.* sam Dei nescio, sed ad plenissimam rationem abunde sufficit, quod à Deo agi ista demonstro. Ita satis fit pro universis rationibus, pœnarum omniũ & calamitatum auctorem esse Deum. Ita vult *De quo* sapientissimus ludi hujus moderator, *part.* quid nos miselli contra hiscimus? *2. c. 6.*

Sionis rex David aliqua hñc curiositate ductus, putabat arcani tam abditi reperturum se causas: Existimabam, inquit, ut cognoscerem hoc; labor est ante me. Ergo abi curiosa cogitatio: Si, dice- *Psal.* bam, narrabo sic, ecce nationem filio- *72.* rum tuorum reprobavi: Abelem, Noë- *v. 16.* mum, Abrahamum, Isaacum, & Deo charissimos quosque graviter accusem, si dicam eos à Deo desertos, quandoquidem constat esse flagellatos, aut si judicem illos frustra studuisse virtuti. Quid igitur dicendum, cum cernamus probos improbosque mixtim flagellari? Labor est ante me, donec intrem in *Psal.* sanctuarium Dei, & intelligam in no- *cod.* vissimis eorum. Causas, cur Deus his parcat, hos affligat, nunquam satis indagabimus, dum in Orbe meliore pugilares Dei liceat inspicere. Quisquis ergo tam impares mortalium pœnas confi-

46 GYMNAS. PATIENT.

considerat, illud regium proclamet : Iustus es Domine, & rectum iudicium tuum : Ego quidem cum punior, millies me id commeritum fateor. Cur puniantur ceteri, meum non est, à Deo ejus rei rationem poscere. Hoc scio; Iudicia Dei, abyssus multa. Vigilat semper divinus ille oculus, & cum dormire eum censes, connivet.

Aug. in psal. 98 post med. mihi Ad arcanum hoc rectius intelligendum Augustinus attentionem excitans: Videte, inquit, fratres mei, advertite: illi Deus irascitur, quem peccantem non flagellat. Nam cui vere propitius est, non solum donat peccata, ne noceant ad futurum sæculum: sed etiam castigat, ne semper peccare delectet. Qua in re Deus medicum agit, sed talem, qui exploratissime norit, quid cuivis ægrotorum expediat. Dic mihi, cur medicus huic plus absinthii aut ellebori miscet, quam illi? nempe, quia morbus ejus postulat, aut natura. Idem cogita de Deo, qui Augustini ore sic alloquitur ægrotum: Ego novi quem curo, non mihi det qui ægrotat consilium. Tanquã emplastrũ * mordax urit te, sed sanat te. Rogas medicũ, ut tollat emplastrum; & non tollit, nisi cum fuerit sanatum, quo posuerat. Virtus in infirmitate perficitur. Hinc verissime me videtur dictum: Unica & non fallax virtutis obrussa, & probatio est affectio.

Aug. ibid. p. 454. *Lipsius l. 2. de Const. cap. 8. Obrus-* CAP.

***Spanische Refer.**

sa est aurea moneta per ignem examen & depurgatio.

C A P V T I V.

*Quinque poenarum & afflictionum genera
singillatim explicantur.*

Iusserat sibi Magnus Princeps symbolum pingi hunc in modum : Aquis innatabat cucurbita , & tanquam fortis suæ intelligens loquebatur conceptis his verbis : *Luctor, non mergor*. Nimirum cucurbitas natate docet corporis spongiosi levitas. Ab hoc symbolo non multum abludit , quod Claudius Paradinus refert, illustri viro Admirallo Chabotio, symboli vice ventosam pilam seu follem fuisse, addita inscriptione, *Concussus surgo*. Nimirum hi folles verberibus volare discunt.

Plurimi hominum non aliter quam plagis discunt sapere ; tum cælum aspirant, cum eis terra sordere incipit; mentem ad æterna erigunt , cum illis inter caduca & fluxa male est , *Concussi surgunt*, ut folles vento turgentes, qui quo gravius feriuntur, hoc altius volant. Atque hoc priore triplici capite demonstratum est. Nunc progredimur ad ipsas afflictionum & calamitatum formas seu species, quarum decem posuimus.

I. V I R G Æ.

Primum in Patientiæ gymnasio cruciabile instrumentum, quo discipuli castigantur, sunt **VIRGAE**, Afflictio ne-
mini

48 GYMNAS. PATIENT.

mihi non nota MORBUS est. Ecquis tam firmæ valetudinis, qui non subinde plagas sentiat ab his Virgis? Vix ullus hominum tam sanus est, qui se hominem morbis obnoxium oblivisci possit. Robustissimus quisque interdum morsus & vellicationes sentit. Vel enim caput, vel oculi, vel dentes, vel brachia, vel stomachus, vel crura doloribus tentantur. Et miramur hoc? morborum seminarium sumus, & novum sit nos ægrotare? In quovis vitæ genere ægritudini locus est. Mox ubi nascimur, ægrotare incipimus, quod Augustino credemus: Quis enim, inquit ille, non ægrotat in hac vita: quis non longum languorem trahit? Nasci hîc in corpore mortali, incipere ægrotare est. Quid ergo ad morbi accessum trepidamus?

Aug.
in ps.
102.
ante
med.
mihi.
pag.
473.
Idem
serm.
74.
Seneca
epist.
76.

Hæc vita, morbus est perpetuus. Sed est etiam, mihi credere, in morbo virtuti locus. Hinc vera vox Ambrosii: Infirmitas corporis, sobrietas mentis est: infirmitas, virtutum officina est; Atque, ut Hieronymus loquitur: Satiùs est stomachum dolere, quam mentem.

Fuerunt, sed pauci, qui ad octogesium annum integram valetudinem perduxerint. demum inclinare cœpit domus, demum solvi, & collabi. Hoc sciamus, neminem fere rectius ægrotare, quam qui sanus apud ægrotos id sapius discit. hîc quisque ex seipso quaerat: Si tu hoc loco sis, quid facias, qui

te ge-

te geras , quam sedatus ac placidus loquendo , quam patiens dolores perferendo ?

Illud desperatissimi hominis est & perditæ vitæ amantis, à magis valetudini subsidium quærere. Nunquid non est Deus in Israël, ut eatis ad consulendum Beelzebub , Deum Accaron ? Ad Deum nos morbi trahant, non ad hostes Dei, non ad diabolum.

Hebræi à morbis immunes & cladibus, obliuiscabantur Numinis : At ubi Multiplicatæ sunt infirmitates eorum, postea acceleraverunt. Cauterio collium, pes, brachium inuritur , ut melius habeat caput: ita Deus morborum cauterio perurit corpus, ut valeat spiritus : Infirmitas gravis sobriam facit animam, dixit Siracides. Et sane multo melius est ardere igne febrium, quam flammis vitiorum.

Multi tum demum vitæ voluptatem nauseant, cum ægri sunt. Recte dixit Gregorius : Divina dispensatione agitur, ut prolixiora vitia, ægritudo prolixior exurat. Egent diuturno sæpe flagello mali & inemendati mores nostri. Quod si Deus tam aspere percutit ubi parcit, quam aspere percutiet, ubi sæviet ? Et quanta illic districtione feriet quos reprobat, si sic cruciat quos amat.

Ioannem anachoretam (Ruffino Aquilejensi teste) quidam è religioso cætu rogavit, à febre tertiana se liberaret : At ille:

4. Reg.
cap. I.
vers. 3.

Ps. 15.
vers. 4.

Ecclesi.
c. 31.
vers. 2.

Greg.
hō. 19.
in En.
propius
finem.

Ruffin.

Aquil.

c. I. in

vita

Ioan.

50 GYMNAS. PATIENT.

ille: Rem tibi, ait, necessariam cupis ab-
jicere. Vt enim sapone panni lavantur,
sic mentem morbi eluunt. Corporis
morbus, animi salus. Virtus in infirmi-
tate perficitur.

Ruffin. Hanc ipsam ob causam religiosissi-
lib. 3. mus olim senex (uti complures memo-
n. 157. rant) discipulo suo ægrotanti dixit: Ne
Pela- tristeris, fili, ob morbum corporis. Si
gins li- ferrum es, per hunc ignem rubiginem
bell. 7. exues; si aurum es, novum nitorem in-
n. 16. dues. Non igitur angaris animo: si Deus
Pasch. torquere te velit, & in morbo esse, tu
c. 20. quis es, qui divinæ resistas voluntati, aut
eam moleste feras? Itaque sustine, & ro-
ga Deum, ut quod ipse vult, & tu quo-
que velis.

Profecto si rem ad vivum rescemus,
Morbus tanti momenti à Deo munus
est, ut id centum annorum obsequiis
rependi non possit. In morbo invita-
mur ad sancendam pacem cum Deo,
quem forsan antea bello impio lacessi-
vimus. Beatus Gregorius: Admonendi
sunt ægri, ait, ut considerent quanti sit
muneris molestia corporalis, quæ & ad-
missa peccata diluit, & ea quæ admitti
poterant, compescit. Sapientissime dixit
Prov. Salomon: Livor vulneris absterget ma-
c. 20. la. Nam, Gregorio interprete, flagello-
v. 30. rum dolor vel cogitatas, vel perpetra-
Greg. tas nequitias diluit.
part. 3.

pastor. Quapropter admonendi sunt ægri, ut
admo- eo se filios Dei sentiant, quo illos disci-
nii. 3. plinæ
med.

plinæ flagella castigant. Nisi enim cor- *Greg.*
 rectis hæreditatem dare disponderet, e- *part. 3.*
 rudire eos per molestias non curaret. *pasto-*
 Ideo afflicti & ægri corporis seipsum *val. ad-*
 soletur & dicat: Satis est me amari, sa- *monit.*
 tis est spem esse securam: pereat corpus *3. med.*
 necessario perituum, modo non pereat
 animus.

Ecquis doleat vetus tuguriolum eo fi-
 ne destrui, ut domus extruatur nova?
 Ita nec æger, licet vicinus morti, mœ-
 reat: Scimus, quoniam si terrestris do- *2. Cor.*
 mus nostra dissolvatur, quod ædificatio- *cap. 5.*
 nem ex Deo habemus, domum non ma- *8. I.*
 nu factam, æternam in cælis.

Sed objeceris: Valenti ac sano facile
 est solari ægrum; aliter loquimur, cum
 aliud sentimus. Quis ægrotorum cre-
 dat valetudinem fractam, integræ præ-
 ferendam? Cum bona venia tua, mi ho-
 mo, hac in re nimis te hominem fateris,
 & Christianæ disciplinæ plane imperi-
 tum. An illud Pauli ignoras? Cum in-
 firmor, tunc potens sum. Hoc ipso sen-
 su Gregorius dixit: Adversitas vitæ dum
 asperitate sua sanctos comprimit, va- *Greg.*
 lentiores reddit. Caro mollibus, ani- *lib. 29.*
 ma duris nutritur; illa delectationibus *moral.*
 pascitur, hæc amaritudinibus vegeta- *c. 15.*
 tur; & inde spiritus in perpetuum mo- *propius*
 ritur, unde ad tempus caro suaviter vivit. *finem.*

Sed sine, quæso, tuis hic objectiun-
 culis respondeam: Dura res est dolor,
 inquis. Sed jure respondetur: Imo tu
 mollis es. E Pauci

52 GYMNAS. PATIENT.

Pauci dolorem ferre potuerunt. *R.* Simus ex paucis.

At imbecilles natura sumus. *R.* Naturam infamare noli, illa nos fortes genuit.

Ecquis dolorem non fugit? *R.* Sequitur ille fugientes. Si exiguus est dolor, feramus; levis est patientia: Si gravis est, feramus; non levis est gloria. Sed sanus plus laborarem, plus virtuti operarer. *R.* Immo minus. Nam & in te puta verissime dictum ab Augustino:

Aug. tract. 7 in Ioā. Quam multi scelerate sani sunt, qui innocentem ægrotarent. Vitia reciduntur ægritudine.

O quam dives est, qui sanus est! *R.* Iam incipis Deo gratus esse: Etiam hoc inter morbi commoda numerandum: Valetudinem tunc primum æstimamus, cum amissimus.

Bern. de in-ter. domo c. 46. O quam fractis jam viribus sum! Hic tibi Bernardus responderit: Melius est frangi laboribus (& doloribus) ad salutem; quam remanere incolumes ad damnationem.

O quale doloris mancipium sum! *R.* A teipso oculos in Christum crucifixum flecte: aspice virum dolorum & scientem infirmitatem. Vere enim languores nostros ipse tulit, & dolores nostros ipse portavit.

Ah quando tandem finis erit tam pertinacis morbi? *R.* Frigidi amoris indicium est, vix dum bene cœpisse, pro

pro Christo pati, & mox finem suspi-
rare.

Sed si sanus essem, jam me in templo
cælestibus sacramentis expiarem. R. O-
ptima, mihi crede, scelerum expiatio
est, vel solum mediocris in morbo pa-
tientia.

Ergo, quod beatus Gregorius monet,
Dicendum est ægris, ut si cælestem pa-
triam, suam esse credunt, necessario hîc
labores velut in aliena patiantur. Quis-
quis in morbo est, divinæ bonitati se
commendans dicat: Virga tua & ba- *Pf. 22.*
culus tuus ipsa me consolata sunt. Hîc *v. 4.*
pungar, hîc torquear, hîc urar, modo
non urar æternum.

Non pigeat, oro te, Lector, videre
quæ noster Æternitatis prodromus ad
componendos ægroti mores differat.
Hîc nobis non licet esse prolixioribus.

II. SAGITTÆ.

Animi mœrores & angores, SA-
GITTÆ sunt, omni gladio ancipiti
penetrabiliore. Rex David nimio opere
has sagittas sentiens: Sagittæ tuæ, in- *Pf. 44.*
quit, acutæ. Sollicitudines, tædia, mœ- *vers. 5.*
stitiæ, pavores, ægritudines, animum
ut sagittæ vulnerant. Omnium miseria-
rum pœne maxima est, animum habere
faucium. Sicut enim animi voluptas,
longo post se intervallo ceteras relin-
quit voluptates, sic animi dolor & æ-
grimonia dolores alios longe superat.

34 GYMNAS. PATIENT.

Christus reparator Orbis in clivo Olivario , & in monte Golgothæo , non flagellorum ictus , non veprium aculeos , non clavorum cruciatus querebatur , sed animi mœstitiam , & se à patre derelictum in patibulo exclamabat. *Ægrimonia* Christi fuit inexplicabilis. hinc illæ voces : Tristis est anima mea usque ad mortem. Et : Deus meus , Deus meus ut quid dereliquisti me ? Animi vulnera omnem doloris acerbitalatem vincunt. Hinc illud *Siracidæ* : Omnis plaga , tristitia cordis est.

Eccli. *v.17.* Suos quandoque Deus in eas angustias adducit , ut rebus omnibus urgeantur. Et quod supremum malorum est , videntur sibi offensissimū habere *DEVM*. Spem tamen non ponunt , sed usque & *ps.87.* usque clamant : Domine Deus in die *v.13.* clamavi , & nocte coram te. Quia re- *ps.16.* pleta est malis anima mea , & vita mea inferno appropinquavit. Pauper sum ego , & in laboribus à juventute mea. Vel (ut alii legunt) afflictus sum ego , & expiranti similis ; ab adolescentia tuli terrores tuos , & trepidavi.

De Hebræis ex *Ægypto* proficiscentibus narrant divinæ paginæ : Et venerunt in Mara , nec poterant bibere aquas de Mara , eo quod erant amaræ , &c. *Exod.* *v.23.* ibi constituit ei præcepta , atque iudicia , & ibi tentavit eum. Hic quæsierit aliquis : Obsecro , Domine , num commodior locus sanciendo tuis legibus nullus

nullus erat? num deterrimus huic negotio visus est esse opportunissimus? Hic sitim ipsæ aquæ exasperant.

Sed quid tibi vis argutatrix ratio? Ibi constituit ei judicia atque præcepta, & ibi tentavit eum. Commodissimus huic rei locus fuerat qui incommodissimus. In opimioribus terris, & inter delitias Lex Dei plerunque contemptui est:

Noverca virtutum omnium est felicitas.

Adversis pressi, & rerum suarum trepidi, timere Numen citius discunt, quam quos felicitas ad lasciviam invitat. Pæne nunquam viciniorē habemus Deum quam in arcto constituti. Eam ob causam Nahum propheta: Dominus, in- *Nahū* quit, in tempestate, in turbine viæ ejus. *cap. I.* Inter fulgura, tonitrua, & fulmina ac- *v. 3.* cedit ad nos Deus, tum plerunque nobis propior, cum afflictionis turbo procellosior. Gregorio teste, Mala quæ nos hîc premunt, ad Deum ire compellunt.

Nobilissimum illud par amicorum *I. Reg. c. 20.* Ionathas & David, ita invicem pascisciebantur. Ego, inquit Ionathas, tres *v. 20.* sagittas mittam, & jaciam quasi exercens me ad signum. Mittam quoque & *21. &* puerum, dicens ei: Vade & affer mihi *22.* sagittas. Si dixero puero: Ecce sagittæ intra te sunt, tolle eas: tu veni ad me, quia pax tibi est, & nihil est mali, vivit Dominus. Quotidie Deus, quovis momento sagittas suas emittit arcu, om-

36 GYMNAS. PATIENT.

ne genus ægritudinum in homines effundit.

Quisquis hac tali sagitta tangeris, non expallescas ad vulnus: Ecce Dei sagittæ intra te sunt; *pax tibi est, & nihil est mali.* Hæc vulnera sanitatis sunt signa. Sed fœde, inquis, hæc jacula mentem lacerant, & dolores sæpe maximos inurunt. Angi, pœnitere, tristari, dolere, metuere, horribilia sunt animorum tormenta. Sint vera hæc omnia. Nihilominus si jacula hæc in te missa æquo animo admittas, ne formida, *pax tibi est, & nihil est mali, vivit Dominus.*

Pf. 37.
v. 3. Regem Hebræum David aspice, qui seipsum plus simplici vice vulneratum sentiens: Sagittæ tuæ, inquit, infixæ sunt mihi, & confirmasti super me manum tuam. Non tantum in se jactas, sed inhærentes & infixas sibi sagittas ingemescit. Plurima erant quæ regem hunc sollicitabant, angebantque. Vix nascitur Betsabæ filius, & moritur. Nubili filiæ Thamari ab Amnone filio vitium offertur. Ipse Amnon temulentus ab Absalone fratre in convivio trucidatur. Hunc ipsum Absalonem degenerẽ prorsus filium optimus pater, jam solio pulsus, jam diademate orbatus fugere ut hostem cogitur. En quam altis vulneribus infixæ sunt Davidi hæ sagittæ! nec una solum alterave; sed grandi numero in unius caput convolarunt.

Et quam aculeata fuit illa Nathanis
concio

concio apertissime pronuntiantis : *Tu es 2. Reg. ille vir.* Quare contempsisti verbum Do- *c. 12.* mini, ut faceres malum in conspectu *aliquot* meo? Quamobrem non recedet gladius *vers.* de domo tua usque in sempiternum, eo quod despexeris me. Ecce ego suscitabo super te malum de domo tua. Tu enim fecisti abscondite: ego autem faciam verbum istud in conspectu omnis Israël, & in conspectu solis. Pænet tot sagittæ, quot verba. Nimium quantum hæc spicula ex alto missa penetrarunt cor regium. Sagittæ, & quidem numerosæ infixæ sunt illi. Nec tamen deest solatium; nec animum despondet rex David. Nam etsi sagittæ Dei penetrent, inhæreant, urant, lacerent, brevi tamen excidunt. Mors certe velut chirurgus omnes extrahit. Etenim sagittæ tuæ *ps. 76.* transeunt, vox tonitruï tui in rota. *v. 19.*

Quotquot in nos Deus sagittas effuderit, brevi omnes auferuntur à Machaonia manu; momentum est paullo productius, quo affligimur. At vero vox illa tonitruï: Ite maledicti, ite in ignem æternum, ite, ite; æternum flete, æternum ardete. Heu vocem istam æternitatis rota æternum volvet; tonitruum istud nunquam cessaturum æternis fragoribus pavefaciet damnatos, & velut jaculis nunquam desinet reos configere. Nunc vero transeunt sagittæ Domini, quas ideo argenteas & aureas jure dixeris, nam & à Deo sunt, & cito trans-

58 GYMNAS. PATIENT.

volant, & immortalī præmio donant
vel mediocrem patientiam.

Dictamnū cervis caprisque notissi-
ma herba, qua gustata sagittas è faucibus
membris ajunt excidere. ita Maronem
exaudio:

Virgil. — non illa feris incognita capris

l. 12. Gramina, cū tergo volucres hasere sagittas.

Ænei. Itane feræ, cum sagittis sauciantur sua
norint pharmaca sponte nascentia? &
nostræ desit ægrimonias medela? Hæc
ipsa cogitatio, si paullo sit attentior, de
sagittis Domini cito transituris præstans
pharmacum est. quid enim dolores om-
nes magis mitigat, quam illud serio co-
gitatum

Idem — dabit Deus his quoque finem,

lib. 1. Quem excipiet Æternitas non finienda.

Ænei. Annæus philosophus Mecænatem in

Sen. 1. plumis jacentem, & miserum in cruce

de Pro. pendentem conferens: Mecænati, ait,

bid. somnus per symphoniarum cantum, ex

cap. 3. longinquo lene resonantium quæritur.

post Sed mero se licet sopiat, & mille volu-

med. ptatibus mentem anxiam fallat: tam

vigilabit in pluma, quam ille in cruce.

Sed illi solatium est, pro honesto (nos di-

camus, pro Christo) dura tolerare, & ad

causam à patientia respicit: hunc vo-

luptatibus marcidum & felicitate ni-

mia laborantem, magis his, quæ patitur,

vexat causa patiendi.

Animus ægrimonia tabescens, volu-

ptatibus nunquam ex solido sanabitur.

Tur-

Turbatæ menti maximum solatium est, pro Christo dura tolerare, & post ce-
rem mali finem, voluptates expectare
eternas.

Ergo duremus, in vicino est beata Æ-
TERNITAS. Quæcunque dura &
molesta, quæcunque gravia & horribi-
lia, quæ quisque patitur in hac vita, ut
Augustinus docet, in comparatione æter- *Aug.*
ni ignis, non tantum parva, sed nulla *tō. 10.*
sunt. Suum hæc omnia jam finem pro- *serm.*
spiciunt; nullo claudetur fine Æter- *190.*
nitas. *de tem-*
pore.
ante
med.

III. FACES.

Accensæ FACES, Paupertatis sym- *mih*
bolum sunt. Paupertas efficax virtutis *pag.*
instrumentum est, modo nanciscatur *298.*
hominem, qui eo possit uti. Varie DEVS
hoc instrumento utitur in Patientiæ
gymnasio. Sunt, qui eo paupertatis re-
dacti, ut nec pane quidem sat fami suæ
mederi possint: Sed nec manu parare
victum queunt: digni prorsus misera-
tione. De his illud Diogenis sumen-
dum: Paupertas non parva ægritudo
est. Alii difficultate domestica laborant,
quibus fame potior est pudor, *verecun-
di pauperes. Non minus quam priores
digni misericordia. Alii ex egestate qui-
dem pauperes sunt, sed non minus igna-
vi. è mendicitate non difficulter emer-
gent,

* Hauszarme Leut.

60 GYMNAS. PATIENT.

gerent, si prius ex ignavia. Laborem fugiunt, ideo in mēdicitatis casses incidunt. otiari malunt, quam non esurire.

Alii strenue quidem laborant, sed domesticis malis impediti egestatem non effugiunt. Sunt quos opulentos putes, sed pæne animam debent, æs alienum grande conflagrant. His optime dixeris: Dives est, qui obæratuſ non est. Sunt qui sibi ipsis videntur inopes, cum tamen non tam inopia laborent, quam avaritia: victus iis non deest, sed ei pompam etiam adungere cuperent; non tantum esse ac vestiri, sed edere laute, vestiri splendide vellent: quos sæpius audias dicere: *quam multa mihi desunt*! Hi non pauperrimi, sed pæne miserrimi sunt, quibus forte sua non contentis nil satis est. His proximi sunt, de quibus

Chrys.
hom.

12. in
epist.
ad Ti-
moth.

Senec.
epist.

123.
fine.

Aug.
in Ps.
76.

Basil.
in He-
xam.

Chrysostomus dixit: Paupertatis nomen reges non effugerunt. Vnde unde demū sit paupertas, virtutis efficax instrumentū est, modo illo non male utamur.

Verissime dixit Seneca: Paupertas nulli malum est, nisi repugnanti. Chrysostomo, Egestas sanitatis mater est. Augustinus paupertatis encomiastes ausus est dicere: Omnis philosophiæ magistra nobis inopia est. Effatum longe verissimum: quicquid paupertatis hostes contraganniant. Paupertas artium inventrix, nulli hominum probro est, nisi probroso, uti præclare dixit Basilius: Pauperem compellari, non est probrosum. Pauper-

Paupertatis igne, hisque facibus adurrit nos Deus ; ut vel dormitantes excitet, vel peccantes castiget & purget, aut etiam constantes muneret. Iam olim id præmonens : Et convertam, inquit, manum meam, & excoquam ad purum scoriam tuam, & auferam omne stannum tuum. *Is. c. I. v. 25.*

Rogarat aliquoties per servos Absalon Ioabum belli ducem, veniret ad se. Nunquam venit. Quid faceret ergo juvenis regius ? Fasti regum recensent. Cumque secundo misisset, & ille noluisse venire ad eum, dixit servis suis: Scitis agrum Ioab juxta agrum meum habentem messem hordei? Ite igitur, & succendite eum igni. Haud aliter Deus plurimos, quos aut contumaces habet, aut certe (ni præveniat) contumaciam ostensuros prævidet, paupertatis facibus ad meliora compellit, docetque mitescere. *2. Reg. c. 14. v. 29.*

Id porro in Patientiæ gymnasio cum primis discendum, ne paupertas res minime mala, nobis sit malum, ea male utentibus. Siracides cautos redditurus: Propter inopiam, inquit, multi deliquerunt. Ut edant, mentiuntur, fallunt, furantur, pudicitiam prostituunt, conscientiam vendunt. Hi paupertate re optima profecto pessime utuntur. *Ecclesi. c. 27. v. 1.*

Aliter in Patientiæ gymnasio agendum discipulis, qui facibus inopiæ aduruntur. Quivis illorum dicere possit:
Igne

62 GYMNAS. PATIENT.

Pf. 16. Igne me examinasti, & non est inventa
v. 3. in me iniquitas. Potius extrema omnia
Chryf. homil. toleranda, quam Deus offendendus: Me-
71. in lius est mendicare, quam rapere.
Matth. Bernardus calido ad penuriam affe-
Bern. ctu: Bonum mihi, ait, Domine, tribu-
ser. 16. lari, dummodo ipse sis mecum, quam
in Pf. regnare sine te, epulari sine te, sine te
Qui gloriari. Bonum in tribulatione magis
habi- amplecti te, in camino (*Paupertatis*) ha-
tat, an- bere te mecum, quam esse sine te vel in
te finē, calo.
mihi

pag. Quid trepidamus, quid cunctamur,
559. quid refugimus hunc caminum? Sævitur
 ignis, sed Dominus nobiscum est in tri-
 bulatione. Si Deus nobiscum, quis con-
 tra nos? Vt ergo Paupertas nemini no-
 ceat, illud animo altissime imbibendum,
 omnem inopiam à Deo nobis immitti
Is. c. 1. Bono nostro: Vt excoquatur ad purum
v. 25. scoria nostra.

Quemadmodum si quando mater fi-
 liolum suum purpurea togula vestitum
 in domus area discursantem ac luden-
 tem, & contra eum Africanos gallos &
 gallinas (* Meleagridas) passis alis ere-
 ctisque cristis insurgentes cernat, mox
 in aream devolat, & puerulum harum
 avium iræ subducit, eumque amiculo
 rubro, cui Meleagrides irascuntur, quan-
 tumvis flentem exuit, idque parvuli bo-
 no fa-

* Indianische Hanen / so das
 roth nicht leiden Funden.

no facit, nec stultis lacrimis movetur: fleat puer, modo imminens malum exeat. Ita nos Deus sæpissime devestit, facultates adimit, penuria premit, sed Bono nostro. hac enim una ratione malis plurimis, & cacodæmoni jam imminenti, & insidiantibus vitiis subtrahimur. At nos infantes vociferamur, ploramus, ac querimus necessaria nobis subtrahi, ad extremam mendicantem adigi. Quid, ô infantes stolidi, quid ploratis, quid querimini? Bono vestro hæc omnia fiunt. Opes non adimeret Deus, nisi prævideret eas vobis plurimum nocituras; in egestatem non deduceret, nisi ab æterno prænosset, vos aliter cælo non potituros.

Has igitur curas amantissimo patri, imo & matri providentissimæ relinquitte. Sed quisquis tam invite pauper es, quæso te, patere tuis iterum objectiunculis respondeam.

Paupertas, inquis, intolerabilis mihi videtur. R. Certe tu illi potius, quam illa tibi.

Deseror & contemnor ab omnibus.

R. Modo non à Deo; oculi ejus in pauperem respiciunt. Ps. 10.
v. 4.

O beati divites & opulenti! R. O misera beatitudo! nam opum collectio plena laboris; possessio plena timoris; amissio plena doloris est. divitiæ cum Bern.
de Cō-
vers. ad
Cleric.
c. 12. amantur, inquinant; cum agitantur, onerant; cum minuuntur, cruciant.

Quid & de

quinque negotiationibus mihi pag. 1748.

64 GYMNAS. PATIENT.

Quid miserius mendicitate ? R. An forte nescis, nemini non notissima? Lazarus mendicus à morte in sinu Abrahamæ; dives epulo, in medio gehennæ collocatur. Illum Angeli in limbo; hunc diaboli sepeliunt in inferno.

Qui pecunias habet, omnia habet.

R. Imo nihil habet, si virtutem non habeat: quicquid facere te potest bonum, tecum est. Dives cum dormierit, nihil
Iob. secum auferet: aperiet oculos suos, &
e. 27. nihil inveniet.
v. 17.

Possumus etiam in divitiis esse pauperes. R. Certe magnus est ille, qui in divitiis pauper est, sed longe securior est, qui caret divitiis.

Heu quā arca mea inanis est, & vacua? R. Quid ad arcam respicis? Conscientiam attende: sat dives est, cujus tranquilla conscientia est.

At necessaria mihi desunt. R. Fortassis tibi deest industria parandis necessariis? Natura minimum petit: sed animus & oculi sunt insatiabiles. Nam cupiditati nihil satis est, Naturæ satis est etiam parum.

Pauper ubique jacet. R. Res honestissima est, læta paupertas: Cuicumque cum paupertate bene convenit, dives est. Non qui parum habet, sed qui plus cupit, pauper est.

Paupertas tam mihi quam aliis plurimum obest. R. Nec tibi, nec aliis quidquam obesset, nisi paupertas vestra

stra non ex inopia, sed ex vitio ori-
retur.

Paupertas in rebus omnibus me im-
pedit. R. Dic, *Provehit*: Si vis vacare
animo, aut panper sis oportet, aut pau-
peri similis. Non potest studium salu-
tare fieri sine frugalitatis cura: frugali-
tas autem paupertas voluntaria est.

Quicquid dicas, grande malum est
paupertas. R. Da verbo veniam, obse-
cro, si te mentiri dicat Seneca, qui te-
statissime affirmat, Nihil mali esse in
paupertate, modo quis nondum perve-
nerit in insaniam omnia subvertentis
avaritiæ. *Senec. Consol. ad Hel-
viam*

Ecquid videtur vobis, ô pauperes, *cap. 9. post*
quicunque estis, de hoc tali patre? Videt *med.*
is panem in manu filioli, simulque ob-
servat insidiantem pani molossam, jam
jamque admorsurum pueri digitos. At-
que ideo mox panem eripit infantulo,
idque prudenter, non invidens cibum,
sed præcavens damnum. Ita Deus sub-
sidia vitæ subtrahit, non ut fame peri-
mat, sed ut à vitiis abarceat. An non
illinc plerunque virtus exulat, ubi ge-
nialiter estur ac bibitur, large dormi-
tur, otiose dies ducitur; hic certe vitia
in regno sunt.

Ergo beati pauperes, qui paupertatem
non reluctando, Virtuti amicissimam
faciunt. Eo generosa vox Pauli spectat:
Quæ mihi fuerunt lucra, hæc arbitra- *Philip.*
eus sum propter Christum detrimenta. c. 3.
Nemo v. 7.

66 GYMNAS. PATIENT.

*Divi-
tia,
Christo
spina
sunt.* Nemo Deo dignus, quam qui opes
scit contemnere. Et vero dives est, cui
bene cum paupertate convenit. Hinc
optime dixit Diogenes: Paupertas vir-
tus est, quæ per se discitur. Res in aper-
to est: divitiæ innumeros, si non per-
derentur, perderent. Et quis ille tam
cautus, qui has spinas tractet, & con-
scientiam non lædat? Sola paupertas ab
hoc vepreto non sauciatur. At pauper-
tatem non horret, qui beatam immorta-
litatem aspirat. Nam, ut vere Grego-
rius: Quisquis, ait, in solo desiderio
æternitatis figitur, nec paupertate
conteritur, nec adversitate quassatur.

IV. SERTVM STRAM- NEVM.

Omne genus irrisionum, contemptus
ac ludibriorum STRAMINEVM
hoc SERTVM significat. Tam sæva
hoc discipulis animadversio est, quam
aliis levis videtur. Fit subinde in scho-
lis, ut magister puerum virgas manu te-
nere, certoque loco stare jubeat. Hoc
puero grandius supplicium est, quam
decies virgis percuti. In Hispaniis pi-
leus chartaceus ad rogam ducendis im-
ponitur in ludibrium. Sic Orientis Im-
perator Andronicus, alio in sertum
contexto redimitus, & scabioso came-
lo impositus, miserrima triumphi specie
per urbem ductus est.

*Vide
Consi-
derat.
Æter-
nitatis,
Consid.
5. §. 3.* Contemni, irrideri, ludibrio haberi,
humana

humana superbia inter pœnas omnium gravissimas numerat. Hoc è stramine fertum, merum aliquibus plumbum, acutissimis clavis undique confixum creditur; aculeatissimus videtur erinaceus. Nihil enim æque horremus ac pudefieri, ignominia notari, aut cogi coram aliis erubescere. Hoc morte ipsa sæpe gravius videtur. Hinc plurimi reorum seipsos in carcere necant, ne in spectaculum aut ludibrium produci possint.

Supremo die, quo omnium sæculorū mortui reviviscent, damnatos magis quam inferorū incendia torquebit, cogi se sistere Orbi, aspici, judicis voce ac digito notari, oculis omnium devorari. Hinc illorum desperatissimæ voces ad alta collium, & prærupta montiū. Tunc *Luc. cap. 23 v. 30.* incipient dicere montibus: Cadite super nos; & collibus, operite nos. Mitius illis videbitur, horribili montium mole sepeliri vivos, quam cogi tribunal assistere, fatalem sententiam excipere, à beatis omnibus Dei hostes proclamari.

Rex Hebræus Saul, hominis ex asse nequam nobile specimen, ubi rerū omnium jacturā, à Samuele denuntiata, ubi regnū perditum, Dei gratiam amisam, seipsum à Deo exauctoratum, deplorata omnia inaudisset, illud unicum sibi retentum cupiens: Sed nunc, inquit, *I. Reg. ca. 25. v. 30.* honora me, coram senioribus populi mei, & coram Israël. Adeo rebus desperatis, hoc unum exhorruit, non amplius honorari.

68 GYMNAS. PATIENT.

En ut Saul instar struthiocameli calamitates maximas velut ferrū concoquere possit; sed in re, ut videri potest, minima succumbat: *Serto stramineo* notari acerbius morte iudicat. Quæ deum istorum causa? *Superbus erat.* Ad superbiam contundendam, in Patientiæ gymnasio, nihil aptius quam *Sertum Stramineum*. Hoc omni arrogantiae depressendæ nobilissimum instrumentum est. Non potest altos spiritus non submittere, qui hoc sermo redimitus est, nec tamen reclamationem & indignatur.

At videte rem egregiam: Nos quidem summissi, ac noto nomine *Humiles* appellari cupimus, & submissionem sui que despicientiam cane pejus & angue odimus. Pæne omnia nobis tolerabilia videntur, si removeatur ignominia, quæ vel sola solet opprimere animos; sed superbos, & nondum domitos. Modo absit *Stramineum sertum*, cetera omnia, prout nobis vane blandimur, toleraturos promittimus. Stultissima persuasio. Et *Cassian.* Cassianus hanc refellens: Volumus, in-
collat. 4 quit, absque castigatione carnis, casti-
e. 12. moniam corporis obtinere: sine vigili-
initio. arum labore, cordis acquirere puritatem: cum requie carnis, spiritualibus virtutibus exuberare: absque ullius exasperatione convicii, patientiæ gratiam possidere; humilitatem Christi, sine honoris mundani exercere iactura; Christo cum hominum laude ac favore servire.

vire. Rem verbo dicamus : Humiles esse cupimus , sed sine Humilitate. Modo *Stramineum sertum* non nostro capiti gestandum sit.

Hic neutiquam superbiæ parcendum; nec ullius capiti sertum hoc stramineū magis quadrat, quam qui illud maxime recusat. huic omnino diadema hoc convenit. Eleganter & erudite Seneca: Vnde possum scire , inquit , quantum adversus ignomiā , & infamiam, odium-
Sen. l.
de Pro-
vid. c. 4
post
init.que populare constantiæ habeas , si inter plausus senescis? si te inexpugnabilis & inclinatione quadam mentium pronus favor sequitur?

In religiosorum hominum ædibus Lectorem mensæ unica subinde vocula *Repete*; plus excruciat , quam omnis alius religiosæ disciplinæ rigor. Atqui luculentum hoc indicium est abstrusæ superbiæ , quæ nihil minus vult quam videri errasse , aut juberi erubescere. Hinc plures tam doctrina quam sui despicientia illustres viri, cum prandentes aut cenantes legendo pascere, studio nonnullas voces perperam pronuntiarent , ut ipsi suam erubescere inscitiam monerentur.

Martinus Delrius parentibus nobilissimis oriundus (quis fuerit vir iste, tot ipsius libri loquuntur) ubi Theologiam aliquot annis apud Eburones professus, Tornacum ire iussus est , ut ex legibus quibus se voto obligarat, nonnihil tem-

70 GYMNAS. PATIENT.

poris ad quietem sacrasque commentationes à studiorum tumultibus subduceret. Hic ille iterum philosophum Theologumque exuens, inter religiosos tiro-nes abjectissima quæque munia obiit, & etiam ambiit. Lacera interdum & squa- lida lacerna indutus œconomum comi- tabatur; & quæ ille in foro emerat, per mediam urbem spectante omni populo, ad Collegium deferabat Senatorius & Cenforius bajulus, aliis admirantibus, aliis vicissim illudētib. At ille *Stramineum* hoc *Sertum* non exhorruit, non rejecit, imo decorum sibi credidit. Post annos complures in Societate IESU po- sitos, post cathedras Philosophiæ, Theo- logiæ, Concionum cum magna laude diu administratas, id unū præ reliquis, domestici omnes in eo stupebant, tan- tum virum, oculis caligantibus, & pæ- ne cæcutiētib. gnaviter & prompto li- bentique animo, dum alii mensæ affide- rent, stantem aut in loco anagnostæ so- lito incommode sedentem, librum ali- quem pium de more prælegere, & ad alterius arbitrium accentus & tonos vel invertere, vel dirigere. *Stramineum sertum* Delius obviis ulnis amplexus, hoc u- num in seipso erubuisse, si vel senex e- rubescere noluisse.

Idem beatus Lantfrancus fecit, vir omni litteratura egregie imbutus. Hic cum in cœnobio lectorem mensæ age- ret, & ab antistite illiterato, idque con- tra

tra Grammaticæ leges repetere lecta juberetur, promptissime repetiit, & pronuntiavit omnia, ut jussus fuerat. Ornamento scilicet sibi duxerat *Stramineum* hoc *Sertum*: nec pudebat optimum virū, Christi caussa pudore affici. Idem fecit beatus Aloysius Gonzaga, ut res gestæ ipsius testantur.

Cum semel animum virtus induraverit, undique invulnerabilem præstat: nec dolor illū nec ignominia sauciabit. Num tu putas hominem divinæ Voluntati vere devotum, ignominia moveri posse, qui à vulgi opinionibus jam secessit, qui suum honorem omnem jam in Christo reposuit? Plus etiam quam ignominia, est mors ignominiosa. Hanc tamen tot millia sanctissimorū martyrum eodem vultu adierunt, quo alii diademata & purpuram admittunt. Rex ipse martyrum, Christus, mortem longe ignominiosissimam vel ideo etiam tulit, ut doceret suos non refugere ignominiosa pati, sed facere. Nemo suavius ab alio contemnitur, quam qui se ipsum prius contemnere didicit.

Verus sui ipsius contemptor contumelias has omnes infularū loco habet: & tum denique sibi plurimum applaudit, & gratulatur, cum largissime irridetur. Siquidem ea demum vera est gloria, pro Christo contemptum & probra omnia, minima maxima, æquanimiter tolerare. Discipuli Christi stipulis prius

72 GYMNAS. PATIENT.

aut spinis coronantur, quam auro & gemmis.

Rex David Amalecitas infecuturus

1. Reg. servum Ægyptium fame & morbo pæ-

c. 30. ne confectum in campo reperit, eumque

v. 13. de patria, domo, gente accuratius in-

terrogavit. At ille: Puer Ægyptius ego

sum, inquit, servus viri Amalecitæ: de-

reliquit autem me Dominus meus, quia

ægotare cœpi nudiustertius. Hunc Da-

vid exacto jurejurando in comitem ad-

scivit. Hæc secum beatus Gregorius ex-

Greg.

in

Evang

Stramineum sertum neminem damnosa

afficit ignominia nisi superbū & impa-

tientem.

Hebr.

Exeamus igitur (ut beatissimus Paulus

c. 13. hortatur) Exeamus ad Christum IESVM

v. 13. extra castra, improprium ipsius portan-

tes. Ad cruentum Christi in cruce solum

ducem habemus Paulum, qui hortatur

2. Cor. sequi, Per gloriam & ignobilitatem, per

c. 6. infamiam & bonam famam, ut seducto-

v. 8. res & veraces. Comites in eadem hac via

innumeros habemus fortissimos heroas,

qui ludibria & verbera experti, insuper

& vincula & carceres. Vt coronam adi-

piscerentur auream, toleranter gestarunt

stramineam. Nondum felix, nondum be-

atus est, qui contemni & irrideri nescit.

V. BACILLI.

Humanæ miseriæ quotidie vitam vellicantes BACILLIS repræsentantur. Nunquam profecto deest, quod patiamur : dum stamus, dum sedemus, dum ambulamus, dum edimus, bibimus, quiescimus, innumeræ sese molestiæ ingerunt ; cum incommodis nostris quotidie rixamur. Dici potest : in hoc gymnasio magister nunquā bacillos de manibus ponit. Vix ullus est mortaliū, cui non quotidie molestiarum aliquid tolerandum. Sed pleraque ista, propter quæ indignamur, offendunt nos magis quam lædunt.

Religiosissimi Thomæ illius verba ne-
minem non spectant: Miser es ubicunque
fueris, & quocunque te verteris, nisi ad
Deum te convertas. Dispone & ordina
omnia secundum tuum velle & videre :
& non invenies nisi semper aliquid pati,
aut sponte aut invite. Convertite te supra,
converte te intra, converte te extra, con-
verte te intra : & in his omnibus invenies crucem : & necesse est te ubique tenere patientiam, si internam vis habere pacem, & perpetuam promereri coronā.

Hæ miseriæ licet toleratu faciles, quia tamen quotidiani census sunt, meritum mirifice augent, modo Dei causa tolerantur. Ludovicus Blosius optime docet,
non esse minimum quid, molestiam vel
minimam pro Deo toleratam.

De omnibus his talibus & molestiis
F 4 & finem,

*Imit.**Christi**lib. 1.**c. 22.**initio.**& l. 2.**c. 12.**num. 3.**& 4.**Blos.**instit.**spirit.**cap. 2.**propius*

74 GYMNAS. PATIENT.

& miseriis illud verissime pronuntiaris:
Onerosum, sed meritorium : modo is qui pa-
 titur, pro Deo patiatur, & animo vclen-
Aug. in te. Nam, ut Augustinus loquitur, Discu-
psal. 61 tit Deus, quid quisque voluerit, non quid
prope potuerit.
finem.

Abigail feminarum prudentissima, cum
 omne genus esculentorum ferret placan-
 do Davidi, munus hoc insuper egregia
1. Reg. oratione commendans: Erit anima Do-
ca. 25. mini mei, ait, custodita quasi in fascicu-
ve. 29. lo viventium, apud Dominum Deum tuū.
 Porro inimicorum tuorum anima rota-
 bitur, quasi in impetu & circulo fundæ.
 Hic sapiens herois illustrissima compara-
 tione discrevit vivendi rationem, quam
 improbi probique tenent, præsertim in
 tolerandis vitæ miseriis. Bonæ mentis ho-
 mines instar recentium florum sunt, quos
 olitor paullo ante decerpfit, & ne diffue-
 rent, in fasciculum colligavit filo. Flores
 hi arcte quidem stringuntur, clamore, si
 possent, testaturi suum dolorem. Verum
 hac ratione flores conjuncti manent, &
 diutius vivunt affusa aqua.

Hoc florum vinculum quotidianas mi-
 serias interpretor, quæ si non suavius,
 certe purius docent vivere. Res exem-
 plo monstratur: Esurio. Vt ergo fami opi-
 tuler, coci benevolentiam ambio. Sitio.
 Sed cellarium agere non placet. ergo fa-
 muli operam adhibeo. Veste indigeo.
 At suere non possum. ergo sartoris in-
 dustriam quæro. His indigere, miseria
 quidem

quidem est, at sic non nihil humanior fio,
& aliena opera devincior ad amandum.
Si essent qui neminis egerent opera, ne-
minem vel mitiore verbulo dignarentur.
*Sic anima proborum custodita est velut in fa-
sciculo viventium.*

Longe dissimillima ratio est impro-
borum. Sentiunt quidem miseras quoti-
dianas & ipsi, sed eos esse lapides dixe-
ris, quos funda rotat quo longius proji-
ciantur. Nolunt improbi legibus stringi,
laxissimam ambiunt libertatem, cupidi-
nes suas sollicitate sectantur, nec arceri se
finunt à suis delitiis. Itaque in funda ja-
cent non ligati, sed *rotantur* huc illuc, in
omnes nequitiae species vagi. Tandem
post tot petulantiae gyros excutuntur.
Repulsi sunt de manu Dei.

Ps. 87.

vers. 6.

Glossa
ordina-
ria.

Quapropter, ut vetus interpres loqui-
tur, Fasciculus astringitur ut conservetur,
lapis in funda ponitur, ut abjiciatur. Sin-
guli secum dispiciant, qua ratione quoti-
dianas miseras ferant, an ut flores liga-
ri, an ut lapides rotati.

Rex crucifixus Christus, ad portandam
Crucem invitans, non annuam, non men-
struam, nec unius hebdomadis, sed quo-
tidianam crucem offerebat, & teste Lu-
ca, dicebat ad omnes: Si quis vult post
me venire, abneget semetipsum, & tollat
crucem suam **Q U O T I D I E**, & sequa-
tur me.

Lucæ

cap. 9.

v. 32.

Chrysostomo valde assentior, qui vi-
tam nostram onerariae navi, quæ adver-

ainer

bohe

nan.

F 5

sem Corbita hypagoga.

76 GYMNAS. PATIENT

so flumine trahitur, simillimam esse dixit. Cogita turbas, tumultum, miseras in hac tali nave assiduas. Hic clamores perpetuos diu noctuque audire cogeris: hic somnus brevior & turbator: hic cibus nauticus, & qualis in ipso navigio incommode coquitur: hic progressus navis morosus & testudineus: hic perpetuæ & aliæ ex aliis molestiæ oriuntur: jam funis rumpitur, jam carina saxo illiditur: jam equus concidit, jam ex equo

Wa- auriga decedit, jam nauticus explorator
gen= periculum indicit: modo navis offendit
halsz & in vado hæret, & quia in ejusmodi
 navigiis plerumque multum vini vehitur,
 doliarius viator semper aures obtundit,
 dum dolia munit ne rimas agant, aut
 musto rumpantur: cum in navi aliquantula
 quies foret, e cælo turbæ sunt: jam præceps
 nox hæere cogit, jam procellosus ventus
 jubet sistere, jam pluviam, jam foedissimæ
 tempestates aliæ aut morari, aut tardius
 progredi volunt. Hic nunquā deest, quod
 molestū sit. Talis omnino vita nostra est,
 assiduis miseriis plena, nunquā non ingerit
 quod patiamur. Adverso flumine, ait Chryso-
 stomus, in cælum navigamus, & tu quæris,
 ne qua tibi difficultas occurrat.

Quotidianas ergo molestias non nisi quotidiana vincet patientia. Unusquisque tollat crucem suam quotidie.

Hic plurimum promereri licet non tam difficultate tolerandorum, quam assidui-

fiduitate. Recto pietatis sensu Mathois *Pelag.*
 abbas dicere solebat: Malo aliquod leve *libello 7*
 opus & continuum, quam grave quod *nñ. II.*
 cito finiatur. Non minus patiens est cen-
 sendus, qui quotidie suam patientiam
 velut ad palum exercet, quam qui gran-
 dia fert onera, sed raro. Imo fit quandoq;
 ut magna vincamus, & in minimis suc-
 cumbamus: injuriam gravem ferimus, &
 pulci aut muscæ impatientissime irasci-
 mur. O passi graviora!

Virg. l.

Narrat Dionysius Carthusianus, sui Or- *I. Æ-*
 dinis tironem principio alacrem, & ad *neid.*
 omnia promptum, paullatim cœpisse las-
 fescere, & inter onera numerare quæ ini-
 tio facillima videbantur. Illud præcipue
 religiosum juvenē vexabat: niger ei cu-
 cullus, ut tironi, ferendus erat. hunc ille
 iniquissimis oculis intueri, & trabalem
 crucem credere, quod aliorum neminem
 fatigavit. Fuit ut huic juveni pomeridia-
 num somnum conciliaret altissimi silentii
 quies. Dum dormit, somniat Christum
 cum prægrandi cruce per cœnobii am-
 bulacrum incedere, & ascensum moliri
 per scalas, nec tamen progredi posse,
 ob immodicam crucis molem. Igitur ille
 ipse tiro, qui hoc somniabat, visus est si-
 bi accurrere, & adjuvare velle laboran-
 tem. At eum Christus torve intuens: Et
 tu, ajebat, impatientissime, in mea mihi
 ferenda cruce sis auxilio? Tuam portare
 nequis, & alios juves? Evigilavit tiro ad
 has voces, & respuit, robustiora patien-
 tia

tia specimina daturus.

Idem nobis frequenter evenit : ardua quandoque perferimus , & à minutulis jacemus victi : Tironi illi dixissemus : Quid hoc vestimenti genus te cruciat ? cucullus, quem horres , ater quidem est, sed levis est, & pro ritu familiæ quā amplexus es, tironibus omnibus gestandus. Dicamus hæc talia, obsecro, & nobis ipsis: Fames, sitis, frigus, æstus, malignū cælum, molesta statio, injucunda ambulatio, plena tædii fatigatio , importuni amici, turbantes liberi, ignavi famuli, uxor iracunda, miseriæ sunt non amœni coloris, sed facilis patientiæ ; modo eas velimus ferre non repugnanter, ipsa ferendi assuetudine molliuntur , & superantur. *Bacilli* sunt, non trabes, & eo plerunque minus feriunt, quo feriunt crebrius. Erudite hîc

Tertul. submonens Tertullianus : Absit à servo *lib. de Christi*, ait, tale inquinamentum, ut *Patient.* patientia majoribus tentationibus præpara-
cap. 8. ta in frivolis excidat.

DEVS Davidi regi amantiſſime pollicitus : Ego ero, inquit, ei in patrem, qui
2. Reg. si inique aliquid gesserit, arguam eum in
cap. 7. virga virorum , & in plagis filiorum ho-
ve. 14. minum. Nimirum ut pater aut præceptor discipuli manum ferula solet increpare; levis ictus , & brevis dolor.

Ita DEVS virga virorum , & plagis hominum , miseriis inter homines non ignotis corrigit, ne paterna labante disciplina exleges simus , in omne flagitium
animo.

animosi. Tunc enim peccandi crescit audacia, cum metus demitur dandi poenas. Ideo Sionis Rex : Virga tua , inquit , & *Pf. 22.* baculus tuus ipsa me consolata sunt. *Fas. vers. 4.* fas se filium errantem , agnovit patrem leniter castigantem.

Erudite dixit Seneca : Non sentire mala *Sen. de* la sua , non est hominis ; non ferre mala *Consol.* sua , non est viri. Esurire , algere , sitire , *ad Po-* ceterasque vitæ molestias subire , *lybium* onerosum *c. 36,* quidem, sed tamen *meritorium.* Pergamus hæc tolerare : Hic etiam à lucta non gravi sperandū est præmium immortale.

C A P V T V.

Alia quinque genera poenarum singillatim etiam exponuntur.

Festivum apologum recensens Suidas : Abies, inquit, & Rubus jurgio contendebant. Abies Rubo , Rubus Abieti multa exprobrabat; ad graves etiam verborum contumelias descendebant. Tandem Abies: Quid multis, inquit, opus est? Ultimum tuum hospitium est furnus, aut fornax, neque enim ad aliud quidquam usui es , quam ut igni te ipsum subjicias in pabulum. Hoc te fatum manet ; hic tibi locus debetur ; ab igne demum devorandus es Ego quidem, neque enim nego , durius tractor , ferro succidor, ad molam ferrariam devehor, dentibus ferratis dividor , exinde fabris dolanda & secanda trador, hic etiam pelle mea spoli-
lior:

30 GYMNAS. PATIENT.

lior : hæc tamen omnia mihi honori sunt
& laudi, nam ex me sedilia, domus, na-
vigia, templa fiunt; ubique sum usui.

Hæc vera (sic loquar) in Orbe fabula
est. Hoc discrimine improbi probique
vivunt; illi ut rubus demum in flammæ
abripientur, isti ut abietes rectæ in altum
cælo crescunt. Varie quidem afflictionis
ferro lauciantur, dejiciuntur, circumse-
cantur, fortunis ut pelle spoliantur. Sed
non refert, sic ad ædificium cæleste ap-
tantur, rubis ad ignem destinatis: Abietes
dum læduntur ferro, poliuntur, ut jam
supra demonstravimus. Et istius quidem
polituræ quinque instrumenta, *Virgas, Sa-
gittas, Facies, Sertum Stramineum, Bacillos*
explicate proposuimus. Addimus nunc
quinque reliqua, *Laqueos, Fustes, Pallium,
Flagra, Saccum*, usitatam in Patientiæ
gymnasio supellectilem, cujus singulas
partes exponemus.

I. LAQUEI ET CATENÆ.

His adumbrantur afflictiones cuius
statui propriæ. Habet quælibet vivendi
ratio suos *Laqueos* aut *Catenas suas*. Vbiq;
vincula sunt, sive arctiora illa, seu laxio-
ra, seu aurea, seu ferrea, vel etiam ada-
mantina. Religiosorum hominum status
triplici cohæret vinculo; conjugium sim-
plici, sed illo arctissimo.

Hic cum primis error ponendus est,
qui multis misere illudit. Cum nemini
crux desit, suam quisque crucem putat
pondero-

ponderosissimam. Oculorum dolorem omnium gravissimum judicat, qui ophthalmia laborat. Qui vivam in corpore lapidicinam alit, aut calculo uritur, neminem mortalium acerbius quam se torqueri existimat. Qui dentium doloribus urgetur, omnes alios dolores mitiores putat. Quem stomachi rosiones, exulceratio, aut colica exercent, se unum gravissimis tormentis cruciari censet. Ita qui angoribus circumfluit, alia omnia mallet perpeti, quam animo angi. Qui morsus & vulnera conscientiae sentit, se unum ad inferos jam dejectum credit. Qui male auspicatis nuptiis uxorem duxit imperiosam, se omnium miserrimum arbitratur, nec immitius esse pistrinum ullum quam conjugium affirmat. Miles morbo & inopia pressus, sortem suam ut omnium iniquissimam damnat. Quem domi labor velut remigem scamno affigit, infelicissimae conditionis se solum esse ingemiscit. Servorum ac subditorum querelae, omnes alios praeterquam servos, beatos pronuntiant. Magistratus, praefides, & qui ad clavum sedent, suam vivendi rationem judicant laboriosissimam. Mercator quem maria & itinera fatigant, civium quietem laudat, & mercaturam, ut turbatissimum vitae genus accusat.

Chryso.

tom. 5.

hom.

67.

propius

dinem finem.

Chrysostomus jam suo ævo in has ipsas querelas publice facundus: Oculum habens viciatum, inquit, nullam ægritudinem

82 GYMNAS. PATIENT.

dinem aliam, talem esse censet qualem suam: rursus qui stomacho laborat, hoc omnium esse difficillimum asserit: iridē & inristitia, qua quis detineretur, hanc asserit esse difficillimam; cum propria enim experientia hoc judicat. Sicut qui filios non habet, nil ita grave putat, sicut filiis carere: qui multos habet cum paupertate, nil tam accusat quam filiorum multitudinem. Privatus, nihil hujusmodi vira dicit inutilius esse, nihil abjectius. Miles nihil esse militia laboriosius, nihil periculosius asserit: satius enim pane solo cum aqua vesci, quam tot ferre molestias, &c. Quot senectam admirantur? Quot beatam vocant juventam? Quare non fuimus senes? dicimus. Cum vero vertex albescit, rursū dicimus, Vbi juvenita? Et omnino multas tristitiæ causas habemus. Vna tantum est ab hac inæqualitate libera via, quæ secundum virtutem est. Cum igitur mala nostra magis sentiamus quam aliorū, nostris grandius inesse pondus credimus quā alienis. Hic ego cum Venusino vate interrogē:

*Si qui
ob atate
munere
arcean-
tur.*

*Horat.
lib. I.
sat. I.
initio.*

*Qui sit Macenas, ut nemo quam sibi sortem
Seu ratio dederit, seu fors objecerit, illa
Contentus vivat? —*

Cuique sua fors videtur miserrima: propria crux, gravissima crux censetur. Idcirco usitatissimus hic error in gymnasio Patientiæ corrigendus. Atque hoc nemini non persuasissimum sit, omne vivendi genus suis ligari vinculis, suas cuique statui

statui hærere cruces. Elegisti vitæ genus? Illius etiam catenæ ac laquei te sequentur, ne dubita; qui reditus capit, expensas cogitet; qui hæreditatem adit, in partem solvendorum quoque debitorum venit. Vitam religiosam amplexus es? Nil nisi cruces cogita, easque perpetuas. Hic vivere non licet, nisi crucifixo.

Marti te consecrafti? extremam pauperiem, & vulnera, & mortem expecta.

Mercurio te adjunxisti? Non tantum maria & tēpestates, sed & * naufragia, & fortunarum everfionem prævide.

Musis te addixisti? Quicquid laborum aut tædiorum occurrerit, devorandum erit, aut certe Musis renuntiandum.

Domini te servitio tradidisti? Expende durissima quæque servis toleranda.

Sors aut Natura te dominum fecit? Parate; curarum & sollicitudinum agmina tibi erunt sustinenda.

Vxorem duxisti? Habeas ut nactus. Ærumnæ te plurimæ expectant; hæc sacra aliter non constant. Te ipsum sponte in vincula coniecisti quæ nemo nisi Mors solvat. Quapropter sumptuosum tibi bellum, familiæ procellas, quotidianum suppliciū, tristitia omnia imaginare. Nam, *1. Cor. tribulationem carnis habebunt hujus. cap. 7. modi. Ecquid frustra luctamur? omnis v. 28.*

*Kauffmanschaffe un̄ Banckeroten seind nahend gefreundt.

G

viven-

84 GYMNAS. PATIENT.

vivendi ratio , status omnis plurimum amaroris habet , & ubique est , quod mordeat.

Divina lege sancitum est : Omnis oblatio quæ offertur Domino , absque fermento fiet , nec quidquam fermenti ac mellis adolebitur in sacrificio Domini. Quicquid obtuleris sacrificii , sale condies. Mel & fermentum à divinis sacrificiis exclusissima sunt. Neque vero tantum flagitiis abstinendum , sed & voluptatibus , quæ ducunt ad flagitia. Vtrumque repudiatur & mel voluptatis , & fermentum nequitiae. Sale condiendum est , quicquid Deo consecratum cupimus , Nihil enim illi placet , ut Hieronymus loquitur , nisi aliquid in se amaritudinis & mordacitatis contineat. Deus ipse pæne omnia perfundit amaritie , & multo sale defricat.

Rex David hoc persentiscens : Posuisti , ait , tribulationes in dorso nostro. Ecce quis hanc acrimoniam non sentiat ? Addit : Induxisti nos in laqueum. Deus est qui certa vivendi ratione nos vinciat , hos compedibus , istos armillis , illos torquibus , hos catenis , hos funibus : quosdam ferro ligat , loro aliquos , auro alios. Non tamen minus ligatus est qui ferro , quam qui auro ligatus est. In vinculis sumus , & compediti , quodcunque vitæ genus tuemur : ille omnium peritissimus habetur in Patientiæ gymnasio , qui status sui seu laqueos seu catenas scitissi-

scitissime gestare novit, qui Christiana patientia se suis compedibus indulget. Certe ferenda sunt hæc vincula, non rumpenda. Plurimis prodest sic esse vinc-tos, ne manuum pedumve licentia ex-orbitet ab honesto.

Illum igitur errorem penitus damne-mus, qui suam cuique crucem fingit omniū esse gravissimam. Imo hoc quis-que sibi certo persuadeat, se nunquam tanta passum, sed nec passurum unquā, quin alii longe graviora passi deprehen-dantur.

Ex illo autem errore primo enasci so-let alius, cum afflictiones nostras non tantum maximas censemus, sed eas e-tiam fugere molimur, licet irrita cona-tu. Hinc agricola ligonem odit & stivā, cæmentarius trullam, faber ferrarius limam, tabularius pennam, discipulus disciplinam: maritus execratur conju-gem, famulus herum, puer magistrum; suum omnibus officium sordet; displi-cet incoepta vitæ ratio. Nimirum, pro-pter frigus piger arare non vult.

Hic Paulus altum inclamat omnibus: Vnusquisque in qua vocatione vocatus est, in ea permaneat. Quo tandē modo? Fortiter & agendo, & patiēdo. Eam ob causam Paulus in preces etiam de-scendens: Obsecro itaque vos ego vin-ctus in Domino, inquit, ut digne am-buletis vocatione qua vocati estis, cum omni humilitate & mansuetudine, cum

Proci.

c. 20.

vers. 4.

1. Co.

ruth.

cap. 7.

v. 20.

Ephes.

cap. 5.

vers. 1.

86 GYMNAS. PATIENT.

patientia. Quid enim reluctamur misc-
ri? quid vinculorum nodos rumpere ten-
tamus frustra? Hoc certe unum agimus,
ut arctius implicentur.

Feramus ergo injectas nobis compe-
des, dum suum capiti diadema veniat.

Fors vicina jam dies est, qua canamus

Psal. assertori nostro : Dirupisti vincula mea,

115. tibi sacrificabo hostiam laudis.

v. 16.

II. NODOSI EVSTES.

EVSTIBVS NODOSIS cala-
mitates monstrantur plurimis commu-
nes, Tyrannis, Hæresis, Bellum, Pestis,
Sterilitas, Fames, Oppressiones, Cæ-
des, Inundationes, Morbi, Naufragia,
Ruinae, Incendia, Terræ motus, Terræ
labes, ceteræque clades publicæ. Vtilia
prorsus sunt hæc quæ patimur publica
mala. Origo eorū à Deo bonorum om-
nium auctore, capite, & fonte, qui
hæc aspera ingerit, ut medicamenta,
sensu quidem tristia, re salubria & e-
ventu.

Quod Fines cladum istarum præcipue tres
& supra numerantur. Aut enim BONOS DEVS
asserui- exercet; aut Lapsos castigat; aut Impro-
mus. bos punit, & hæc omnia nostro bono.

Videmus quotidie optimos quosque aut
seorsim premi cladibus, aut iisdem pa-
riter involvi cum malis. Videmus & mi-
ramur, quia nec causam satis capimus,
nec attendimus ad finem. Causa est Dei

in nos.

in nos amor: finis, non læsio nostra, sed fructus. Iuvat enim exercitium hoc non uno modo, Si nautam velis agere, per tempestates doceare: si militem, per pericula: si vere virum, per afflictionis tolerantiam. Doctrina enim viri per patientiam noscitur. Atque hic exercendi; *Prov. c. 19.* alter castigandi finis est. *v. 11.*

Clades quibus castigamur, aut flagelli loco sunt, cū peccavimus; aut freni, ne peccemus. Paterna manus est, quæ lapsos crebro verberat; carnificis, quæ tarde, sed semel punit. Punitio divina ad malos quidem spectat, non tamen mala est, quia non aliud est, quam cohibitio quædam à scelere & repressio. Sic pœna omnis bona, Iustitiæ aspectu, sicut impunitas mala, quæ efficit ut diutius scelesti noceant.

Porro clades publicæ, ut Bella, Fames, Pestis, aliæque iustissime à Deo immituntur. Neque est quod eas graviores priscis aut novas credamus. Et olim talia longeque graviora. Hoc quidem ævo ab Anno Christiano millesimo sexcentesimo decimo octavo, totam pæne Europam belli flamma depasta est, per duodecim jam annos: nec dubium quin aliquot centena millia hominum morbo, fame, gladio perierint. Sed nihil hoc novi. In una olim Hierosolymorum urbe, per omne tempus obsidionis mortui aut cæsi, *decies centena millia*, capti nonaginta septem millia. Quo quidem tempore in

38 GYMNAS. PATIENT.

Iudæa diversis locis, *duodecies centena & quadraginta millia* Iudæorum occisi sunt. Præter innumeros qui fame, exilio, miseriis perierunt. En cladem unius solummodo gentis! Quantula tamen illa hominum terrarumque pars, si conferatur cum Europa nostra?

Quid jam alibi gentium? Vnum bellum Punicum secundum in solis Italia, Hispania, Sicilia, *supra quindecies centena millia*, non totis septemdecim annis consumpsit. Bellum civile Cæsaris & Pompeji ad *trecenta millia* hominum glutivit. Bruti, Cassii, Sexti Pompeji largiorem sanguinem fuderunt. Vnus C. Cæsar (ô pestem perniciemque generis humani!) fatetur, & quidem gloriabundus, *Vndecies centena & nonaginta duo millia* hominum præliis à se occisa. Pompejus Magnus in delubro Minervæ inscripsit, *Fusa à se, fugata, occisa, in deditiōem accepta, hominū vicies semel centena octoginta tria millia*. Quibus velut in numerum addo Q. Fabium, qui *centum & decem millia* Gallorum: C. Mariam, qui *ducenta millia* Cimbrorum: Posteriori ævo Aëtium, qui memorabili Catalaunico prælio *centum sexaginta duo millia* Hummorum occidit. His jungo Mithridatem regem, qui una epistola *octoginta millia* civium Romanorum negotiandi causa per Asiā dispersa interemit.

Neque tantum cadaverum strages in bellis, sed oppidorum ac urbium. Caro Censorius gloriatur, plura oppida se in
His.

Hispania cepisse, quam dies in ea egerit. Cepit autem quadringenta, si Plutarcho fides. Sempronius Gracchus, ut Polybius refert, trecenta in eadem delevit.

Quid jam de morbis & varia lue memorem? In Iudæa pestis una sub Davide rege septuaginta millia hominū absorpsit, die non toto. Sub Gallo & Volusiano Imperatoribus, pestis ab Æthiopia exorients, omnes Romanas provincias pervasit, per quindecim continuos annos incredibiliter exhausit, & innumeros mortalium ad plures misit. Vix alia unquam major, seu temporum, sive terrarum spatio fuit. Sævitia tamen insignior illa, quæ Byzantii finitimisque locis grassata, Justiniano principe, cujus vis tanta, ut in singulos dies quinque millia funerum daret, interdum etiam decem millia. Nec minus miranda Africana pestis, quæ eversa Carthagine orta, in sola Numidia octingenta millia hominum delevit, in maritima Africa ducenta millia, & apud Vricam triginta millia militum. In Græcia, Michaëlis Ducæ imperio, tanta pestis sævitia fuit, ut vivi proprius pares non essent sepeliendis mortuis. Denique Petrarchæ ævo, tam valida in Italiam pestilentia incubuit, ut ex milienis quibusque hominibus vix decem superessent.

Iam de fame nihil profecto nos, aut ætas nostra, vidimus, si videmus anti-

Proco-
pius
lib. 2.
de bello
Persico.

Agathias
lib. 5.
hist.

Zonara
verba
sunt.
Sub
annum
Christiani

1359.

90 GYMNAS. PATIENT.

qua. Sub Honorio Imperatore Romæ tanta caritas omnis annonæ fuit, ut homines hominibus jam imminerent, & in Circo palam audita sit illa vox, **PONERE PRETIUM HUMANÆ CARNI.** In tota Italia vastantibus eam Gothis, sub Iustiano, iterum tanta, ut in solo Piceno *quinquaginta millia hominum* fame interierint, & passim in usum ciborum versæ sint carnes non solum humanæ, sed humana etiam excrementa.

*Joan. Maria-
na l. I.
rerum
Hispani-
cæ.
c. 13.
sine.* **Ævo** regis Hispaniarum Habidis, terræ aërisque ficcitas viginti sex annis tanta fuit, ut fontibus fluvisque omnibus, præter Iberum & Bætım præ ariditate consumptis, humoreq; penitus exsiccatō, quo partes terræ pulvisque coagmentantur, agri in vastos hiatus abirent. Hinc facultas alio commigrandi sublata multis, qui vitæ sustentandæ necessitate adacti fugam meditabantur. Sic Hispania locis præsertim mediterraneis, herbarum & arborum honore nudata (paucas quasdam arbores ad Bætis ripam conservatas ajunt) bestiis & hominibus fame consumptis, in solitudinē & in vastitatem miserabilem redacta est. Regum nobiliumque progenies à stirpe defecit, tenuioribus, quibus res angusta domi fuerat, neque in multos dies paratus commeatus, in vicinas provincias, locaque maritima tempestive dilapsis. Exactis tandem viginti sex annis post maximam vim ventorum qui subsecuti sunt,

sunt, & arbores omnes radicitus convulserunt, copiosis pluviis depulsum est malum. Incolarum aliqui, sed aliis permixti gentibus, ad sedes pristinas reversi, Hispanorum gentem & nomen ferme ad interitum perductum instaurasse creduntur. Sic Hispaniæ sentiunt Historiæ. Sileo nota.

Quid jam vetera tributorum exempla memorem? Pleræque omnes provinciæ sub Romano Imperio, fructuum ex agro *Ager* pascuo *Quintam* quotannis persolve-^{arunt} runt, *Decimam* ex agro arvo. Nec defue-^{qui a-} re Antonius & Cæsar, novem decemq; ^{rari so-} annorum tributa exigere in annum. Iu-^{let &} lio Cæsare interfecto, cum arma sumpta ^{seri:} pro libertate, singuli cives *Vigesimam* ^{pascuus} *quintam* omnium bonorum dependere ^{qui pa-} cogebantur. Et hoc amplius: Senatorii ^{scendo} *pecoræ* ordinis omnes, in singulas ædium sua-^{aptus,} rum tegulas, *sex asses* conferre jussi sunt. Tributum immensum, nostrisque censibus vix credendum. Octavianus Cæsar *octavam* omnium bonorum partem à libertis exegit, & accepit. Omitto quæ Triumviri, quæ alii tyranni patrauerunt.

Porro exactiones omnes ac rapinas longe superabāt Romanorū coloniæ, quibus in subditos nihil cogitari potuit tristius. Deducebantur passim legiones cohortesque veteranæ in agros & oppida: miseri provinciales momento temporis, bonis & fortunis omnibus provolvebantur, idque nihil ausi, nihil meriti: pro-

92 GYMNAS. PATIENT.

crimine opes eorum, aut opimi agri fuerunt. Miserum est numis spoliari: quid etiam agris tectisque? Grave istis pelli: quid tora patria? Distrahebantur ecce aliquot millia hominum, liberi à parentibus, domini a familiaribus, uxores a viris, & in varias terras, ut sua cuique fors fuit, spargebantur, alii in Africam, pars in Scythiam aut Britanniam coacti sunt migrare. Solus Octavianus Cæsar in sola Italia viginti octo colonias collocavit: in provinciis quot libuit. Hoc profecto gurges calamitatum omnium fuit.

Quid jam Inundationes, Terræ motus, Incendia, Ruinas commemorem, quæ

Trans- totas non raro civitates hauserunt. Fide-
quillus nis, Tiberio principe, collapsi Amphitheatri ruina, viginti millia hominum
de Cæ- & amplius perierunt.
sar. Ta-

citius in Clades in omni Orbe, & omni ævo
Annal. fuerunt eruntque. Illud potius mirum,
Alii. si exlex quisquā ab hac communi lege

Ipsius nec onus ferat, quod ferunt omnes. So-
lib. 2. lon amicum quendam Athenis graviter
Const. lugentē in arcem deduxit, & subjectas
c. 20. omnes in magna urbe domos ostendens:

Et seqq. Cogita, inquit, quam multi luctus sub his tectis olim fuerint, nunc versentur, postea futuri sint: ac mitte lamenta vana, animumque contra hæc obfirma. Idē omnibus ingerendum, qui nostra tempora ut omnium luctuosissima deplorant: Obfirmate animum. Quod damnum pu-

tamus, remediū est. Hac miti calamita-
tum ferula D E V S crimina nostra velut
depurgat & expiat. Transeundum est per *Ps. 68.*
ignem & aquam, & educet nos in re-*v. 12.*
frigerium. Obtinuisti primum, expecta
secundum.

III. PALLIVM.

Illam afflictionem PALLIVM voco
quam quis ipse sibi creat, aut aliunde
advenientē auget vanis persuasionibus.
Nimirum talis cuique quælibet res ap-
paret, qualem ei vestem aut pallium ip-
se induerit. Incredibile dictu est, quan-
tum hîc seu imaginatio, seu Opinio pos-
sit. Opinione sola & ægrotamus, &
etiam quandoque morimur. Fit non-
nunquam ut duo quidam simillima, &
eadem pæne cruce premantur: alter
excitatoris animi suam putat esse char-
taceam, alter abjectioris & tristioris
suam putat prorsus plumbeam. Hîc non
res, sed opinio diversa est.

Sæpissime tantæ molis ac ponderis
crux est, quanti eam putat is esse qui
portat. Mala nostra ad opinionem no-
stram aut crescunt, aut decrescunt. Gra-
via patitur, qui hoc unum sibi jam per-
suasit, se pati gravia. Grande prorsus
imperium est imaginationis in morbos,
& in omnia quæ patimur mala. Sunt
qui Imaginationem pluvix assimilent,
quæ suo in terram illapsu ranunculas
fex-

54 GYMNAS. PATIENT.

sexcentas procreat. Hanc alii cum tonitru contendunt, quod oves abortire facit, & apum mel acore corrumpit.

Non male Imaginatio Venetorū conspiciliis conferatur, quæ turbam è viginti circiter militibus, aspectabilem præsentant exercitum. Quidquid in Orbe magnum est, subsidet, si ei vanum imaginationis tumorem ademeris. Cogitationes meticulosæ, suspiciones, æmulationes, & mille hujusmodi, quæ vitam misere discruciant, imaginationis sunt ludibria. Imaginatio vigilantium est somnium, quod mille phantasmata, modo ridicula, modo horrida objectat. Vulgi verbum est, *Imaginatio facit casum*. Hic non minus vere dixerim: Imaginatio aut fabricat crucē, aut certe aggravat. Quemadmodū is, qui pontē angustū transit, aut altum scandendo petit, tum demum ruere incipit, cum ruiturum se imaginatur, ita prorsus frequentissime calamitosus fit, qui se talem esse arbitratur.

Qualem rebus imaginē imponimus, aut quale iis pallium injicimus, tales nobis apparent. Id Ioannes Climacus tali narratione confirmans: Cum in cœ-

Climac
grad 4.
pag. 7.
ab ini-
tio
quarti
grad.

nobio, inquit, ad mensam confedissemus, cœnobii præses in aurem mihi insurrans: Vis, inquit, pater, ostendam tibi religiosissimā cum extrema canitie prudentiam? Cumque id summis precibus orarem, nec quidquam me magis

vellē

velle dicerem, advocavit præses è pro-
 xima mensa sacerdotem senem octoge-
 narium qui sacrario præerat, & quadra-
 ginta octo annos in monasterio cum
 laude posuerat. Vocatus hic senex prò-
 ptissime venit, & abbatis genibus ad-
 volutus sollennem precationē expetiit,
 eaque data surrexit, & ad mensam, quid
 abbas mandaturus esset, stans expecta-
 vit, idque sub initium prandii. Abbas
 suavissime omnia dissimulans, neque se-
 nem abire iussit, nec quid ipse vellet, im-
 peravit, prandium autem omni studio
 contra morem protrahi curavit. Duabus
 fere horis patientissimus senex stetit,
 immoto gradu, & quidem impransus.
 Climacus hæc secum tacite admiratus,
 erubescere vel obliquo oculo incanum
 illud & venerandum caput tangere. Ita-
 que perstabat dignissimus cælo senex
 ad prandii finem. Remotis mensis, cum
 omnes surgerent, iussus est abire, & ini-
 tium trigesimali noni psalmi Isidoro re-
 citare. Climacus in stuporem datus hoc
 spectaculo, & religiosa curiositate a-
 ctus, senē illum statorem ad colloquiū
 secretum sevocans: Et quæso te, inquit,
 mi Pater, quid tanto tempore impran-
 sus & stans ad mensam cogitasti? Cui
 senex placate: Imaginem Christi præfidi
 meo imposui, ait, neque enim hoc ho-
 minis iussum, sed Dei esse credidi. Qua-
 re non ad mensam, sed ad aram me stare
 persuasus, Deo preces adhibui, nec ul-
 lam

Expectans
 expectans
 Domini
 & in-
 tendis
 mihi.
 Ps. 39.
 vers. 1.

96 GYMNAS PATIENT.

Iam maligniorem cogitationem adversus præsidem admisi.

En artificiū nobile in patientiæ gymnasio plane usurpandum. Imaginē Christi, ait optimus senex, præsidi meo imposui. Talis scilicet unaquæque res nobis apparet, qualem imaginem, vel quale nos ei pallium injecerimus, qualem scilicet eam nostra finxerit imaginatio. Si nos ei pallium lugubre ac nigrum circumdederimus, aspectu mœsto feriemur; si leve ac grati coloris, impavida eam æquanimitate complectemur.

Subinde tamen, quisquis nimium dolere non vis, nudam rei faciem intueri, & quod prius horrorem ac mortem inrentabat, jam risum excitabit. Quod videmus accidere pueris, hoc nobis quoque majusculis pueris evenit. illi quos amant, quibus assueverunt; quibuscum ludunt, si personatos videant, expave-
Seneca. scunt. Non hominibus tantum, sed & re-
epist. bus persona demenda est, & reddenda
24. facies sua. Inspice, oro, penitus quid
med. sit ægrotare, quid sine culpa sua pauperem esse, quid humanum favorem amisisse, vide quid sit immerentem injuria affici, quid virtute præditum contemni ac vituperari, & hæc omnia terribiles malorum larvas dices, sed pueris solum formidandas.

Plurimorum imaginatio morbum, ut malum maximum; paupertatē, ut extremum vitæ dehonestamentum; injurias,
 con-

contemptum, vituperia, favoris jacturam, invidorum vexationem, ut rem longe deterrimam, velis remisque fugiendam intuentur. Ita è formicis elephantos, è canibus pantheras & tigrides, è lepusculis nescio quos belluarum, & terribilium portentorum exercitus fingimus. Ita centies morimur, antequàm periculose ægrotemus, ita nos Iro & Codro pauperiores credimus, paupertate vix à limine salutata; ita quandoque victoriam amissam & desperata omnia proclamamus, antequam hostis in conspectum veniat; vix absinthiten labris primoribus gustamus, & totos absinthii montes devorandos esse metuimus; vix spinulam calcamus, & gladios ac vulnera somniamus. Ita malis nostris plurimum adjicimus, & nobis ipsis mentimur. Omnia quæ patimur, opinione nostra majora fiunt, & sæviora.

Quis hæc mortalitatis ludibria satis æstimet? Plura sunt quæ nos terrent, quam quæ premunt, & sæpius opinione quam re laboramus. Quædam nos magis torquent, quam debeant; quædam ante torquent, quam debeant; quædam torquent, cum omnino non debeant. Aut enim augemus dolorem, & fingimus, aut præcipimus. Plerumque enim suspitionibus laboramus, & illudit nobis illa, quæ conficere bellum solet, fama. Sic accedimus opinioni, nec coarguimus illa, conficit.

*Livius
lib. 27.
Fama
bellum.*

Et parva momenta in spem motumve impellunt animos.

58 GYMNAS. PATIENT.

la, quæ nos in metum adducunt, nec excutimus, sed trepidamus, & sic vertimus terga, quemadmodum illi, quos pulvis motus fuga pecorum, exuit castris, aut quos aliqua fabula sine auctore sparsa conterruit. Nescio quomodo vana magis perturbant. Vera enim modum suum habent: quicquid ex incerto venit, conjecturæ & licentiæ paventis animi traditur. Inquiramus itaque in rem diligenter.

Quam multa nō expectata venerunt, quam multa expectata nunquam comparuerunt! Etiam si futurum est quod times, quid proderit dolori tuo occurrisse? satis cito dolebis, cum venerit: interim tibi meliora propone, & noli

Matth. cap. 6. ve. 34. sen ult. sollicitus esse in crastinum. Crastinus enim nimis dies sollicitus erit sibi ipsi. Sufficit diei malitia sua. Id quod metuimus, fortassis erit, fortassis non erit; interim dum non est, mittamus tam vanos metus.

Nonnunquam nullis apparentibus signis, quæ mali aliquid pronuntient, animus sibi falsas imagines fingit, aut verbum aliquod dubiæ significationis detorquet in pejus, aut maiorem sibi offensam proponit alicujus quam est, & cogitat non quantum iratus ille sit, sed quantum liceat irato. Sic dubia pro certis expavescimus, nec servamus modum rerum; statim in timorem venit scrupulus. Ergo spem ac metum examina, & perturbare te desine.

Præ-

Præclarissime dixit Epictetus : Homi- *Epictet*
 nes perturbantur non rebus, sed iis quas *Enches*
 de rebus habet opinionibus. Verbi caus- *c. 10.*
 fa : Mors non est malum ; alioqui enim
 & Socrati ita visum esset : sed opinio
 de morte , quæ malum eam facit. Cum
 igitur impedimur aut distrahimur : non
 alios culpemus , sed nosmetipsos , hoc
 est , nostras opiniones.

Hoc ipsum Annæus explicatissime
 confirmans : Opinio est ergo , inquit, *Seneca*
 quæ nos cruciat : & tanti quodque ma- *Consol.*
 lum est , quanti illud taxavimus. In no- *ad*
 stra potestate remedium habemus. *Marci-*
am

Itaque in Patientiæ gymnasio cruces
 pretiosæ aut viles , ponderosæ aut leves
 sunt , prout discipuli pretium eis dant,
 aut pondus. Tam miser est quisque, quã
 se esse credit. *cap. 19*

I V. F L A G R A.

Inter gravissimas afflictiones non im-
 merito censetur illæ, quæ à Lingua sunt,
 Objurgationes, Convicia, Obtrectatio-
 nes, Contumeliæ, Calumniæ, Expro-
 brationes iniquæ, Accusationes falsæ, &
 quicquid ab illa malorum Lerna, à Lin-
 gua mali est. Huc referendum, cum ne-
 gantur petita, postulantur ingrata, im-
 perantur dura. Atq; hoc omne afflictio-
 nis genus F L A G R A nobis ob oculos
 ponunt. Graves hinc ictus, & plagæ
 prorsus acerbæ, quæ ossa vel ipsa com-

H

mi-

minuant, præsertim si ab iis exagiteris, à quibus id minime expectes.

Pf. 54. Solymæus rex olim queritur: Si inimicus meus maledixisset mihi, sustinuissem utique. Et si is qui oderat me, super me magna locutus fuisset, abscondissem me forsitan ab eo: Tu vero homo unanims, dux meus & notus meus, qui simul mecum dulces capiebas cibos, jam etiam in me calces elidis? *Et tu fili,* dicebat Bruto Cæsar, cum in curia confoderetur. Hic breviter solaria, velut unguentum instillamus vulneri.

Primum: Hic nemini parcitur, nec quidem cautissimis, nec etiam sanctissimis. Et hi quoque cæduntur ac flagellantur linguis. Flagellum linguæ, ait *Sacerd.* *c. 26.* *Hiere-* *vers. 9.* *Hiere-* *cap. 15* *v. 10.* *ter mea,* inquit, quare me genuisti viri rixæ, virum discordiæ in universa terra? Omnium jurgiis & pessimis imprecationibus expositus erat.

Parum erat Iobum à Satana immanissime cruciari, nisi sua eum & uxor, & cognati linguis etiam dirissime flagellassent. Vti aromata longe lateque odorem emittunt, si teras: sic virtutis fama diffunditur, si premas. Sunt & animalia quæ verberata gratissimum spirant odorem: talis omnino Iobus, qui quo plures accipiebat plagas, tanto suavioris patientiæ odorem halabat. Illius

carmen agnosce : Beatus homo qui cor- *Iob.*
ripitur à Deo : increpationem ergo Do- *cap. 5.*
mini ne reprobēs. *v. 17.*

Alterum solatium : Divina protectio,
quæ quidem hoc efficit, non ut non sen-
tias hæc flagra, sed ut ea tantopere non
noceant. A flagello linguæ absconde- *Iob.*
ris, inquit Iobus, & non timebis cala- *c. cod.*
mitatem cum venerit. Huic rei hoc no- *v. 21.*
men ex affe convenit, siquidem flagellū
linguæ, non dolorem tantum, sed vibri-
cem ac livorem facit, famæ ac nomini
notam imprimit. Dein, uti flagra plerun-
que tergum perunt, sic obtrectiones
à tergo lædunt. Sed quisquis hæc pate-
ris, erige animum. Absconderis ab hoc
flagello : tuebitur te D E V S, ne menda-
cium & calumniæ tibi noceant, aut cer-
te si quid nocumenti ferant, id nobilio-
ri bono farciatur.

Tertium : His flagris admoti maximā
suorum criminum partem expiant, si se
decore ac patienter hîc gerant. Romæ
olim Lupercalibus juvenes caprinis pel- *Alexā-*
libus incincti per ludum currebant, ob- *der ab*
viamque turbam petebant loris : ultro *Alex.*
iis mulieres occurrere, & palmas ferien- *lib. 4.*
das præbere assuerant, partus facilitatē *dier.*
ab his verberibus sibi dari arbitrata. Hoc *gen.*
Romani mense Februariō factitabant : *initio.*
apud nos Luperci quotidie modo hiuc,
modo illi cum flagris imminēt, percus-
suri etiam innoxios. Hîc expedit se iis
non negare : imo vero sæpissime non

102 GYMNAS PATIENT.

possumus, etsi velimus. Hæc autem flagellatio æquo animo tolerata, mortem beatam conciliat.

*Ber-
nar. in
epist.* Res maximi momenti est, scisse de se
alios male locutos, & sustinuisse. Ideo
Bernardus ad perferenda hæc flagra
promptissimus: Ego, inquit, plagis con-
scientiæ meæ nullum judico accommo-
datius medicamentum probris & con-
rumeliis. Non est proinde quod com-
movear, homuncio sum omni opprobrio
dignus & despectione. Quod Seneca
Romanis, id quisque suis obtreçtatori-
*Sen. de
beata
vita
cap. 19* bus dixerit: Gemite, & infelicem lin-
guam bonorum exercete convicio, in-
state, commordete: citius multo fran-
getis dentes quam imprimetis.

Quartum. Improbrum obtreçtationes
& calumniæ, nullius hominis causæ
ad tribunal divinum examinandæ vel
minimum obsunt, imo prosunt plurimū.
Digna Hieronymo vox: Apud Christia-
nos non est miser qui contumeliam pa-
titur, sed qui facit. Christus luculentissi-
*Matth.
cap. 5.
v. 11.* me: Beati estis, inquit, cum maledixe-
rint vobis homines, & persecuti vos
fuerint, & dixerint omne malum adver-
sum vos, mentientes propter me; gau-
dete, & exultate, quoniam merces ve-
stra copiosa est in cælis.

*I. Pet.
cap. 4.
v. 14.* Vocem Domini secutus Petrus: Si
exprobramini, ait, in nomine Christi,
beati eritis. Hoc nimirum Christo simi-
lem reddit, hoc Angelum efficit. Sapiēs
illa

illa Thecuitis Hebræum regem impensissime laudatura : Sicut Angelus Dei, 2. Reg. ait, sic est Dominus meus rex, ut nec benedictione, vel maledictione moveatur. 14. v. 17.

Adversus hæc linguæ flagra insigniter quemvis erudiens Gregorius: Inter verba laudantium, sive vituperantium, inquit, ad mentem semper recurrendum est, & si in ea non invenitur bonum quod de nobis dicitur, magna tristitia generari debet. Et rursus si in ea non invenitur malum, quod de nobis homines loquuntur, in magnam debemus lætitiā proflire. Quid enim si homines laudant, & conscientia accuset? Aut quæ debet esse tristitia, si omnes accusent, & sola conscientia nos liberos demonstraret?

At, plusquam credi potest, dolet (dixerit quis) calumniis & mendaciis sic temere flagellari. Doleat sane; quid tū postea? Dolere pro Christo & cælo, summum sit solatium Christiano. Doles de te hæc dici? plus doleas, si vera sint quæ dicuntur, si tua tibi conscientia opprobret: En, ita te geris, ut in ora hominum abieris. Quem vero conscientia tutatur, affirmatque inania & falsa esse quæ à malevolis jactantur, ille non acerbè ferat quoscunque aliorum sermones. Cur enim dolent, si non nocent? quod si etiam noceant, Deus profecto quicquid hoc nocumenti est, præmio decuplo pen-

104 GYMNAS. PATIENT.

Prov. fabit. Qui deliquit, quique sermonibus
causam dedit, is seipsum accuset, si male
audiat. Iustus autem quasi leo confidens,
c. 28. absque terrore erit.

v. 1. *Sic* Babylonius rex Balfasar dum inter
Biblia mille optimates ad epulum regium accubuit,
emen- manum vidit in proximo pariete scribentem;
data. ea re sic territus est, ut expalluerit, omnibusque artubus contremiscere coeperit. Quæ, obsecro, tanti terroris causa? Vidit manum. Ecqualem? Hominis. Ergo rex humanam manum sic timeat? Si leonis, aut ursi, aut draconis ungues vidisset, causa formidinis aliqua fuisset. Sed unius hominis dextram quid tantus monarcha metuat, ad cuius nutum mox centenæ alæ equitum advolassent subsidio? Ecquid illa tam formidanda manus armorum tulit? Nihil nisi calamum quo scripsit. Ad penam scriptoriam virum, ne dicam regem, expallescere? Si trigeminam Ioabi lanceam, si romphæam Cherubim ignitam in se unum vibrari vidisset, non sine ratione timuisset. Sed fortasse tanti pavoris causa fuit Scriptura? Non intellexit Scripturam, & ob eam rem interpretes vocavit. Quid ergo manum unicam, quid calamum, quid scripturam metuit quam non intelligit?

Videte quam crebro fiant simillima. Adest maledicus, qui velut parieti lingua inscribit ejuscemodi voces: *Nemo fidat huic homini, non is est qui putatur esse,*
has

hæc atque hæc familiaria sibi habet vitia; foris nitet, intus & in cute alius est. Hanc ulem scripturam subinde sic expavesimus, ut eam inter gravissima supplicia numeremus: & morte acerbius videtur velle, nec posse hoc ulcisci.

Sed quare, ô Christiani, vos sic examinant obrectatorum verba? Cur leviter læsi patientiam omnium in furorē vertitis? Hic quidem scorpionis genius est, qui tactu non provocatus acum virosam continet: tangitur? cauda quam primum ferit: ita plurimi silent non læsi; tanguntur? ignes vomunt & venena.

Hic longe consultissimum est, obrectatorum voces surdis auribus transmittere. Exemplum à sanctissimis licebit petere. Optimus regum David pessime à multis traducebatur: Ego autem, inquit ille, tanquam surdus non audiebam. Et quamvis susurriones quandoque adrepant, dicantque: Hoc iste de te in vulgus spargit. Tu vero tanquam surdus non audias. Sermones hos omnes velle refellere, est seipsum operose lædere. Plerumque hæc dicta tanto latius serpunt, quanto contentiosius refutantur. Sapientissime monens Epictetus: Si quis, inquit, nuntiavit, quemdam tibi maledicere, ne refuta, quæ dicta sunt, sed responde, eum nescisse cetera tua vitia, nam aliqui non illa sola fuisse dicturum. Qui sapit, sic loquitur. Imperitissimus quisque ubi se in fabulas &

Ps. 37.

v. 14.

Epistle.

Enchir

c. 48.

106 GYMNAS. PATIENT.

Sermonem mitti comperit, mox vociferatur: Ego vero mendacissimos illos nebulones tractabo, ut par est: illi de me hoc spargant? faxo poeniteat illos tam improbi sermonis: & ego illis famam, quam merentur, inuram. Eho Christiane! Hoc sane in Patientiae gymnasio nō docetur.

Sut. Beata Aldegundis regii stemmatis virgo, à teneris annis omnigenarum virtutum studiosissima, cum inaudiisset, se ab otiosis fabulatoribus non sine quorundam offensione traduci, animo non nihil angī cœpit. At mox ei Angelus subsidio missus: Ecquid te turbat Virgo, agebat, malevolorum loquax invidia, quid hominum inanissimos fermunculos attendis? sponsus & iudex tuus in alto est: quid tu terram aspicias? Sanguinem pro Christo fundere parata es? contumeliosa prius verba disce concoquere. Patientia vincit omnia. Te præmium manet cælestis gloriæ, illos supplicium gehennæ, ni resipiscant. Patiendo vinces. Ab eo tempore Aldegundis in tantam se patientiam composuit, ut ultro posceret à sponso asperius haberi: Ego vero mi bone I E S V, dicebat, moris tui ignara non sum: scio quod omnem filium quē recipis, flagelles. Tuam ergo ancillulam flagellis acrioribus subjice. Injuriis, mœroribus, morbis me castiga & purga: suave mihi erit pati, modo sic liceat vitare patiendā æternum. Nec irritæ fuerunt

runt preces : Annuit sponsus. Paullo post gangræna pectus invasit, & per totum deinde corpus se diffudit. Ampla hoc erat patiendi seges, ad usque obitū.

Itaque discamus Spartana, imo Christiana nobilitate hæc linguæ flagra tolerare. Vix verbera pro Christo feret, qui necdum illius causa verba didicit digerere. Dicat quisque sibi : Dominus mihi adjutor, non timebo quid faciat mihi homo. Augustinus hæc consignans : Si exceptus es, inquit, à passione flagellorum, exceptus es à numero filiorum.

V. Cumulum malorum denotat S A C C U S, è quo tamen aut tempus, aut Mors ipsa constrictū liberat. * Saccus apud Iaponas horribile tormentum est Christianis non ignotum : Ad hoc damnati, collati tenus includuntur sacco, atque sub dies noctesque destituuntur, ad omnes injurias cæli excipiendas. Hic fames, sitis, frigus, æstus, insomnia torquent miserum. ita non simplici cruciatu hoc genus tormenti constat.

Saccus in gymnasio Patientiæ frequens supplicium est, nam ea subinde calamitatum varietas premit hominem, tantaque in eum incumbit mole, ut sibi undique constrictus, & velut in sacco esse videatur, aut in dolio Reguli.

M. Atilius Regulus illustrissimum fidei atque patientiæ documentum, primi Punici belli gloria, suis se hostibus stitit ex data fide. Illi Regulum in arcam lig-

**Ser
Kre
bs.**

Psalm.

117.

vers. 6.

August.

loco in-

fra fu-

sus re-

citando.

Vide

quaso

qua di-

cturi

sumus

in fine

partis

secunda

de hoc

Lingua

flagello.

** Vide*

Nicol.

Tri-

gauti

trium-

phos a-

pud Iæ-

ponas.

mihi

pag.

198.

199

6202.

108 GYMNAS. PATIENT.

Sen. 1. ne am infixis undique præacutis clavis &
de Pro- extantibus conjecerunt, palpebris prius
vid. resectis. Fixerunt cutem clavi, & quo-
c. 3. cunque fatigarum corpus reclinasset,
Valer. vulneri incumberebat, & in perpetuâ vi-
l. 9. c. 2. giliam suspensa sunt lumina. Ita virum
Paullo fortissimum vigilantia pariter & conti-
aliter nuo doloris tractu necaverunt. Horribile
Gellius 1. 16. tormenti genus, & quod usitato nomi-
Noct. ne *Brevis Infernus* appellari possit.

Att. Et nos subinde Reguli sumus. Nam
c. 4. in eas quandoque angustias redigimur,
 ut in Reguli machinam inclusi videamur,
 & undequaque stimulis perurgeri:
 atque, quod gravius, solatio insuper
 omni destitui. Undique & undique omnia
 pontus, omnia undique mœror &
 dolor.

Zoërrardum anachoretam narrant in
 somnum pugnasse hoc modo: Cavam ille
 arborem clavis introrsus adactis ob-
 armavit, ea maxime parte, qua tergum
 & latera fulcire solitus esset; porro ad
 caput circulum ferreum dependulis ex
 eo saxis suspendit, ut quaquaversus fessa
 tempora inclinarent, mox asperum mo-
 nitorem sentirent, adeoque vigilare ju-
 berentur. Arcta domus; fatemur: sed
 multiplicis miseriæ præclarum symbo-
 lum: ita nos nonnunquâ ærumnis cin-
 gimur, ut quocunque animum aut oculos
 intendamus, id solum occurrat, quod
 torqueat.

Cum Michæas non ad stomachum
 Achabo

Achabo regi varicinaretur, rex impius ^{3. Reg.}
 imperavit: Mittite virum istum in car- ^{c. 22.}
 cerem, & sustentate eum pane tribula- ^{v. 27.}
 tionis, & aqua angustiae. Michæas ex-
 pertus est *Saccum*, nam non solum falsi-
 tatis damnatus, sed in vincula tractus,
 fame cruciatus, ludibriis affectus est.
 Hoc *Sacco* est includi.

Sanctissimus rex David hunc *Saccum*
 velut vestem indutui pæne assiduo ge-
 stans: Ad me ipsum anima mea contur- ^{Pf. 41.}
 bata est, inquit; & licet eam amœnio- ^{v. 8. 9.}
 ribus cogitationibus ad hilaritatem co- ^{10.}
 ner perducere, identidem tamen in se-
 ipsam revolvitur, inque tristitias prio-
 res relabitur: Abyssus abyssum invocat:
 Undique in me nimbi ruunt: alius su-
 per aliū me petit; clades ex cladibus in-
 gruunt. Omnia excelsa tua, & omnes flu-
 ctus tui super me transferūt. Omne cælū
 in me pugnat. nusquā quies: bellum ex
 bello feritur; ubique hostes & pericula,
 vexationes & damna, ubique maxima
 malorum seges. En vatem regium *Sacco*
 conclusum!

Sanctissimi quique hominum hoc *sacco*
 sæpius includuntur, non enim solum
 sentiunt mala, sed advertunt pericula, æ-
 stimant animi damna, non ignorant ca-
 codæmonis insidias, intelligunt quanti
 sit excidere divina gratia, & Deum ha-
 bere adversarium. Cum igitur solatiis
 divinis destituuntur, verentur ne forte
 divinis etiam favoribus exclusi sint. Hac
 ratio-

110 GYMNAS. PATIENT.

ratione in *Sacco* sunt, diversis mœroribus
ægrescentes. Eam etiam ob causam rex

Pf. 59. David sic fatur lacrimans : **DEVS** re-
v. 1. pulisti nos, & destruxisti nos. Ostendi-
3. sti populo tuo dura ; potasti nos vino
compunctionis. O Domine merum me-
racum nobis absinthiten propinas è tua
cella ; ô potum nimis amarum !

Ezech. Haud aliæ sunt Ezechielis voces : An-
cap. 7. gustia superveniente requirent pacem

v. 25. & non erit. Conturbatio super contur-

3. bationem veniet, & auditus super audi-
tum. Calamitates scilicet è calamitati-
bus nascentur ; nihil uspiam quieris ; in
Sacco erimus. Iobus , si quispiam hunc
Saccum , seu calamitatum cumulum ex-

Iob.
c. 16. pertus : Ego ille quondam opulentus,

v. 14. inquit , repente contritus sum : tenuit

3. cervicem meam, confregit me, & posuit
me sibi quasi in signum. Circumdedit me
lanceis suis, convulneravit lumbos me-
os ; non pepercit , & effudit in terra vi-
scera mea. Conscidit me vulnere super
vulnus. Patientissimus vir iste vere in *Sac-*
co fuit : sed reipsa monstravit, quantum
in Patientiæ gymnasio profecisset : cer-
te jam non inter discipulos , sed magi-
stros numerandus.

Quisquis hoc cladium acervo premi-
tur, & *Sacco* se inclusum ingemiscit, alta
mente reponat hæc duo.

Primum est : Nosse , in gymnasio Pa-
tientiæ locum esse , cui nomen *Infernus*,
& eo Deum consueſſe suos mittere, *sacco*
inclu-

includendos. Nihil hoc novi est, sed divini favoris signum est, & amplioris causæ præmii. Sed nec æternus est *infernus* iste, neque hic *Saccus* omnibus horis aut sæculis gestandus. Deus est, qui *deducit ad inferos, & reducit.* *Tob. c. 13.*

Alterum est : Vult omnino *DEVS*, *v. 2.* ut spem fiduciamque in se nostram tum maxime erigamus, cum res videntur desperatissimæ. Inscriptio psalmi quadragésimi primi est : *Intellectus filiis Core, seu, Canticum erudiens*, siquidem docet, tunc animosissime sperandum, cum pæne nil spei affulget. Hinc illud plus simplici vice ingerit : *Spera in Deo.* Quid vanis angoribus consumeris ? quid futurorum metu cruciaris ? quid ad omnem maligniorem auram trepidas ? Spera in Deo, modicæ fidei ac spei homo, spera in Deo. Spes hæc nec falli potest, nec fallere.

Philo Hebræus cum aliis suæ gentis *Euseb. lib. 2.* apud Cajum Caligulam Imperatorem ab *lib. 2.* Appione accusabatur, quod divinos honores *hist.* Cæsari non tribuisset. Cumque jã *Eccles. cap. 5.* etiam aula ejectus esset, dixit ad socios : Bono animo nos esse oportet, tametsi Cæjus iratus sit nobis : quia necesse est adesse divinum, ubi humanum cessat auxilium.

Quod si divinum etiam auxilium cunctari videatur, cum Iosaphato rege opportunissime precabimur in hunc modum : Cum ignoremus, quid agere debea-

112 GYMNAS. PATIENT.

2. *Par.* beamus, hoc solum habemus residui, ut
 c. 20. oculos nostros dirigamus ad te, D E V S.
 v. 12. Modo animi oculos nunquam avertamus à Deo. Qua in re canis imitandus: hic tamdiu hero suo assidet, monet, mulcet, & hiando cibum flagitat, dum impetret: ita nos inclusi *Sacco*, variis ærumnis pressi, divinam opem tamdiu flagitemus, dum impetremus. Desunt auxilia humana: necesse, ut Philo loquitur, adesse divina.

Olim cum omnes vitæ nostræ periodos uno aspectu cernemus, fatebimur quod olim dixit Themistocles: Perieramus, ô pueri, nisi periissemus. Profecto plurimos naufragium servat, naufragaturos certo, ni mitius naufragium præcessisset. Quare, animo firmus erecto, & vel in *Sacco* esse, dulce putemus pro Christo. Brevi pro se quisque cantabit *Ps.* 29. lix: Convertisti planctum meum in gaudium mihi: conscidisti saccum meum, & circumdedisti me lætitia.

C A P V T V I.

Qua potissimum culpa in Patientia gymnasio cavenda sint.

Lært.
leb. 4.
sap. 7.

Objecit quis Bioni philosopho, quod adolescentem, quem maxime volebat, suæ ferulæ subicere non potuerit. Cui Bion: Mi bone, inquit, mirari desine; adolescens ille tenellus
 caseus

caseus est, nec hamo artrahitur. Quo dicto prudenter significavit, delicatos pueros parum aptos esse studiis. Vetulus quidem caseus non uno vitio laborat, sed tener recensque multo pluribus, cui quosdam è scholasticis non inique compares. Siquidem in turba complurium discipulorum aliquos reperire est, qui, ut caseus recens, vitiorum divites, confusi è dolis & fallaciis, nil æque sciunt ac fallere. Argus sit magister, non tamen omnes eorum astus deprehendet. Omnia scholasticorum vitia recensere infinitum foret. In compendium ea mitto, & in digitos. Octo potissimum in scholis culpæ a discipulis admittuntur. Totidem fere seu noxas, seu nequitias in Patientiæ gymnasio discipuli parum morigeri committunt. Hæc numerantur.

1. Nescire prælecta.
2. Garrere ac fabulari.
3. Scriptionis pensum non habere.
4. Abesse sine causa.
5. Rixari, aut discipulos percutere.
6. Pingere, dormire, aut nugæ tractare, dum veterum scripta præleguntur.
7. Simulare morbum.
8. Mentiri, aut correptum obmurmurare.

Hæc octo sunt piacula, in Patientiæ gymnasio nunquam tolerata, nunquam toleranda. Has octo notiores culpas brevissime nunc eo explicabimus, ut caveamus.

114 GYMNAS. PATIENT.

I. Prima in scholis culpa, *Nescire prælecta*, aut tantum simulare se scire. Iam notæ sunt magistri voces: *Recita puer, recita*. At discipulus deses ignavum illud musitare: *Nescio*. Aut oscitanter incipere, & tertio quoque verbo hæerere, libellum furtim inspicere, quædam omittere, plura corrumpere. Atqui sane hoc nescire est.

Religiosissimus ille scriptor Christum ita loquentem facit: Dupliciter soleo electos meos visitare, tentatione scilicet & consolatione. Et duas lectiones eis 3. quotidie lego, unam increpando eorum vitia; alteram exhortando ad virtutū incrementa. Ita Christus solet prælegere. Sed quando recitandæ sunt prælectiones istæ? Vesperi potissimum, cum suum conscientia subeundum est examen. Hic præceptor imperat: Recita, Recita, qua parte tui factus es melior? quam hodie virtutem didicisti? quem animi nævum correxisti, quod vitium tuum conatus es dediscere? Recita, Recita, & excute memoriam.

Vide Trif- Non tantum hominum religiosorum
megistū est, sed quorumlibet aliorum, sua dicta,
meum facta, cogitata per diem diligentissime
l. I. de recognoscere. Hoc etiam Annæus Sene-
Exa- ca, hoc etiam Publius Sextius, hoc alii,
mine jubente ratione fecerunt. Hoc viri san-
consci- ctissimi exemplo suo docuerunt; hic ho-
tia, per dieque mos est piorum hominum in se-
plura ipsum quotidie diligenter inquirere, &
capita. omnes

omnes conscientiae latebras explorare.

Et sane id dicat ratio, prius placare DEVM per diem offensum, quam ordiri somnum: ut si sopor sociandus sit morti (quod prorsus incertissimum) non ad mortem detrudamur æternam. Et quam hoc rationi conveniens est, quot diebus Conditori vel semel saltem, de beneficiis agere gratias, admissas deprecari culpas, statuere deinceps cautius, emendatius, castius & cogitare, & loqui, & agere. Magis pecus est quam homo, qui temere ista negligit, & in plumas se abjicit, cum sibi DEVM nec verbulo conciliarit.

Ergo, mi Christiane, recita, recita; de præterito die conscientiam examina. Prælecta nescit, qui somno se tradit, nec prius cum Deo agit.

At subinde recitat discipulus, sed male, & verba tertiat. Hoc ii faciunt, qui conscientiam quidem inspiciunt, aut preces fundunt, sed pleni aliarum cogitationum. ita lapsantia ac tertiat verba substrepunt. Exemplo rem monstramus. Est qui dominicam precationem sic recitet: *Pater noster qui es in calis. Mens interim quærit: quid domi sit in culina, quid in cella, quid in horreo? Sanctificetur nomen tuum.* Animus addit: gravi contemptu hac hebdomade notatus sum. *Adveniat regnum tuum.* Mira res, necdum belli finem ullum apparere! *Fiat voluntas tua, sicut in celo, & in terra.*

116 GYMNAS. PATIENT.

Paupertas rigide me tractat ; si ditior
essem , fortassis emergerem ; ita jaceo
miser , & contemnor.

O Christiani , quæ hæc oratio est ?
hoc verba tertiare , hoc prælecta nescire ,
hoc pessime recitare est . At vero crucem
nemo bene portaverit , qui oraverit ma-
le . Videte mihi regem impiissimum sed
demum resipiscentē Manassē , *Qui post-*
2. Par. quam coangustatus est , oravit Dominum
c. 33. Deum suum , & egit pœnitentiam valde ; de-
v. 12. precatuſque est Deum , & obsecravit intente .
Hoc sane vult Deus ; *Intente vult rogari*
& obsecrari .

II. Altera in scholis culpa est , *Garrere ,*
ac fabulari . Quid hoc aliud est , quam à
rebus creatis solatiola , & oblectatiun-
culas emendicare , & eorum hominum
aures vanissimis querelis onerare , à qui-
bus nec consilium speres , nec auxilium .
Imperitissimus mendicorum est , & ar-
tis suæ minime gnarus , qui pauperri-
mas domunculas oberrat mendicando .
quid hinc largæ stipis expectet ? Dea
Inopia hîc habitat , & inquilinos suos
mera mendicabula numerat . A mendicis
autem mendicare absurdum & ridiculū .
Ditiorum ædes , mi mendice , adi ; hîc
clama , hîc pulsa : opulentæ domus vel
unicæ benevolentia largiores dare po-
test sportulas , quam centum paupertinæ
tribus tuguria .

Ita prorsus graviter errant , qui sperāt
calamitates & afflictiones vanissimis
oble-

oblectatiunculis tollendas. Cum ægre illis est, socios sibi adiungunt, symposia instituunt, convivia & choreas adeunt, tempus ambulatiunculis & lusibus fallunt, horas optimas sterilissimis confabulationibus consumunt, itinera minime necessaria intendunt.

O miseri! Ægrum in ligneo lecto, an in aureo collocemus: quocunque illum transtulerimus, morbum suum secum transferet. Fundamentum pacatæ mentis est, *Vanis non gaudere*. Hilaritates illæ non implent pectus, sed frontem remittunt, leves sunt, nec afflictionibus è solido mederi possunt. Perfusoria est hæc voluptas & turbida, nec tollit morbum, sed auger.

*Non enim gazæ, neque consularis
Summovet lictor miseros tumultus
Mentis, & curas laqueata circum
Tecta volantes.*

*Horat.
lib. 2.
carm.
ode 16.*

Solidum gaudium ex bona conscientia est. Nam neque peregrinatio, nec locorum varietas tristitiam gravitatemque mentis discutit. Animus mutandus est, non cælum. Quocunque pervenerimus, nostra nos vitia sequuntur. Hoc idem querenti cuidam Socrates ait: Quid miraris, nihil tibi peregrinationes prodesse, cum te ipsum circumferas? Premit te eadem causa, quæ expulit. Quid terrarum juvare novitas potest? quid cognitio urbium aut locorum? in irritum cedit ista jactatio. Quæris, quare te fuga

118 GYMNAS. PATIENT.

Senec. ista non adjuvet? Tecum fugis. Onus
epist. animi deponendum est. Non ante tibi
28. ullus placebit locus. Bene vivere omni
loco positum est.

Itaque his oblectatiunculis dolor aliquantisper sopitur, & filet; sed brevi robustior adest, tantoque jam pungit acrius, quanto minus ex intervallo sentiebatur. Iobus solatium tam vanum perosus: Audiui frequenter, inquit, consolatores onerosi omnes vos estis. Idem
Iob.
c. 16. de rebus creatis dixeris: Onerosi consolatores sunt. Quid ergo confabulatiunculis vanissimis nos pascimus, quid rerum conditarum opem imploramus, en ipse conditor se ultro consolatorem offerens: Ego, ego ipse, inquit, consolabor vos. Venite ad me omnes qui laboratis & onerati estis, & ego reficiam vos.
Matth.
c. 11. Mittamus igitur vana solatia, si sapiamus,
v. 28. imo ut sapiamus, & ad patientiam perfectam totis viribus tendamus.

III. Tertia in hoc gymnasio culpa, *Scriptionis pensum non habere.* In eam rem sollicitus pater sic inhortatur filium:

Iuv. Scribe puer, vigila, causas age, perlege rubras
sat. 14. Majorum leges —

v. 192. Quid autem hic aliud scriptio tempore reddenda, nisi *Præmeditatio*? Instruendus est animus & parandus ad futura, ne clades improvisa mole opprimat imparatum. Annæus prudentissime monet: In ipsa securitate animus ad difficilia se præparet. Miles decurrit sine ullo hoste,
In ar-
mis per
aliquos
millia
v. 14.

val.

vallum jacit , & supervacuo labore lassatur, ut sufficere necessario possit. Quæ in ipsa re trepidare nolueris , ante rem exerce. Non deprehendat nos calamitas imparatos.

Tres Apostoli ad clivum Olivarum à magistro non simplici tantum objurgatione moniti sunt. Quid ita ? Rem gladio decernendam censebant, cum quiescendum; fugiebant cum standum; dormiebant cum vigilandum; stertebant cum precandum esset. Non se futuris pararunt, quantumvis Christus sollicitè hortatus sit : Vigilate, & orate ne intretis in *Matth.* tentationem : spiritus quidē promptus *c. 26.* est , caro autem infirma. At illi nec orarunt, nec vigilarunt. Sic imparatos turbo subito involvit.

Siracides præmeditationē hanc cum primis commendans : Fili , ait, accedēs *Ecclesi.* ad servitutem Dei, sta in justitia, & in timore, & præpara animam tuam ad tentationem. Nam inexpectata plus aggravant, & novitas grande pondus calamitatis adjicit. Quicquid expectatum est diu, lenius accedit. Ideo nihil improvisum esse debet : in omnia præmittendus est animus , cogitandumque non quidquid fieri solet , sed quicquid fieri potest.

Itaque formetur animus ad intellectum patientiamque sortis suæ , & sciat sibi posse contingere, alteri quidquid contigit. Præsume igitur animo, quisquis

220 GYMNAS. PATIENT.

discipulum agis in hac schola, tibi quam plurima esse patienda. Sed num quis hieme algere se miratur? num quis in mari nauseare? in vehiculo concuti; in via coenosa collutulari? Fortis est animus, ad quæ præparatus venit.

*Vide
quid
hac de
repar-
te 3.*

cap. 5.

dicamus

infra.

ubi hac

suo loco,

& fu-

sus.

At sunt discipuli qui subinde scriptio-
nis pensum dant, sed pessima fide: quid-
cap. 5. quid scripti magistro porrigunt, id prius
dicamus ab alio describunt. Hoc quidem inter
infra. Christianos hac ratione fit. Sunt quidam
ubi hac ignavia suæ tam fideles patroni, ut cum
suo loco, monentur, aut corriguntur, continuo
& fu- soleant objicere: Quid ego solus vapulo?
sus. neque hic, neque iste, nec ille aliter quā
ego. Nec iste talium sermonum patiens
est, nec ille ludos se fieri finit, neque hic
omnibus dormire; & illi etiam opponere
se audent; nec isti omnium genibus ad-
volvuntur, idque merito. Cur mihi non
liceat quod istis, & illis? cur ego unus
deterioris sim conditionis, quam alii?

O malum argumentum, & ô pessime
descriptum! Ita mores alienos quasi de-
scribimus, eosque nostris exprimimus;
sic ad prava nos exempla componimus,
& in turba perire jucundum ducimus. O
ridiculi! Quid aliena vitia impatientiæ
nostræ patrocinantur? habemus priscæ
sanctitatis illustriora exempla quæ imi-
temur.

Philip.

cap. 3.

v. 17.

& 18.

Invitat Paulus: Imitatores mei estote
fratres, & observate eos qui ita ambu-
lant, sicut habetis formā nostram: multi
enim

enim ambulant, quos sæpe dicebam vobis, nunc autem & flens dico, inimicos crucis Christi, quorum finis interitus. Ergo & clades præmeditandæ, & specimina virtutis nobiliora sunt imitanda.

I V. Quarta culpa : *Abesse sine caussa, & schola divertere.* Quid hoc aliud, quam afflictiones fugere, sed modo minime concesso. Morbo mederi licet, sed remediis legitimis : licet ex mendicitate emergere, sed sine fallaciis & alterius jactura : fas est dignitatem tueri, sed illam male defenderit impatientia, aut superbia. Fit nonnunquam ut pueri metu virgarum è scholis erumpant & pallium in magistri manu relinquunt : ita hi dignitatis gradum defendunt, sed humilitatis ac modestiæ vestem amittunt. O mi superbe Christiane, quam longe fuisset consultius, aliquid existimationis perdere, & modestiam retinere.

Hortatur Petrus : Charissimi nolite peregrinari in fervore, qui ad tentationem vobis sit, quasi novi aliquid contingat, sed communicantes Christi passionibus gaudete, ut & in revelatione mysterii ejus gaudeatis exultantes. Hoc monet : cum fervet afflictio, nolite peregrinari, & à Patientiæ gymnasio divertere alio : afflictiones fugiendo non effugiuntur. Quod reliogifissime sacer ille scriptor submonens : Multi, ait, quærunt tentationes fugere, & gravius incidunt. Per solam fugam non possumus vincere, sed

I. Pet.

cap. 4.

v. 12.

Thom.

de

Ke

lib

I 4

per I.

Christi cap. 13

122 GYMNAS. PATIENT.

per patientiam & veram humilitatem omnibus hostibus efficimur fortiores.

Aug. in ps. III. post med. mihi pag. Itaque, inquit Augustinus, qui hîc non sua quærit, sed quæ I E S V Christi labores patientissime tolerat, promissa fidenter expectat. Paratum est cor ejus sperare in Domino; neque ullis tentationibus frangitur.

532. Illud hac in re longe deterrimum est, cùm de morbis magi consuluntur, cùm incantamenta carminum, devotiones effascinantes, & vanitates magicæ usurpantur. Neque verò hoc aliud est, quàm cacodæmonem sub honesta larva medicum adhibere.

4. Reg. cap. I. v. 16. Ochoziæ impio regi Elias vates in os dixit: Hæc dicit Dominus. Quia misisti nuntios ad consulendum Beelzebub deū Accaron, quasi non esset deus in Israël, à quo posses interrogare sermonē, ideo de lectulo super quem ascendisti, non descendes, sed morieris. Iustissime. Et vero etiam mortuus est. Dignum eo supplicium, qui maleficis artibus carminibusque sanitatem sibi propitiam reddere voluit. Eleganter dixit Augustinus; Vbi homo ægrotat, & Deus curat, magnum pietatis & sanitatis indicium est.

Aug. in ps. 147. post init. mihi pag. 99. V. Quinta culpa, *Rixari, aut condiscipulos percutere.* Usitatum hoc crimen est in scholis, alterum ab altero pugnis salutari, siquidem hic jurgiorum epilodus frequens est, verberibus confirmare verba. Et quoties illæ voces audiuntur: Ne-

quis-

quissime proditor, tu caussa es, quod cæsus sim; non gratis hoc feceris: præmium à me spera. Ex Adamo vitiorum traduces sunt, aliorum accusationibus seipsum purgare, omnem culpam à se in alios verbis quam fucatissimis amoliri.

Homini impatienti Mars semper in manu est, nec ei unquam deest, quod in litem & certamen trahat. Sæpe sunt levissima, propter quæ non leviter exandescimus, qualia quæ pueros in rixam & jurgium concitant. Minimis sordidisque rebus exacerbamur. Parum agilis est servus, mensa negligentius posita, aut ruga vestis destructa? mox ira & impatientia se prodit. Imo & tussis alicujus, aut sternutamentum, aut musca parum curiose fugata, aut clavis servi manibus elapsa, aut janua inurbane clausa in rabiem nos agit. Et quomodo convicia feremus atque maledicta, quorum aures tracti subsellii stridor offendit, & quomodo famem sitimque perpetiemur, quibus adustum nonnihil olus stomachum omnem invertit? Animus male affectus minimis offenditur, adeo ut quosdam aliorum salutatio, aspectus, silentium, risus, interrogatio in litem evocent. Nimirum ægra nunquam sine querela tanguntur.

Nec continet se impatientia nostra quin tempestatem ac cælum, quin tempestatis ac cæli dominum accuset. Iam immodicos imbres, jam frigoris insolentiam,

124 GYMNAS. PATIENT.

tiam, jam nimios æstus, jam hiemis pertinaciam querimur. Nec consideramus suis ista legibus peragi. Nimis certe nos suspicimus, si digni nobis videamur, propter quos cælum aliter moveatur. Nihil horum in nostram injuriam fit: imo contra nihil non ad salutem. Sic frustra cum aëre litigamus, si serenitatem neget; frustra terram calumniamur, si segetes non surgant; frustra brutis animantibus indignamur, si imperium nostrum detrectet; non minus frustra, & magis fatue alios accusamus, cum nobis male est. Quoties jactantur hæ voces: Ille nebulo, trifurcifer ille, ille bipedum nequissimus hoc mihi malum miscuit, hoc mihi infortunium curavit, huic morticino cladem meam acceptum refero.

*Epist.
Enchir.
c. 10.*

O ignari veritatis! quisque sibi calamitatis suæ auctor est, suæ quilibet faber fortunæ est: ergo & suum quisque vitiū sibi imputet, non aliis. His talibus Epictetus respondens: Alios, inquit, accusare ob calamitatem suam, hominis est ineruditi: seipsum, ejus qui erudiri cœpit: nec se, nec alium, eruditi. Præclarissima virtus est, Accusatio sui ipsius, sed rarissima.

V I. Sexta culpa, *Pingere, dormire, nugas tractare, per fenestras prospicere.* Proprium puerorum est, talos, nuces, imagunculas, & id genus crepundia efflictim amare, & vero etiam lacrimis ea defendere. Grandis hæc noxa in Patientiæ gymnasio, res fluxas & caducas tanto affectu depe-

deperire. Hinc illæ tot lacrimæ, hinc om-
nigeni dolores. Verissime dixit beatus
Gregorius: Nunquam sine dolore amit- *Greg.*
titur, nisi quod sine amore possidetur. *lib. 1.*
Tobus facultates omnes, insuper decem *moral.*
liberos, imo & seipsum amisisse dici po- *cap. 3.*
tuit, adeo illum dolores & ulcera sibi *med.*
rapuerunt; nihilominus suo jam pæne
funeri superstes hilariter cantat: Sicut *Iob.*
Domino placuit, ita factum est: sit nomē *cap. 1.*
Domini benedictum. Substantiam suam, *v. 12.*
ait Gregorius, mente reliquerat, quam *Greg.*
sine delectatione possidebat. *lib. 1.*
mor.

De hoc eodem egregie dixit Augusti- *cap. 3.*
nus: Iustus naufragus evadit dives & nu- *med.*
dus. His divitiis plenus erat sanctus Iob. *Aug.*
Nihil in domo remanserat; omnia uno *tom. 30*
ictu perierant, quibus opulentus paullo *serm.*
ante videbatur: subito mendicus in ster- *105. de*
core sedet, à capite usque ad pedes ver- *Temp.*
mibus scatens. Quid ista miseria mise- *mihi*
rius? Quid interiore felicitate felicius? *pag.*
Perdiderat omnia illa, quæ dederat *294.*
Deus, sed habebat ipsum, omnia qui de-
derat, Deum. O Virum putrem, & inte-
grum! O foedum, & pulchrum! O vul-
neratum, & sanum! O in stercore se-
dentem, & in cælo regnantem! Si ama-
mus, imitemur: ut imitemur, labore-
mus. Adjuvat certantem, qui certamen
indixit.

Sed unde huic viro æs triplex circa pe-
ctus, unde illi patientia tanta? Sine do-
lore perdidit, quod sine amore possedit.
Dolo-

126 GYMNAS. PATIENT.

Dolorem utique sentiebat, sed facile ferendum; amore ad sua trahebatur, sed moderato. Sic liberos, sic conjugem, sic & divitias habuit, tanquam non utique semper habiturus: & tanquam non futurus ob hoc miserior, si habere desineret.

Rebus creatis uti ac frui, non nimio tamen earum amore capi, hoc opus, hic labor. Ideo vociferatur psaltes regius: *ps. 61.* Nolite cor apponere. Mortale est omne mortalium bonum. Quicquid est, cui *v. 11.* *dominus* inscriberis, apud te est, tuum non est: nihil firmum infirmo, nihil fragili æternum & invictum est. Tam necesse est perire quam perdere: & hoc ipsum si intelligimus, solatium est, æquo animo perdere, quod perituum est.

Quid ergo adversus has amissiones auxilii inveniemus? Non tantopere ames amittenda: Noli cor apponere. Animus Dei æmulator supra humana se attollat, nihil extra se sui abjiciat: nobiliori origine genitum se sciat, quam ut rebus perituris amorem impendat. Ah, vani! pulchra & suavia sectamur, crepūdīa & pupas amamus, & cum ludicra hæc nobis eripiuntur, grandi lacrimarū imbre certamus, ingenti scilicet dolore perdimus, quod tāto amore possedimus. Minus amemus hæc fluxa cum possideamus, minus & dolebimus cum perdemus. Quotidie hic amoris affectus substringendus est, & uti Tarquinius rex horto

horto suo inambulans summa papaverum capita baculo decussit; sic validioribus his affectibus assidue resistendum, & quam primum erexerint caput, suppressimendi. Ut minus doleas, minus ama.

VII. Septima culpa, *Simulare morbum*. Usitatus scholasticorum dolus est, malle fecte ægrotare, quam serio laborare. Augustinus adolescentiæ suæ varie iratus, ^{Aug. lib. I.} eamque deplorans: Tātillus puer, inquit, ^{Conf. cap. 9.} & tantus peccator. ludebam pila puer, ^{10. &} & eo ludo impediēbar, quo minus ce- ^{11.} riter discere litteras. peccabam faciendo contra præcepta parentum & magistrorum. Aulus Persius etiamnum puer, si quando, quod à magistro præscriptum, nesciisset, oculos inungebat, & argemate se laborare fingeat. Astum ^{Persius sat. 3.} fatetur ipse:

Sape oculos, memini, tangebam parvus olivo, ^{v. 42,}

Grandia si nollem morituri verba Catonis

Discere —

Plurima fingunt pueri, ut è scholis evadant. Cum ipsi eas negligunt, excusationes in parato habent, quas magistro obtrudant. Fuit ut magister interrogaret puerum, cur ad rem divinam tam serus venisset? Cui puer: Domine præceptor, *deui expectare offam. Mox addidit magister: I nunc, & expecta betulam. Nil promptius pueris quam excusationem

* Hab müssen auff die Suppen warten. So geh hin / vnnnd wart jetzunder auff's Kraut.

128 GYMNAS. PATIENT.

nem culpis prætexere: Æger fui, non permissus fui, non potui. mille talia cōminiscuntur.

Iussus est quidem Ionas propheta Niniven civitatē concionibus formare ad pœnitentiam. At Ionas velut morbum simulare, imperata dissimulare, iter alio intendere, Niniven declinare, fugam suam Oceano commendare, omnia alia velle quam concionari. Discipulus parum obediens, & qui nimis facile sibi credidit, se non posse, quod potuisset, si voluisset. At mari sæviante, ventis furentibus, missus est ex imo gurgite magister Cetus, qui Ionam doceret posse, quod posse se negabat. Mi Iona quā longe aliud est *Non velle*, & aliud *Non posse*. Nolle sæpissime in causa est; Non posse prætenditur. Profecto plurima hoc ipso non possumus, quia nos posse non credimus. Viria nostra amamus ac defendimus, & malumus excusare illa, quam excutere.

Quoties ignavum illud audias: Non possum, quid urgetis, Non possum: Ieiuniis vires meæ non respondent; in ediam non fert meus stomachus; his laboribus ferendis impar sum; assueta relinquere non possum; rebus hæcenus concessis carere non possum; quid frustra me vellicatis? non possum.

Proscriptæ pridem sunt hæ voces è gymnasio patientiæ. Audite discipulum generose clamantem: *Omnia possum. Quæ tandem*

tandem id ratione? *In eo qui me confortat. Philip. Germani fratres, Zebedæi filii ad quaestionem Domini de amarissimo calice perhauriendo, animose responderunt, Possumus. A nobis contra, cum patientiæ negotiū agitur, plerunque illæ pigrorum voces sunt: Non possumus, Non possumus.*

Atque hoc est, quod patientiam vix unquam è solido addiscamus. Nimum nobis ipsis, & in rem nostram creduli, cum aliquid difficulter & ægre possumus, mox impudenter vociferamur: *Non possumus.* Eho te ipsum tenta, vires tuas severius explora, age & conare, fac quod potes. Nil turpius in Patientiæ gymnasio, quam ad omnium difficultatum occurfus hoc unum opponere, *Non possum. Omnia possum,* clamat divinus Paulus. *Possumus,* respondent Apostoli. Vere amanti nunquam excidunt hæ voces: *No-lo, Non possum.* Si verus amor est, omnia potest, aut verus non est.

V I I I. Octava in scholis culpa, *Mentiri, aut correptum obmurmurare.* Capitalia sunt hæc delicta in scholis, nec nisi virgarum supplicio eluenda. Quod autem in Grammarices aut Syntaxeos schola mendacium est, hoc in Patientiæ gymnasio est impatientia. Nam uti mendacium negat quod affirmandum, aut affirmat quod negandum, atque quod nigrum est, ait esse album, sic & impatientia è levi molestia gravem, è gravi facit

130 GYMNAS. PATIENT.

facit intolerabilem. Hoc autem origo est impatientiæ, credere, se nimium pati, tolerare non toleranda, in fontem & im-
Pf. 26. merentem vexari. Ita mentitur iniquitas
v. 12. sibi.

Quanto rectius, quisquis affligitur, apud animum suum sic ratiocinatur: Quid ais, homo impatiens? ideone Patientiæ gymnasio nomen dedisti, ut cum quid pateris, in fontem te proclames? Apage has voces: quæcunque patiaris, tu ea centies, sexcenties, millies merebaris pati, & graviora. Ignem ac flammam quomodo patieris, si stricturas ignis & scintillas non fers? Amice, non facit tibi *Deus* injuriam. Tolle quod tuum est; patere, quod tibi à Deo injunctum est. Tunc ille insons, ille innocens, quem optimus Pater plus æquo vexet? O bone, quam tibi blandiris ipse liberaliter, sed fatue: & lupo cum sis, ovem te esse, stulta tibi credulitas persuadet. Hinc illæ voces: Cur in me solum procella omnis defævit? quæ mea tandem scelera? quid ego feci? Dicam; tu modo patienter me audi.

S. Antonin. Divus Antoninus memorat, Petrum monachū, post & martyrem, apud præ-
part. 3. fides suos accusatum, quod nescio quī
tit. 13. profani homines in ejus cubiculo sint visi garrientes, & auditi. Eam ob causā Petrus in publico cætu omnium jussus est sui ipsius accusator esse, & pœnam ab aliis pronuntiandā, exacte dependere.
 Fecit;

Fecit; sed sane amaro animo. Non enim conscius sibi erat quidquam hac in re deliquisse, nec ignarus solis hoc suspicionibus in se confictum. Vbi ab aliis digressus in cubiculum rediit, ante imaginem Christi crucifixi madidis sese oculis stirit, atque ut animum querelis exoneraret: Domine, inquit, quid ego feci, quod tam severe puniar quantumvis innocens? Tanto favens candori Christus mox reddidit has voces: Et ego Petre, quid feci? quod tali morte afficiar, quantumvis innocens? Erubuit Petrus, jamque se reum pronuntiavit, si tam innocenti conferretur.

IX. Quid jam ais, querule, quid toties ingeminas: Et ego quid feci? Dic obsecro: Et Christus quid fecit? Et Christi mater quid fecit? *gladium doloris passa?* Petrus & Paulus Apostoli quid fecerunt? Tot centena millia martyrum quid fecerunt? Tot hominum sanctissimicalumniis gravissimis onerati quid fecerunt? Etiamnum tu tuas voces repetis: Et ego quid feci? Quanto rectius dices cum illo ad Domini latus crucifixo, sed resipisciente latrone: Nos quidem iuste, nam digna factis recipimus. Luc. c. 23. v. 41.

Non aliter & nos sentiamus. Affecti sumus poena? succurrat non tantum quid patiamur, sed quid fecerimus. Si volumus aequi rerum omnium iudices esse, hoc primum nobis suadeamus, neminem nostrum esse sine culpa. Hinc enim ma-

132 GYMNAS. PATIENT.

xima oritur indignatio: *Nihil peccavi, nihil feci.* Imo nihil fatemur. Indignamur aliqua admonitione aut coërcitione nos castigatos, cum illo ipso tempore peccemus, quo adjicimus malefactis arrogantiam, excusationem, contumaciam. Nam, ut optime dixit Fabius, culpam admissam excusare, altera culpa est. Admoneri bonus gaudet; pessimus quisque correptorē asperrime patitur. Quis autem est iste, qui se profitetur omnibus legibus innocentem? Sæpe in caussa qua innoxii sumus, punimur, pro caussa qua noxii extitimus.

Gen. Iosephi prorégis Ægyptii fratres in-
c. 44. fontes erant, cum in carcerem mittendi
v. 5. & retraherentur ex itinere, quod scyphum
seqq. argenteum furati essent. Quid hñc dicendum? Si de scypho agatur, plane innocentes erant, Sed latet hñc anguis in herba. Furtum longe gravius commiserunt. Non enim poculum argenteum, sed ipsum germanum fratrem suum Iosephum parenti suo furati sunt. Atque hoc furtum ante annos viginti & amplius commissum, vel serò tandem fuerat puniendum. Idem aliis sæpissime contingit.

Amemus igitur veritatem, & quicquid tandem patiamur, cum Iosephi fratribus dicamus: Merito hæc patimur, quia peccavimus. Veritatem amavit, qui dixit: Iram Domini portabo, quoniam
Gen. *c. 42.* *v. 21.* *Mick.* *cap. 7.* *vers. 9.* peccavi ei.

Qui

Qui viro se insones credunt, nec tam dira meritos, ii hoc solum efficiunt obmurmurando, ut pœnas luant graviores, & nonnunquam geminatas : veluti cum discipulus post virgarum suppliciũ murmurat, ad virgas jure repetitur. Reos ergo nos esse fateamur, quicquid demum injuriarum aut calamitatum sit tolerandum : Iram Domini portemus, quoniam peccavimus ei. Quisquis discipulum agit in Patientiæ gymnasio, quicquid cogatur pati, sic discat loqui : Ego quidem iuste, nam digna factis recipio. Hoc est proficere, extrema quæque se meritum non negare.



VIdisti, Lector, Patientiam in crucium suggestu stantem; en & sedentem A. Verbo veteri dicebatur: Romani sedendo vincunt. Haud aliter Patientia, quæ quanto in se quietior, tanto & fortior est. In libri fronte, cum Fortitudine illam junximus: Nā (ut Valerius) tanta similitudine juncta est Patientia Fortitudini, ut cum ea, vel ex ea videatur nata. Quandoque totus Orbis Patientiam premit, quod globus hic incumbens significat. Sed illa erigitur contra, nec palmam manu abjicit. Sic vinci, est vincere.

Valer. Max. lib. 3. cap. 3. initio.

Ergo stans Patientia docebat, & spectabatur a suis. Hic sedens exercet quæ docuit, jamque ipsa spectat docentem Angelum, simulque monstrat, quantum ad omnigenam virtutem faciat, Plurimum pati.

Denique nitens genibus docebit, qua arte calamitas omnis sit perferenda. Non enim quid, sed quemadmodum feramus, interest.

Hic etiam coronam spineam B. sanguine stillantem observa. Hæ pluvie huic germi conveniunt. Subinde Patientia non sudorem tantum, sed & sanguinem propinat Christo.

Illud etiam in imaginibus his observandū. In prima quidem, corona regis simplex cernitur. In altera, pretiosior cum gemmis. In hac tertia cernis Casaream cum sceptro C. In quarta tergemina spectabis. Crescente Patientia, crescit & Patientia premium.



Animose: post spinas, aurum & gemmæ.

Afflictio docet Fortitudinem & Fidelitatem.

DIximus, quæ pœnarum genera Gymnasium Patientiæ usurpet. Nempe hoc declaratum est, quæ supplicia Deus soleat de hominibus sumere, dum in Orbe hoc degunt. Sic omnes afflictionum species percensuimus.

Nunc porro differendum, quid è pœnis his, veluti libris, doctrinæ hauriendum, quod emolumentum ex afflictionibus capiendum, quæ virtutes inter aduersa potissimum discendæ. Nam reuera in malis melius sapimus; secunda mentem auferunt.

E virtutum choro primæ occurrunt in aduersis exercendæ **FORTITUDO, & FIDELITAS.** Qua vero ratione geminæ virtutes istæ longe melius in rebus incommodis & asperis, quam in lætis ac prosperis condiscantur, nunc explicabimus.

I. Longe aliter liberos educare solet ferius pater, & aliter longe blandiens mater. Patris voces sunt: *Ad scholas, puer, ad scholas.* Vbi è scholis domum redierit, iterum urget pater, & : *Recole, inquit, audita; memoriam exerce, stylum move; paullo post specimen mihi dabis eorum quæ didicisti.* Vbi vero puer ad examen

men patris citatus, jamque interrogatus hære, inepte respondere, Grammaticas leges non callere, inscitiam tacendo prodere: hîc pater aut eum colaphis ob-
jurgare, aut virgis castigare, aut acerrime increpare verbis, aut lusus tempore in
museum velut in carcerem amandare,
& acerbis vocibus instare : *Stude, piger,
Stude : Stude tuis rebus , & omitte nugas.*
Cumque hic ipse puer, annis nonnihil &
litteris adoleverit, à matre abstractus in
exteris terras à patre amittitur. Hæc ta-
men omnia bono pueri fiunt.

At verò mater nunquam non blanda
& mulcens, cum filioli madidos videt
ocellos: Mi vir, ait, cur nostros liberos
fere malumus, & frontem contrahere,
quam exporrigere? teneri sunt, cur in
eos verberibus sævimus? non raro dete-
riores fiunt à plagis. Hæ matris voces
sunt. Neque tantū his blandimentis mas-
culam virtutem enervat, sed intempesti-
vis etiā munusculis, ac * macteolis, irri-
tamentis gulæ ac scitamentis filiorū in-
dolem corrumpit, modo enim panem
dulciarium, modo similagineum butyro
farum, modo placentas & popana fur-
tim ingerit: ita dum mulcet & blanditur,
perdit. Quis ergo prudens non malit à
patre ad bonam frugem austerius educa-
ri, quam à matre blandius in perniciem
dari? Ita omnino Deus, parens ille ma-
gnificus, virtutum non lenis exactor, sic-
ut severi patres, durius suos educat.

138 GYMNAS. PATIENT.

Romanus Sapiens perquam eleganter
Senec. hæc profecutus: Non vides, inquit, quan-
*de Pro-*to aliter patres, aliter matres indulgeant?
vid. illi excitari jubent liberos, ad studia ob-
*cap. 2.*eunda mature; feriatis quoque diebus
 non patiuntur esse otiosos, & sudorem
 illis, & interdum lacrimas, excutiunt: at
 matres fovere in sinu, continere in um-
 bra volunt; nunquam flere, nunquam tri-
 stari, nunquam laborare. Patrium habet
 DEVS adversus viros bonos animum, &
 illos fortiter amat, &: Operibus, inquit,
 doloribus ac damnis exagitantur, ut ve-
 rum colligant robur. Non fert ullum
 ictum illæsa felicitas. Mirarist tu, si Deus
 ille bonorum amātissimus, qui illos quā
 optimos esse atq; excellentissimos vult,
 fortunam illis, cum qua exerceantur, as-
 signat? Ma vult illis esse male, quam mol-
 liter. Et nobis etiam interdum voluptati
 est, si adolescens constantis animi irruen-
 tem feram venabulo excepit, si leonis in-
 cursum interritus pertulit, tantoque spe-
 ctaculū est gratius, quanto id honestior
 fecit. Ecce spectaculum dignum ad quod
 respiciat intentus operi suo DEVS, ecce
Mala per Deo dignum, vir fortis cum calami-
*fortuna*tate compositus.

Nec ego, mi Seneca, video, quid ha-
 beat DEVS in Orbe pulchrius, quam ut
 spectet Tobiam aliquem aut Iobum, in-
 ter tot liberorum funera, inter tantas fa-
 cultatum omnium ruinas, nihilominus
 erectum & stantem.

Chri-

Christus è nube compellans Saulum:
 Exurge, inquit, & sta super pedes tuos. *Actor.*
 Perinde si diceret: Ideo te dejeci, ut for. *c. 26.*
 tior surgeres. *v. 16.*

II. Itaque cum videris hominem probum acceptumq; Deo laborare, sudare, per arduum ascendere; malos autem lascivire & voluptatibus fluere: cogita filios disciplina tristiori contineri, & ad modestiam educari, mancipiorum autē ac vernularum licentiam ali & audaciā. Hic Dei mos est; sanctissimos quosque homines in deliriis non habet: Experitur, indurat, sibi illos præparat. Quemadmodum tot amnes, tot flumina, tanta imbrum ac nivium, tanta vis fontium non mutat saporem maris; ita adversarum impetus rerum viri fortis animum non vertit. Manet ille in statu, & quicquid evenit, in suum colorem trahit: ipse bonus, in bonum vertit, bene ferendo, bene interpretando. Vti vinum rubellum paucas albentes guttulas secum commistas suo colore tingit: ita bonus quicquid accidit, bene consulit, in bonū vertit, afflictionem omnem sibi reddit utilem tolerando. Est enim omnibus exterioribus potentior: nec hoc dico, non sentit illa, sed vincit, & alioquin quietus placidusque contra incurrentia attollitur. Omnia adversa, aut tanquam exercitia, aut tanquam medicamenta habet. Illa, si sanus sit animus, ad robur tuendum vel augendum sunt; ista, si languidus,

140 GYMNAS. PATIENT.

cus, & delitiis aut voluptatibus mer-
sus, ad recuperandum. Plane ut in cor-
porum cura solet, cū vulneramur & uri-
mur, ut valetudo ac vires reparentur.

Plin. Arboris genus est, cui Larix nomen:
lib. 16. hæc arbor inter altissimas numeratur;
Nat. hist. folia illi non decidunt; vis ejus incor-
c. 10. rupta, emori contumax: nec enim ar-
& alibi. det, nec carbonem facit: nec ulla ignis
vi consumitur, non minus quam lapides.
Inventum est hoc lignum pictorum ta-
bellis immortale, nullisq; rimis fissile,
& quod nec cariem sentit, nec vetusta-
tem.

Cælius Cælius Rhodiginus visam à se turrim
Rhodig. asserit è Larice structam, quam Iulius
lib. 10. Cæsar subjectis flammis nequiverit de-
anti- jicere. Huic tali arbori homo insigniter
quar. patiens rectissime confertur: Ardet ille
lect. nonnunquā mediis calamitatum flam-
c. 10. mis, sed nullum in eo vel foliolum com-
buritur, nec enim verbulum edit, quod
impatientiam oleat. Talis omnino Io-
bus, qui veluti lignum flammaram pa-
Job. tiens, *In omnibus his non peccavit labiis suis.*

cap. 2. En rubum flammis undequaque cin-
v. 10. ctum, & tamen illæsum: En turrim è
Larice structam quam omnis Acheron-
tica vis non dejecerit. Hoc nimirum in
Patientiæ gymnasio discitur, Æquo ani-
mo ea ferre, quæ non sunt mala, nisi
male sustinenti.

Gen. Isaaci conjux Rebecca cum geminos
c. 25. infantes in utero collidi persentisceret,
v. 22.
& seq. per-

perrexit ut consuleret Dominum. Responsum est : Duæ gentes sunt in utero tuo, &c. & major serviet minori. Hic Augustinus seriam quæstionem injiciens, qua ratione id factum fuerit percontatur, Majorem enim nunquam minori serviisse, sed inferre necem voluisse compertum est. Siquidem Esau apud *Gen. c. 27. v. 41.* animum suum sic statuerat : Venient dies luctus Patris mei, & occidam Iacob fratrem meum. Qui ergo servit, cum occidere voluerit? Ad quæ optime Augustinus : Serviet, inquit, non obsequendo, sed persequendo, eo modo, quo mali serviunt bonis. Quemadmodum lima *Aug. tom. 10. serm. 78.* ferro, & malleus auro, & mola tritico, & furnus deservit pani pinsendo.

Isaaci filius Iacob in eum virum nunquam evasisset, nisi à fratre sic exagitatus fuisset. In domo paterna laute habebatur, matri charissimus omnia pro libitu agebat. At cum illi mortem minaretur frater, in Mesopotamiam ad Labanum avunculum profugiens opilionem egit ultra viginti annos. Sensit hinc Iacob se domi suæ non esse, nam durissime habitus, famem sitimque ferre, æstum geluque tolerare, insomniam vincere, sed puro Iove pernoctare didicit : hinc ferrei prope corporis animique, hinc laborum ac penuriæ tolerantissimus evasit. Horum omnium causa, germani improbitas & invidia fuit. Quid hoc autem Iacobo profuit? Multum, supra omnem modum. Nam

mor-

142 GYMNAS. PATIENT.

mortem intentatam effugit, otium a maternis blandimentis ortum excussit, laboribus & incommodis assuevit, robur sibi ac divitias comparavit, Liam & Rachelem conjuges acquisivit, è quibus duodecim patriarchæ ortum, sed & ipse Christus originem traxit. En, ut natu major serviverit minori, sane non obsequendo, sed persequendo. Hæc una discendæ fortitudinis ratio; ita fortes effimur. Nota vox fortissimi: Cum infirmor, tunc potens sum.

2. Cor.
c. 12.
v. 10.

III. Virtus, quo tendat, non quid passura sit, cogitat; quoniam & quod passura est, gloriæ pars est. Suis DEVS consulit, quos esse quam modestissimos cupit, quoties illis materiam præbet aliquid animose fortiterque faciendi: ad quam rem opus est aliqua difficultate. Vnde possum scire, quantum adversus paupertatem tibi animi sit, si divitiis diffusis? Vnde possum scire, quantum adversus ignominiam & infamiam constantiæ habeas, si inter plausus senescis? si te pronus omnium favor comitatur? Vnde te obedientem scio, si tibi nulla nisi mollissima mandata veniant? Vnde te summissum ac humilem pronuntio, si nullis injuriis ac calumniis impetaris? Vnde te vere patientem laudo, si nullis calamitatibus premaris? Calamitas virtutis occasio est.

Illos merito quis dixerit miseros, qui nimia felicitate torpescunt, quos velut in

in mari lento tranquillitas iners & malacia detinet. Quicquid illis inciderit, novum & molestum veniet. Magis urgent sæva inexpertos : grave est teneræ cervici jugum. Vel ad suspicionem vulneris tiro pallefcit : audacter veteranus cruorem suum spectat , qui scit se sæpe post sanguinem vicisse.

Considera Germanos , inquit Seneca,^{lib. de Provi-}
& quicquid circa Istrum vagarum gen-^{cap. 4.}
tium occurfat. Perpetua illos hiems, & triste cælum premit, maligne solum sterile sustentat, imbrem culmo aut fronde defendunt, in alimentum feras captant.^{Vbi de priscis Ger-}
Miseri tibi videntur ? Nihil miserum est, quod in naturam consuetudo perduxit.^{manis loqui-}

Quid miraris bonos viros, ut confirmentur, concuti ? Non est solida nec fortis arbor, nisi in quam frequens ventus incurfat : ipsa enim vexatione constringitur, & radices certius figit. Fragiles sunt quæ in aprica valle creverunt. Sic semina messium gelu cooperta lætius germinant, sic ignis flatu premitur, ut crescat.^{Greg. epist. 27.} Quid officit argento & auro malleus ? aliter certe moneta non cuditur : nec inde poculum formatur, nisi metallum creberrimo ictu tundatur. Apage argentum & aurum quod impatiens est malleorum : ita quisque de se ipso sentiat.

Nonnunquam nobis ipsis virtute præditi videmur, & Patientes dici volumus, sed

144 GYMNAS. PATIENT.

sed opportune nobis ingereretur, quod non nemini Pythagoras dixit: Etsi argētum sis, ex te tamen nec obolus probæ monetæ fiet, cum tam impatiens existas. Ita pluribus jure dicatur: quamvis sis argenteus, mi frater, sis aureus totus, dies totos in genua procumbas, manus cælo attendas, Deo preces adhibeas, nihilominus (ignoscat mihi tuus genius) nullius pretii es. Cur obsecro? * Quia malleorum impatiens es, & ideo velut inutile pondus, in arcam retrudendus es. Nam ubi malleolus vel solum te libarit, ubi verbum asperius te perstrinxerit, mox in turpem impatientiam erumpis. O argētum, ô aurum, sed improbum, sed falsū, sed adulterinum, quia malleis refractarium: nempe otio duntaxat natum, & in * coronice collocandum.

Guiljelmus Peraldus Lugdunensis Præsul festive disserit, qua ratione quis diabolo dentes excutiat. Dentes diaboli sunt calumniatores, obtrectatores, vexatores, ad quos Hebræus Isaias: Quare Is. c. 3. atteritis populum meum, inquit, & facies pauperum commolitis? dicit dominus D E V S exercituum. His dentibus commordet cacodæmon homines probos,

* Ein Silberflump/ der sich nit münzten oder arbeiten laßt / weßsoller?

* Ein Zier auff das Gsimbs.

bos. Sed quomodo hi dentes effringendi? P A T I E N T I A. Non raro Christiani etiam unici patientia illustris, aliquot millia idololatrarum ad Christi sacra perduxit.

Romanus Præses Pontius Pilatus admirabilem Christi patientiam miratus, hominem illum supra hominem sapere, & alti sanguinis esse nō immerito suspicatus est. Quotidianum hoc est, ut gerro verbosissimus, solum criminari doctus, taciturnam alterius patientiam observans, incipiat & ipse ad modestiam se componere, nullis alioqui conviciis exarmandus. Sed Christianum hoc robur, non discitur in * choreo, sed patientiæ gymnasio. Afflictio Fortitudinis magistra est.

I V. Non solum *Fortitudinem* gymnasium Patientiæ docet, sed & *Fidelitatem*, in sacris paginis laudatissimam virtutē. Nota sunt illa Domini verba: Euge serve bone & fidelis. Discipuli Christi errores complusculos commiserunt, sæpius etiā reprehensi sunt: nihilominus cū Christus in ultima cena tristissimum vale omnibus diceret, copiose suos collaudans: Vos estis, inquit, qui permansistis *Luc.*
mecum in tentationibus meis. Et ego *c. 22.*
dispono vobis, sicut disposuit mihi Pa- *v. 28.*
ter meus, regnum. Perinde si diceret: Er- *& seqq.*
roribus vestris, ô mei Apostoli, veniam do; præterita sint abolita. Hoc potius ago, ut vestram in me fidelitatem amplissime

* Dant; Boden.

146 GYMNAS. PATIENT.

plissime remunerer. Vobis pæne unis
Paupertas ac Humilitas mea non for-
dui: agnosco fidelissimos, non dicam ser-
vos, sed amicos. Itaq; dispono vobis re-
gnum, ut edatis, & bibatis super men-
sam meam, in regno meo. Hic utique
Apostolis pectus gaudio subsiliit: & quis
eorum aliud cogitarit, quam hoc ipsum:
Vtinam jam supra simus in hoc regno.
Vtinam una jam edamus, & bibamus in
hac mensa! Sed eos Christus amanter e-
rudiens, & certa gaudia non intempe-

Ibid.

v. 31.

stive præcipienda submonens: Ecce, in-
quit, Satanas expetivit vos, ut cribraret
sicut triticum. Restant, ô mei, ardua de
vobis sumenda experimenta: Vos velut
campanæ estis, sonitum sparsuræ per Or-
bem; sed prius experiendæ sunt hæ cam-
panæ: hac ipsa nocte fiet initium. Nam
sicut æramentarius fusor cum æramen-
to manum ultimam imposuit, non
illud protinus in turrin educit, sed
malleo prius explorat, quæ voces sint
sui operis, quis sonus, & an nihil rimu-
larum hiet: ita de omnibus, qui inter
meos numerari volunt, experimentum
capiendum est varium, num eorum pa-
tientia sit solida, an in rebus adversis
fortes, an temporibus duris fideles sint.
Nimirum ad hanc coriculam hoc Fide-
litis aurum exploratur.

Senec.

lib. de

Provid.

cap. 4.

Optime dixit Annæus: Quid quisque
posset, nisi tentando non didicit. Nemo
sciet quam patiens sis, nec tu quidem
ipse,

ipse, nisi varii te fatigent adversarii. Languet sine antagonista Virtus. Tunc apparet quis tibi sit animus, quantum valeat polleatque, cum quid possit, patientia ostendit. Adeoque verissime dixit beatus Gregorius: Nemo quantum profecerit, nisi inter adversa cognoscit. Thuris virtus in prunis sentitur: Aromata tunc maxime se produnt, cum in mortuario teruntur: unguenta suavius fragrant, cum moventur. Magdalenaë balsamum totas aedes penetravit, cum in Christi verticem effusum est: sic in tempestate nauta, in acie miles, in arena pugil dignoscitur. Huc alludens Hieronymus: Christianaë militiæ est, inquit, in-
 felicitatibus feliciter ampliari, pressuris
 adolescere, & pressuras pubescendo cal-
 care. Frequentibus procellis Christiana
 vita quatitur, atque tentatur, & pressu-
 ris innumeris lætatur accrescit. Sic vera Fidelitas non in ore pigrorum, sed in manu heroum cernitur; nam aliud est fidelitatem promittere, aliud fidelem esse.

Christus, ut suos alliceret ad incrementum fidei petendum: Si habueritis
 fidem, inquit, sicut granum sinapis. Quæ-
 nam obsecro hæc tanta fides est tantilli
 granuli sinapis? minutum quidem ac vi-
 le semen est sinapi, vixque ullam ab ocu-
 lis fert laudem: sed pistillo tritum, aut
 ore commansum, hinc acrimoniam, hinc
 odorem exerit. quis tantum ignis sub or-
 biculo

Hierō.

tom. 9.

epist. 9.

ad ami-

cum &

grot.

Matth.

c. 17.

v. 20.

& Luc.

c. 17.

vers. 6.

148 GYMNAS. PATIENT.

biculo tam modico latere credat? Hanc talem in se fidelitatem à nobis Christus exigit, ut tunc maxime amoris ignem, patientiæque odorem excitatissimum expiremus, cum pistillis calamitatum tundimur. Bonū, inquit Gregorius, quod in tranquillitate sumitur, in tribulatione manifestatur.

*Greg.
lib. I.
mor.*

cap. 4.

Iosue

cap. 9.

vers. I.

cap. 2.

V. Hebræum militiæ ducem sic laudat facra pagina: Cuncti reges congregati sunt pariter, ut pugnarent contra Iosue. Hic generosissimus heros juratam Deo fidelitatē illustrissimis exemplis repræsentare, & provocare hostes: Adeste perduelles Dei; nec mihi, nec meis labant genua, cum in vos pugnandum. & quamvis altero tanto sit major partium vestrarum numerus, non tamen formidamus: Adeste numerosissimi exercitus, nil trepidamus; à nobis D E V S est, totus nobis militat æther. Sic omnino & Christiana generositas, hostem provocat: Adeste afflictiones, & innumerabilium calamitatū agmina, fames, sitis, egestas, morbi, luctus, injuriæ, calumniæ & omnis generis ærumnæ; nec numerum, nec vim hostilem expavescimus: si consistent adversum nos castra, non timebit cor nostrum; fidē Deo datam non frangimus; omnia potius pati, & vitam vel centies prodigere parati sumus, quam jusjurandum, quo D E V S nos obstrinxit, negligere.

Quisquis in D E V M pius ac fidelis est.

2. Tim.
cap. 2.
v. 11.
& 12.

I. Ma-
chab.
cap. 2.

v. 13.

150 GYMNAS. PATIENT.

cine tuum erat perseverandi propositū?
Memento sacramenti, quod velut miles
dixisti, memento fidei quam Deo dedisti,
& fidelem te præsta usque in finem. Fi-
delissimum habes promissorem; non ne-
gabit præmium, non differet coronam,
tu modo non detrectes pugnam, non
desperes victoriam.

CAPVT II.

*Afflictio docet Commiserationem & Absti-
nentiā.*

CVM Artaxerxi regi amicus primæ
admissionis esset mortuus, rex Io-
niam misit ad Democritum, ut si
quid in eo artis esset, suum sibi amicum
in lucem restitueret, aut si quod aliud
remedium foret amici veteris reparandi,
id porro tentaret. Democritus rem seri-
am & difficilem postulari respondebat,
si tamen rex vellet possetque à se postu-
landis annuere, in opus deducendam.
Promissa omnia liberalissime. Ergo, in-
quit Democritus, defuncti tumulo hanc
figite inscriptionem. Triginta nomina
eorum, qui ad vicesimum ætatis annum
nil dolorum sunt passi, sepulchro incul-
pantur. Quæsitæ sunt sedulo hæc fausta
nomina, sed necdum inveniri potuerunt
uspiam, nec ullo ævo, ut credibile est,
invenientur.

Ecquis ille, obsecro, mortalium est,
qui

qui non dicam viginti annis, sed vel diebus viginti nil sentiat adversi? Omnis vita nostra ærumnarum & calamitatum plenissima est; suam cuique portionem providentissimus D E V s jam ab æterno assignavit æquissima lance. Absinthium nemini non propinatur; sed huic calix, illi congius, isti caliculus miscetur, prout Deo visum, idque ob hanc etiam causam, ut alter alterius miseratione & consensu tangeretur, atque una Temperantia disceretur.

Qua igitur ratione afflictio tam *Com-miserationem* quam *Abstinentiam* doceat, jam differemus.

I. Miseris solatium ingens est, pœnarū socios habere; scire, eadem aut graviora pati alios, neminem à cruciatibus illæsum transiri, neminem hīc eximium esse. Hoc argumento Christus suos erudiens: Beati eritis, inquit, cum maledixerint vobis homines, & persecuti vos fuerint, &c. sic enim persecuti sunt prophetas, qui fuerunt ante vos. Et ut argumentum sit illustrius: Si me, inquit, persecuti sunt, & vos persequentur. Eadem ratione Paulus Macedonas solatus: Vos, inquit, imitatores facti estis fratres Ecclesiarum Dei, quæ in Iudæa sunt, quia eadem passi estis à contribulibus vestris.

Sic Hebræis velut digito mōstrat optimos quosque ludibria, verbera, carceres & vincula expertos; circummeuntes in melotis, in pellibus caprinis, egentes,

Matth.

cap. 5.

v. 11.

et 12.

Ioan.

c. 15.

v. 20.

8. Thess.

cap. 2.

v. 14.

Hebr.

c. 11.

v. 35.

et seqq.

152 GYMNAS. PATIENT.

angustiatis, afflictos; in speluncis & montibus, in cavernis & solitudinibus errantes; alios tentatos, lapidatos, sectos, obtruncatos commemorat.

Et quo magis aliorum exemplis ac generosa patientia firmemur, monet *Iac.* beatus Iacobus, Ne cogitemus illos *cap. 5.* ta passos, homines ferreos aut adaman- *v. 17.* tinos fuisse: Elias, homo erat similis nobis, passibilis. Doloris acerbiter tam illi quam isti æque senserunt ut nos, sed quia in schola Patientiæ plus didicerunt, patientiores quam nos fuerunt.

Neque tantum ab exemplis afflictorum, sed & à verbis, solatium afflictis accedit. Nempe inter adversa discimus, aliorum adversis indolere, solatio mulcere, & facile fidem habere iis, quibus non dissimilia sunt perpetienda.

Atque hæc causarum non postrema est, cur in Patientiæ gymnasium varie vexandi compingamur, ut scilicet alter *Non* alterius dolorem discat dolere. Profecto *theorice* qui paupertatem expertus est, non dif- *tantum* ficile miseretur esurici & egestati; qui *aut spe-* sæpius infirma & ægra fuit valetudine, *culati-* misericordia ægrotorum cito capitur; *ve.* qui reipsa didicit, quid contemni, premi, & abjici sit, animum lenitate induit in contemptos, pressos & abjectos; qui fortunis omnibus evolutus est, facillime commiserescit illorum, quos eadem fors facultatibus privavit. Ærumnis variis exagitati, cum Tyria regina sapimus, quæ dixit: *Non*

Non ignara mali, miseris succurrere disco. *Virg. I*
 Sapienter Æschylus poëta : Infeliciter *Æneid*
 agenti, ait, quivis condolere, & una su- *Æsch.*
 spirare promptus est; morsus autem do- *in suo*
 loris nullus ad hepar penetrat. Huic re- *Agamem.*
 cte Sophoclis dictum jungitur : Qui ip-
 si miseras experti, hi soli ex aliorum
 afflictionibus dolorem capiunt.

I I. Hinc optime concludimus : Quis-
 quis tam immitis, asper, inclemens, &
 durus est, is certe tristiora nunquam ex-
 pertus, neque litteras, neque natare scit,
 & nec vidit quidem oleum, quo athletæ
 unguntur; consenuit in pulvillo, hinc tā
 inhumanus & in miseros immisericors
 est. Atque hinc D E V S suos monuit, ne
 alienigenas & peregrinos læderent,
 quod & ipsi tales fuissent : Advenā non *Exod.*
 contristabis, neque affliges eum, adve- *c. 22.*
 næ enim & ipsi fuistis in terra Ægypti. *v. 21.*
 Vestra vobis experientia dicet, qua mi-
 seranda fors sit, extraneum, servum, ca-
 ptivum, laboribus oppressum, verberi-
 bus oppletum esse.

Beatus Leo Apostolorum principem
 Petrum ideo tam graviter labi permis-
 sum autumat, ut summus antistes tanto
 esset indulgentior lapsis. Atque ita in
 principe Ecclesiæ, conderetur remedium
 poenitentiae. Hinc servo gravissime in-
 dignatus paterfamilias, quod paullo an-
 te ex ære alieno laborasset maximo, &
 animam debuisset, nihilominus nec mi-
 nima conservi debitoris misericordia

154 GYMNAS PATIENT.

Matth. frangeretur: Nonne oportuit & te misereri conservi tui?

v. 33. Hinc & Paulus solatium maximum

Hebr. cap. 4. instillans. Non habemus, inquit, Pontificem, qui non possit compati infirmita-

v. 15. tibus nostris, tentatum autem per omnia.

v. 16. Adeamus ergo cum fiducia ad thronum gratiæ, ut misericordiam consequamur.

Hebr. cap. 2. Vnde debuit per omnia assimilari fratribus, ut misericors fieret, & fidelis Ponti-

v. 17. fex ad D E V M.

Vnde Virgo beatissima, Domini Mater, tam misericors semper, & etiamnum misericordiæ mater? Non ignara mali miseris succurrere didicit, omnigenis vitæ miseriis exercita. Vnde Hierosolymæus Epulo in Lazarum tam barbarus, & crudelis fuit? paupertatis incommoda ignorans epulabatur quotidie splendide.

Hanc ob causam Deus in multos immittit afflictiones, ut aliorum discant miserescere, & opem promptius adferre. Non neminem audias, qui hac in re suam ipse culpam recitet: Ægroto illi fidem non habui; pauperis illius vicem non dolui; mœsto illi & afflicto misericordiam non tribui; illum funeribus suorum illacrimantem irrisi: jure igitur mihi nunc & morbus, & paupertas, & mœstitia, lacrimæque proponuntur gustandæ: ita discam in posterum aliorum miseratione permoveri.

Hieremias vates Moabitarum improbos

bos mores sic perstringit: Fertilis fuit *Hiev.*
 Moab ab adolescentia sua, & requievit c. 48.
 in fœcibus suis, nec est transfusus de va. *v. II.*
 se in vas. Confert Moabitas vino, quod
 suis fœcibus nimis diu permixtum, odo-
 rem contrahit inamœnum & ingratum.
 Hispani solent dicere: Hoc vinum etiam-
 num recens à matre sua est, nec de do-
 lio in dolium * peregrinari sustinuit: Sic
 Moabitæ fertilissimis terris opulenti,
 nesciebant quid fames & penuria doce-
 rent; Fertilis Moab ab adolescentia sua,
 & requievit in fœcibus suis: Nam Moa-
 bitæ Sodomitis vicini, rerum abundan-
 tia luxuriosi, divitiis ac vitiis innutriti
 casta paupertatis consilia spernebant;
 Nec est transfusus Moab de vase justi-
 tiæ in vas Temperantiæ, Castimoniæ, ac
 Misericordiæ. Verbo dicam: in gymnasio
 Patientiæ minerval nullum dederunt:
 hoc unum sciunt, esse, bibere, jocari, lu-
 dere, omni voluptatum genere inebria-
 ri. Bibentes vinum in phialis, & optimo *Amos*
 unguento delibuti, & nihil patiebantur *cap. 6.*
 super contritione Ioseph: duri prorsus, *v. 6.*
 immisericordes, & semper ægri calori-
 bus impatientiæ. En, quanti sit in gym-
 nasio Patientiæ mores & litteras acce-
 pisse: & ipsi discipulo, & aliis multis
 id prodest. Consensus & commiseratio
 hic discitur.

I I I. Non minus Abstinentiam &

L 5

Tem-

* **Ligt auff der heffen der Wein;**
ist nit abzogen.

136 GYMNAS. PATIENT.

Temperantiam in patientiæ gymnasio discimus. Plurima sunt quibus nos carere non posse persuademur, dum ea possidemus: cum erepta sunt, quam iis facile careamus, nos ipsi miramur. Est mercator opulentus & magnificus, qui aliquot famulis comitatus incedit; cum ad mendicitatem & saccum detruditur, tunc primum experitur, quam facile sit incomitatum incedere. Est viator, cui tenebræ iter ad hospitium interdicunt: ita in campis sub arbore pernoctare cogitur, & quia vix unius trientis annonam secum habet, fateri tandem cogitur: Nesciebam me duobus numulis cenare posse. Est opifex, qui olim dives, & in mensa lautus, sed quia laboris parvus, & ad rem nō attentus,* proterviam fecit, ad incitas redactus; tandem in prandium habet olus male unctum, in cenam jejunium, aut jus exoculatum, cum frigida. At ille seipsum prædicans: Nesciebam, ait, me posse tam parce vivere. Est tabellarius eques qui sua omnia in caupona sepeliit, & ex equo in pedes dejectus: Deo gratias, inquit, qui me iterum in pedes erexit: nesciebam antea me pedum usum tam integrum retinuisse.

Ita D E V S cum plurimis agit; ad me-

* **Panckarotten gespielt; ver-
dorben.**

diocritatem eos & ad temperantiam reducit penuria saluberrima. Multi tam pertinaces suo stant iudicio, ut dicant, iste quidem: Lautitia mensæ carere non possum; in ediam tolerare non est mei stomachi. Iste vero: Somno brevi, ait, & parco uti non est mei capitis. Hic vero: Sine fociis, inquit, vita mihi nulla est. Alius: Sine potu & vino, piscis sum in ficco. Cum vero pauperies aliave calamitas cibum, aut socios, aut somnum adimunt, & vinum commutant aqua, tum profecto experimur re ipsa, quam facile sit nobis vigilare, suum, nec ultra, ventri dare, jejunium servare, vino & fociis privari.

Magistra temperantiæ calamitas est. Rebus in arctis sobrietatem & parsimoniam discimus; sæpe fera nimis est parsimonia in fundo.

Quam multi magnatum, quos ipsi novimus, didicerunt in carcere septem numulis aut certe paucis assibus prandere, quorum antea mensa sub dapibus gemebat.

Audite mira, bis mira, & quæ valde faciant proposito. Pecchius Cisalpinus, homo industrius & magni animi in odium venit viri illustris & opulenti, cumque iter faceret, delatus in insidias & captus, atque instar felis in saccum conclusus, eaque ratione in hostis in sui castrum deportatus est.

Hic

158 GYMNAS. PATIENT.

Hic in altum foedumque carcerem dejectus Pecchius. Et ceteris quidem domesticis quid rerum ageretur ignaris, unico è fidioribus famulis commissa est cura ab arcis domino, ea lege captivum aleret, ut in singulos dies non nisi panis frustillum idque gracile, & pauxillum aquæ deferret, quo miser non tam diutius viveret, quam per diu se mori sentiret. Interim Pecchius totis urbibus oppidisque quæritur, nusquam reperitur ipse, sed jumentum, quo usus est, sanguine nonnihil aspersum. Quocirca cædis suspicione facta strenue in homicidam indagatum. Reperti sunt duo, quibuscum aliquando rixatus sciebatur. Miseri tormentorum sævitie adacti, Pecchium à se cæsum fassi sunt reclamante conscientia. Sceleris damnati, alter gladii, alter laquei supplicio addicitur. Ita insontes ducti sunt. Iudicia tua, ô Deus, abyssus multa!

Interea captivus animum trahit in teterrimo carcere, eaque seu vivendi dicas, seu potius moriendi ratione novendecim annos exigit. Vestem nec deposuit, nec mutavit unquam; præter fontem & exiguum in dies Cererem nil penitus gustavit. Nihilominus (ipsius Pecchii narrantis verba sunt) Dei, ejusque divæ Matris clementiæ memor, ingenti fiducia sibi semper constabat, speque maxima erat, futurum ut ex illo
Mortis

Mortis spelæo emergeret. Interim filii captivo patri velut jam mortuo iusta fecerunt, hæreditatem inter se partiti. Annis igitur novendecim totis in tam diro ergastulo exactis, arcis dominus, captivi hominis capitalis hostis obiit. Successor hæres ut castrum in amplio-rem nitorem restauraret, hinc illinc muros dejici jussit. Ventum est ad hoc ipsum subterraneum cavum, quod nulla janua, sed foramen duntaxat idque angustum aperiebat. Dejectis hic futuri ædificii obstaculis, homo instar stygiæ umbræ apparuit, veste lacera, barba ad poplites promissa, capillis in humeros largiter excurrentibus. Obstupuerunt operæ ad hoc spectaculi tam inexpectati. Mox rumor in vulgus abiit. Accursus ingens velut ad Faunum aliquem Satyrumve, aut simile silvarum monstrum. Peritiores qui affluerant, suasere hominem repertum non statim aeri exponendum, ne aut oculorum, aut ipsius vitæ usum subita mutatione perderet. Sic aliquot dies inter assuetas tenebras detentus, paullatim ad auram liberiorem educitur. Hic plurimæ quæstiones velut ab inferis redivivo positæ: quis, qua domo, qua gente, unde illuc venerit, quamdiu illic latuerit? &c. Ad quæ ille ordine rei seriem recensens, fidem narrationis omnibus fecit. Hinc ei non tantum libertas data, sed & bona quæ filii jam diviserant, jussu Princi-

160 GYMNAS. PATIENT.

pis restituta. Illud ad rem omnino, & dignissimum notatu. Podagra laborabat Pecchius cum in carcerem illum raptaretur. At tanta mensæ frugalitate hoc impetravit, ut non solum in carcere, sed & in omnem reliquam vitam ab omni prorsus podagra immunis degeret.

Simon Majolus episcopus Vultur. Qui hæc posteris memoriæ tradidit: Cum hoc ipso viro, inquit, collocutifumus, & hæc ex ore illius didicimus Mediolani, anno 1566, mense Novembri.

var. In diebus Canic. collo. 4. mihi p. 159. En ut D E V S ad inferos deducat & reducat: En, ut calamitosa inopia non solum Abstinentiam & frugalitatem doceat, sed & sanitatem nullis alioqui pharmacis impetrandam tribuat.

Galen. l. 6. de medic. facilib. At nos plerunque malæ indolis sumus, quod quædam ultro discenda, nisi coacti non discamus. Tandem magister in schola Patientiæ jure his urget vocibus: Disce igitur vel invitus, quod noluisti sponte discere. Galenus arbitratur aliquibus subitas commotiunculas & ægrotationes prodesse. Credimus: & neque discipulis Patientiæ eas sentire obest.

Horat. l. 2. serm. sat. 3. med. I V. Venusinus vates festivum quid narrat in hunc modum: Optimus, civis tam avarus quam dives, grandi lethargo est oppressus. Iamque hæres circum claves & oculos lætus currebat. Erant qui Optimum vellicarent.

Illearent, traherent, agitarent, nec tamen lethargum pellerent. Medicus in rem ægri promptus ac fidelis. Opimium excitabat hoc pacto. Mensam iussit poni, & in ea numorum saccos effundi, plures etiam accedere ad numerandum; denique hominem sic erexit: Opimi, ajebat, heus Opimi, ni tua custodis, jam hæc omnia avidi hæredes auferent. Hic Opimius graves attolens oculos, & serio evigilans: Quid hoc, inquit, rei est, istane fieri me nondum defuncto? Apagite mali vultures: an vivum lacerare venistis? an superstitem efferre vultis, ut in hæreditatem venire liceat? Subjunxit medicus: Vt vivas igitur, vigila; hoc age. Ita hunc ægrum deseruit lethargus.

Capitis hoc Christiani? Cælestis animorum medicus innumeros videt Opimios, jacentes, & lethargo pressos, salutis suæ incurios, multa intemperantia corruptos. Quid hic faciat fidelissimi medici peritia? Diversa tentat, ut ægrum sanitati restituat. Sed parum proficit. Tandem ergo charissima quæque aut adimenda simular, aut omnino adimit, sed eo certe animo, ut excitetur, ut in rem nostram vigilemus; ut emendemus mores depravatos, & ita valetudinem recuperemus. Tandem æger fateri cogitur: Putabam sane mearum virium non esse,
his

162 GYMNAS. PATIENT.

his carere, his abstinere, illud non obtinere: nunc autem, ut video, hæc omnia vel quia volo, vel quia debeo, possum: his careo, his abstineo, illud non obtineo, & tamen vivo. Magistra temperantiæ calamitas.

Luc. c. 15. v. 16. Prodigus ille juvenis, & patrimonii decoctor, quam opportune didicit in ediam tolerare, quam pulchre crapulam omnem discussit! Tam arcta urgebatur fame, ut panem avenaceum, imo ut furfur porcinum inter delicias numeraret, qui ante dominicum nauseabat. Siquidem, Cupiebat implere ventrem suum de filiquis quas porci manducabant, & nemo illi dabat.

Tor ten. Ideo cum animo agitarer, quam in paternis ædibus monstrum ignotum sit fames, quam assiduus illic hospes habitet panis: non sane auditus est exclamare: O quis mihi alilem gallinam, ô quis gallum spadonem pinguißimum, ô quis panem artoptitium? Sed ô quis mucidi panis frustillum dabit? Vbi obsecro, & à quo hanc tantam temperantiam didicit? A Fame, idque in schola

Euseb. Emes. serm. 2. de Prod. Patientiæ. Optime dixit Eusebius: Fames eum revocavit, quem Saturitas expulerat. Nimirum accipitres non redeunt ad suos dominos nisi famelici. Nos famem credimus magnum esse malum, sed multo majus est intemperantia. Ut istud igitur effugiamus, illud quandoque D E V S in nos immittit:

tit: fame castigat, ut à vetitis temperare doceat. Ita calamitates in remedium cedunt.

V. Eleganter plane Annæus : Levio-^{Sem.}ribus, inquit, incommodis graviora fa-^{l. de}nantur, ubi parum audit præcepta ani-^{Tran-}mus, nec curari mollius potest. Quid^{quil.}ni consulitur, si & paupertas, & igno-^{cap. 9.}minia, & rerum eversio adhibetur? malo malum opponitur. Si velis ut ægrotus cibum sibi minus commodum non tangat, optimum est aut illum ei non proponere, aut sale vel pipere sic asperare, ut mox abdicet: Deus malæ valetudini nostræ consulit, cum non tangenda ærumnarū * sale ac pipere sic inficit, ut libido non sit iis frui. Hoc maximi beneficii loco interpretatus Augustinus: Cui licentia, inquit, iniqui-^{Augu-}tatis eripitur, utilissime vincitur. Idque^{stin. ad}in seipso expertus : Non evasi, ait, fla-^{Mar-}gella tua. quis enim hoc mortalium? Tu^{cellinto}semper aderas misericorditer sæviens, ^{Conf.}& amarissimis aspergens offensionibus, omnes illicitas jucunditates meas, ^{cap. 2.}ut ita quærerem sine offensione juncun-^{post}dari. ^{med.}

Hoc Deus agit, ne noxia nostro nobis damno sapiant. Hinc, ô beatuli vestras ego voluptates video, sed nec invideo, nam austerum salem & igneum piper sub iis latere non dubito. Tan-
M gat,

* Versaltzts vnd verpfefferts,

164 GYMNAS. PATIENT.

gat, qui vult uri. Deus ut cocus minime cæcus, id quod noxii aut nimis frigidi est edulii, † cucumeres, fungos, melopepones, betas sanguineas, tam ingrato spargit condimento, ut ab iis non inviti temperemus. Pro his autem tam damnosis cupediis cibum è sua mensa regium mittit.

Summi favoris argumentum poterat videri, cum Ierosolymæus rex Da-
2. Reg. c. 11. vidè mensa sua suo famulo Uriæ regias
vers. 8. dapes mitteret, quod Regum fasti affe-
Dan. cap. 1. runt: Secutus est eum cibus regius. Pari
vers. 5. ratione rex Nabuchodonosor, quatuor
 Hebræis juvenibus constituit annonam
 per singulos dies de cibis suis, & de
 vino unde bibebat ipse. Et quæ nam
 sunt regiæ Christi dapes, quod vinum
 illius dominicum? Penuria rerum om-
 nium. Nasci, vivere, mori extrema
Ioan. cap. 4. paupertate: Meus cibus est, inquit Ser-
 vator, ut faciam Voluntatem ejus qui
v. 34. misit me, ut perficiam opus ejus. Quod-
Nec ob nam hoc opus? Assidue crucifigi. Nam
stabat, Christus Dominus momento primo
Chri- quo Virginis uterum habitare cœpit,
stū, ut se crucifigendum cognovit; hinc semper
Theo- dum vixit, crucifixus fuit ob assiduam
logis no mortis memoriam. Hinc & Zebedæos
tum, fratres velut exploraturus: Potestis, in-
cōpre- hensorē quit, bibere calicem, quem ego bibitu-
fuisset. rus sum? Calicem quem dedit mihi Pa-
 ter,

Matt.

c. 20.

v. 22.

† Kañen/und was zu fast tult.

ter, calicem illum longe amarissimum? Qui negat se posse, in Patientiæ gymnasio id discet.

Assuescamus igitur à nobis superflua remove; cibus famem domet, potio sitim. Discamus membra nostra in potestate habere, cultum victumque non ad nova exempla componere. Assuescamus sine convivis & cupediis cenare, vestes parare in quod inventæ sunt, habitare contractius. Discamus continentiam augere, luxuriam coercere, gulam temperare, iracundiam lenire, paupertatem æquis oculis aspicere, frugalitatem colere, animum ad futura & æterna mittere. Hæc omnia in Patientiæ gymnasio discuntur, sed à sedulis solum & volentibus proficere. Interim teneamus hoc mordicus; Adversis non succumbere, lætis non credere. Prudentis est, ne quid mali fiat, cavere; fortis autem, id quod factum est, moderate ferre.

C A P V T III.

Afflictio docet Orationem, & Mortificationem.

VIr eruditus Hieronymus Cardanus quæstionem ponit, Cur rosæ spinis armentur? Post fusam è Philosophia dissertationem, hoc demum concludit: Si rosa spinifera non sit, nec etiam erit odorifera. Hinc rosæ silvestres

Card.

l. 13.

de Sub-

til pag.

284.

166 GYMNAS. PATIENT.

tres quæ quinis plerunque foliolis constant, minores habent spinas, quam quæ in hortis educantur, ideo suavi quidem, sed imbecilli sunt odore.

Oratio velut nobilissima rosa est, sed nisi hæc suas etiam spinas habeat, *Mortificationem*, odoris est parum probati. Omnium in Christi Lyceo sapientum vox est: *Orationem* sine *Mortificatione* vix ullius esse pretii, alterum sine altero non constare, nec duo hæc sejungi distrahique posse. Hinc cum religiosus vir quispiam beato Ignatio præfente laudaretur, dicereturque, Virum esse multæ orationis; Ignatius mutata voce subjunxit: Vir est multæ mortificationis. Eam porro Mortificationem (sic loquimur cum multis) designabat, quæ non tam corpus maceraret, quam voluntatem ac judicium expugnaret. Atqui duo hæc, *Orationem* & *Mortificationem* in Patientiæ gymnasio præclarissime doceri, hoc capite ostendam.

Riba-
den. in
vita
S. Ig-
natii
l. 5.
cap. I.
ante
finem.

I. Hebræus rex David ad divinas laudes hortatus: Psallite Domino, inquit, *Ps 97. vers. 7.* in cithara, in cithara & voce psalmi, in tubis ductilibus, & voce tubæ cornæ. Optima ad orationem exhortatio, & quæ quatuor potissimum capita complectitur. Primum: Si cithara vel lyra pluribus instructa sit fidibus, necesse est ut eæ inter se solerter comparatæ assonent. Nam si fides vel unica sit

ca sit discors, totus periit concentus.
 Nec aliud in re nostra: Quicumque to- *Iacobi*
 tam legem servaverit, offendat autem *cap. 2.*
 in uno, factus est omnium reus. Sis *v. 10.*
 licet castus, & in stipem effusus, si
 tamen iracundus es & invidus, jam
 symphonia nulla est, factus es om-
 nium reus. Et contra, sis licet mitis-
 simus, & invidus nulli, si tamen inca-
 stus es, harmonia periit, factus es om-
 nium reus. Quare psallite Domino in
 cithara; in cithara consonantibus fidi-
 bus, sociata nervorum omnium concor-
 dia. Talis sit oratio tua, qualis est vita
 tua.

Alterum: *In voce psalmi.* Vult assam
 vocem instrumentis musicis conjungi.
 quod si vero vox una discordet, jam
 cantus suavitas jugulata est. Qui orat,
 sciat quid dicat: orationem veram o-
 portet esse attentam.

Tertium: *In tubis ductilibus.* Tuba du-
 ctilis non nisi plurimis formatur icti-
 bus, quod Mortificationem designat.
 Multo est operosius seipsum, quam ho- *Ambr.*
 stem potentissimum superasse. Ne- *l. 2.*
 que vero gloriosa est victoria, nisi *offic.*
 ubi fuerint laboriosa certamina. Tu-
 bam ductilem & format & inflat, qui
 acriter sibimet imperat.

Quartum: *Et voce tuba cornea.* Instru-
 mentum angustum sed artificiosum &
 suave, si peritum habeat cornicinem.
 Hic eleemosynæ atque jejunii mone-

168 GYMNAS. PATIENT.

Iob. mur. Ergo, bona est oratio cum jeju-
l. 12. nio & eleemosyna. Bona est oratio,
vers. 8. quam comitatur mortificatio. Nos sæpe
 concentum Deo celebramus, sed ina-
 nem, & sine fidibus atque organis: Ora-
 mus, sed carnis petulantiam non casti-
 gamus. Hac fraude plurimi semet de-
 cipiunt, nam quia crebro & multum
 orant, ideo seipsos tanquam homines
 multæ orationis circumspiciunt. Itane
 vero, mei, tam vos egregii cantores?
 Vox sola non ingrata est: sed ubi tubæ,
 ubi fides, ubi cornua? Bona est oratio:
 sed ubi est mortificatio? Hæc sibi jun-
 genda sunt, alioqui concentus erit ina-
 nissimus. Psallite Domino, sed in ci-
 thara. Christus non solum nos preces
 fundere, sed & animam odisse docuit;
 ad collem Oliviferum non tantum ora-
 re suos, sed & vigilare jussit, & somno
 non sine lucta imperare. Vtrumque hoc
 in Patientiæ gymnasio docetur, & O-
 ratio, & Mortificatio.

Dicite, oro, quot orantes vidistis nau-
 tas, tempestate jam sedata, cælo iterum
 sereno, evitato naufragio? quot vidistis
 milites qui pectus runderent, dum ho-
 ste procul, ad ignem sederent, & sales
 facetiasque sererent? Apud plurimos
 mortalium tanti est D e v s in prospe-
 ris, quanti nobis est calor fornacis in
 æstate, fax in meridie, miles in pace; ti-
 bicen, cum saltare non licet, archite-
 ctus cum ædificare non vacat; quanti
 est

est opima mensa, cum non lubet comedere; caussidicus, cum nihil est litigii; medicus, cum omnes sunt sani. Quam *Silius* vere vates Italus: *l. 7.*

— *rara fumant felicibus ara.* *bell.*

Languet oratio, languent sacrificia, nulla sunt altaria, florente fortuna. At vero cum hiems sævit, focum laudamus & ignem; cum nox est, candelas & facces quærimus; cum bellum ingruit, militem scribimus; cum morbus urget, medicum vocamus; cum tempestas furit, ad preces confugimus, & manus cælo attendimus. Sic ad officium supplicii adigendi sumus. *Pun.*

I I. Ideo psaltes regius: Imple, inquit, *Ps. 82.* facies eorum ignominia, & quærent *v. 17.* nomen tuum Domine. Certe non quæsitura, nisi prius ignominia impleti. Hoc ipsum confirmans: Multiplicatæ sunt, *Ps. 15.* inquit, infirmitates eorum, postea ac- *vers. 4.* celeraverunt. Et clamaverunt ad Dominum cum tribularentur. Cur antea *Psal. 106.* non clamaſtis? Nulla nos calamitas premebat. Ergo clamores hi optime *v. 13.* extorquentur calamitatibus, perinde *19. & 28.* ut organorum fistulæ non canunt, & sine voce sunt, nisi cum folium flatu compelluntur. Ita Hebræi. Cum occideret eos quærebant eum, & revertebantur, & diluculo veniebant ad eum. *Ps. 77. v. 34.*

Impiissimus Manasses orare nonquam didicisset, nisi in carcerem de-

trusus fuisset. Quid de viris sanctissimis dicam? Moses plurimis pressus ærumnis, Iacob fraternis agitatus insidiis, Samson illusos à Philistæis, Tobias amissis & opibus & oculis, Sara gravibus lacerata conviciis, tres Hebræi juvenes in mediis flammis, Daniel in leonum cavo, Petrus in pelago, Paulus & Silas in ergastulo, aliique sexcenti precandi & occasionem & disciplinam hausierunt inter adversa. Ita Ionas prophetavim Obedientiæ in ceto didicit. Barbari Geraseni amissis porcorum gregibus, Christum supplices accesserunt.

Apostoli mergenda navicula clausi ardentissime divinam opem expetierunt. Tunc scilicet fera latibulum petit, cum canes à tergo insequuntur; Tunc arbor patula viatori charissima est, cum aut sol urit, aut subitus imber defluit; Ita nos prorsus, quamdiu bene est, Deum importunis clamoribus non fatigamus: aut enim non oramus, aut segniter. At vero cum canes venatici suis nos rictibus petunt, hinc properamus, hinc currimus, sicubi asylum reperiamus, * cum æumnarum æstus fatigat, cum lacrimarum imbre perfundimur, hinc Deum, omnesque superos inclamamus. Huic tali Deus opportune dixerit: Non venisses ad me, nisi ut pater virgis vocaf-

* In der noth/sucht man Gott.

vocassem te. Tam ingenuæ indolis erat rex David, ut hoc ipsum fassus dixerit: *Psal. 119.*
Ad Dominum, cum tribularer, clamavi. *vers. 1.*

Pharao rex improbissime perversus ausus est dicere. Nescio Dominum, & *Exodi cap. 5. vers. 2.*
Israel non dimittam. Tunc certe nondum sat senserat flagella Domini, quem ignorari à se ajebat. At ubi acrioribus flagris exceptus est, aliter loqui didicit, *Exodi c. 10. v. 28.*
jamque non semel: Orate, inquit, Dominum, ut desinant tonitrua Dei & grando, Hem Pharao, novisti jam Dominum? Nimirum has voces in Patientiæ gymnasio vel invitus didicisti.

Et quamvis Pharao indocilis prorsus & nullius spei fuerit discipulus, profecit tamen verberatus. Aliter sensit, facilius locutus est post plagas & verbera. Sed quid Pharaonem miramur? Diabolus ipse Christum ut ignotum affatus: *Matt. cap. 4. vers. 3.*
Si filius Dei es, inquit, dic ut lapides isti panes fiant. Sed audite ut vocem emendaret jam flagellatus. Nam, Exhibant dæmonia à multis, clamantia, quia tu es filius Dei. *Luc. cap. 4. v. 41.*

Qui Deum vel verberatus nosse negat, durissimo Pharaone durior, & ipsis saxis magis saxeus, & vel ipso nequior est diabolus. Si quis hominem se gerat, in afflictione orare discet, si id antea nescierit. Afflictio precandi magistra est.

III. Non tantum deum precandi, sed & se mortificandi artē in Patientiæ gymnasio discimus. Ad rem dixit Clemens

172 GYMNAS. PATIENT.

Clem. Alexandrinus : Silvescit vitis, & in la-
Alex. brucas degenerat, nisi putetur; exorbi-
l. i. tat homo, nisi flagelletur. Nam uti pal-
pedag. mitum luxuria, nisi coërceatur, in pam-
cap. 8. pinos sese effundit; botros fert raros,
 eosque acerbos: cum autem ferro casti-
 gatur, mites dat uvas & crebriores &
 dulciores: Vix aliter homo. nisi enim
 laboribus, ærumnis, afflictionibus, affi-
 due, ut vitis falce, curetur, in vitia, velut
 in folia effunditur, ferocit, luxuriat, effe-
 ratur; cum autem ferreo calamitatis un-
 gue carpitur, orationis, pœnitentiæ, pa-
 tientiæ, mortificationis fert fructus.
 Appetentia nostra nunquam non in ve-
 titum ruit, & effreni sæpe pruritu in
 noxia fertur. Subinde tanta se rabie
 concitat, ut non neminem audias di-
 centem: Non patior frenum, non ad-
 mitto leges, consilia non audio; quo
 mea me fert cupido, sequor: † explebo
 animum. Atqui profecto seipsum præ-
 cipitat iste talis, nisi sit qui furibundos
 hominis imperus sistat.

Hic benignissimus Deus medium sæ-
 pe cursum tam efferi calcitronis reprimi-
 mit, dum calamitates, damna, & quic-
 quid miseriarum horremus, objicit, ut
 indomitus hic equus dometur. Et quē-
 admodum equi sessorem admittere re-
 cusantis caput pallio obvolvitur, sic fe-
 rocienti homini pallium mœroris DEVS
 injicit, ut admittat, quam spreverat, dis-
 ciplinam.

Augu-

† Will den lust büßen.

Augustinus insigniter : Equus, inquit, *Aug. to. 10. de ver- bis Do- mini ser. 4. princip.*
 non se domat, elephante non se do-
 mat, aspis non se domat, leo non se do-
 mat: sic & homo non se domat. Sed ut
 dometur equus, bos, camelus, elephan-
 tus, aspis, leo, quæritur homo: ergo
 D E V S quærat, ut dometur homo. At
 hic domitor noster profert etiam fla-
 gella, plerunque enim nos tractat, ut
 nos jumenta nostra, quæ frenis, fusti-
 bus, flagris, perticis etiam & furcis fi-
 mariis mitescere docemus. Si nobiscum
 sic agat D E V S, quid querimur? Dei
 jumenta sumus. Apertissime hoc Sionis
 rex pronuntiat: Homo cum in honore *Ps. 84. v. 13. & 21.*
 esset, non intellexit: comparatus est ju-
 mentis insipientibus, & similis factus
 est illis. In hæc sua jumenta Deus, non
 suo utatur jure, eaque flagris; pauper-
 tate scilicet, contumeliis, luctu, mœrori-
 bus urgeat?

Non unum duntaxat Nabuchodonoso-
 rem, non Achabum, Manassén, aut An-
 tiochum unum, sed complures ejusce-
 modi ferocissimos leones cicuravit fla-
 gris: defierunt illi ferocire, & immanissi-
 mis affectibus positos redierunt ad se,
 indueruntque hominē, quos prius bel-
 luis esse dixisses. Quod si jumentū tuū, *Aug. ibid. cap. 4.*
 inquit Augustinus, mansue fieri se paria-
 tur, quid ei à te præmii est? nec sepul-
 crum quidem das mortuo. D E V S pa-
 tientiam tuam remunerabit cælo, &
 mortuum ad vitam revocabit; nihil tui
 peri.

174 GYMNAS. PATIENT.

peribit. Ad hanc spem homo domatur, & domitor intolerabilis habetur ? ad hanc spem homo domatur, & contra istum utilem domitorem, si forte flagellum proferat, murmuratur ? Saltem sapiamus quantum feræ ac jumenta : hæc si vectabulo, rhedæ, pilento, curru, essendo, aratro jungantur, & objurgentur virga vel scutica, sciunt se ideo verberari, quod exorbitent, aut æquo lentius progrediantur : quare mox in viam redeunt, aut certe celerius eunt.

Tam sagaces saltem & nos, tamque intelligentes simus, ut cum quis à Domino corripitur, hoc mente & cogitatione verset : Ergo erravi, & extra orbitam deflexi : en revocor flagello ; & quo abirem averfus, si sic sinerer progredi ? Sed esto, tenuerim viam, certe nimium lentus incesi testudineo gradu. Iure mei me officii plagæ monent. Itaque jam gressu incedam contentiore. Hactenus videri poteram dormire ; nunc vigilabo, & operæ non parcam. Si non ita agimus, jumentis minus sapimus, quæ saltem plagis in viam reducuntur.

Chrys. IV. Chrysostomus excellentissime, &
tom. 5. aureo prorsus ore rem oculis subjici-
hō. 62. ens : Si vultis, inquit, duas domos descri-
ad pop. bamus, hanc quidem nubentium, illam
Antio. lugentium : mente utramque ingredia-
initio, mur, videamus, utra melior. Invenietur
mihi enim lugubris, sapientiæ plena ; nuptia-
pag. lis
341. *Idem, habet tom. 3. in c. 19. Act. hom. 42. mihi pag. 615.*

lis autem plena confusionis. Nam vide atque audi verba incompofita, petulantem rifum, lascivas confabulationes, incefsum turgidum, protervos geflus, epularum abundantiam, veftium pompam, rerum omnium luxum. Hîc Deæ, Saturitas, Protervitas, Ebrietas, hîc Bacchus & Venus habitant; hîc omnium vox eft: *Hodie licet infanire.*

Ita homines in bruta degenerant, nam ut porci vorant, ut vaccæ potant, ut afini calcitrant, ut equi hinniant. Diceret eos efle in fchola Intemperantiæ, in gymnafio Lasciviæ, in palæftra turpitudinis & Nequitiae. Non nuptias damno, inquit Chryfoftomus, fed quæ funt in nuptiis: diaboli pompam; cymbala & tibias, & cantica fornicationis & adulterii plena. At non ita illic, ubi luctus eft, ubi omnia compofita, multa requies, altum filentium, mortis memoria, futurorum meditatio, vera fapientia, inordinatum nihil, nihil incompofitum. Quifquis hîc loquitur, fummiſſe, breviter, modeſte loquitur. Talis eft natura luctus; ſapere docet, & ad omnem modeſtiam ac frugem ſe componere.

Itaque longe Melius eft ire ad domum luctus, quam ad domum convivi- *Ecclef. cap. 7. verſ. 3.*
vii. Ex illa modeſtiores, prudentiores, & ſanctiores; ex hac petulantiores, ſtultiores, ac nequiores prodimus. Et quemadmodum corpus ſucci & ſanguinis

176 GYMNAS. PATIENT.

nis plenum, & sua laborans obesa mole, paratissimum morbis hospitium est: quod vero cum laboribus & fame luctatur, ab adversa valetudine tutum est: sic & animus inter delitias & tripudia enervatur, & in vitia pronissimus lascivit; at ille quem sollicitudo & moeror occupant, à vitiis plerunque alienus, adversorum in cursu crescit, fitque vegetus.

En ut afflictio & luctus levitatem omnem, & quicquid olet immodestiam, coërceat; ideo Deus & luctum & afflictionem in nos immittit, ut nobis velut aviculis alio avolaturis alas præsecet.

Et quid negamus? Nostra contra nos conscientia testatur: maximam partem nimium *vivaces* sumus; ardent in nobis cupidines & affectus indomiti: quia vero Mortificationem, ut canis Nilum, parcissime libamus, juvat nos optimus *Deus*, & vel reclamantibus ingerit salubria, atque in eum modum nos molestiis ac miseriis exercet, ut magis magisque cicures ac compositi, & ad bonam mentem induendam faciliores redamur. Atque ô si cognovisses & tu, quam tibi hoc utile, sic sensim mori, ut vita subtrahatur vitiis. Mala profecto quæ nos hîc premunt, ad Deum ire compellunt. Bona est oratio, sed cum jejuniis & eleemosyna: bona est *oratio*, sed cui juncta est *Mortificatio*, Vtrumque
suavi

suavi magisterio docet Patientiæ gymnasium. Et hoc sane Sanctorum omnium ardens assiduumque fuit studium, partim precibus mollire DEVM, partim quotidiana hac morte frangere seipsum. Hoc discamus, & in Patientiæ gymnasio multum profecimus. Addo quod dicta firmer.

V. Constantinus Imperator verè Magnus Byzantinos non felici prælio ag-^{Nicep. l. 7. c. 59. post med. Baron. ex eo. tom. 3. An. 318.} gressus, nec sine suorum clade, fatigatus ac mœrens ex acie rediit. Iamque dies in noctem ibat, cum Imperator multum dubius quid ageret, obtutu assiduo suspexit cælum, illudque calidis suspiriis vocavit in vota. Et en auxilia-
re prodigium.

Dum Constantinus tam pios ac sollicitos in altum oculos tollit, scripturam è stellis observat, in hæc verba signatam : *Invoca me in die tribulationis, & er-
ruam te, & glorificabis me.* ^{Ps. 49. v. 15.}

Ad omen tam sublime principio non-nihil expavit Cæsar, sed mox pavore in lætitiâ vertente, avidissimos oculos eadem via remisit ad cælum, ubi jam alterum vidit ostentum, expressam è stellis crucem, & circum eam hæc omnino verba : *In hoc signo vinces.* His è cælo taciturnis vocibus animatus Imperator, paucis post diebus in aciem contra Byzantinos denuo exivit, & illustri victoria potitus est, simul & Byzantium expugnavit. Ab his cælestibus prodigiis
majori

majori deinceps venerationi Crux esse
cœpit.

Quisquis, ô homo, tuis miseriis tur-
baris, erige vultum, suspice cælum, &
exhortationis divinæ conceptissima ver-
ba perlege: Invoca me in die tribulatio-
nis, & eruam te, & glorificabis me.

Te ipsum vince, Deumque tibi preci-
bus concilia, & quicquid hostium oc-
currerit, de facili superabis. Hic Augu-
stinus sollicitè monet, ne forte cum
Deo expostules, dicasque: Illi sperave-
runt, & liberaſti eos; ego speravi, &
dereliquisti me: & sine caussa credidi
in te, & sine caussa nomen meum scri-
ptum est apud te, & nomen tuum scri-
ptum est in me. Hoc nec orationem ſa-
pit, nec mortificationem, sed impiam

contra D E V M exprobrationem. Tu ſi
ſapis, dic potius quod idem Auguſti-
nus ſuggerit: Tu es ipſe rex meus, &
Deus meus. Tu es ipſe, non enim mu-
tatus es. Tempora mutata video, crea-
tor temporum non mutatur. Tu me ſo-
les ducere, tu me ſoles regere, tu mihi
ſoles ſubvenire. Tu refugium factus es
nobis, Domine, ut naſceremur, qui non
eramus: tu refugium, ut renaſceremur,
qui mali eramus: tu refugiū ut paſceres
deſertores tuos: tu refugiū, ut erigas &
dirigas filios tuos: tu refugium factus es
nobis. A te non recedimus, cum libera-
veris nos ab omnibus malis noſtris, &
impleveris nos bonis tuis. Bona das,

blan-

blandiris, ne fatigemur in via. Corripis, cædis, percutis, dirigis, ne aberremus à via. Sive ergo blandiris, ne fatigemur in via, sive castigas, ne aberremus à via: Domine, refugium tu factus es nobis.

Sic precari docet patientia. Optime *Chrys.* dixit Chrysostomus. Oratio merces est *hom. 3* calamitatum: orationis adjutorium, *de Pat.* junium est. Efficacissime rogat, qui se *Iobi &* ipsum illi, quem rogat, mortificatione *hom. 5.* crebra sacrificat. *in*
Matt.

C A P V T IV.

Afflictio docet Prudentiam, & Modestiam.

FVit è civibus Cæsarimontanis in Belgio vir laude dignissimus. Hic filium ad scholas ducturus primis litterarum elementis erudiendum, ut serium se patrem monstraret, ita rem aggressus est. Integrum scoparum fascem, velut ludimagistro munus, sub pallium accepit, & ad filium: Adestum puer, inquit, ad scholas ducendus es. Scholarum tunc Rector fuerat Nicolaus Steeger, vir egregius; huic una cum puero hic civis se sistens: Tibi domine, inquit, hunc filium meum trado, optimis disciplinis imbuendum, illumque tuæ curæ commendatissimum esse cupio. Quod si minus morigerum se gerat, virgis, obsecro, ne parcas: & cum
N dicto

180 GYMNAS. PATIENT.

dicto pallium reduxit, obtulitque bene magnum virgarum fascem, addiditque liberali sponfione: Quod si has consumpseris, alteras à me accepturus es. Hoc est liberos serio & ad bonam frugem educare. Narrat hoc celeberrimus e divi Francisci familia ecclesiastes Philippus Bosquier, qui tunc puer in eodem illo Houdano gymnasio litteris studebat.

Phil.

Bosq.

De

Carc.

Bapt.

conc. 2.

mihi

p. 60.

Prov.

c. 22.

v. 15.

Hebr.

4. 12.

v. 6.

Eccli.

c. 30.

v. 1.

Salomon de indole puerili differens: Stultitia, inquit, colligata est in corde pueri, & virga disciplinæ fugabit eam. Christus gymnasiarchus sapientissimus, cui nostra indoles perspectissima est, ut infantiam nobis ac petulantiam excutiat, non parcit virgis, flagellat enim omnem filium quem recipit, imo, ut Siracides loquitur, assiduatur illi flagella. Sed hoc inde filiis sic flagellatis emolumenti est, stultitia in illorum corde colligata virga disciplinæ fugatur. Ita Prudentiam, & Modestiam, seu, Humilitatem discunt, uti jam ostendemus.

I. Ac primo quidem Prudentiam nos docet correptio. Hebræus vates Ezechiel animal vidit admirandum, quod hominis, leonis, aquilæ ac bovis quadruplex vultus insignebat. Cumq; hoc idem iterato vidisset, pro bovillo, Angeli Cherubici vultum vidit substitutum. Quid hoc rei? Quid bovi cum Angelo, cum Cherubino? Non idem, dices, animal fuit, sed aliud. Imo ve-

ro idem fuit. Testis Ezechiel ipse : I- *Ezech.*
 psum est animal, inquit, quod videram c. 10.
 juxta fluvium Chobar. Qua igitur ra- v. 15.
 tione frons bovis, in faciem Cherubi-
 cam migravit?

Hebræo idiomate Cherubim, idem
 est, quod Magister, quod cognitionis,
 ac scientiæ multitudo. Ecce res; jam
 mysterium evolvimus. Bos priscis sym-
 bolum laboris, cujus patientissimum
 est animal, nam & curribus, aratro, &
 rhedis jungitur, ad arandum, ad trahen-
 dum, imo etiam ad tritandum habi-
 lis, vera laboriosi hominis effigies. At-
 que huic tali bovi Spiritus divinus fa-
 ciem Cherubicam assignat, qua præce-
 ptorem & multæ experientiæ gnarum
 monstret. Et rationem audi à Siracida:
 Vir in multis expertus cogitabit multa, *Eccle.*
 & qui multa didicit, enarrabit intel- c. 34.
 lectum. Hic certe Siracides experienti- vers. 4.
 am e plurimis afflictionibus acquisitam
 laudat, nam ipse sui optimus interpres: *Ibid.*
 Qui non est tentatus, ait, quid scit? v. 11.

Ex his satis liquet, Afflictionem non
 tantum æternæ voluptatis, sed etiam
 Christianæ Prudentiæ matrem esse. Af-
 flictio faciem Sapientiæ in manus tra-
 dit. Suo id exemplo firmans Siracides:
 Multa, inquit, vidi errando, &c. Ali-
 quoties usque ad mortem periclitatus *Ibid.*
 sum horum causa: dum scilicet pru- v. 12.
 dentiam quæro. En ut frontem bubu-
 lam aboleat Cherubica; en ut experi-

182 GYMNAS. PATIENT.

entiam ab ærumnis haustam comitetur prudentia ! Ex iis quæ quis tolerat, & seipsum, & alios, sed & Deum nosse incipit, dum rerum fluxarum vanitatem, ingenii humani varietatem, inconstantiam ac mutabilitatem fortis; dum deceptiones ac fraudes innumeras, dum misérias & clades infinitas cogitat. Atque hinc paullatim discit

Is. c. 7. reprobare malum, & eligere bonum.

v. 15. Quisquis non sæpius velut lana pecti-

et 16. ne ferreo pexus est, quid scit nisi otiari, & delitias sectari? Verissimum

Sen. epist. 95. est etiamnum illud Annæi : Melius in malis sapimus. Felicitate corrumpimur.

Iob Iobus quæstionem maxime seriam

a. 28. ponens : Sapientia, inquit, ubi inveni-

v. 12. tur, & quis est locus intelligentiæ? Si-

et 13. bique ipsi hæc respondet : Nescit ho-

mo pretium ejus, neque invenitur in terra suaviter viventium. Profecto a-

ctuosa illa sapientia, quæ digito mon-

strat, quanti caduca, quanti sint æter-

na, non reperitur in ædibus quas Ab-

undantia & Opulentia beant, ubi bac-

chanalia vivere quotidiani moris est,

hîc Abundantiæ & Opulentæ, Incu-

ria, Stultitia, Insania cognatæ Deæ sem-

per sunt proximæ. Enimvero quid stul-

tius, quam rerum vilissimarum lucro

lætari, & æterna bona perdere? Grego-

Greg. in illud Iobi. rius id asserens : Tanto, inquit, verius

stulti sunt, quanto majora perdescentes in

minimis lædantur. Quod

Quod Romanus Sapiens de virtute *Sen. l.*
dixit, idem affirmari potest de hac i- *de bea-*
pfa, de qua loquimur Prudentia, seu, *ta vita*
Sapientia: Altum quiddam est, regale, *cap. 7.*
invictum, infatigabile, nec satietatem *& 8.*
habet, nec poenitentiam, immortale. In
templo eam invenies, in foro, in curia,
pro muris stantem, pulverulentam, co-
loratam, callosas habentem manus.
Sapiens Hebræus meliore spiritu cales- *Prov.*
cens: Virga, inquit, atque correptio tri- *c. 29.*
buit sapientiam. *v. 15.*

I I. In Tobia oculorum tenebras fel-
piscis emendavit. Fellea calamitatis a-
maritudo nobilissimum & certum phar-
macum est ad marcentem illum ac he-
berem visum restituendum, qui non vi-
det quam omnis vita sit misera, bre-
vis, errorum plena, ærumnarum refer-
tissima, morti semper proxima, mo-
mento casura; qui non videt quam sol-
licite ac laboriose melior & æterna vi-
ta sit quærenda: ad hanc, inquam, ocu-
lorum caliginem abstergendam non est
potentius, non est salubrius collyrium,
quam Afflictio. Siquidem homo affli-
ctus & æger tandem in se descendit, &
ipse sibi objicit: En fallacias Mundi:
hoc tibi præmium ab illo est; hac spor-
tula suos clientulos Mundus donare
solet: hoc ambiebas, hoc jam habeas
ut nactus: tute tibi hoc intrivisti, tibi
exedundum erit. Et nunquid jam vi-
des, jam sentis, quem & foetorem, &

184 GYMNAS. PATIENT.

amarorem post se relinquat turpis voluptas? quæ cito implet, & tædio est, & post primum impetum marcet, & sæpe cum maxime delectat, extinguitur. Sed nunquid jam tandem vel experientiæ credis? Te hæctenus Achillem esse autumabas, & inexpugnabilem heroem, qui etiam provocare auderet adversa: Nempe talis es, ut video. Vix tangeris, & cadis. Tune ille magnanimus & patiens, tu fortis ille ac constans, qui cum Petro & vinculorum & mortis societatem jurabas, jam levi flatu dejectus, jam hoste vix viso jaces. Hæc sui ipsius ad seipsum in afflictione cohortatio est.

Videte obsecro, ut fel istud afflictionis oculos caligantes corrigat, ut clausos aperiat & diducat! Hieremias vates hoc ipsum dilucidissime confirmat his omnino verbis: De excelsis misit ignem in ossibus meis, & erudit me. *Thren. c. 1.* Hinc illud à beato Gregorio verissime dictum: Oculos quos culpa claudit, *Thren. v. 13.* pœna aperit. Hinc etiam ærumnosus *cap. 3.* cum Hieremia rectè dixerit: Ego vir *v. 1.* videns paupertatem meam in virga indignationis ejus. Castigasti me, & *Hier. c. 31.* ruditus sum quasi juvenculus indomitus. *v. 18.* quia tu Dominus Deus meus.

Non raro miseri ac miserabiles sumus, & quod omni miseria miserius est, miseros nos esse ignoramus, eumque inter hostes numeramus, qui nos
mise-

miseris annumerat. Hac in re par illis
 facimus, qui negant ardere domum
 suam, quamdiu ignem intra penetralia
 posse sopiri credunt: at ubi flamma per
 fenestras vi eluctata, jam etiam in te-
 cto grassatur, tum denique vicinorum
 auxilia implorantur; res amplius dissi-
 mulari non potest; incendium ipsum
 loquitur: ita nos tum demum in ad-
 versis sapimus, cum ea serio sentimus.
 Ita, sola Vexatio dat intellectum audi-
 tui. Nam & Siracida teste: Pungens
 oculum deducit lacrimas, & qui pun-
 git cor, profert sensum. Si quis subi-
 ta contumelia petatur, aut injuria læ-
 datur inexpectata, aut calamitate qua-
 vis alia ex improvise percellatur, hinc
 tempus est sui ipsius experiendi, hinc e-
 lucet quam ille repentina clade percul-
 sus homo sit mitis, quam patiens, quam
 modestiæ ac veræ Humilitatis memor.
 Et quamvis paullulum offendat titubet-
 que, tamen si sapit, mox animum re-
 cipit, sensumque punctus elicit; mon-
 strat patientiam, mansuetudinem exer-
 cet, exhibet modestiam. Nimirum, Fla-
 gella & doctrina, inquit Siracides, in
 omni tempore sapientia.

Is.

c. 28.

v. 19.

Eccl.

c. 22.

v. 24.

Idem

c. 22.

vers. 6.

Annæi Senecæ scripta pleraque om-
 nia divinum quid spirant, cedro & au-
 ro exaranda: inter hæc tamen primas
 sibi & palmam videntur ea vindicare,
 quæ ab exilio ad matrem Helviam sunt
 missa, Adeo Romanus hic Sapiens tunc

186 GYMNAS. PATIENT.

magis sapuit, cum minus quæ solarentur, ad manus habuit. Ita discipuli in Patientiæ gymnasio quotidie proficiunt, fiuntq; prudentiores plagis. * *Verbera erudiunt.* Sic & piscator læsus sapit, fitque prudentior post ictum scorpii. Ajunt piscatorem prædæ nimis avidum, fagenæ præproperas manus injecisse, sed à latente scorpio percussus dixisse: In posterum non tam præceps verriculum invadam; sapiam ictus.

Non aliter nobis ratiocinandum. Nam ubi sanato calamitatis vulnere, impatientia nos peccasse deprehenderimus, mox in nosipso versî dicamus: En bubale ferox & impatiens, qualem te gerebas in hac afflictione, quam delicatum & impatientem! Videbaris cælo detracturus Lunam, ita furebas. hæcine Christiana patientia est? sic cælum aspiramus, & vel acus punctiunculam horremus, levissima quæque recusamus pati? Quare deinceps alium te præstabis, magis memor patientiæ.

III. Leges Mosi tradidit Deus inter tonitrua & fulmina, dum mugiret cælum, & ignes jaceret: quo illud significabatur, ad divinas leges nunquam nos attentiores esse, quam cum calamitatum fulmina in nos ruunt, cum grandine diversarum cladium insternimur;

* *Schläg vnnnd Straich machen witzig.*

mur; hic arrectis stamus auribus, nosque omnia facturos amplissime pollicemur. Ergo fac jam sanus, quod facturum te recipiebas ægrotus. Nam si Deus tam formidabilis est cum legem dat servandam, quanto erit formidabilior, cum non servatæ rationes poscet.

Hic libet quærere: Quoties, obsecro, cælestes delitias æternasque voluptates, quoties inferorum ignes serio attenteque meditamur? Heu raro, & perfunctorie. Quando igitur ipsi vix unquam in hæc seria & salubria cogitationem intendimus, Deus incuriam nostram commiseratus in gymnasio Patientiæ hæc nobis cogitanda subjiciens: Huc, inquit, animum desige, ac cogita, ô homo, si te morbus non gravissimus sic excruciat, & quomodo torquentur damnatorum dolores æterni? Si unicus dens verminans dies noctesque pæne ad insaniam affligit, quæ sæviet in in desperatissimos illos captivos vermis conscientiæ? Si podagra, si calculus, si colica hominem in molli lectulo sic excarnificant, quomodo cruciabit ignis æternus, flamma nunquam extinguenda? Cogita, ah, cogita; quicquid jam pateris, aciculæ punctiuncula est; merissimus jocus est; quicquid te jam cruciat. Quis vero poterit habitare de 17. nobis cum igne devorante, cum ardoribus sempiternis? c. 33. v. 14.

188 GYMNAS. PATIENT.

Eam subinde nobis persuasionem induimus, ut dicamus : Nequeo ultra hunc hominem sustinere ; hoc amplius tolerare non possum ; quis hæc diutius ferat ? Et quomodo sustinebis , mi homo, damnatorum omnium & diabolorum societatem, quomodo feres cruciatus assiduos , maximos ? Si DEVS sic punit in loco veniæ, quomodo puniet, ubi non est spes misericordiæ ? Igitur quotiescunque ureris , & ægre tibi est, cogita , & dic tibi ipse : En specimen inferorum , sed plane pictum ! en gustulum gehennæ , sed prorsus mitissimæ ! improbos illic alii sepeliunt uruntque ignes ; quod pateris , suave est ad æterna supplicia collatum. Mature igitur disce sapere , & intelligere.

Eccli. Siracides hoc ipsum optans : Quis,
c.23. inquit, superponet in cogitatu meo fla-
vers.2. gella ? Siquidem hæc tantum sentire parum est (quis enim est, qui ea non sentiat ?) nisi & cogitationem intendamus , & dolores nostros brevissimos cum illis sempiternis æquo ratiocinio comparemus , denique fateamur , nostros cruciatus ad illos umbram esse & somnia.

Quemadmodum vero Deus in Patientiæ gymnasio , gehennæ lacrimas nobis offert prælibandas , ita felicitatis æternæ delicias ingerit gustandas. Nam bonæ mentis homo , ubi tot molestiis

lestiis

lestiis ac miseriis, tot mœroribus ac doloribus arserit, cum Paulo ingemiscens: Supra modum (diceret) gravati sumus, ^{2. Cor.} supra omnem virtutem, ita ut tædeat ^{rimh.} nos etiam vivere. Quid ergo proximum ^{cap. I.} est? Ad te, mi DEVS, toto pectore ^{vers. 8.} suspiro; tua domus & valde tuta, & ampla nimis est, à qua tædia, miseriæ, dolores, ærumnæ omnes exulant, nullus ibi Morbis aut Morti locus est: voluptates illic merissimæ & æternæ.

E diverso hîc apud nos mera tædia, mœrores merissimi; omnia luctus & dolor occupant. Quare, mi Domine, corporis mei tuguriolum (si tamen debita poscam) impelle ad ruinam. nil moror; ruat hoc, modo ego ad te migrem. Ad rivos Babylonis sat diu lamentis indulsi; cithara mea ad salices suspensa jam pridem conticescit; cælestis mihi Sion in animo est: Ad te, Deus, cupiditate rapior inexplebili.

Atqui hoc sapere est, hoc intelligere. Ita nos Patientiæ gymnasium docet Prudentiam.

IV. Vti *Prudentiam*, sic & *Modestiam*, seu, *Humilitatem* docet Patientiæ gymnasium. Qui sui despicientiam in hac schola non discit, nusquam discet. Mosis olim Deus præcepit, manum in finem mitteret; misit, at ubi eam retraxit, lepra infectam reperit. Quid hoc novi prodigii? Eccurnam non augustius miraculum patratum est, quod sal-

190 GYMNAS. PATIENT.

saltem horrore non esset? Theodoretus ad hoc quæstionis: Mosen, inquit, divinum Numen monuit, ne tanti dux populi futurus, se insolenter efferret, sed in humilitatem submitteret. Nam illa manu ingentia patraturus erat miracula: ne igitur eam venerabundus exoscularetur velut prodigiorum auctorem, lepra foedatam DEVS objecit, ut Moses tot editis à se mirandis operibus, diceret nihilominus: Non manus

Deut. c. 32. nostra excelsa, sed Dominus fecit hæc v. 27. omnia.

Seneca Rex Macedo Alexander cum in *In-*
ep. 59. dia vagaretur, & gentes, ne finitimis
post quidem satis notas, bello vastaret, in
med. obsidione cujusdam urbis dum circuit
Plu- muros, & dum imbecillissima mœnium
zarch. quærit, sagitta ictus, diu per sedere, &
in A- incœpta agere perseveravit. Deinde
lex. cum represso sanguine, sicci vulneris dolor cresceret, & crus equo suspensum paulatim obtorpuisset, coactus abfistere: *Omnes*, inquit, *jurant*, *me Iovis esse filium*, sed *vulnus hominem esse me clamat*. Nimirum jam homo es, Alexander, qui te paullo ante suspicabaris esse Deum.

En, quam facili negotio in Patientiæ gymnasio discamus alas submittere, & cristas ponere. Quisquis hîc discipulum agit, modo non penitus sit indocilis & stupor, de rebus suis omnibus hoc demum pronuntiat: *Opes quidem mihi sunt*

sunt, nec deest plurimorum favor, adest rerum agendarum gratia, auctoritatis magnæ sum, encomiis & honoribus afficior, in cælum evehor : Sed hem, quoties ego in terra repo? quam multa hominem esse pronuntiant; illinc curæ, hinc morbi, istinc miseriæ infinitæ me vellicant, & quid hæc omnia clamant, nisi hominem esse, fragilem, mortalem, malis omnibus obnoxium!

Eleganter Chrysostomus de Orbe hoc *Chrys.*
 inferiore differens : DEVS, inquit, non *tom. 5.*
 tantum mirabilem & magnum fecit *hom.*
 Mundum, sed & corruptibilem, & *10. ad*
 marcescibilem. Quod in Apostolis fe- *pop.*
 cit, hoc & in toto Mundo. Quid autem *Ant.*
 in Apostolis fecit? quoniam signa mul- *med.*
 ta faciebant, & miracula magna & mi-
 rabilia, ipsos tamen continue flagella-
 ri permisit, pelli, in carcerem detrudi,
 corporis morbis affligi, lapidari, cruci-
 figi, in continuis esse tribulationibus.
 Ne scilicet non homines sed Dii habe-
 rentur, qui signa supra hominis condi-
 tionem ederent. Atque ideo etiam A- *2. Cor.*
 postoli ægrotorum morbos curarunt, & *cap. 4.*
 ipsi ægrotarunt; mortuos ad vitam re- *vers. 7.*
 vocarunt, seipsos à morte non libera-
 runt. Quid miramur? habemus thesau-
 rum in vasis fictilibus, quæ collisu le-
 vissimo franguntur. Hinc & Apostolo-
 rum aliqui in morbis pæne continuis.
 Nam Timotheo vinum modicum per- *1. Tim.*
 mittitur, propter stomachum & frequentes *cap. 5.*
infr. v. 23.

2 Tim. *infirmities*. Trophimus Mileti relinqui-
 cap. 4. tur infirmus. Epaphroditus *usque ad*
 v. 20. *mortem infirmatur*. Quales Apostoli, di-
 Philip. cat quis, sunt hi viri, quos non fugge-
 cap. 2. stus, sed lectus & morbus detinet?
 v. 27.

Sed norit iste, in gymnasio Patientiae
 Humilitatem ante omnia sanctissimis
 quibusque viris, ipsis etiam Apostolis
 discendam. Sic, inquit Bernardus, Pau-
 Bern. li extollentia per carnis stimulos reprimi-
 de gra- tur: sic Zachariae infidelitas linguae
 dib. obligatione mulctatur. Sic per glori-
 Humil. am & ignobilitatem sancti proficiunt,
 & su- dum inter singularia dona quae recipi-
 perb. unt, communi hominum vanitate pul-
 grad. 1. sari se sentiunt, ut dum per gratiam su-
 su- pra se aliquid cernunt, non obliviscan-
 perb. fi- tur quod sunt. Sicut enim medicus
 ne, mi- 975. non solum unguento, sed igne utitur &
 hi pag. ferro, quo omne quod in vulnere sa-
 nando superfluum excreverit, secet &
 urat, ne sanitatem, quae ex unguento
 procedit, impediat: sic medicus ani-
 marum Deus, hujusmodi animae procu-
 rat tentationes, immittit tribulationes,
 quibus afflicta & humiliata, gaudium
 vertat in luctum.

V. Quicquid ergo tolerandum ve-
 niat, submittamus nos in omnibus divi-
 nae ferulae. Nemo dixerit: Atqui ego
 tam gravia non merui; extra culpam
 sum, inique patior. Impiae, damnatae
 voces. His longe meliores sunt: Ego
 quidem iuste punior, nam digna factis
 reci-

recipio; & quamvis mihi non videar,
hoc quidem tempore, & ob hanc no-
xam tam rigide puniendus, nihilomi-
nus quod res est, malum commerui
millies. Itaque nunquam non iustissi-
me punior, idque semper meo bono, sic
enim periculum mei facio, me nosse
disco. Siracidæ verbum est: Vir in mul-
tis expertus cogitabit multa.

*Ecclesi.**c. 34.*

Ille Romanorum terror Annibal, Sui-
da teste, septemdecim annos sub dio
egit, bellicis cladibus exercitatissimus
dux, & qui non immerito de se glo-
riatus: Me senem, agebat, ætas & jam
secundæ, jam adversæ res ita erudie-
runt, ut rationem sequi quam fortu-

*vers. 9.**Suidas**voce**ἀνιέας,**mihi**p. 82.**Liv.**lib. 10.*

nam malim. Non temere incerta casu-
um reputat, quem fortuna nunquam de-
cepit. Ego humanæ infirmitatis me-
mor, vim fortunæ reputo, & omnia
quæcunque agimus, subjecta esse mil-
le casibus scio. Quod si secundis rebus
bonam quoque mentem Deus daret,
non ea solum quæ evenissent, sed ea
etiam quæ evenire possent, reputare-
mus: satisque ego documenti in omnes
casus sum. Liceat igitur cum Secundo
exclamare: O quam utile est ad usum
secundorum per adversa venisse. Sed o
quam etiam Christianum & Modestiae
congruum est, in adversis non inique se
castigari agnovisse.

*Plinius**in Pa-**negyr.*

Ægyptii proregis fratres accusaban-
tur furti (vt supra demonstravimus)
nam §. 8.

*Part. 1.**cap. 6.*

194 GYMNAS. PATIENT.

Gen. nam in os illis objiciebatur: Scyphus
c.44. quem furati estis, ipse est in quo bibit
v. 5. dominus meus. Potuissent illi obducere: Nequaquam fures sumus, nec calumniam istam ferimus; insontes prorsus arguimur. Sed, *eho, viri*, refrigate memoriam; longe plus quam mille scyphos sublegistis. * Plagiarii estis, Iosephum ipsum furati: idque ante viginti tres annos, non meministis? Grande hoc & turpe plagium est omni supplicio vindicandum. Hic fratres Iosephi quamvis utcunque rudes homines,
Gen. reos se fassi cum laude: *DEVS*, inquit,
c.44. unte, invenit iniquitatem servorum tuorum:
v. 16. en omnes servi sumus domini mei.
Gen. Sed & illud præclarissime dixerunt: *Me-*
c.42. *rito hæc patimur, quia peccavimus in*
v. 21. *fratrem nostrum.*

Sic & nostrum quisque in adversis omnibus & sentiat, & loquatur: Merito hæc patior, merito, meritissimo.

In Patientiæ gymnasio, & principium, & medium, & ultimum est Humilitas: sine Humilitate nihil discitur, nihil retinetur, nihil proficitur. Ut hanc discamus ante omnia, beatissimos illos dies assidue cogitemus, quibus in
Pf.89. ter triumphos cantabimus: Lætati sumus
v. 15. pro diebus quibus nos humiliasti, annis quibus vidimus mala: *DEVS* quos non affligit, hos aut odit, aut tanquam ignavos, nec ad discendum idoneos præterit.

C A-

* Menschen Dieb.

CAPUT V.

*Afflictio variè utilissima ; & plerunque
Qua nocent, docent.*

HEbronis rex David mille beneficiis affectus à Deo , ne ingratus moreretur , exclamat : Bonum mihi , Domine , quia humiliasti me. *Psal. 118.* Cur vero potiora obliviscitur , cur non *v. 71.* agit gratias quod pedum scepro , stramineum pileum corona regia mutarit, quod ab ovibus in solium evectus , à pecoris custodia ad purpuram transierit? hæc , inquam , amplissima gratiarum actione dignissima fuissent.

Equidem rex David illorum minimè oblitus , singulare , ingens beneficium censet ex opilione regem se factum; at longe majus æstimat, quod è rege Deus mendicum se fecerit, uti prorsus fuit, cum fugeret Absalonem filium. Hoc beneficium majus omnibus visum est, de hoc amplissime gratias agens : Bonum mihi, ait, quia humiliasti me. Dixerit Ioseph suo Pharaoni, Bonum mihi quia exaltasti me : dixerit Ruth suo Bozio , Bonum mihi quia ditasti me : dixerit Esther conjugii regio, Bonum mihi quia coronasti me : dixerit Mardocheus Assuero , Bonum mihi quia honorasti me : dixerit Tobias Angelo, Bonum mihi quia illuminasti me : dixerit Naaman Eliazo , Bonum mihi quia munda-

O dasti

196 GYMNAS. PATIENT.

dasti me : dixerit claudus Petro , Bonum mihi quia sanasti me : dixerit Lazarus Christo , Bonum mihi quia ad vitam revocasti me. At rex David inter maxima beneficia reponens : Bonum mihi, ait , quia humiliasti me : Bonum mihi , Bonum omnino. Nam hoc mihi longe utilius , ideo & charius , quam si aureos à te montes accepissem. Cur hoc , obsecro , huic regi tam Bonum ? *Vt discam justificationes tuas.* Haftenus , ait, caelestis curiae stylum non satis intellexi, quid divini juris esset , ignoravi; nunc demum Iureconsultus fio , sed in Academia Patientiae. Hic nemo doctus, nisi *humiliatus*. Bonum itaque mihi , ô Domine , quia humiliasti me. Iure merito David maximas refert gratias, non quod ditatus & exaltatus, sed quod *humiliatus* fit. Humiliatio, (sic loquamur) & afflictio homini longe utilissima est. Afflictio *Fortitudinem & Fidelitatem*, Afflictio *Commiserationem & Abstemiam*, Afflictio *Orationem & Mortificationem*, Afflictio *Prudentiam & Modestiam* exakte docet, uti jam demonstratum est.

Addimus : Afflictio homini non nimis impatienti universe utilissima est, ut verum sit illud : *Quæ nocent , docent.* Hoc Cræsus apud Herodotum testatus : Mei casus , inquit , fuerint quidem ingrati licet, mihi tamen extitere disciplinæ. *Quæ nocent, docent.* Quod Græci tam breviter, quam eleganter dicunt,

πανδημιαι, μεδημιαι. A plagis sapimus. Atque hoc ipsum paullo uberius demonstrabimus.

I. Iobus admirandam Dei Providentiam dilaudans : Qui ligat aquas , ait, *Job. c. 26.* in nubibus suis, ut non erumpant pariter deorsum. Divinæ providentiæ est aquas aëreas claudere , & velut panno aut veste constringere ne diffluant. Harum aquarum vehiculum nubes , & instar equorum venti sunt , qui alveos illos per Orbem quaquaversus trahunt. Quod si Deus has aquas uno impetu in terram præcipitari fineret , plus equidem obessent quam prodesse , sed quia stillatim & guttatim defluunt , fecundo illapsu terram irrigant. Si continuerit aquas, ait Iobus , omnia siccabuntur, & si emiserit eas, avertent terram, sicut in diluvio , cum dimissæ agmine factæ præcipites ruebant. Sic igitur providentissimus Deus illam aquarum molem temperat , ut eam non penitus detinendo agris subtrahat , nec subito emittendo agros suffocet : medium tenet. *Job. c. 12. v. 15.*

Aquæ in divinis paginis symbolum sunt Afflictionis. Hinc psaltes regius dixit: Intraverunt aquæ usque ad animam meam. Quemadmodum Deus pluvias sic Orbi attemperat , ut nec illarum defectus noceat , nec copia (nisi cum punire vult noxas) sic & labores omnes ac dolores nostros ita modificatur , ut

198 GYMNAS. PATIENT.

non desit exercitatio, ne torpeamus, nec tamen omnis intercيدات consolatio, ut succumbamus. Atque hoc regius vates petiit; Non me derelinquas

Ita D. usquequaque. Non rogat non derelinqui, non vexari, non affligi: hoc unum *Am- brosius id explicat.* deprecatur, non omnino, non usquequaq; deseri, quod noxis suis meruisset. Quod si nimbum Deus vehementem & repentinum effundat, qui terræ opimitatem videatur destruere, cogitandum id pœnæ loco fieri. Hoc ipsum tamen bono nostro futurum est. Bonum nobis erit, cum etiam hoc modo humiliaverit nos Deus. Quæ nocent, docent.

Quædam arbores adeo tenaces sunt fructuum suorum, ut non facile quidquam dent, nisi vi auferatur. Ejus generis sunt nuces, amygdalæ, quercus, has si quis leniter ut pirus aut prunos concutiat, nihil impetrabit; & non tantum non fructus, sed nec folia colliget, ideo baculis, fustibus, saxis in eas pugnandum est, ut quod dare nolunt rogatæ, dent percussæ.

Arboribus & nos mortales simillimi sumus; fructus nostri, actiones nostræ sunt cum pietate susceptæ. Deus hos fructus ambit, hos exigit, non aspere, non vi, sed humanissime ac peramanter; hos fructus millies petit: Fili, honora Dominum, & valebis: præter eum *Prov. cap. 3. vers. 1.* vero ne timueris alienum. Fili mi, ne *cap. 4.* obli-

vers. 10. cap. 7. v. 1. & 2. cap. 23. v. 26.

obliviscaris legis meæ. Audi, fili me,
 & suscipe verba mea, ut multiplicen-
 tur tibi anni vitæ. Serva mandata mea
 & vives. Præbe, fili mi, cor tuum mi-
 hi, & oculi tui vias meas custodiant.
 At quoniam bonus Deus his precibus
 plerunque parum impetrat, vix ulli ex
 hac arbore fructus decidunt, cogitur
 saxis & fustibus arborem quassare, ut
 vel sic speratos reddat fructus. Con-
 scientia quidem sæpius monet, monent
 & concionatores, monet Angelus Cu-
 stos, monent alii, sed ea est hujus ar-
 boris contumacia, ut ne sic quidem fru-
 ctus optatos præbeat. Ergo, non ægrè
 feres, ô mea arbor, si durius tecum a-
 gatur. Ita Deus cum Hebræis egit: Tra- *Psal.*
 didit eos in manus gentium, & domi- *106.*
 nati sunt eorum, qui oderunt eos. Et *v. 41.*
 tribulaverunt eos inimici eorum, & *et 42.*
 humiliati sunt sub manibus eorum. Ut
 ea quæ nocerent, docerent. Quo igitur
 jure saxis & fustibus indignetur arbor?
 si sponte daret, quod æquissime petitur,
 à verberibus immunis ageret.

Naaman leprosus acerbum excan- *4. Reg.*
 duit, quod Elisæus vates tam tenuiter *cap. 5.*
 responderet. Itaque Iordane spreto re- *v. 13.*
 verti in Syriam decrevit. At famuli hunc
 suum dominum ita placarunt: Pater,
 etsi rem grandem dixisset tibi propheta,
 certe facere debueras, quanto magis
 quia nunc dixit tibi: Lavare, & munda-
 beris. His rationibus inductus, in Ior-

200 GYMNAS. PATIENT.
dane lavir, ut iussus erat, & lepram excussit.

O utinam sic persuadeamur; idem nobis non de corporis, sed de animi valetudine ac salute obtinenda dicitur: Etsi rem grandem dixisset vobis DEVS, certe facere debuissetis. Nam tanti est beatitudo æterna, ut si juberemur vel ipsos inferorum cruciatus aliquanto tempore tolerare, certe non diu hîc deliberandum, sed sine omni cunctatione promptissime tormenta illa perferenda essent, modo bene futurum esset animo æternum. Imo si cælestis beatitudo centum annos non excederet, quidvis tamen potius annis plurimis hîc tolerandum, quam illa negligenda esset. Ita etiam si post centum annos Tartari flammæ sopirentur, satius tamen foret, jam quælibet pati, quam futuris se suppliciis servare. Quanto magis nunc quævis alacriter perpetienda, cum ea quæ patimur, brevi tempore, momento transvolent; tam præmium vero quam supplicium æterna sint.

Pigritiam nostram hic opportune
Chryf. stimulans Chrysostomus: Quid dicis
tom. 4. homo: Ad regnum vocatus es, inquit,
hom. 2. ad regnum filii Dei: & oscitabundus
in c. I. es totus, ac desidum more scalpis, &
ad Co- torpes? Si namque singulis diebus vel
loff. in mille mortes insiliendum fuisset, an
mihî non omnia ferre oportebat? Atqui prin-
pag. cipatus gratia nihil non faceres: cum
I 122, vero

vero confors futurus sis regni unigeniti Dei, non objicies te vel mille gladiis? non insilies in ignem? Et istud nondum grave quidquam fuerit.

II. DEVS olim edici iussit: Colliget *Num.* vir mundus cineres vaccæ, & effundet *c. 19.* eos extra castra in loco purissimo, ut *vers. 9.* sint multitudini filiorum Israël in custodiam, & in aquam aspersiois, quia pro peccato vacca cōbusta est. Voluit Deus cineres ad lixivium fundendum colligi, nec a quovis hominum, sed a mundo, nec eos in latebras neglectim abjici, sed loco mundissimo reponi. Cur cineres honore tanto affecti? Vt immundis essent in aquam aspersiois.

Hic, ô Christiani, solemus attendere, quanti hoc afflictionis lixivium sit faciendum: quod quidem mordax, sed purgandis sordibus aptissimum est. Inter mortales nemo sordium expers. Sanctissimus Iobus: Si lotus fuero, inquit, *Iob.* quasi aquis nivis, & fulserint velut mū- *cap. 9.* dissimæ manus meæ, tamen sordibus *v. 30.* intinges me, & abominabuntur me ve- *31.* stimenta mea. Ergo & Iob lavandus? quid jam de aliis dicendum? At vero quod ignis est metallo, quod lima ferro, quod spuma Batava panno, hoc *Laz.* mortalibus est afflictio; purgat, eluit- *ug.* que sordes.

Daniel vates Hebræis ingentes calamitates prædicens: Ruent in gladio, *Dan.* inquit, & in flamma, & in captivitate, *c. 11.*

& in rapina dierum. Quæ obsecro tanti mali causa? Ut conflentur, & eligantur, & dealbentur, usque ad tempus præfinitum; quia adhuc aliud tempus erit. Hoc ergo calamitatis lixivium nos sordibus purissimos præstat, *eligimur, & dealbamur*. Ita prorsus quæ nocent, docent. *Bonum nobis, quia humiliat nos Deus.*

Pf. 31. Beatissimus rex David: Conversus, *vers. 4.* sum, inquit, in ærumna, dum configitur spina. Peccati vepres adeo animum illius vulnerarunt, ut erinaceus sibi visus sit, spinis ac telis undique confixus. Hinc tantus in animo doloris sensus, ut eum nec regia dignitas, nec immensæ opes, nec universæ voluptates potuerint mitigare. Adeo acerbe rex David sentiebat, *Deum à se offensum esse*: Peccati sceditatem tantopere perhorrescebat, ut ultro asperrimum cilicium velut mollissimas Scythicarum mustelarum pelles induerit, inedia se cruciarit, lacrimis vinum miscuerit, iisdem & lectum laverit, preces suspiriis ac gemitibus distinxerit.

O si & nos peccati teterrimam luem iis oculis, quibus rex David, aspiciamus: Det Deus nobis trutinam qua incredibile pondus peccatorum examine-
mus, nullius sane ponderis & nimis quam leve videbitur quicquid miseria-
rum est & afflictionum, quæ suo claudentur sine: plumam dicemus ad altis-
simum

finum montem collatam, quicquid adversorum in hac vita occurrerit: lixivium mordacissimum non recusabimus, modo animi morbos eo persanemus. Bonum nobis erit, si Deus humiliaverit nos.

III. Hierosolymis Probatica * piscina fuit, ubi pecudum immolandarum carnes abluebantur. Ad stagnum hoc quinque erant porticus, quas omnis generis morbidi, ulcerosi, & deploratæ valetudinis homines ingenti numero complebant, & expectabant stipem è cælo, quam statò tempore tulit Angelus, qui aquam movebat, ut primus qui post aquæ motum descendisset, valetudinem reciperet.

Elegans hîc Mundi typus, & verissima illius effigies. Quid enim Mundus nisi ægrotorum innumerorum diversorium? Ut autem tot pessime affectis hominibus medela fieret, venit Magni cõfilii Angelus, & undas turbavit. Equidem mirandum illud, tot Hierosolymis pellucas, puteales, crySTALLINAS, dulces fluxisse aquas, Deo tamen placuisse in coenosa, putri, turbida aqua, quam varii pecoris laniena, quam pili & sanguis occisarum animantium infecerat, valetudinis donum collocare. An non illustrius fuisset miraculum, in Iordane potius, aut in odorifero rosato, quam in fæculento & fœtido stagno sanari?

O 5

Vide-

* Dickschwam.

204 GYMNAS. PATIENT.

Videte, Christiani, quam longe alia sint Dei atque hominum judicia: Animum Deus lavari vult non aquis Hierichuntinis, aut Damascenis, non nardum Italicam, aut * Pæstanam rosam redolentibus, sed in undis quas ipsemet cruenta cruce turbavit, in falso miseriarum mari, in vasto calamitarum Oceano. Hoc balneum nostrum est, hæ nostræ sunt Thermæ; ita lavamur. Deus olim Hebræis ad immundorum expiationem aquas aut cinere, aut sanguine mistas præscripsit. Non alio flumine mens humana melius lavatur: cruenti fontes nobis saliant è crucifixi vulneribus; cineræ mordacitatis lixivium quotidiana nobis vita subministrat. Ad has scaturigines sospitamur animo, hîc sordes ponimus, hîc vires recipimus. Sed a Soly-mæa piscina nondum abeo.

Cum ergo Servator Hierosolymis illam ipsam, quam diximus, templi porticum subiret, maximum ægrotorum numerum invenit, sed non nisi unicum ex omnibus sanavit. Dixerit hîc quispiam, quam parvus beneficiorum Dominus! sanare omnes potuisset verbulo. Sed cur, oro, tantum uni valetudinem restituit? An ut faceret quod piscina, quæ uno tempore non nisi unum sanitate donavit? Atqui hoc ipsum quaerimus, cur Deus infinite misericors & potens, cui placuit vim sanandi conferre
sta-

* Rosen/ und Lavendelwasser.

stagno, non ægrotos omnes illos sanari voluerit? nam uti sol mitissimis suis radiis in innumeros quotidie beneficus est, sine damno sui, ita nec solis conditor damnum faceret, tametsi morbos & miseras plurimorum simul valetudine & felicitate commutaret. Respondemus: Sol amœno jubare suo collustrat omnia, & allucet suaviter, nisi nubes impedimento sint: Nubes densissimæ peccata sint: his nubilis misericordiæ sol excluditur. Huic malo Hieremias il-
lacrimans: Opposuisti, ait, nubem tibi *Thren. cap. 3.*
ne transeat oratio. Noxarum multitudo sæpissime in causa est, quo minus è *v. 44.*
miseriis nostris omnibus emergamus. Quod ad amnem Solymæum Christus unicum duntaxat e morbo recrearit, fortassis id erat, quia ceterorum neminem eo beneficio dignum invenerit. At fuerint omnes sceleris puri, & vitæ prorsus integri, cur unicus solum ad sanitatem pervenit? Respondemus de-
nuo: Ita eis expediebat; bonum illis erat sic humiliari. Non omnibus omnia conveniunt. Multa millia hominum ægrotant, qui si commode valerent, ad inferos certatim properarent; jam vero cum in morbo sunt, ad cælum tendunt.

Verissime, quæ nocent, docent. Bonum tibi, bonum mihi, ô Christiane, bonum aliis innumeris, quia humiliat nos DEVS. Iudimagister scit, quid cui-
vis

206 GYMNAS. PATIENT.

vis suorum discipulorū expediat. Quoties extrema calamitas, initium fuit salutis? Quoties jactura, maximi lucri origo extitit? Ita non raro cum Themistocle dicendum: Perieramus nisi perissemus.

* Bombyces serici textores, beatos credimus, cum bombycinam habeant domum, & laborem quieti simillimum. At si rem penitius inspiciamus, comperiemus sepulchrum esse, quod nos domum dicimus, & miseros vermes illos operi suo immori: ita sæpissime quod appetentia nostra utile ac jucundum judicat, id noxium ac turpe deprehendit. Imo istud certissimum sit: Cum appetitus adeo in rem aliquam calet (nisi recta in DEVM feratur) peccati turpitudinem subesse. Hinc Christus ea quæ nobis utiliora sunt, plerunque liberalius tribuit: Ad Patiētiae scholam omnes invitans, non item ad Mundi gloriam: Si quis, ait, vult venire post me, abneget semetipsum, & tollat crucem suam, & sequatur me, non in amœnum viridarium, sed in foetidum Calvariæ clivum.

I V. Servator Orbis gloriam suam in rupe Taborea aliquantulum explicaturus, tres solum ex Apostolis ejus rei conscios admisit. Cur non aliquot centurias civium Hierosolymis evocavit?

Cur

* Seydiwürm.

Cur saltem non omnes Apostolos ad id spectaculi assumpsit ? Longe alia sunt Dei quam hominum consilia. Vt Christus in cruce cruentus aspiceretur, immensus populus spectatum admissus est, ut autem in Tabor gloriosus cerneretur, vix tres charissimorum hominum adsciti. Nimirum prosperitas & gaudium vix ullis, crux & afflictio innumeris solet prodesse. Ideo beatus Bonaventura mavult cum Christo in montem Golgotha, quam in montem Tabor ascendere. Ita prorsus quæ nocent, docent.

Romæ olim à pariente Virgine anno centesimo sexagesimo septimo, M. Aurelius & Lucius Verus milites omnes lauro coronatos esse voluerunt, publicæ lætitiæ testandæ. At unus Christiani sanguinis miles, lauream corollam non vertice, sed brachio tulit. Interrogatus quid solus ille in publici triumphi morem peccaret ? Respondit, non decere Christianum in hac vita coronari. In defensionem tam generosi dicti Tertullianus librum edidit, de Militis corona. Quo scripto facunde traditur, prudenter militem egisse. Vere non decet Christianum, nisi spinis coronari; neque enim aliter coronatum est caput nostrum. Heu quam male conveniunt gypsata & delicata membra cum spinoso, vulnerato, cruento capite !

Hip-

208 GYMNAS. PATIENT.

Hipponensis Præsul Augustinus Iacobi Apostoli verba expendens: *Ecce beatificamus eos qui sustinuerunt.* *v. 11.* Sufferentiam Iob audistis, & finem Domini vidistis. Ne ideo, inquit, patienter sustinerent temporalia mala, ut sibi hoc restitueretur, quod recepisse legimus Iob. Nam & ab illo vulnere atque putredine salvus factus est, & ei cuncta quæ amiserat, duplicata sunt restituta. Vt ergo non talem remunerationem speraremus, quando mala temporalia pateremur, non ait, sustinentiam & finem Iob audistis, sed ait: Sustinentiam Iob audistis, & finem Domini vidistis. tanquam diceret: Mala temporalia sicut Iob sustinete, sed pro hac sustinentia non temporalia bona sperate, quæ illi aucta redierunt, sed æterna potius, quæ in Domino præcesserunt.

Sic igitur patiendum est, ut patientiæ præmium speretur illic accipiendum, ubi non amplius erit quod patiamur. Plurimi tolluntur in altum, ut lapsu graviore ruant: E diverso DEVS plurimos, lapsu ruere graviore finit, ut eos in altum attollat. Plus hîc tormenti, plus illic præmii.

In divinis paginis bonæ mentis homo frequenter palmæ confertur. Audite cælestem hortulanum loquentem: *Cant. cap. 7. vers. 8.* Dixi, Ascendam in Palmam & apprehendam fructus ejus, Mi DEVS, quid opus

opus ascensu, non tibi sat longa sunt brachia colligendis fructibus? tam facile est tibi superiores fructus carpere quam inferiores. Sed videte, obsecro, divini consilii sapientiam: Inferiores fructus arboris stans carpit olitor, dum ramos lenta manu convellit trahitque: At vero superiores carpturus, ascendit & calcatur arborem, & subinde arbori brachium frangit, ut fructu potiatur.

Hominem arbori collatum diximus; istius arboris fructus sunt piæ sanctæque actiones. Fructus superiores esse dixerim consummata virtutum officia, uti est singularis Humilitas, illustris Patientia, præsignis Charitas: hos fructus ut cælestis olitor acquirat, ascendit in arborem, eamque calcatur, & ramos frangit. Hinc hominum iste quidem pecuniæ partem, hic aliquid honoris, iste brachium amicitiae, ille voluptatis ramum perdit. Ita prorsus dum hortulanus ille nos calcatur, maturiora poma obtinet; ita nos excitatius agimus, ad pia magis fervemus, rebus divinis magis insistimus. Ita sæpissime quæ nocent, docent.

V. Non raro DEVS nos rebus omnibus circumfluere & abundare vult, sed eam ob causam ut plus doleamus, quo plura & chariora perdimus. Divus Bonaventura vel ideo etiam paradisum à Deo plantatum ait, ut protoplasti
eo

210 GYMNAS. PATIENT.

eo exclusi plus torquerentur, itaque peccatum suum acerbius odissent, & gravius detestarentur, quod sese paradiso ejecisset. Voluit itaque ut Adam sentiret quanta perdidisset per culpam, quærereturque alia recipere per poenitentiam, ut qui amisisset paradisum, tanto contentius aspiraret cælum.

Sic etiamnum DEVS, sic hodieque millies agit. Exempli gratia: Filium dat parentibus formosum, docilem, ingeniosum, indolis optimæ, qui inter cœvos adolescentes ad alteram tertiamque classem discendo felicissime progreditur. Subito hanc rosam Mors carpit: adolescens maximæ spei in primo ætatis flore extinguitur. Heu quantus hic parentum luctus? Tacite illi secum cogitant, quod erubescunt dicere: Cur nobis DEVS hunc talem filium dedit, si eum tam cito rapere voluit? non jam ante afflictionum satis fuerit? num hic mœroris cumulus debuit accedere? Omnino debuit, ô mei parentes, & eam ob causam natus est vobis filius, ut is præmature mortuus augeret quidē mœstitiæ cruciatum, sed & patientiæ præmium. An non Deus Elisæi hospitæ, tanquam exoratus, filium concessit, quem tamen mors brevi rapuit? Cauterium, videtur esse vulnus, at revera est vulneris remedium; vexatio videtur esse malum, at sæpissime mali remedium est. An nescitis, quæ nocent, docent.

At

At ego homo sum, inquires, nec mihi pectus ferreum, aut æneum, aut chalybeum est; non sum ferendo tantos dolores. At ego te obsecro ne hoc dixeris: Gymnasia nostri præceptor exactissime novit, quantum quilibet discipulorum possit capere: huic quinque versus, huic decem, aliis viginti ediscendos injungit, à quibusdam totas paginas memoriæ vult mandari, ab aliis orationes bene longas idque uno die comprehendere jubet memoria: Omnium ille vires & ingenium perspectissimum habet. Fide-
 lis D E V s est, qui non patietur vos tentari supra quod potestis, sed faciet cum tentatione proventum. Audias dicentem sæpius: Et qua tandem ratione hic homo tam gravia potest perpeti? ego sane non possem. Divina hoc ei gratia præstat, quam si haberes, & ipse posses, quod possunt alii, quos miraris.

Optime dixit Chrysostomus: Illic co-
 ronæ, ubi pœnæ. Vbi namque tribula-
 tio, ibi & consolatio; ubi consolatio, ibi
 & gratia est. Vbi afflictio non est, ibi
 plerumque nec Deus est. Tunc enim, ait
 Chrysostomus, & anima purgatur, cum
 propter Deum tribulatur. Nam & fa-
 stum contrahit, & omnem excidit tor-
 pore tribulatio, & ad patientiam un-
 git, & humanarum rerum vilitatem re-
 velat, & multam introducit sapientiam.
 (Nimirum quæ nocent, docent) Cogita Salo-
 monem: hic dum in curis & perturba-

*Chrys.
dicta
ho. 66.
plurib.
locis.*

tione fuit, illa visione dignus est habitus: ut vero nactus est delitias, in ipsum malitiæ barathrum delapsus est. Quid ipsius pater, quando mirabilis fuit & gloriosus? nonne dum in tentationibus fuit? Demum, de se suisque aureus orator: Quid opus est, inquit, antiqua recensere? Si quis enim nostra nunc discutiat, quantum sit tribulationis lucrum, videbit: nunc enim pace potientes recidimus & defluximus, & innumeris implevimus malis Ecclesiam: Cum vero pellebamus, & modestiores, & humaniores eramus, & studiosi magis, & ad has conciones promptiores, & ferventes ad audiendum. Quod enim ignis est auro, hoc & animis tribulatio, sordem abstergens, faciens mundos, claros reddens & splendidos. Hæc in regnum introducit, illa vero in gehennam: quapropter hæc quidem est lata, illa vero angusta: propter hoc & ipse dicebar: In Mundo pressuras habebitis. tanquam magnum nobis bonum relinquens. Itaque si discipulus es, angustam & asperam incede viam, nec ægre feras, nec indigneris. Non enim potest citra tribulationem, non potest citra tristitiam præsens vita transmitti; Nō est vita sine miseria. Tu neque Paulo melior es, neque Petro, qui nunquam remissionem assecuti sunt; sed fame, & siti, & nuditate laborarunt. Si vis eadem cum illis assequi, quid contrariam ambulas viam?

Si.

Si vis ad illam pervenire civitatem, qua
digni sunt illi putati, illam perambula-
viam illuc ferentem. Non illuc perducit
remissionis via, sed tribulationis. He-
bræus populus tamdiu modestus, quam-
diu afflictus, tunc cœpit insolescere,
cum melius habere. Iudæi, ait Chryso-
stomus, dum luto fuerunt & operi late-
ritio alligati, mites erant & continue

*Idem
ho. 64.
mihi p.
351.*

DEVM vocabant: postquam vero li-
bertate potiti sunt, murmurabant, &
DEVM exacerbaverunt, & se malis in-
fixerunt innumeris. Ne adversis itaque
casibus frangamur, sunt enim corre-
ctio.

Ergo centies ingeminandum: Sustine,
mi Christiane, sustine, quæcun-
que tibi sustinenda veniunt; seu longa
tædia, seu graves misérias, seu quanta-
cunque damna, sustine: Quæ nocent,
docent.

VI. DEVS in filio suo abunde de-
claravit, qua ratione servos suos in hoc
Orbe tractari velit. Nam si filium longe
charissimum, unigenam flagellari susti-
nuit, quanto minus famulos aut filios
adoptivos flagris subtrahet? Ah, quid
negamus? pueri sumus inquieti, ad furta
propensi, in Patientiæ gymnasio immo-
righi, ideo castigandi plagis paternis,
ne suppliciis vapulemus æternis. Iam
cujusvis est dicere: Ego in flagella para-
tus sum, & dolor meus in conspectu
meo semper. Ego autem non solum alli-

*Pf. 37.
v. 18.
Actor.
c. 21.
v. 130.*

214. GYMNAS. PATIENT.

gari, sed & mori in Hierusalem paratus sum, propter nomen Domini IESU. Si ergo flagellato leone catulus timet, qui nos catelli verberato leone de tribu Iuda, immunes à flagellis exhibimus? Utilissima profecto sunt nobis hæc verbera. Nam ubi pater filium castigavit, virgas fenestræ affigit, ut iis visis castigatus puer terreatur, caveatque in posterum delinquere. At flagellaris innocens? Oculos tuos, quæso te, à teipso in IESUM innocentissimum transfer. Nam ut cum Domino tuo coroneris, cum illo pariter flagellaris, quamvis innocens. Nostro

Aug. bono sunt hæc omnia. Illi quibus paratur vita sempiterna, necesse est, inquit *tom 8.* Augustinus, ut hic flagellentur: Non vis *in psal.* flagellum? Non tibi datur hæreditas, *37. mihi pag.* Omnis enim filius necesse est ut flagelletur. *131.* Vsq̃ue adeo omnis flagellatur, ut *Et in* nec illi pepercerit qui peccatum non *ps. 93.* habuit. Si flagellantur filii, quid debent *p. 432.* sperare servi nequissimi?

Aug. En deses equus scuticâ excitatur, en *to. 10.* vestis à pulveribus inter verbera purgatur, en arbor percussa copiosiore *ser. 20.* cum segetem proferre solet: haud sane *in Ap-* dissimili modo & nos ad frugem erudi- *pendi-* mur verberibus. Plagæ jubent sapere: & *ce. mihi* quæ nocent, docent. Gaudeat ergo Chri- *p. 655.* stianus in adversis, quia aut probatur, si *& seq.* justus est: aut si peccator est, emendatur. Timeat quem Deus corrigere non vult in sæculo, quia eum supplicio destina-
vit post sæculum. Par

Par est igitur ut magistrum optimum
 difficilia etiam docentem audiamus.
 Convenit ut grati simus tam amanti
 medico pro remediis etiam austeriori-
 bus. Non semper juvant lenia. In flumen
 alicui cecidisse frigore magno, causa
 sanitatis fuit; quorundam quartana fe-
 bris discussa est flagellis, & metus re-
 pentinus animum in aliam curam aver-
 tendo suspectas horas fefellit, quasi non
 vacaverit ei vacare morbo. Et quam
 multos militiæ morbus eripuit? Quos-
 dam, ne ad ruinam domus suæ occurre-
 rent, atrox tempestas detinuit; quidam,
 ne in piratarum manus pervenirent,
 naufragio consecuti sunt. Ita innumeros
 ad cælum extulit dejectio & calamitas.
 Qua de re prisca Patres sapienter &
 præclare, sed omnium præclarissime,
 quem dixi, Hipponensis Præsul Augusti-
 nus, qui hoc ipsum identidem audito-
 rum suorum auribus instillans, divine
 de hoc differit locis compluribus.

*Seneca
 l. 6. de
 benef.
 cap. 9.*

V I I. Et ne hominum ullus Dei fla-
 gellantis manum oderit: Quod pateris,
 inquit Augustinus, unde plangis, medi-
 cina est, non poena; castigatio est, non
 damnatio. Noli repellere flagellum, si
 non vis repelli ab hæreditate. Noli at-
 tendere quam poenam habeas in flagel-
 lo, sed quæ locum in testamento.* Quo-
 niam quem diligit D E V S, corripit; fla-
 gellat autem omnem filium quem reci-
 pit. Ille flagellatum recipit, tu dicis quia,

*Aug.
 tom. 8.
 in psal.
 103.
 mihi p.
 478.
 & in
 ps. 91.
 post
 med.
 p. 419.*

P 3

repel-

* *Aug. tom. 8. in psal. 93. post med. mihi pag. 430.*

repellit. Videamus homines in filiis suis facere illud : aliquando jam desperatos filios dimittunt vivere quomodo volunt. Eos qui spem habent, flagellant: illos vero quos omnino viderint sine spe & indomitos esse, dimittunt ut faciant quod volunt. Jam quem dimittit pater facere quod vult, non vult admittere ad hæreditatem suam, eum autem flagellat filium, cui ipsam hæreditatem servat. *Talis ergo filius*, Non sit tam vano sensu & puerili, ut dicat: Plus amat pater meus fratrem meum, cui permittit facere quod vult: ego si me vero contra jussionem patris mei, flagella invenio. Tu gaude sub flagellis: quia tibi servatur hæreditas: quia non repellet Dominus plebem suam. Ad tempus emendat, non in æternum damnat. Illis autem ad tempus parcit; in æternum illos damnabit. Elige tibi; temporalem vis laborem, an sempiternam poenam? temporalem felicitatem, an sempiternam vitam? Quid minatur D E V S? Sempiternam poenam. Quid promittit D E V S? sempiternam requiem. In quo flagellat D E V S bonos,

To. 10. temporale est: in quo parcit malis, tem-
 ferm. porale est: Quod si D E V S flagellat
 105. omnem filium quem recipit, sine dubio,
 de tem- quem non flagellat, non recipit. Si fla-
 pore, gellari detrectas, recipi quare deside-
 p. 294. ras? Flagellat omnem filium; flagellat
 & to. 8. omnem, qui & unico non pepercit: Sit
 in psal. 79. itaque

itaque manus paterna super te, & si fi- *Eod.*
 lius bonus es, noli repellere disciplinam *tom. in*
 patris tui. Quis est enim filius, cui non *ps. 88.*
 dat disciplinam pater ejus? det disci- *p. 401.*
 plinam, dum non auferat misericor- *& 402*
 diam, cædat contumacem, dum tamen
 reddat hæreditatem. Tu si promissa
 patris bene agnovisti, non timeas fla-
 gellari, sed exhæredari. Peccator filius
 dedignatur flagellari, cum sine peccato
 videat unicum flagellatum? Ergo unus-
 quisque pro peccatis suis necessario
 flagellatur, sed ab eo si Christianus est,
 Dei misericordia non dispergitur. Plane
 si in tantas ieris iniquitates, ut repellas
 à te virgam verberantis, si repellas
 manum flagellantis, & de disciplina
 Dei indigneris, & fugias à parente cæ-
 dente, & nolis eum verberantem pa-
 trem pati, quia non parcat peccanti, tu
 te alienasti ab hæreditate, ipse te non
 abjecit: nam si maneres flagellatus,
 non maneres exhæredatus. Misericor-
 diam, inquit, meam, non dispergam ab
 eo, neque nocebo in veritate mea. Ab
 hoc enim dispergetur misericordia libe-
 rantis, ut non noceat veritas vindi-
 cantis.

Ergo (quod sæpius, quod opportune
 ac importune inculcandum) Ergo, mi
 Christiane, cum in varia præcipitaris
 mala, ne turberis, ne cadas animo, ne-
 que indigneris, & vel Augustino hoc
 crede: Flagellum contra peccata est

218 GYMNAS. PATIENT.

Aug. medicamentum; flagellum Dei ad pa-
tom. 5. tientiam erudit bonos. *Deus* ad tem-
l. 1. pus emendat, non in æternum damnat.
de civ. Nec ulla caussa, inquit Augustinus, pro-
cap. 8. babilior occurrit, cur iusti homines la-
initio. borent plerunque in hac vita, nisi quia
cto. 8. hoc eis expedit. Ita omnino est; quæ
in psal. nocent, docent.
93.

tom. 4.

l. 83.

quæst.

q. 82.

mihi

p. 262.

CAPVT VI.

*Afflictio, & crux omnis à Deo est,
à quocunque demum illa no-
bis imponatur.*

Epi- phan. **I**N gymnasio Patientiæ docilis supra
& Acta modum discipulus fuit beatus An-
eius à dreas Apostolus. Nullus unquam dis-
presby- cipulorum tam discendi avidus ad scho-
teris lam itavit, quam hic patiendi cupidus
Achaja ad crucem properavit: O bona crux, ait,
scripta. diu desiderata, sollicitè amata, sine inter-
missione quæsitæ, & jam concupiscenti
animo præparata: securus & gaudens
venio ad te: suscipe me ab hominibus,
& redde me magistro meo, ut per te
me recipiat, qui per te moriens me re-
demit.

Greg.

hom. 5.

in Eu-

ang.

Miratur Gregorius Petrum & An-
dream tam in sequendo Christo cele-
res, tam in patiando propter Christum
feruentes: Nos, ait, quot flagellis affligi-
mur, quantis minarum asperitatibus de-
terremur, & tamen vocantem sequi
contempnimus. Ab amore præsentis
sæculi

saeculi nec praeceptis flectimur, nec verberibus emendamur. Hem, indociles discipuli, qui in infimis gymnasii rudimentis hallucinantur. Aristotelis scitum est: Discentem oportet credere. In Patientiae gymnasio pæne omnium prima praelectio est, hoc ipsum, Discentem oportet credere. Nemo suaviter, nemo expedite, nemo utiliter discit, qui non promptissime credit. Quid ergo credendum? Omnem afflictionem, misérias omnes, omnem omnino crucem à Deo esse, à quocunque hominum ea huic illive imponatur. Atque hoc jam docebimus, D E V M omnis poenae, omnisque afflictionis & mali esse auctorem. Neminem (quod jure præmonemus) hoc dictum offendat: D E V M omnis mali, sed nullius peccati auctorem asserimus, idque jam copiosius eam ob causam exponemus, quod hoc fundamento universa Patientiae disciplina nitatur.

I. Petrus velut strenuus sui Domini propugnator, ut Christum ad Olivarum colles defenderet, gladium strinxit, & Pontificis servum auricula murilavit. At illi mox Dominus: Mitte, inquit, gladium tuum in vaginam. Calicem, quem dedit mihi Pater, non vis ut bibam illum? Quid hîc ais, Domine, quid culpam in Patrem derivas? Calicem hunc longe quam amarissimum, an non discipulus tuus Iscariotes, an non eum An-

220 GYMNAS PATIENT.

nas & Caiphas, an non hunc ipsum Herodes & Pilatus miscuerunt? Hi quinque pharmacopæi merum absinthium, meram aloen, fel merissimum incoxerunt huic pharmaco, ab illis hic calix est. Quid ergo, (dixerit Petrus) quid loqueris hîc Domine? *Calicem quem dedit mihi pater.* Audi sis, mi Petre: Hic calix ab amantissima manu mihi venit. Non licet hîc nolle bibere; Pater propinat. Et quamvis multa sint quæ hunc calicem commendent, humanæ gentis reparatio, inferorum expugnatio, cælestis curiæ augmentum; ante omnia tamen calicem hunc reddit commendatissimum *Paterna manus*: ab illa est amarus, sed innumeris profuturus hic potus. Sic omnino est; Nullus mortalium nec spinula Christum potuisset lædere, nisi æterna Patris Providentia & Sapientia id decrevisset, voluissetque à Christo tam immania tolerari. Ipsemet Servator: Sicut, ait, mandatum dedit mihi Pater, sic facio. Et, Nonne sic oportebat Christum pati?

Ioan.

c. 14.

v. 31.

Luc.

c. 24.

v. 26.

46.

Quisquis vim huius argumenti capit, quisquis afflictionum suarum omnium auctorem Deum agnoscit, & toto id animo credit, Deum ab æterno voluisse, & etiamnum certissimo velle, ut patiatur id omne quod patitur, hic sane in ærumnis etiam gravissimis Dei Voluntatem amplectetur, divinam manum osculabitur, dicetque: Hoc omne quod patior,

patior, à Dei manu est, à Deo auctore est: igitur & prompte & placide patien- dum est. Hic talis, hac veritate imbutus, nullis unquam miseriis (explore affir- mo) calamitatibus nullis succumbet.
* Neque enim adeo ingratum esse po- terit, quod tam grata obtulerit manus.

De Christo patiente Ioannes com- memorat: Et bajulans sibi crucem exi- vit in eum, qui dicitur, Calvariæ locum. Sibi bajulans, amplexus est crucem; quod ab hoc magistro didicit Andreas discipulus.

Cui princeps litteras aliudve porri- git, is litteras osculatur, quamvis for- tasse sint mordacissimæ; ita & Christus crucem à Patre traditam complexus est; ita & Iobus dixit, *Dominus dedit*. Sed videris errasse virorum optime, nam hoc tam amplum patrimonium jam perditum, à parentibus accepisti, has o- pes tua industria congeffisti, tantum pe- coris tuo opte ingenio acquisisti. Non erro, ait Iob, neque industria mea, ne- que parentes mei, neque meum mihi hæc ingenium, sed Dominus dedit, qui vel ideo etiam hæc omnia jure suo ab- tulit, quia dedit. Itane, *Dominus abstulit?* hoc quidem injuriose in D E V M vide- tur dici. Nam pecus omne Chaldæi & Sabæi abegerunt: aut, si mali originem spectemus, Satanas rapuit hæc omnia;

nam

* Kan nit vn lieb seyn / was von
so lieber Handt herkömmt.

222 GYMNAS. PATIENT.

nam ille ignem præcipitavit cælo, ille ventos excitavit, ille hostes ad rapiendum instigavit, ille domum solo æquavit; revera Satanas hæc omnia fecit. Ergo & Satanas abstulit hæc omnia. Sed in priore sententia perseverat Iobus, & vel millies repetit: Dominus abstulit, Dominus abstulit, ille ipse Dominus qui dedit: Non Sabæi, non Satanas, non Chaldæi abstulerunt, sed Dominus abstulit, idque merito, quia dedit. Nam nisi Dominus sciens & volens hanc Satanæ potestatem fecisset, nemo mihi vel floculum ovillæ lanæ rapuisset. Ergo Dominus abstulit, nam quod quis nutu impedire potest, sciens tamen volensque non impedit, id certe vult. Sic nulla prorsus afflictio, nulla tentatio, nullum malum, calamitas nulla est quæ non fit à Deo, Deique providentia & voluntate.

II. Christus quadragintadie jejunium inchoaturus ducitur à Spiritu ut tentetur. Ita Matthæus: Tunc Iesus, *Matt. cap. 4. vers. 1.* inquit, ductus est in desertum à Spiritu, ut tentaretur à diabolo. Spiritus divinus Christum ad omnia ducebat, ad præcationes, ad colloquia, ad conciones, ad miracula; singulariter tamen à Spiritu duci narratur, ut tentetur. Quid hæc aliud oracula cælestia loquuntur, quam homines Deo charissimos ad crucem, velut velatis oculis duci. Luminibus, inquam, plerunque obligatis ducimur, alioqui ad hoc macellum velut furiosi tauri

tauri ægerrime pertrahendi. En ergo filius Dei ad certaminis locum ducitur, ut impugnetur. Quæ igitur illæ sunt voces nostræ: Diabolus hunc hominem advenxit; hoc mihi diabolus infortunium curavit; Satanahoc in me fulmen dejecit. Erramus, ô fatui, erramus: stultæ sunt hæc voces & impiæ; sic emendandæ: Dominus advexit, Dominus curavit; Dominus dejecit; Nam Dominus facit hæc omnia.

Cum Gedeon frumentum perticis *Judic.* flagellaret, Angelus ei assistens: Dominus *cap. 6.* tecum, inquit, virorum fortissime. Mox *v. 12.* obducens Gedeon: Obsecro mi Domine, inquit, si Dominus nobiscum est, *& 13.* quomodo apprehenderunt nos hæc omnia? Vbi sunt mirabilia ejus quæ nar- raverunt patres nostri? Nunc autem dereliquit nos Dominus. Eo enim tempore à Madianitis Hebræi misere opprimebantur. En ut humana ignorantia ridicule & absurde philosophetur: Si Dominus nobiscum est, quomodo nobis tam male est? Quasi vero hæc calamitatum mala non æque à Deo sint, atque felicissimi successus? Idcirco Angelus: Vade, inquit, in fortitudine tua, & liberabis Israel de manu Madian. Perinde si diceret: Scias D E V M à populo suo non penitus recessisse, licet in eum hostes immiserit. Tentat vos D E V S, & vestrum in se amorem explorat.

Ita prorsus morbum in nos D E V S,
& mille

224 GYMNAS. PATIENT.

& mille incommoda immittit, ut nostram in se fiduciam extimulet, ut nos ipsi nobis notiores fiamus. Sicut autem hosti, sic & morbo resistere licet (modo remediis non illicitis id fiat) cum nesciamus quamdiu nos DEVS in morbo esse velit. Si captivo carcer pateat, cur non exeat? hoc non est carcerem effringere, sed oblatum beneficium non recipere.

Et quemadmodum centum aut ducentos captivos catenis ergastularius unicus facile compescit; nullus captivorum erumpet, licet vel Dædali alas habeat. Si quis vero catenam lima solvat, carceris fores moliatur; & evolet, non unus solum sed agmen licitorum insequitur, si forte reprehendi possit à fuga qui evasit. Ita plane & hinc ratiocinandum: Quos cacodæmones insequuntur, quos tentant, quos vexant & exagitant, ii certe inter cacodæmonis captivos numerandi non sunt. Ille vincit, captivus ille est, quem Luxuria, quem Invidia, quem Avaritia, quem Superbia vinculis adstrinxit. Hos tales cacodæmon non insequitur, hos velut suos secure possidet. Vbi horum aliquis revellere carcerem & erumpere conatur, mox Satanam & omnes Satanæ satellites sentit adversarios, hunc hominum malorum plurimi persequuntur, hunc exagitant. Cuinam igitur hoc malum omen videatur, multos pati vexatores,

tores, complures numerare hostes; cum certissimum sit, Omnes qui volunt pie vivere in Christo I E S V, persecutio- nem passuros. 2. Tim. cap. 3. v. 12.

Ægyptius Rex Pharaon Hebræis jurato minatus est: Persequar, & comprehendam. Hoc profecto non dixerat, cum eos luto mersos & varie fatigatos, sed cum in fugam effusos cerneret. Idem hoc & hostes nostri faciunt: Cum vitiorum luto mergimur, vix ulla in nos arma expediunt: cum salutem fuga querimus, hostilibus nos incursionibus, saltem terrere nituntur. Eam ob causam Siracides præmonens: Fili, ait, accedens ad servitutem Dei, sta in iustitia & timore, & præpara animam ad tentationem. Vis Patientiæ gymnasium adire? Non ad quietem, non ad otium, non ad jucundam sessionem; sed ad plurimam tentationem te ipsum instrue, An nescis? ii qui in gladiatorio, in equestri, in luctatorio, in militari ludo exercentur, non sane in molli pulvillo cum libello collocantur; sed huic quidem * lanista ipse vulnus infligit, hunc equus excutit, hunc † equis deiecit, istum antagonista sternit: hic infelici saltu crus frangit, ille luctando brachium luxat, huic caput rude contunditur, huic capulo dens eliditur, huic oculus hastili excluditur: omne genus incommodo-

* Sechtmeister. † Rossbereitter.

modorum & vulnerum hîc tolerandum est.

Ne quæso alia, ne meliora in Patientia gymnasio expectemus : non hîc quies, non otium, non sessio cogitanda: & quemadmodum in illis quos dixi, equestribus, gladiatoriiis, militaribus gymnasiis ipsi magistri suos tirones & verberant & vulnerant: ita in gymnasio Patientia, omnis dolor & pœna, malum omne ab ipso gymnasii rectore, à Deo est. Et ideo, præpara animam tuam ad tentationem. Non solum benigna, felix, candida, & bona, sed etiam infelix, atra, infamis, & infausta dies à Deo est.

Eccles. cap. 7. v. 16. Quod Ecclesiastes apertissime pronuntians: Sicut enim hanc, inquit, sic & illam fecit DEVS, ut non inveniatur homo contra eum justas querimonias. Deus enim consulto voluit, diem candidam atræ, secundis adversa apponere, & alterius vim atque acrimoniam permixtione alterius retundere, quo hominum morbis & moribus salubrior fieret medicina. Propterea, In die bonorum, ne
Eccli. c. 11. v. 27. immemor sis malorum; & in die malorum ne immemor sis bonorum. Memento
Eccli. c. 18. v. 25. & 26. paupertatis in tempore abundantia, & necessitatum paupertatis in die divitiarum. A mane usque ad vespemam immutabitur tempus, & hæc omnia citata in oculis Dei.

Attentissime igitur contemplemur, adversa nobis omnia provenire à supremo &

mo & æquissimo iudice Deo. Non ergo ærumnarum nostrarum causam in non causam referamus, quia neque ab Oriente, neque ab Occidente, neque à desertis montibus *ærumnae veniunt*, quo- *Ps. 74.*
 niam Deus iudex est: hunc humiliat, & *v. 7. 8.*
 hunc exaltat: quia calix in manu Domini vini meri plenus misto. Et inclinavit ex hoc in hoc: verum tamen fæx ejus non est exinanita: bibent omnes peccatores terræ. *6. 9.*

Videte, Christiani, & animo penitissimo documenta hæc inscribite. Hunc solatur D E V S, hunc affligit. Miseriarum omnium & afflictionum calix in manu Dei est. Dominicus hic calix vino meri meraco, sed tamen misto plenus est. Neque enim unius sed diversi generis vinum huic calici est infusum. Vinum nobile, cum non aqua sed vino nobiliore miscetur, ingentium fit virium. Ita Vindicans Dei justitia varietate & multitudine poenarum, velut diversis vini generibus abundat. Multi hominum ærumnas non solum magnas, sed & diversas perpetiuntur: his sane vinum meracum, & tamen, quo dixi modo mistum propinatur. Sed bono sint animo; omnia etiamnum tolerabilia sunt & levia. Nam inclinatur D E V S ex hoc; modo huic, modo illi, jam Ioanni, jam Petro, jam Iacobo calicem suum propinat: honorarius hic calix ad omnes transit; omnibus bibendum est, plus minusve, pro-

ut Domino placuit ab æterno; omnibus
& singulis illud occinitur: *Aut bibe,*
aut abi.

Hic autem summo fit solatio, nemi-
nem (hoc quidem tempore) ad ebiben-
das fæces adigi: *fax ejus non est exinanita.*
Gravissima Vindicantis justitiæ sup-
plicia in supremi judicii diem servan-
tur: Tunc, *Bibent omnes peccatores terræ.*
Quicquid nunc patimur, momenta-
neum & leve tribulationis nostræ, ludus
& jocus videri debet, ad illas amaritu-
dinum fæces, quas improbis semper bi-
bendas, nunquam ebibendas divinus fu-
ror ingeret æternum. Nunc, ô Christiani,
caliculos amariores læti perhauriamus;
modo à sorbendis fæcibus immunes si-
mus. Poculo, quod plerique horremus,
vinum dominicum propinatur; calix
quem averſamur, in Domini manu est;
omnium pœnarum & calamitatum
Deus auctor est.

I V. Atque ut fundamento veritatis
nitamur, audiamus objectus; est qui
quærat: Si Deus malorum & pœnarum
omnium auctor est, nunquid & pecca-
torum? Nam meus hic inimicus men-
tiendo, & conviciando in extremam me
perniciem dedit, rem meam contra fas
omne diripuit, nomen meum nequissi-
mis calumniis laceravit, meipsum co-
chleari, si possit, submersurus. Num Deus
horum est auctor? Est, mi homo, est au-
ctor horum: non quod illi Deus mentiri
& ca-

& calumniari præceperit: Nemini Deus, *Eccli.*
 inquit Siracides, mandavit impie agere, *c. 15.*
 & nemini dedit spatium peccandi. Sed *v. 21.*
 ajo amplius, si injurias, quibus ille te af-
 fecit, præceptas illi à Deo dicerem, num
 dicerem male? Ita plane sanctissimus rex
 David loquitur. Nam cum illum impro-
 bissimus Semei verbis & maledictis,
 imo & saxis peteret, essentque in comi-
 ratu regio, qui linguam teterrimam ferro
 claudendam dicerent, Rex publice suis
 omnibus edicens: Dimittite eum, inquit, *2. Reg.*
 ut maledicat: Dominus enim præcepit *c. 19.*
 ei ut malediceret David. Et quis est, qui *v. 10.*
 audeat dicere, quare sic fecerit? Num
 ergo Semei nihil hîc deliquit? Imo ve-
 ro deliquit gravissime. Hîc quæso ani-
 mum advertite, & sua veritati constabit
 fides.

Cum regum sapientissimus David, ne-
 bulonem illum Semei solum, & iner-
 mem cerneret, nihilominus tam intrep-
 idamque constanter in se calumnias
 jactantem audiret, mox in eam senten-
 tiam venit, primam injuriæ illius origi-
 nem, non à Semei, sed à Deo manare, qui
 tam improbi hominis maledicentiam
 in sui supplicium & pœnam destinasset.
 Quonam igitur modo D E V s illi hoc
 præcepit?

Adhibete animum, & rem cognoscite.
 Duo sunt in quovis peccato: Primum
 est, naturalis motus corporis, aut volun-
 tatis, aut simul utriusque. Alterum est,

ipsa legis transgressio. Exempli gratia: frater fratrem calumniatur, civis civem occidit, miles domum incendit, fur mille philippeos aufert. Hic linguæ motus, letalis ictus, ignis injectio, pecuniæ asportatio, Deo fiunt adjuvante, nam actiones naturales sunt, quæ fieri nisi opitulante Deo non possunt. Atque hoc primum illud est in omni peccato spectandum, quod certe D E V M habet adiutorem. Illud vero alterum, ipsissima peccati natura est, cum ejuscemodi naturalis actio contra rationem, contra conscientiam, contra divinam legem fit, & hoc Deus non vult, non jubet: nihilo minus perversam hominis voluntatem, seu legis transgressionem & peccatum ordinat Deus in alterius pœnam, aut admonitionem, aut emendationem, seu meritum amplius. Itaque auctor est Deus, ut *res fiat*; cum *male fit*, providentissimus est ordinator.

Sic D E V S Semei verba proferentem; lutum & saxa jacentem adjuvit (hæc enim naturales motus sunt) quatenus autem Semei malevolentissimam voluntatem in suum regem exercuit, eatenus illam D E V S non adjuvit, sed certe ordinavit in optimum finem, ut his calumniis peccata Davidis punirentur, ejusdem etiam patientia & submissio exercerentur.

Atque hoc in omnibus omnino peccatis, in injuriis omnibus videre est.

Malum

Malum *Culpa* Deus tolerat, & malum *Pœna* ordinat in finem optimum, ad augenda merita, ad punienda peccata. Hinc famem, bella, pestem, eluviones, incendia, deprædationes, injurias, injustitias, ingentia scelera permittit, eaque simul ita disponit, ut per hæc ipsa mala suam ille Bonitatem & Iustitiam, Gloriam & Potentiam suam magis magisque Orbi patefaciat. Hac ratione D E V S malorum seu pœnarum omnium auctor est. Cujus rei testem Veritatem ipsam statuimus.

Hebræis Deus offensior: Congrega-
bo, inquit, super eos mala, & sagittas
meas cõplebo in eis. Ecce ego inducam
super eos mala, de quibus exire non po-
terunt. En, Deus nos malis onerat, Deus
sagittis suis nos vulnerat. At nos tam
infantes sumus, telis & jaculis irasci-
mur; quis telum & jaculum mittat, non
attendimus: Ita pictor, cum ars non re-
spondet, penicillo indignatur, ita scriba
calamo, faber malleo, figulus luto cul-
pam impingit, cum opus non succedit;
ita nos obtrectatores & æmulos, velut
malorum nostrorum causam accusa-
mus: sed erramus largiter; non penicillus
sed pictor, non calamus sed scriba scri-
pturæ & picturæ sunt auctores. Longe
rectius hac in re Iobus sentiens: Ma-
nus Domini, ait, tetigit me: Non Chal-
dæorum, non Sabæorum, non ho-
stium aliorum, sed Domini manus me
dejecit.

Dent.

c. 32.

v. 23.

Hier.

c. II.

v. II.

Eccli. V. Ecquid hîc dubitamus? Siracida te.
e. 11. ste, Bona & mala, vita & mors, pauper-
v. 14. tas & honestas à Deo sunt. Hoc ipsum
Mich. luculente asserens Michæas: Quia de-
cap. 1. scendit malum à Domino, inquit, in por-
v. 12. tam Hierusalem. Et ut cautiores redde-
& c. 2. ret quos monuerat: Ecce cogito, inquit,
vers. 3. super familiam istam malum. Nec ali-
Amos ter Amos: Et ubi denique malum erit
cap. 3. quod Dominus non fecerit? Atque ut
p. 6. exactissime noverimus, hæc omnia pœ-
 narum mala, & innumeros puniendi
 modos à Deo divinaque Voluntate ori-
 ri, in memoriam reducamus, quoties
 Deus minimis animalculis hostes suos
 gloriosius longe quam maximis exerci-
 tibus debellarit. Hic Dei mos est huma-
 næ superbiæ coërcendæ, vermiculos,
 mures, pediculos, glires, aliasque fordi-
 dissimas bestiolas immittere, quæ non
 quisquillas hominum, sed mitras, diade-
 mata, purpuras extinguant, quæ princi-
 pes, reges, Cæsares triumphant. Ita mus-
 cas, cimices, vespas, culices, ranas, cyni-
 phes, locustas velut in aciem educit, &
 totas his agminibus terras, totos popu-
 los subvertit.

Sup. Sapientia clamat: Misisti antecessores
e. 12. exercitus tui vespas, ut illos paullatim
vers. 8. exterminarent. Regii fasti testantur: Et
1. Reg. ebullierunt villæ & agri, & nati sunt
cap. 5. mures, & facta est confusio mortis ma-
v. 6. gnæ in civitate.

Geneb. Genebrardus regem nominat quem
anno mures
 790.

mures cum conjuge depasti sunt, quod nepotes sibi commissos veneno sustulisset. Cuniculi urbem Hispaniæ, talpæ urbem Macedoniæ, teste Plinio, devastarunt. Cum ille Christiani sanguinis sitientissimus rex Persarum Sapor Nisibin civitatem obsidione premeret, Iacobus Nisibita Præsul, non militum, sed culicum atque cyniphum exercitus à cælo exoravit. Hæc animalcula potentius in hostem, quam Xerxis copiæ pugnarunt, nam cum equorum & elephantorum aures, proboscides, nares à bestiolis illis assidue fodicarentur, jumenta efferata, abruptis frenis, præcipiti fuga eruperunt. Rex inops consilii re infecta domum se recepit.

Haud aliter accidit cum Carolus Sicilia, Philippus rex Galliæ Gerundam Hispaniæ civitatem occupassent, militum impietas nec templis, nec sacris lipsanis, nec sepulchris pepercit. Cumque jam divi Narcissi quoque tumulo vis inferretur, muscarum ingens examen provolvit, tantaque clade exercitum affecit, ut omnes effuse fugere sint coacti. Hodieque Hispanis proverbium est: Sancti Narcissi muscas laceffere. Quis tantas vires tantillis bestiolis subministravit? Cladium & calamitatum omnium auctor D E V S. Omne hoc malum à Deo est.

Sed objicias: Quid si morbus me infestet, quem ab intemperantia nimioque

234 GYMNAS. PATIENT.

cibo vel potu provenire certo sciam, qua ratione hoc malum Deo adscribam, cujus ego ipse causa sum? hic quidem morbus grandis mihi afflictio est, sed num is à Deo est? Est à Deo, est planissime. Nam Deus ab æterno te flagellare decrevit: pro flagello tuam arripuit intemperantiam, quam æque ab æterno prævidit. Ita Deus te flagro cædit, sed tu ei lora præbuiſti ad conficiendum hoc flagrum: In morbo te Deus esse vult, sed pro causa seu instrumento morbi tua ipsius intemperantia utitur: Ita Deus alium injuriis vult affici; inimicum illius ut instrumentum adhibet. Eadem in omnibus aliis ratio est.

Quid tu jam, quid ille alius, habetis contra hiscere? Quid refert siue in tua, siue in aliena culina discas coquere, modo discas? quod si alieno damno sapere non incipias, quid ægre fers, si demum sapias tuo? Animum ergo ad patientiam compone: Tuarum, & omnium in Orbe afflictionum auctor est Deus: Sicut Domino placuit, ita factum est, ita fit, ita fiet, ita optime fiet. Noli timere; nec unicus quidem tui capitis capillus defluet, quin Deus id præviderit & voluerit. Ecquid tibi deerit, si membra tua dilaceret inimicus, quando capillos tuos numerat Deus? Pharmacum, quod Pater porrigit, exhauri; quisquis Pharmacopæus fuerit: Calicem quem tibi Deus propinat, ebibe; quisquis famulorum illum

*Aug.
ser. 4.
de fest.
mart.*

illum infuderit. Quicquid ferendum est, tamdiu patienter feras, quamdiu Deus te illud ferre voluerit. Hic verus in Patientiæ gymnasio profectus est, hæc via ad vitam.

VI. Sed adhuc reluctaris & clamas: Ergone mei me cognati vexent? ergone mihi insultent ii, quos beneficiis ornavi? Sic meus mecum dominus agat, cui tot annis tam fideliter inservii? Itane depressum me eant mediaſtini & hominum vilissimi? quis hoc ferat? O te albæ mentis hominem, & nimis quam rudem! etiam prima sacri gymnasii principia ignoras? An nescis illud? Non est verus *Imit. Christi* patiens qui pati non vult, nisi quantum sibi visum fuerit, & à quo sibi placuerit. *l. 3. c. 19. nu. 3.* Talis exceptio non toleratur in Patientiæ gymnasio. Apage hinc istas voces: Patiar hoc, sed non ab isto, aut illo condiscipulo. Quem tibi præceptor assignaverit, hunc tolerabis.

Mos est in scholis, decuriones è discipulis jubere, qui in ceteros potestatis aliquid habeant. Quod si puerorum quispiam contumacior decurioni recitare, aut scriptionem dare nolit, mox fronte serâ magister: Quid tu superbu- le, vis cristas tollere, mox ponas faxis huic condiscipulo tuo recita, huic scriptionem da: aut sceptri mei senties iracundiam.

In patientiæ gymnasio Christus ejusdem moris retinens vult alterum alteri

236 PATIENT. GYMNAS.

subesse, imo alterum ab altero etiam castigari, sed tamen ad sui nutus dictamen. Hic nos superbuli exceptionibus plurimis uti solemus. Volumus recitare, sed non huic; scriptionem dare volumus, sed non isti; volumus emendari, sed non ab illo; crucis esse bajuli non recusamus, modo eam hic nebulo non fabricet, modo illam hic veterator non imponat. Quid hoc? quæ ista insolentia est? tantos sibi spiritus sumere, & condiscipulis nolle se subicere? Hos mores præceptor non tolerat. Crux ferenda est, à quocunque fabricetur aut imponatur. Homo nequissimus potest esse crucis utilissimæ faber. Quid ad te? tu me sequere, ait Christus.

Simon Cyrenensis crucem constanter usque in supremum montem Golgotha defert: non excipit, non reclamationem; subdit humeros, imperia capebat ab iis, quibus in eum jus nullum imperandi. Et quis erat Semei? seditiosus trifur, bipedum nequissimus; DEVS tamen voluit, ut hic ipse potentissimo, sed & sanctissimo regi crucem imponeret ponderosissimam. Et videte: Rex David facinorosum hunc hominem, suum agnoscit condiscipulum, imo decurionem suum, à magistro constitutum: huic recitat, huic sese submittit.

Et quales, obsecro, decuriones erant in hoc gymnasio, Attila, Tamerlanes, Totila? Præceptor illos constituit, his erat

erat recitandum. Tu Attila ab Orbe extremo advola, sitiens sanguinis & prædæ; rape, cæde, ure, vasta. Sævitia hæc Præceptor Deo militabit; nec aliud quam excitatio Christianorum erit, qui vitiis aut delitiis immerfi & sepulti.

Quid vos duo Vespasiani? Iudæam Iudæosque perditis, capite, & excindite urbem sacram. Quo fine? Vos quidem gloriæ & propagandi imperii vestri gratia movetis arma: Sed erratis. revera lictores & satellites divinæ ultionis estis in impiam gentem, quæ felicitatem suam concoquere non potuit, nisi Neronianis his * thermis adjuta. Ite ergo principes Romani, & qui Christianos Romæ jugulatis, Christi mortem in Iudæa vel inscii vindicate.

Eadem prorsus ratio est cum omnibus inimicis nostris, qui me, qui te, mi Christiane, qui hos & istos, injuriis premunt aut invidia. Nos quidem ægre ferimus, & querimur tales à Deo condiscipulos admitti, tales decuriones eligi, qui famæ, bonis, vitæ nostræ insidientur, qui nos perditos velint.

Sed ô cæci! cogitationes & judicia nostra plurimum errant. Quid enim refert, etiamsi nos illi velint perditos? Deus aliter longe cogitat. Ægypti Prorex Iosephus coram fratribus suis multum trepidantibus clarissime id pronun-

tians;

* Blutbadern.

238 GYMNAS. PATIENT.

Gen. tians : Vos , inquit , cogitastis de me
c. 50. malum , sed D E V S vertit illud in bo-
v. 50. num. Num D E I possumus resistere vo-
 luntati?

VII. Sed cur, inquires, malorum ope-
 ra Deus utitur ? cur ipse non immittit
 clades ? aut saltem per bonos admini-
 stros ? Quid hæc quæris curiose homo ?
 Constabit Deo utique facti sui ratio, etsi
 nobis de ea nil constet. Pater in magna
 familia, interdum filium ipse castigat, est,
 cum servo id munus mandat aut pæda-
 gogo. Hoc & præceptor in schola facit:
 aut ipse fontem cædit, aut alteri cæden-
 dum tradit. Cur Deo non idem jus sit?
 Cur non ipse, cum ei visum, sua manu
 nos verberet; cum aliter visum, aliena?
 Nihil hîc injuriæ est. At servus ille ira-
 tus tibi est, & animum adfert nocendi?
 Nihil refert. Tu illo omisso ad ani-
 mum respice jubentis. Pater enim exa-
 ctor adstat; & nec unam quidem plagu-
 lam tibi superaddi sinet ultra præscri-
 ptum.

Ita magistratus reum capite plecti
 jubet: hunc ipsum hominem carnifex ca-
 ne pejus & angue odit, malletque illum
 candente forcipe lacerare, quam uno
 ictu sternere. Sed quia jussa magistra-
 tus exequenda sunt, caput illi decutit,
 non sine ingenti voluptate. Quid huic
 homini, obsecro, carnificis odium no-
 cuit? non plus quam si eundem ardentis-
 sime amasset, caput illi ademît, prout
 magi-

magistratus iussit, & nec hilum amplius nocere potuit. Ita plane, ita planissime omnes inimici nostri, quamvis extreme nos oderint, plus nobis nocere non poterunt, quam Deus illis sciens volensque permiserit. Luculentissime hîc commo-
 nens Augustinus: Noli timere inimicum, *Aug. tom. 8. in psal. 61.* inquit, tantum facit, quantum acceperit potestatem. Eum time, qui quantum vult, tantum facit, & qui injuste nihil facit, & quicquid fecerit, justum est. Sæ-
 viant quantum voluerint, & quantum permissi fuerint peccatores: confirmat *ps. 36. psal. 2 parte, conc. 2. mihi* justos Dominus. Quicquid acciderit ju-
 sto (Notate hæc, obsecro, notate studio-
 sissime) Quidquid acciderit justo, Vo-
 luntati divinæ deputer, non potestati
 inimici. Quid sibi ergo plaudit ini-
 quus, quia flagellum de illo fecit pater
 meus? Illum assumit ad ministerium,
 me erudit ad patrimonium. Nec atten-
 dere debemus quantum permittat in-
 justis, sed quantum servet justis. Facit
 hoc D E V S, quod plerunque facit & ho-
 mo. Aliquando iratus homo apprehen-
 dit virgam jacentem in medio, fortas-
 se qualecunque sarmentum, cædit in-
 de filium suum: ac deinde projicit sar-
 mentum in ignem, & filio servat hære-
 ditatem.

Sic DEVS de hominibus malis exercet nos, & de illorum infecutionibus eru-
 dit nos. De malitia mali flagellatur
 bonus, & de servo emendatur filius.

Sicut

240 GYMNAS. PATIENT.

Sicut enim malis obest bonitas iustorum, sic prodest iniquitas impiorum. Quod si cœperit tibi subrepere voluntas humana dicens : O si occidat Deus inimicum istum meum, ut non me persequatur! O si posset fieri, ut non ab illo paterer tanta ! Iam si perseveraveris, & hoc tibi placuerit, & vides, quia hoc non vult Deus, pravus corde es. Et qui sunt recti corde ? Qui sic inveniuntur, quomodo inventus est Iob, qui ait : Dominus dedit, Dominus abstulit : sicut Domino placuit, ita factum est; sit nomen Domini benedictum. Ecce rectum cor.

Hæc Augustini sexcenties, millies, ter millies ingerenda, vix tamen satis capiuntur ad imitationem. Ita omnino istum per illum castigat D E V S cæditque, dein virgas in ignem mittit. Ita Hebræos per regem Babylonis castigaturus: Servient, inquit, omnes gentes istæ regi Babylonis septuaginta annis. Cumque impleti fuerint septuaginta anni, visitabo super regem Babylonis, quem velut sarmentum in ignem excutiam.

Hier.
c. 25.
v. 11.
c. 12.
Idem
c. 30.
v. 16.
Propterea omnes qui comedunt te (ô mi Christiane) devorabuntur, & qui te vastant vastabuntur, cunctosque prædatores tuos dabit D E V S in prædam. Te autem à vulneribus tuis sanabit, & obducet tibi cicatricem, ut Iobo, quem hostes & extrema paupertas altero tantoditorem fecerunt. Tu tantum longan-

mis

mis expecta tam venturum tibi auxilium, quam hostibus tuis, ni resipiscant, supplicium.

VIII. Sed Iobo sanctiorem hinc fisto. Dei filius, Orbis Servator non ab Angelis, non à Matre crucifigi voluit, sed suam sibi crucem imponi, in crucem attolli ab idololatriis sustinuit. Gens Hebræa ex omni gente selectissima, mille beneficiis ornata, instar filii unici amata, infamem hanc trabem benefactori suo rependit: nec ille contradixit. Romani de cruenta arbore illa, Conditorem Mundi suspenderunt: nec ille restitit. Iam cruci affixum omne genus hominum, & ipse crucis socius conviciatus est: nec ille convicia regeffit. Quid dico, convicia non regeffit? Pro his ipsis & preces fudit, & iis veniam petiit. Hoc merito Ecclesia tanti æstimat, ut annuam patientis Domini I E S V memoriam, his potissimum verbis veneretur: Respice, quæsumus Domine, super hanc familiam tuam, pro qua Dominus noster I E S V S Christus non dubitavit *manibus tradi nocentium*, &c. Tolerabile videri potuisset, si Mater aut Angeli mortalium innocentissimum clavis confixissent ligno. Mater dixerit: Ego illi corpus de meo dedi corpore: Dixerint & Angeli: Nos illi ad cunas accinuimus, & necdum præmium accepimus: At vero impuros hoc idololatrias, hoc gentem charissimam in suum Dominum moliri, & Dominum à suis

242 GYMNAS. PATIENT.

à suis hoc pati, veræ ad hostes patientiæ specimen est: *Non dubitavit manibus tradi nocentium.* Nemo se membrum dicat, qui suum hoc caput imitari neglexerit. Apposite Gregorius: Cur, inquit, asperum creditur, ut à Deo homo toleret flagella pro malis, si tanta DEVS ab hominibus pertulit mala pro bonis.

*Greg.
part. 3.
pastor.
val. 13
admon.
fine.*

Interim nos nostri sensus & cerebri persistimus, fatuasque illas voces spargimus: Hic homo trabs oculis meis, fel meo stomacho est; modo hunc unum amoliri possem; modo nebulonis hujus sanguine calceos meos ungere liceret; quanti emorem sutorium hoc atramentum: nulla mihi quies est, quamdiu hic furcifer in oculis est. Heu voces impias, & sub Orcum, è quo prodeunt, relegandas! ita stolidæ animi nostri feditionem æmulis nostris adscribimus. Error turpissimus. Contra hunc aureus orator differens: Quemadmodum, inquit, si corpus adamantinum haberemus, etsi innumeris undique telis peteremur, non tamen vulnera reciperemus: non enim à manu tela torquente, sed à corporibus patientibus vulnera fiunt. Sic & hic non à petulantium insania, sed ab imbecillitate contumelias patientium, injuriæ & contumeliæ constituuntur. Si enim philosophari sciamus, nec contumelia affici possumus, nec quidquam grave pati. Aliquis contumeliam intulit?

*Chrys.
rom. 5.
hom. 2.
ad pop.
Antio.
fine.*

si non

si non sensisti, nec doluisti, non es iniuriam passus, sed & magis percussisti, quam percussus es. Quid igitur inimicos & æmulos velut omnium miserationum nostrarum causam accusamus? Culpa in nobis hæret: à nobis ipsis lædimur, quotiescunque lædimur. Verissimum est illud Ecclesiæ promissum: *Nulla nobis nocebit adversitas, si nulla nobis deminetur iniquitas.*

Quid vero mirum est in animo nostro tam nihil esse quietis, cum in eo tam parum sit patientiæ & taciturnitatis? nec ingrata silentio, nec adversa patientia possumus concoquere; undique intractabiles. Et tamen hanc omnem culpam in nostros adversarios derivamus: Si isti abessent, dicimus, sanctiores essemus. O ridiculi mortales! Si nos ipsi nobis non deessemus, adversariorum nostrorum nequitia, non tantum non deteriores, sed & longe probiores nos redderet. Perditio tua Israel ex te, non ex hostibus tuis; tibi tuam impatientiam imputa, non tuis adversariis.

Et quis est qui nobis noceat, si boni æmulatores fuerimus? Cygnæa Chrysostomi vox jam in Orbem nota est: Nemo læditur nisi à seipso. Decii, Aureliani, Neronis, Domitiani, Diocletiani fortissimos heroes Vincentios, Sebastianos, Mauricios, Tiburtios, Georgios occidere potuerunt, lædere non potuerunt. Læsisset, si cælestes illis

R

lau-
Opert
ejus

Osce
c. 13.
vers. 9.
I Petri
cap. 3.
v. 13.
Vlti-
mum
Chry-
sostomi
opus ad
Olym-
pia-
dem
tom. 3.

244 GYMNAS. PATIENT.

laureas rapuissent. Potuit Valerianus Laurentium craticula torquere, Christū illi & cælum extorquere non potuit: potuit Arrianus furor Athanasium terrarumque persequi, sed lædere non potuit, cuius virtutem persequendo auxit, & illustravit.

Orig. Docte Origenes: Ita, inquit, in hoc
ho. 23. Mundo sunt omnia disposita, ut nihil
in l. prorsus otiosum sit apud DEVM, etiam-
Num. si malum illud sit. Malitiam DEVS non facit, tamen cum ab aliis inventam possit prohibere, non prohibet, sed cum ipsis à quibus habetur, utitur ea ad causas necessarias. Ita DEVS nullius peccati, poenarum omnium auctor est: nec ab eo nos lædimur, sed bono nostro corrigimur.

IX. Hic mihi Amanum & Mardo-
Esth. chæum considerate: Aman regio favore
c. 13. insolens, magnificus, ferox, astra sibi vi-
v. 12. sus est vertice ferire. Cuncti servi re-
& seq. gis flectebant genua, & adorabant Aman: sic enim præceperat eis Imperator. Sic Aman velut gallus in suo sterquilinio plurimum potuit, voluitque etiam à Mardocheo, perinde ut ab aliis adorari. Pone pileum, Iudæe, flecte genua, dextram suaviare, Amanum adora. Grave fuit Mardocheo, à se hoc exigere, quod salva religione illæsaque conscientia præstare non potuit: siue Amanus acu pictos in veste Deos gesserit (ut aliquorum mens est) siue hæc adoratio

ratio divini quid habuerit; certe hoc officii genus, videbatur negandum homini. Idcirco Mardocheus sincerissime Deum compellans: Domine, inquit, Domine rex omnipotens, in ditione enim tua cuncta sunt posita, & non est qui possit tuæ resistere Voluntati, &c. Cuncta nosti, & scis, quia non pro superbia & contumelia, & aliqua gloriæ cupiditate fecerim hoc, ut non adorarem Aman superbissimum (Libenter enim pro salute Israel, etiam vestigia pedum ejus deosculari paratus essem) sed timui ne honorem DEI mei transferrem ad hominem.

Hoc exemplo instruimur, homines etiam nequissimos, omni genere humanitatis, benevolentiae & obsequii de-mereri, omni observantia colere, omnem eis reverentiam idque non fictè, adhibere; atque hac ratione non honore solum eos complecti, sed etiam paratum esse, coram ipsis procumbere, eorumque pedes deosculari. Emendandæ sunt cogitationes illæ & voces pessimæ: Hic meus hostis, homo malignus, ob-trectator, invidus: non possum non odisse illum, qui nec animo nec oculis admitti dignus est, quia nequam est intus & in cute; nec arare cum illo nec fodere volo: Novi Simonem & Simonem. Parcius ista, quisquis es, parcius. Præceptor in gymnasio Patientiæ hunc hominem, tuum esse jussit decurionem,

246 GYMNAS. PATIENT.

cui subfis. Quid tu jam hîc jure conqueri habes? Si fapis, dices: Libenter etiam vestigia pedum ejus deosculari paratus sum. Idque tanto promptius, quanto facilius est Deo, vices subito mutare, ut Amani decurio fiat Mardochæus, dicatque cum imperio: Amane, recita, recita.

Videte mutationes mirissimas. Dum Aman à rege proximus immensas opes, copiosam familiam, numerosam prolem, fortunæ benevolentiam, regios favores jactat, jamque pæne imperat cælo, à rege addicitur patibulo. At Mardochæus jam resti addictus, repente regiis vestibus amictus, equo regio impositus, diademate cinctus, per celeberrimas urbis plateas ductus Amano velut famulo præcedente & cl-

Esth. mante, Hoc honore condignus est, *cap. 5.* quemcunque rex voluerit honorare.

v. 11. Pro Superi! quæ hæc tam subita, tam monstrosa mutatio! Hic Dei mos est. Facile est enim in oculis Dei, subito

Eccli. honestare pauperem. Mardochæus jam *c. 11.* laqueo paratus, in solium; Amanus jam

v. 23. solio vicinus, in patibulum attollitur: Ita, mi Amane, ædificium quod hosti struxeras, ipse habita; furcam quam inimico erexeras, ipse conscende, te ipso eam orna. Tam severe Deus in illos animadvertere solet, qui non portare crucem, sed inimicos suos in crucem elevare cogitant: ita subito fors

ver-

vertit. Gladius ab ipsa cervice revocatur, laqueus à gula jam frangenda reducitur; Mardocheus suo carnifici Amano superstes est.

Quapropter amemus crucem, & à quocunque illa nobis imponatur, ferre illam non detrectemus. Summus animus, servus an dominus nos exagitet, non refert; refert, quo iubente aut permittente id fiat. Durum est quidem ab iis vexari, à quibus id minime expectes. Sed sanctissimi quique hominum hoc miseriæ genus sæpius tolerarunt.

Iobus & Tobias à suis uxoribus, à cognatis suis irrisi; conviciis & maledictis lacerati, convicia & maledicta non retorserunt. Ignatius martyr nobilissimus, decem leopardis morigerum se præbuit. Nam cum Antiochia Romam duceretur, decem milites custodes habuit vere leopardos non homines, quos & ipsa beneficia efferebant. At hoc Ignatium non terruit. Nam iniquitas illorum, ait ipse martyr, doctrina mea est. Ita prorsus adversarii nostri, doctores nostri sunt; plurimam nobis sapientiam instillant vel invitis. Nec male inimicos vocem aurifabros, qui coronas nobis fabricant non quidem aureas, nec gemmeas, sed cælestes & fidereas.

Quocirca recte asserimus: *Cruz perferenda est à quocunque imponatur. Quæ omnia beati Augustini oraculis*

248 GYMNAS. PATIENT.

Augu- configno. Non tibi, ait ille, videantur
stin. felices qui florent ad tempus. Tu casti-
tom. 8. gatus, illis parcitur: forte tibi castigato
in & emendato filio hæreditas reservatur.
ps. 70. Evigila ergo in hanc vocem: Dominus
mihi dedit, Dominus abstulit, sicut Domino
pag. placuit, ira factum est: Sit nomen Do-
309. mini benedictum. Injusti erant qui jux-
ta Iob putrescentem sedebant: & ta-
men ille suscipiendus flagellabatur, illis
puniēdis parcebatur. DEVS iudicio suo
reservat omnia. Boni laborant, quia fla-

Et in gellantur ut filii: mali exultant, quia da-
ps. 91. mnantur ut alieni. Sævit quidem ini-
post micus, sed non proficiet in eo. Quid est
med. ergo quod affligit? Exercebit, non no-
pag. cebit. Proderit sæviendo. quia in quos
419. sævit, coronabuntur vincendo. Quid e-
nim vincitur, si nihil contra nos sævit?
Aut ubi adjutor noster DEVS, si nos

Aug. non dimicamus? Inimicus ergo faciat
in quod suum est: sed non proficiet ini-
ps. 88. micus in eo.


ad si- Ergo perseveremus patientiam: quan-
nem, to jam plus supplicii est & pœnæ, tan-
pag. to plus olim præmii erit & gloriæ.
401.



Imaginis explicatio.

A. Patientia suos in rem presentem dicit, & absolutissimum patiendi prototypum ad imitandum proponit, hortaturque, ut Patienter, Hilariter, Constante, cum Gratiarum actione, cum Præmeditatione, & ante omnia, cum Conformatione humanæ voluntatis ad divinam perferantur omnia.

Philip. cap. 2. vers. 8. seqq. Et en, mi Lector, tandem florent spina sanguine rigata **B.** Tandem corona triplex **C** uepribus succedit. Dominum IESVM aspice; Humiliavit semetipsum, factus obediens usque ad mortem, mortem autem crucis, propter quod & Deus exaltavit illum, & donavit illi nomen, quod est super omne nomen, ut in nomine Iesu omne genu flectatur, caelestium, terrestrium, & infernorum. En tergeminum diadema. Hoc & Patientiam expectat. In calo triplex est beatitudo; Dei, Angelorum, hominum. Et illa, & ista, & hac homo patiens fruetur. Patientia finis, premiorum aternitas.



Tandem spinæ florent; nec flores isti desluēt.

C A P V T I.

Afflictiones sustinendas esse PATIENTER.

EQUI nobiles ac generosi eos subinde mores à magistris suis accipiunt, ut dominum suum non solum patientissime sessori recipiant, sed & genua sessori submittant, quod certe à plaustrariis molitorum aut rusticorum jumentis exigendum non est.

Alexandro regi Macedoni equus fuit, quem Bucephalum vocarunt, emprus septem millibus philippeorum & octingentis. Hic phaleris regiis jam ornatus, & frena spumantia mandens, sessorum alium admisit nullum, præterquam suum regem.

Quisquis hominum mansuetos mores Patientiæ magisterio accepit, hic suum Dominum agnoscit Christum, ei-que genua submittit, paratissimus omnia & facere & pati, prout Domino suo visum fuerit. Hi autem tam placidi probatique mores solum in Patientiæ schola discuntur, de qua duo jam peregrimus dicendo: Primum, quæ Cruces, seu, quæ Afflictionum genera humanam gentem exerceant. Alterum, quid ex hac cladium exercitatione discendum. Sequitur Tertium, & quidem hac in re primarium: Qua ratione afflictiones omnes tolerandæ. Hoc non

non tantum utilissimum, sed & necessarium scitu est. Quid enim proderit scire, quid patiaris, si nescias modum quo patiaris. Nos istud ordine, sed succincto explicabimus. Primum hîc omnium documentum est: Afflictio toleranda est P A T I E N T E R. In gymnasio Patientiæ nulli sumus, si sumus impatientes. Itaque quid sit P A T I E N T E R esse miserum, jam exponemus.

I. Optime dictum à priscis:

*Vir bonus non quarit quidnam patiatur, Modum
sed quam bene. nost.*

Multa vis trophæa crexit, plura sed Patientia. Trochaica.

Christus de felicissima libertate disserens: In patientia vestra, inquit, possidebitis animas vestras. Impatiens tantum abest ut se suaque possideat, ut etiam tam sua quam seipsum perdat, impositus sui, suorumque vitiorum servus. Hinc Iobus jure interrogans: Quid perdis, inquit, animam tuam in furore tuo? Impatiens libertatem indulget selli: fel ita liberum Rationem velut per fenestras præcipitat. Inde multiplex rerum jactura. At vero patiens & se, & sua sibi servat, vel fortissimis fortior. Salomon id affirmans: Melior est, inquit, patiens viro forti, & qui dominatur animo suo, expugnatore urbium. Siquidem homo patiens non tantum os atque manum, sed & cogitationes in statione continet. Patientia prohibetur

Luc.
c. 21.
v. 19.

Iob. 1
cap. 8.
vers. 4.

Prov.
c. 16.
v. 32.

264 GYMNAS. PATIENT.

betur ira, restringuntur animi, manus petulantia comprimitur, linguæ venenum eximitur.

Quod de garrulo dicitur: Hic homo nequit continere linguam: Idem de impaciente dixeris: Iste nequit continere iram. Vindicta & Iracundia illum possident, impelluntque quo volunt; totos alit acerbarum cogitationum exercitus quem impatientia exercet. Istud igitur dominium animi à nemine potest obtineri nisi patientia: Animas vestras possidebitis in patientia vestra, non in consiliis vestris, non in prudentia, vel fortuna, non in divitiis vestris, sed in vestra Patientia.

Sed an definitionem Patientiæ ignoramus? hæc est: *Rerum quæcunque homini aliunde accidunt, aut incidunt, voluntaria & sine querela perpassio.* At nos, egregii scilicet homines impatientiam & querimonias nostras eleganti palliolo velamus. Agnosce delicatorum voces: *Heu nimium molesta, nimiumque difficilia, & perpassu gravia nos premunt.*

O Christiani, impatientia non nascitur à nimia crucis mole, sed ex crucigeri debilitate. Qui domum ædificat, non ideo eam tecto operit, ut à pluviis, grandine, nivibus intactam muniat, sed ut ea pluvias, & grandinem, & nives sine damno perferat. Qui navim fabricat, non hoc spectat, ne fluctuum assultu quatiatur, sed ne rimas agat,

agat, & aquam admittat. Qui valetudini à cælo metuit, non hoc agit, ne a superior aura se afflet, sed ut caput mun- nitum, pedes non madidos, non frigi- dos habeat. Idem in moribus sit. Sed nos alia omnia facimus. Hoc enim an- xie agimus, ne ægroti, ne pauperes, ne contempti & abjecti fimus, cum ta- men potius omni modo agendum sit, ut in morbo, in paupertate, in contem- ptu patientes fimus. Virtutem Christia- nam profecto non sapit, non nisi sa- num, divitem, honoratum esse velle: quid enim hoc magni? At morbum, e- gestatem, despiciatur scienter tolerare posse, hoc virtutis, hoc magni, hoc ma- ximi quid est.

Neque vero arte ulla cavebimus, ne miseri fimus, sed ne misérias impati- enter feramus, cavere poterimus, at- que hoc artis est. Qua in re cum Bione sentio.

Bion philosophus, ut Laërtius refert, *Laert.* dicere solebat: Magnum, imo maxi- *lib. 4.* mum malum esse, non posse perferre *cap. 7.* malum. Quo prorsus sensu poësis prisca sic loquebatur:

Non malum est, malum pati: at nescire Troch.
malum pati, hoc malum est. vet.

Et certe qui hoc nescit, nec vivere scit. Nemini suavis esse poterit vita, nisi didicerit perferre misérias vitæ. Exem- plo sint ista. Calculi & Podagræ dolo- res ajunt esse maximos, incredibiles,
malum

256 GYMNAS. PATIENT.

malum plane furiosum : attamen fuerunt etiam è magnatibus , qui scienter hoc quicquid mali est pertulerunt.

Ad Agefilaum , cum in dolore Podagræ gravissimo esset , Carneades revisit, qui ubi vidit dolores colloquiis potius exasperandos , ad compendium contulit dicenda , & abiturus valedixit. Cui Agefilaus : Mane sis Carneades , & una pedes ac pectus digito monstrans: Nihil, ait, huc illinc pervenit. Quo dicto cor sanum, alacre, & dolori par , pedes vero miseros & dolore fractos ostendit.

Carolus Quintus Augustæ memoriæ Imperatorem , dum maximos podagræ dolores sentiret , princeps Imperii visit, eaque verborum lenimenta, quæ his doloribus facere videbantur, adhibuit. Illud singulariter urgens : Et quæso , inquit , cur Majestas Tua nullis utitur pharmacis , cum medicos habeat præstantissimos ? Huic Imperator respondit : In hoc tali morbo optima est medicina , PATIENTIA. Hæc linguam, hæc manus , hæc cogitationes, hæc & animum in officio continet.

II. Patientiæ cum elogia, tum documenta plurima sunt ; nos hîc pauca delibabimus , ex Afro sed erudito scriptore Tertulliano.

I. *Patientia in tolerandis Injuriis.*

Dominus monet ; Verberanti te in faciem.

faciem, etiam alteram genam obverte; fatigetur aliena improbitas patientia tua. Plus improbum illum cædis sus-^{Tertul.} tinendo quam ulciscendo, ab eo enim ^{l. de} vapulabit, cujus gratia sustines. Si lin-^{Patiē-} guæ amaritudo maledicto sive convicio ^{tia c. 8.} eruperit, respice dictum: Cum vos maledixerint, gaudete.

2. *Patientia in continenda Vindicta.*

Summus impatientiæ stimulus, ultio-^{Idem} nis libido, negotium curans aut glo-^{c. 10.} riæ, aut malitiæ. Sed gloria ubique vana, & malitia nunquam non Domino odiosa, hoc quidem loco maxime, cum ab alterius malitia provocata, superiorem se in exequenda ultione constituit. Quid autem refert inter provocantem & provocatum, nisi quod ille prior in maleficio deprehenditur, at iste posterior? Tamen uterque læsi hominis Domino reus est, qui omnem nequam & prohibet, & damnat. Absolute itaque præcipitur malum malo non reddendum.

3. *Patientia in refrenanda eadem Vindicta.*

Quem honorem litabimus Domino, ^{Idem} si nobis arbitrium defensionis arroga-^{cap. 9.} verimus? Quid credimus judicem il-^{10.} lum, si non & ultorem? Qui vindicat ^{c. 5.} se, honorem unici judicis abstulit, hoc est, Dei. Quid ergo mihi cum ultione, cujus

268 GYMNAS. PATIENT.

cujus modum regere non possum per impatientiam doloris? Quod si patientiæ incubabo, non dolebo: si non dolebo, ulcisci non desiderabo. Nihil impatientia susceptum sine impetu transigi potest; quicquid impetu actum est, aut offendit, aut corrui, aut præceps abit. Nam, ut compendio dictum sit; Omne peccatum impatientiæ adscribendum.

4. *Patientia in bonorum Iactura.*

Patientia in detrimentis, exercitatio est largiendi. Non piget donare eum, qui non timet perdere. Alioqui quomodo duas habens tunicas, alteram earum nudo dabit, nisi idem sit, qui auferenti tunicam, etiam pallium offerre possit? quomodo amicos de Mammona fabricabimus nobis, si eum in tantum amaverimus, ut amissum non sufferamus? peribimus cum perdito.

Idem
cap. 7.
§ 8.

Gentilium est, omnibus detrimentis impatientiam adhibere, qui rem pecuniariam animæ anteponunt. Nos vero secundum diversitatem, qua cum illis sumus, non animam pro pecunia, sed pecuniam pro anima deponere convenit, seu sponte largiendo, seu patienter amittendo. Totum licet sæculum pereat, dum patientiam lucrifaciam. Quos enim felices Dominus nisi patientes nuncupavit?

5. *Patientia in aliis Afflictionibus perferendis.*

Gaudere & gratulari nos decet dignatione divinæ castigationis: Ego, inquit, quos amo, castigo. O servum illum beatum cujus emendationi Dominus instat, cui dignatur irasci, quem admonendi dissimulatione non decipit. Patientia in omni sexu, in omni ætate *Idem* formosa est. Patiens implet legem Christi. c. II. fti. Non licet ergo nobis ulla die sine & 12. patientia manere; Malum patientia non facit. Dilectio omnia sustinet, omnia tolerat, utique quia patiens. Undique igitur adstricti sumus officio patientiæ administrandæ.

6. *Patientia vestis, & habitus.*

Vultus Patientiæ tranquillus, frons *Idem* pura, nulla mœroris aut iræ rugositate contracta: remissa æque in lætum modum supercilia, oculis humilitate, non infelicitate dejectis. Os taciturnitatis honore signatum. Color qualis securis & innoxiiis. Motus frequens capitis in diabolum, & minax risus. Ceterum amictus circum pectora candidus, & corpori impressus, ut qui nec inflatur, nec inquietatur. Sedet enim in ejus throno Spiritus mitissimus & mansuetissimus; non turbine glomeratur, non nubilo liver, sed est teneræ serenitatis, apertus & simplex, quem tertio
S. vidit

260 GYMNAS. PATIENT.
vidit Elias. Nam ubi Deus, ibi & alum-
na ejus Patientia.

7. Patientia elogia.

Satis idoneus Patientiaē sequester
Idem Deus. Si injuriam deposueris penes e-
s. 15. um, ultor est: si damnum, restitutor est:
si dolorem, medicus est: si mortem, re-
fuscitator est. Quantum Patientiaē li-
cet, ut Deum habeat debitorem? Nec
im merito. Omnia enim placita ejus
tuetur, omnibus mandatis ejus interve-
nit. Fidem munit, pacem gubernat, di-
lectionem adjuvat, humilitatem in-
struit, poenitentiam expectat, exomo-
logesin assignat, carnem regit, spiritum
servat, linguam frenat, manum conti-
net, tentationes inculcat, scandala pel-
lit, martyria consummat: pauperem
* *Au-* consolatur, divitem temperat, * infir-
gendo mum nō extendit, † valentem non con-
mor- sumit, fidelem delectat, gentilem invi-
tum. tat, servum Domino, Dominum Deo
† *Felle* commendat, feminam exornat, virum
ac cho- approbat: amatur in puero, laudatur in
vera, u- ti facit juvene, suspicatur in sene.

impa- Ergo amemus patientiam Dei, pati-
entia. entiam Christi; rependamus illi quam
pro nobis ipse dependit. Offeramus pa-
tientiam spiritus, patientiam carnis,
qui in resurrectionem carnis & spiri-
tus credimus. Ita Tertullianus de Pa-
tientia.

III. Theodoretus narrat, diabolum
Iacobo

Iacobo anachoretæ sævissimas plagas minatum. Cui Iacobus ad omnem patientiam compositus serena fronte, vul-
tuque tranquillo, qualis esse solet Pa-
tientia: Si à Deo tibi permissum est,
inquit, percutite me; plagas libenter ac-
cipiā, ut qui à Domino, non à te feriar.
Si autem hoc tibi permissum non sit,
non percuties, sed nec tanges me, rin-
garis licet, & millies insanias. Idem
quilibet nostrum omnibus iis quos ho-
stes credit, liberrime dixerit. Si vobis à
Deo potestas facta est, agite, verberate
me, lacerate dentibus, injuriis omni-
bus onerate; frustra restitero; sin au-
tem licentia vobis concessa non sit,
quamvis ingentes rictus pandatis, &
dentes acuatis, non me mordebitis; tu-
tus sum.

Beatissimus Pontifex Gregorius Ma-
gnus, non tantum illustrissima patien-
tia documenta scripsit, sed ea exemplo
insuper firmavit, coepitque facere &
docere. Nam Imperatori Mauritio, à
quo varie vexatus est, rescripsit in hunc
modum: Quia omnipotenti Deo in-
cessanter quotidie delinquo, apud tre-
mendum examen illius, aliquid mihi re-
medium esse suspicor, si incessantibus
quotidie plagis ferior. Et credo, Augu-
ste, eundem Dominum tanto nobis am-
plius placatis, quanto me ei male servi-
entem districtius affligitis.

Superi! quàm hoc patienter & sub-
S 2 misse!

272 GYMNAS. PATIENT.

misſe! Idem rectiſſime dixit: * Cuius
dolori remedium eſt Patientia. Quis
ſanctorum ſine patientia coronatus eſt?

Ajunt Grammatici nullam eſſe regu-
lam, cui non ſua ſit exceptio: At vero
hæc Patientiæ regula ſine omni exce-
ptione eſt. Ideo divinus Paulus tam

1 Theſ. ſtrictè præſcribens: Patientes, inquit,
cap. 5. eſtote ad omnes. Cum omni humilita-
v. 14. te, & patientia.

Ephes. Patientia exercenda eſt omni loco,
cap. 4. & tempore, ad omnes homines, in re-
verſ. 2. bus omnibus, ſine exceptione. Neque
enim ulla virtus ſine patientia perfectæ
eſt. Vice verſa, Impatientia matrix eſt
in omne delictum, diffundens de ſuo
fonte varias criminum venas. Nunquam
impatiens obſequitur, nunquam pati-
ens obluctatur. Natales impatientiæ in
ipſo diabolo deprehendi poſſunt. Im-
patientia ſtultitiæ turpiſſimæ, & amen-
tiæ parens eſt. Quid enim ſtultius, quid
amentius, quam ſuum ſibi malum ultro
conduplicare, præmium patienti pro-
miſſum abjicere?

Impatiens ſi obolum amittat, totam
crumenā abjicit: cum ei culmus subtra-
hitur, totos ſpicarū manipulos incendit.
Sic inter aulicos dominos Rudolphi
II Cæſaris fuit * è magnatibus Impe-
ratorii cubiculi, qui mane frigidam al-
latu-

* Gedult/ zahlt alle Schuld.
* Ein Kammerherr.

laturus suo Cæsari ad lavandam faciem, vitrum ferebat crystallinum, sed quia operculum excidit incautiori, totum poculum humi allisit cum dicto: * Habeat diabolus & equum, qui rapuit ephippium. Sic uno jactu † quadringentos philippeos abjecit: tanti enim crystallinum illud æstimabatur.

Sic sæpe malum levissimum malo ingenti geminatur; sic incommoda non grandia damnis maximis per impatientiam augentur.

Salomonis scitum agnosce: *Qui im-* Prov.
patiens est, sustinebit damnum. Quo e- c. 19.
nim aliquis contumacius patitur, tan- v. 19.
to gravius sentit quod patitur. Sic la-
queos fera, dum jactat, astringit; sic a-
ves viscum, dum trepidantes excutiunt,
plumis omnibus illinunt. Nullum tam
arctum est jugum, quod non minus læ-
dat ducentem quam repugnantem. Ideo
qui sapit, in omnibus patientiæ studet.
Fatuus nec agere scit, nec pati. Lucu- Prov.
lente Salomon: *Qui patiens est, inquit,* c. 14.
multa gubernatur prudentia: *Impatiens* v. 29.
operabitur stultitiam. & 17.

Ideo divus Gregorius dixit: Tanto Greg.
quisque minus ostenditur doctus, quan- hō. 35.
to convincitur minus patiens. Ita pror- in Eua-
sus est, hoc quisque stultior est, quo im- ang.

S 3 pa-

* **W**ar der Teuffel den Sattel;
so hab er das Roß darzu.
400 Guldethaler.

264 GYMNAS. PATIENT.

patientior. Quod & Salomon affirmantissime dixit: Doctrina viri per patientiam noscitur. At fatui, seu, impatientes in seipsos etiam bacchantur, mensam evertunt, pocula affligunt, capillos evellunt, femur pectusque percutiunt, subinde caput in columnas impingunt, uti Augustus Cæsar alliso in parietem capite clamabat: *Redde legiones, Vare, Redde legiones.* Nimirum omnis indignatio in tormentum suum proficit.

I V. Inde & illud sequitur, ut minimis sordidisque rebus exacerbemur: parum agilis est puer, fornax non tempore calefacta, turbatus torus, mensa negligentius posita, mox concitati bilem & impatientiam effundimus: indignamur calamo quo scribimus, equo quo vehimur, vesti qua induimur. Hinc illæ voces: Ecquis diabolorum hunc hominem advexit? quis malus corvus improbum hunc laborem attulit? Vnde molestum hoc & intolerandum onus? Vt me fatigat res hæc nihili! Vt me nequissimi homines isti pefundant! quin & ego illos? quin opus hoc molestissimum ad Garamatas mitto? Ita nos cum laboribus ac crucibus nostris misere luctamur.

Quam hîc opportune, ut asina Baalam, tam labores quibus frangimur, quam cruces nostræ quibus figimur, loquantur, & dicant quod Moses & Aaron

non populo: Nos quid sumus? nec contra nos est murmur vestrum, sed contra Dominum. Crux quævis vere dixerit: Ego, quid feci tibi, quod adeo adversus me stomacharis? Patientiam habere in me, & omnia reddam tibi. * Des hoc, obsecro, patientiæ, & sustine paululum miser esse; omnia centuplicato fenore pensabuntur.

Sed nimis multa, inquis, nimisque gravia nos simul infestant. Itane, o mortales, patientiæ laudem feremus, aut nihil, aut levia patiando? Erudite & ad rem Gregorius: Pensate quæso, inquit, ubi erit patientia, si deest quod toleretur? Ego Abel esse non suspicor, qui Cain non habuerit. Boni enim si fine malis fuerint, perfecti esse boni non possunt, quia minime purgantur. Ipsa enim malorum societas, purgatio bonorum est.

Exod.
c. 16.
vers. 8.

Greg.
tom. 4.
lib. 9.
ep. 39.
post
init.
mibi
pag.
344.

Quapropter illud assidue inculcandum foret: *Patienter*, obsecro, *Patienter*, vel Christi causa, quæso, *Patienter*. Cuivis dolori remedium est Patientia. Et quemadmodum lentioribus illis & pigris semper occinendum est: Eja impigre, eja expedite ac velociter: Sic nobis tam impatientibus perpetuo ingerendum, Eja patienter, mi Christiane, patienter: & hoc, & illud, & istud, & omnia patienter.

S 4

Hic

Thue ein vbrigs.

276 GYMNAS. PATIENT.

Hic opus ephebo monitore, qui Philippum Macedonum regem quot diebus salutavit his vocibus : *Homo es*. Hic ipse horis singulis, aut etiam singulis horę partibus nos inclamet: Amabo toleranter, & æquo animo : quicquid urit aut premit,* patienter accipiendum est.

V. Nos sæpe nostrum ipsi obliviscimur, nec recordamur in exilio nos agere, quod miseriarum omnium patientes esse vult.

Eho Christiani, quid delicias expectimus tam anxie? paradysum perdidimus, & inde jam pridem exulamus. Nos quidem iter hoc relegimus, & reflexo gradu in paradysum tendimus, sed nondum pervenimus. Qui sine patientia hoc iter putat transmitti posse, is similis est ei, qui in pluviis penula & pileo, inter hostes scuto & gladio caret.

Patens undequaque armatus, & velut cataphractus est, & quod gloriosissimum victorię genus, universos hostes debellat, non feriendo, sed patiendo : Patens per prunas, velut per rosas graditur, quod beatus Tiburtius fecit vivis carbonibus velut floribus ambulans.† At, Nunquid potest homo ambulare per prunas; ut non comburatur plantę ejus? Prunas feliciter calcatur, quisquis ærumnas patiēter superat.

Natalis Tiburtii
II
Augusti de eo Suerius
tom. I.
in actis
S. Sebastia-

His
* *Es muß gelittē vnd gestritten sein.*

ni 20 Ianuar. † Prov. 4.6. vers. 28.

His patientiæ viribus munitus Isaias
secatur, & de Domino non tacet; lapi-
datur Stephanus, & veniam hostibus
suis postulat; Apostoli flagellantur, ob-
truncantur, crucifiguntur, & cum cru-
cifixo Christo triumphant. Patientia o-
pus perfectum habet.

Patientia, ut Cyprianus loquitur, <sup>Iacobæ
cap. I.
vers. 4.</sup> tentationes expugnat, persecutiones <sup>Cypri-
anus
tract.</sup> tolerat, passiones consummat. Ipsa est <sup>de Pa-
tient.</sup> quæ fidei nostræ fundamenta firmiter ^{serm.} munit. Patientia, Tertulliani elogio, <sup>3. ini-
tio.</sup> in omni sexu, in omni ætate formosa <sup>Au-
gust. in</sup> est. Patientia, omnium virtutum tute- ^{ps. 42.} la, patientia thorax impenetrabilis est. <sup>circa
med.
Plin.
l. 21.</sup> Augustini encomio, Omnis patien- <sup>nat.
hist.</sup> tia dulcis est Deo. Herbam Plinius Ny- ^{c. 11.} ctilopam vocari ait, quoniam noctibus <sup>initio,
ubi
hæc
herba
etiam</sup> è longinquo fulgeat, nam ignei colo- <sup>Nycte-
gretum</sup> ris est, & foliis spinæ. Hac Parthorum ^{& E-} reges ad vota suscipienda utuntur. En <sup>cheno-
mychor</sup> symbolum Patientiæ præclarum. Spi- ^{viCTOR} nis Patientia undequaque non tam ^{appel-} cingitur, quam munitur ut foliis: I- ^{latur.} gnei coloris est, & inter afflictiones ^{* Sen. l. 3. de Ira cap. 16.} nativo splendore fulget, nunquam il- ^{latur.} lustrior, quam cum Christi causâ æ-

In Gymnasio Patientiæ, unum est le-
vamentum malorum omnium, P A T I, ^{latur.}
& necessitatibus suis obsequi. Vox o- ^{* Sen. l. 3. de Ira cap. 16.}
ptimi scriptoris est: * Qui melius scit ^{latur.}
P A T I, majorem tenebit pacem. Iste est ^{latur.}

S 5

268 GYMNAS. PATIENT.

Thom. victor fui, dominus Mūdi, amicus Chri-
mas æ sti, & hæres cæli. Si non uteris undique
Kemp. scuto Patientiæ, non eris diu sine val-
Imit. nere.
Christi

l. 2.

cap. 3.

fine.

Et l. 3.

c. 35.

initio.

Exodi

c. 12.

v. 31.

& 33.

C A P V T I I.

Afflictiones subeundas esse HILARITER.

ÆGyptius rex Pharaon, quod divi-
 næ Voluntati contumaciter re-
 pugnaret, & Hebræum popu-
 lum nollet dimittere, variis calamita-
 tibus exagitatus est. At ubi tantus ju-
 mentorum ac hominum numerus est
 interfectus, Hebræos ultro ad abitum
 impellens: Surgite, inquit, & egredi-
 mini à populo meo, vos & filii Israel:
 ite, immolate Domino, sicut dicitis. Ur-
 gebantque Ægyptii populum de ter-
 ra exire velociter. Hebræi quo magis
 urgebantur, eo lætiores exhibant, & o-
 re renidenti valedicebant, siquidem Æ-
 gyptum omnem optimis quibusque
 spoliaverant.

Quicumque in Patientiæ gymnasio
 profecerunt, fronte lætissima valedi-
 cunt Ægypto, Mundum res sibi suas
 habere jubent, ab adversis urgeri gau-
 dent. Atque hic ipse alter est ferendæ
 calamitatis modus, HILARITER.
 Itaque adversa omnia non solum *Pati-*
enter, sed & *Hilariter* esse toleranda hoc
 capite docebimus.

I. Ger.

I. Germanis vetus verbum est: * Iam
pæne vicit, qui gladium animose strin-
xit. † Et certe in re mala si animo uta-
re bono, adjuvat. Ideo quo gravius in-
cumbunt mala, eo quisque sibi animo-
sius dicat: Tu, ne cede malis, sed con-
tra audentior ito. Quid vane lamenta-
ris? hæc mala non cedunt lacrimis. A-
nimus erectus, alacer, Deoque fidens
omnia triumphat mala. Quid juvat, si
mœroribus reipsum excrucies? Ani-
mo frangi, est velle vinci. Ignavissima
mors est seipsum enecare luctu. Raris-
sime vicit, qui victoriam ante pugnam
desperavit.

Ingymnasio patientiæ, ut scias, nemo
te unquam doctorem salutabit, si vege-
tus atque lætus tibi defit animus. Hic
certe, si usquam, audendum est, & † ge-
nerose in hostem eundum. Quare age,
& quod ferendum est, *Hilariter* perfer.
Canta cum psalte regio: Calicem sa- *Psal.*
lutaris accipiam, & nomen Domini *115.*
invocabo. Animus dejectus & marci- *v. 13.*
dus triumphis omnibus obstaculum po-
nit. Nicetas Choniates optime dixit:
Ala-

* Frisch gezuckt / ist halb gez-
fochten.

† Guter Muth / ist halber
Leib.

‡ Verzagter Mann / Kam nie
mit Ehrn vom Plan.

280 GYMNAS. PATIENT.

Alacritas quid non facit , & animus in re mala bonus ?

Hebr. Videte Christum Dominum , Qui

c. 12. proposito sibi gaudio crucem sustinuit,

vers. 2. confusione contempta. Duplex præ-

mium Servator obtinuit: Et sibi, & no-

bis ; Sibi quidem, humani corporis glo-

riam & dominium in orbem, Nobis au-

tem gratiā & salutem tam animi quàm

corporis. Hoc præmio , seu gaudio sibi

proposito , cruciatus omnes sic tempera-

vit, ut mortem & acerbissimā, & igno-

miniosissimam subiturus , lætitiā ta-

men præ se ferret admirandam. Ideo,

Luc. confusione contempta , Desiderio , inquit,

c. 22. desideravi hoc pascha manducare vobis-

v. 15. cum, antequam patiar. Eheu, cruentum

pascha ! Nihilominus desiderabat illud,

& velut epulum delicatissimum aditu-

rus , Hierosolyma lætus ac hilaris festi-

Ps. 18. nabat. Exultavit ut gigas , ad curren-

vers. 6. dam viam. Quam viam illam ? E domo

Pilati in Golgotha ; ideo & in via hac

desleri se vetuit.

Enimvero non solum jam necem ob-

iturus dirissimam , animo libente pro-

lixoque , vultu hilari ac læto seipsum

victimam offerebat , sed primo etiam

momento quo carnem induit in matris

utero , jam crucē & omnia ordine pa-

tienda sibi habuit præsentissima. Ita

Christus dum homo fuit , flagella sem-

per & crucem velut oculis aspexit. Hinc

recte dixerim Christum , non tantum

*Probe
hoc no-
tetur.*

tribus horis , sed triginta tribus annis
& amplius , excruciatum in cruce , &
tamen *proposito sibi gaudio*, patientissime
cuncta sustinuit.

II. Sic & discipuli Domini, plagis
& ignominiiis saturati, plagas tamen
& ignominias esuriebant in Domini
sui gratiam, Nam, Illi quidem ibāt gau- *Actor.*
dentes , quoniam digni habiti sunt *cap. 5.*
pro nomine I E s v contumeliam pa- *v. 42.*
ti. Hebræi Pontifices & sacerdotum
principes inter se anxie disquirūt: Quid *Actor.*
faciemus hominibus istis? Quo vincu- *cap. 4.*
lis & flagris acerbius castigantur, eo *v. 16.*
ardentius hominem crucifixum pro
concione laudant: minas contemnunt,
carceres lætitia magna subeunt, ver-
bera ingenti gaudio excipiunt. *Quid*
faciemus illis? Chrysostomus: Flagellabā- *Chrys.*
tur Apostoli, ait, & gaudebant: vin- *tom. 5.*
ciebantur, & gratias agebant: lapida- *hō. 54.*
bantur, & prædicabant. Hanc & ego *ad An-*
quæro lætitiam. *tioch.*

Atque hoc est *Hilariter* pati pro Do- *pop. mi-*
mino, contumelias honori ducere, æ- *hi pag.*
rumnas inter voluptates veras numera- *307.*
re. Etsi quid patimini, ait Petrus, pro- *1 Petri*
pter justitiam, beati. Omne gaudium *cap. 3.*
existimate, inquit Iacobus, cum in *v. 14.*
tentationes varias incideritis. Beatus *Iacob.*
vir qui suffert tentationem. Soli hoc *cap. 1.*
Petrus & Iacobus ajunt? Christus ip- *vers. 2.*
se: Beati estis, inquit, cum maledixe- *et 12.*
rint vobis homines, & persecuti vos *Matt.*
fue- *cap. 5.*
v. 11.
fue- *et 12.*

272 GYMNAS. PATIENT.

fuerint, mentientes propter me: gaudete, & exultate, quoniam merces vestra copiosa est in cælis. Sed hanc philosophiam plurimorum mollities non capit.

Suso Henticus Suso vir religiosus & sanctus, ingenti fiducia DEVM sic allocutus: Hoc est, Domine, inquit, *lib. dia. log.* *c. 10.* quod quosdam tam male habet, eaque caussa ajunt te paucos habere amicos, quod ita dure & aspere tractes eos in hoc Mundo: hinc etiam fit, ut plures à te deficiant. Quid ad hoc, mi Domine, respondes? Enimvero vir iste rerum divinarum gnarus, calamitates tam pretiosa dona, tamque hilariter esse accipienda scivit, ut dixerit: Si centum annis, & flexis genibus Deum oremus, nō sumus digni ut crucem unicam accipiamus. Num ergo non hilares simus, cum DEVS paterno favore nos castigat?

2. Cor. cap. 7. Quam hilaris Paulus? Hinc illæ Pauli voces: Repletus sum consolatione, *vers. 4.* superabundo gaudio in omni tribulatione nostra. Et; Immolor super *Philip. cap. 2.* sacrificium fidei vestræ, gaudeo, & congratulor omnibus vobis, *v. 17.* idipsum vos gaudete, & congratulamini mihi. Nivis cumuli, ait Chrysostomus, in eum devolvuntur quotidie, & est quasi in paradiso. Vnde Stephani vultus sicut

Hilar. hom. de S. Stephano. Angeli radiabat? Caussam Hilarius Arelatensis assignans: Hoc, inquit, ex abundantia lætitiæ gaudii, & cujusdam

dam gloriæ cordis prodit. Cepit nimirum Stephanus, quod dixit Iacobus: Omne gaudium existimate, fratres mei, cum in tentationes varias incideritis. *Iac. cap. I. vers. 2.*

III. Vaticinatus Zachariás: Et erunt quasi fortes Ephraim, inquit, & lætabitur cor eorum à vino. Ita Iosue Ephraïtes spe uberrimæ regionis, periculis sese omnibus intrepidus objecit. Unde hoc robur, hi animi? Lætabitur cor eorum quasi à vino. Vinum, felicitatis æternæ symbolum, in adversa omnia tam animosos reddit. Nam, Inebriabuntur ab ubertate domus tuæ. Nunc lætabimur, *Ps. 35. vers. 9.* sed quasi à vino, necdum enim beatitudinem manu tenemus. Spe gaudentes, illuc anhelamus. Hinc Christiani martyres plane impavidi, ridentes, lætabundi carnificinas, cruces, patibula, rotas ac rogos ascendebant; cor eorum lætabatur ab hoc vino. Augustinus de his: Talia, inquit, agentes & patientes se lætissimos exhibebant. Volupe illis erat, obsequiis illius sese impendere, qui pro ipsis pertulisset graviora. Inde inexplicabile præmium eos mirifice accendebat. *Aug. gust. serm. 12. de Sanctis.*

Quocirca *Hilariter*, ô Christiani, obsecro, *Hilariter* ad patiendi metam decurramus. Non monstratur nobis crux alta quam membris nostris vestiamus, non equulei è quibus vulnerati pendeamus, non candens craticula quam

284 GYMNAS. PATIENT.

quam premamus , non lapides quos
purpuremus , non sartagine quā im-
pleamus. Quotidianæ miseriæ , cruce
sunt nostræ , mites admodum & tole-
rabiles. Quid refugimus ? * Vbi plus la-
boris , plus & mercedis erit : si operosior
pugna , nobilior erit & corona. Ergo ,
Hilariter.

Germani olim tibicinem in nuptiis
quandoque sic animabant : † Age Cho-
raules , infla tibiam lætificante spiritu.
Quo magis in mala præcipitāmur , eo
animosius nosipso hortemur : Eja Ste-
phane , Eja Ioannes , Eja Paule *Hilariter* :
lauda DEVM ob hoc ipsum , quod te
velit esse miserum. Cave , amarities a-
nimū aut linguam occupet. Animus
Prov. 17. gaudens ætatem floridam facit , spiri-
v. 22. tus tristis exiccat ossa . Qui miseras
mœste ac dolenter tolerat , idem facit ,
ac si pulcherrimam chelin aut testudi-
nem , qua canere debuisset , parieti allidat.
Quod verissime dixit Augustinus :
Aug. Si in tribulationibus defecisti , citha-
in ram fregisti. Nimirum , in mœrore a-
Ps. 42. nimi dejicitur spiritus , ait Hebræus Sa-
circa piens ,
med.

Prov. * Größere Arbeit / besserer
s. 15. Lohn : längerer Streit / herzlich-
v. 13. chere Cron ; mehr gelitten / mehr
d. 24. gewonnen.
v. 10.

† Pfeiff auff Laut / vñnd laß
dies Maul nit bitter sein.

piens, additque: Si desperaveris lassus in die angustiae, imminuetur fortitudo tua. Iam fracta est testudo & cithara, jam fidium concentus periit.

Videte mihi Tarsensem Paulum, quam ille citharam suam non fregerit! audite quam illa perite luserit: Gaudeo, inquit, in passionibus. Hoc idem Petrus nos æmulari jubet. Communicantes Christi passionibus gaudete.

*Coloss.
cap. 1.
v. 24.
I. Pet.
cap. 4.*

Tabellarius è cælo Tobiae domum ingressus: Gaudium, inquit, tibi sit semper. Vbi cithara tua est Tobia? quin Deo canis? quin mœrorem hilaritate vincis? At Tobias: Quale, inquit, gaudium mihi erit? fortunis exutus, oculis captus, amicis destitutus sum. Sed instat juvenis è cælo: Gaudium tibi sit semper. Cui denuo dixerit Tobias: Exultat gaudium à domo tam luctuosa. Angelus: Non potest ibi esse luctus, ubi fons gaudii est, divinus favor. Tobias: Serio ærumnosis difficile est luctum premere. Sed Angelus iterum: In proximo est, inquit, ut à Deo cureris. Forti animo esto.

*v. 13.
Tob.
cap. 5.
v. 12.
Ibid.
v. 13.*

Quare, ô mi Tobia, & ô mi Christiane, gaudium tibi sit semper, etiam inter lacrimas. Chrysostomo teste: Nullum armaturæ genus validius, quam gaudere secundum DEVM. Cum rebus adversis, inquit, premimur, gaudeamus: hoc enim est peccatorum expiatio.

*Chrys.
tom. 5.
hō. 57.
ad pop.
Ant.
post*

I V. Neque omnē tamen tristitiam accusamus, illā minime, quæ poenitentiam in p. 361

276 GYMNAS. PATIENT.

salutem stabilem operatur. Christus eo fere

2. Cor. tempore quo dixerat : Tristis est anima
cap. 7. mea usque ad mortem: Et illud pronun-
v. 10. tiavit : Surgite, eamus. Et simul animo-
so progressu hostibus semet obvium tu-
lit. Non male conveniunt, & in una
sede morantur, Gaudium & Lacrimæ.
Fluant genæ lacrymis, festivis cantibus
sonabunt ora; expallescat vultus, con-
stabit sibi animus & gaudebit. Paulus;
2. Cor. Quasi tristes, inquit, semper autem gau-
cap. 6. dentes. In omnibus exhibeamus nos-
vers. 4. metipsum sicut Dei ministros in multa
v. 10. patientia. *Quasi tristes*: nam omnis tri-
stitia proborum (quod Anselmus notat)
brevi dissipatur; umbra est, & somnium.
Duremus; umbra fugit, somnium eva-
nescit.

Silvestre prunum, & immaturus bo-
trus os contrahunt, sed stomachum non
evertunt: ejus generis sunt miseriæ no-
stræ; vellicant & turbant, at, si nolis, læ-
titiam veram non exturbant. Gladiato-
res aspice; in arenam vix unquam sine
sanguine descendunt: ad vulnera tamen
tripudiando properant: & sæpe in palæ-
stra dum plurimus fluit sanguis, pluri-
mum ridetur.

Et nos in palæstra sumus; hinc nihil
turpius quam flere. Discamus ergo &
nostro de vulnere nostrum ipsi spectare
sanguinem, sed sine ploratu. Quisquis
divinæ Providentiæ ac Voluntati plenif-
sime se tradit, perpetuam inde volupta-
tem

tem capit, etiam cum gravissimis incommodis conflictatur. Hic talis, velut veteranus miles, suum ipse sanguinem intrepidus spectat. Quid magnæ artis est, Latum esse, cum bene est? hoc & impatiens quisque novit: Confitebitur tibi (D E V S) cum bene feceris ei. Si vero non fuerint saturati, & murmura- bunt.

*Pf. 48.
v. 19.
Pf. 58.
v. 16.*

Iacobi Magni consilium est: Tristatur aliquis vestrum? oret: æquo animo est? psallat. Evolet in altum, cantet hilare, laudet Deum, non minus atque tres illi Hebræi juvenes, quibus flammæ fuerunt roscidæ rosæ.

*Iacobi
cap. 5.
v. 13.*

V. Ludovicus Granata de viro quodam religiosissimo imitatione digna commemorat hunc in modum: Vir sanctus circumquaque tribulationibus septum se videns, ajebat: Bonum quod expecto tam immensum est, ut omne supplicium omneque tormentum mihi sit voluptas. Hoc serium & Christianum gaudium est, posse carere omni gaudio.

*Vixit
hic au-
ctor*

Stephanus Eduensis antistes, illud Deuteronomii (Inundatione maris quasi lac fugent) sic explicat: Inundatio maris, abundantia tribulationis, quæ tunc fugitur, cum dulcis à justis reputatur. Lac nutrimentum parvulorum, tribulatio pabulum fit electorum. Eluviam hanc maris utique fluxit qui dixit: ss.

*anno
950.
scripta
ejus
extant
tom. 6.
biblio-
theca*

* Sed & gloriamur in tribulationibus.

PP. e-

T 2

Hoc

* Rom. c. 5. v. 3.

*ditione
secundæ*

278 GYMNAS. PATIENT.

Hoc sanctorum hominum proprium est; quo afflictiores jacent in terra, hoc erectiores animo in cælum evolant. Vix nullus regum Ezechia melior, sed pæne nullus etiam eo afflictior, ille tamen cladibus suis omnibus superior, erecto semper & magno in D E V M animo ferebatur.

Ferunt Bohemiæ regem, Wenceslaum, cum profligato exercitu fractisque viribus captivus teneretur, interrogatum, quo animo esset, respondisse: Nunquam meliori. Se namque humanis præfidiis vallatum, rarius de Deo cogitasse; nunc iis omnibus exutum in Deo spem omnem locare, nec fere aliud quicquam cogitationibus suis interesse, quã D E V M, qui sperantem in se minime sit deserturus. En, quod dixi, quo calamitosiores probi, hoc & alacriores attolluntur in divina.

Seneca Romanus Sapiens iterum iterumque
l. 3. ac denuo & sæpius quærit: Quid præ-
Nat. cipuum in rebus humanis est? Respon-
quest. sum ab ipso istud est: Possesse læto animo
Exord. adversa tolerare: quicquid acciderit, sic
mih ferre, quasi tibi volueris accidere. De-
l. 709. buisses enim ferre, si scisses omnia ex de-
 creto Dei fieri. Flere, queri, ingemere, desciscere est. Quid est præcipuum? Animus contra calamitates fortis & contumax; luxuriæ non adversus tantum, sed & infestus. Quid est præcipuum? Altos supra fortuita spiritus attollere, hominis memi-

meminisse, ut siue felix eris, scias hoc non futurum diu: siue infelix, scias hoc te non esse, si non putes.

Itaque, Christiani, alacriter & hilare ferendum est, quicquid adversorum ex alto immittitur. Non ex tristitia, aut ex 2. Cor. necessitate, hilarem enim datorem diligit cap. 9. D E V S. Proficiendum est, nec semper vers. 7. in classe infima hærendum; nec unquam nobis tam præclare profecisse videamur, quin paullo maiora canamus. In gymnasio patientiæ primas non obtinet, qui solum patienter tolerat patienda, sed qui etiam libenter, & hilariter. huic primum aut inter primos debetur præmium. Hilarem datorem diligit D E V S.

C A P V T III.

Afflictiones perferendas esse

CONSTANTER.

PVerorum lusus est flagello * turbine torquere. Hunc lulum sic instituunt: Cum turbo multiplici gyro jam fatigatus vertigine laborat, jamque collapsus videtur, puer illum flagello ferit, & in novos erigit gyros. Iam iterum fessum, flagello iterum iterumque increpat, ut rursus se rotet turbo. Hunc lulum D E V S in Orbe terrarum ludit:

Dii nos quasi pilas homines habent.

Plurimi jam jamque perituri videntur,

T 3 tur,

* Sopff Spielen.

tur, cum ecce adest *DEV*s, & ruiturum erigit flagello; verberat, ut firmet; vulnerat, ut sanet; dejicit, ut erigat; malis onerat, ut bonis omnibus æternum cumulet. Nos pilæ, nos turbines sumus; qui pilam impellat, qui turbinem intorqueat, *DEV*s est, qui quidem tot ictibus & impulsibus hoc agit, ut bajuli crucis non solum *Patientes* & *Hilares*, sed & *Constantes* simus. Atque hic tertius ferendæ crucis modus, *CONSTANTER*. Quæ autem Constantia in adversis sit necessaria, nunc docebimus.

I. Eundem semper habere vultum, Socratis est, dicebant veteres. Nos paullo aliter: Eandem semper habere mentem, Christiani est. Et hæc querelarum pæne maxima in gymnasio Patientiæ, plurima bene inchoari, male finiri. Malus finis est, finem ante finem facere. Quid, quæso, sentiendum de crucigero illo, qui die Christi patientis ligneam crucem ingenti conatu, obviisque humeris in se recipit, sed ubi onus opinione gravius persentiscit, mox molem pineam ad proximas ædes acclinans: Ego, ait, succumbo; tu vide quem alium pro me bajulum nanciscaris, qui te domum reducat. Hic quidem inter crucigeros esse cœpit, non permansit. Ita nonnunquam pauperes & viribus exhausti homines, lignorum fascem in silva suscipiunt foco deportandum. Sed onus, quod inter eundem solet crescere, in via demum abjiciunt:

Ita nos consumpta denique omni patientia, in querulas voces erumpimus: Quis improbis & insanis his laboribus non tandem succumbat? Cui fibra tam cornea est, ut tot cladibus non frangatur? Quis tam aheneus, ut perferendis tot ærumnis par sit? Prolixæ sunt nimis hæ miseriæ, nec finem sui reperiunt. Ita tandem languemus, cadimus, jacemus.

Qui perseveraverit, ô boni, qui perseveraverit usque in finem, hic salvus erit, *Matt. c. 10.*
Christi Domini in cruce constantia *v. 22.*
quam varie, & quam valide fuit tentata? Si rex Israel, ajunt, si filius Dei est, descendat nunc de cruce, & credimus ei. Verum, ut Chrysostomus perquam eleganter: Ideo, inquit, de cruce non descenderat, quia filius Dei erat: Cui non difficile descendere de patibulo, qui potuit resurgere de sepulchro. Sed *Aug. tract. 37. in Ioan. fine.*
quia patientiam docebat, inquit Augustinus, ideo potentiam differebat. Filii Dei constantes sunt, nec antequam *Consummatum est*, pronuntiarint, finiunt.

Permissum est quidem conceptissimis his verbis precari: *Pater, transeat à me calix iste.* Sed addendum semper: *Veruntamen, non mea, sed tua Voluntas fiat.* Calicem hunc amarissimum, si sic velis, ô D E V S, usque ad ultimas fæces exhauriam.

Aurificis est scire, quamdiu auro sit

282 GYMNAS. PATIENT.

in igne sudandum , nec aurum prius ex hoc balneo educitur , quam satis esse *Actor.* purgatum constet. Ita sane non nostrum *cap. I.* est nosse tempora , vel momenta quæ *vers. 7.* Pater posuit in sua potestate. Nos aurum, D E V S aurifex est; flammæ exhibet aurum, cum visum fuerit aurifici.

Et videte pertinacissimam multorum in rebus vilibus ac fluxis constantiam. Quoties audire est voces illas : Non cesso, non desisto; quod cœpi, pertexam, quod aggressus sum pervincam; Aut Cæsar, aut nullus; aut vincendum, aut moriendum; nullam quietis partem capiam, dum hoc effecero. En constantiæ specimina!

Quid sit igitur quod in patientiæ gymnasio tam cito, tam facile nostra languescat Constantia? Est qui dicat: *Non possum hoc amplius ferre.* Dic: *Non volo hoc amplius ferre.* Posses, si velles. Sed ut equi in longiore itinere fatiscunt; sic in malis diuturnioribus lassescit nostra patientia. Imo, quod turpius, quandoque vix mala nos tangunt, & malis cedimus, cæptis desistimus, oblanguemus. Variamus quotidie iudicium, & in contrarium vertimus, vitamque scindimus diversissimis propositis.

Eam ob causam Annæus prudentissime monens: Ante omnia, inquit, hæc cura, ut constes tibi. Majus est ut proposita *Seneca* custodias, quam ut honesta proponas. *de Otio* *sapiet.* Sed plerisque vita per lusum agitur: iudicia *cap. I.* *et c.*

dicia nostra non tantum prava, sed & levia sunt. Fluctuamus, aliudque ex alio comprehendimus: petita relinquimus, relicta repetimus: alternæ inter cupiditatem nostram & pœnitentiam vices sunt. Nemo proponit sibi quid velit, nec si proposuit, perseverat in eo, sed transilit: nec tantum mutat, sed redit, & in ea, quæ deseruit ac damnavit, revolvitur. Preme ergo quod cœpisti, & patientiam persevera. Nosti Siracidæ dictum: *Eccl. Stultus ut luna mutatur. In gravi morbo est, qui sic lunaticus est.* *c. 27. v. 12.*

II. Constantiâ DEVS in omni honesto amat. Et quæso; Vbi, & qui simus, cogitemus. Dum vivimus, † tirocinii annos agimus, tirones sumus, tirocinii domum habitamus, inter superos inferosque medii; prout jam bene constanterque nos tractaverimus, ita domum fortiemur æternam, & aut Superiorum illam, aut inferiorum. DEVS nostræ nunc constantiæ experimentum capit, & præmium differt, ut cumulatus reddat.

Augustinus non immerito miratur, DEVM Iacobo Patriarchæ tam familiarem, tanto tamen tempore celasse, quod filius Ioseph superstes ageret. Optimus senex mœrore conficiebatur ob Iosephum filium à feris, ut putabat, lace-

T 5 raturum.

† Wir seynd im Nothiat vnd Probierjahren.

ratum. Mœrorem DEVS nec verbulo
 mitigavit. Quid hoc sibi voluit? Iacobi
 constantiam tentavit. Ideo & luctum
 geminavit, cum amantissimus etiam
 Benjaminus à parente abstraheretur. Ip-
 sius Iosephi constantiam quantis DEVS
 experimentis inspexit? Decimum septi-
 mum annum egerat Ioseph cum à fra-
 tribus venderetur. Decennio serviit; pu-
 dor illius quotidie ab hera blandissime
 sollicitatus est: at ille stuprum adeo con-
 stanter recusavit, ut nec minis, nec la-
 criminis, nec precibus vinci potuerit; in
 pudicitiae proposito immobilis persti-
 tit. Inde castissimus juvenis in malefi-
 corum carcerem coniectus, ubi cum re-
 gio pocillatore ac pistore annum exe-
 git. Duobus illis eductis, biennium in-
 super in vinculis traduxit, mira probita-
 tis & patientiae constantia. Nam inno-
 centiam suam Deo committens, neque
 se defendere curavit, neque rem ita ut
 gesta erat, indicare: sed vinculorum ne-
 cessitatem constanter tulit, spe una se so-
 latus, potentiolem esse Deum his qui se
 vinxerant, cujus certe vigilantissimam
 providentiam insigniter est expertus.
 Nam post triennium in carcere con-
 sumptum ad Pharaonem regem eductus,
 totius Ægypti Prorex salutaturs est. At-
 que tunc annum egerat tricesimum, post
 quem octoginta deinde annis Ægypto
 præfuit, in summo dignitatis gradu, regi
 proximus. Nempe hic Dei mos est,
 longe

longe majorem meritis mercedem, multoque semper amplius labore præmium largiri.

En patientis Constantiæ amplissimam dignitatem! Quapropter, quisquis es, esto fidelis usque ad mortem, & dabitur tibi corona vitæ. *Apoc. cap. 2. v. 10.*

Omnem rerum naturam considerare: Quid juvat artificium discere, non tamen ita perdiscere, ut artis specimen possis edere? Quid cursura certas, si prius consistas, quam ad metam pervenias! Quid Patientiæ gymnasium frequentas, si discendi constantiam non cogitas? Nihil hîc agit, qui dies complurculos aut hebdomades vel menses sub ferula Patientiæ triverit, demum in impatientiâ erumpens dicat: * Sat diu discipulus fui: veteres è scholis cantilenas nauseo; deinceps mei juris ero; ad pileum evolabo. Apage tu mihi hos discipulos ab hoc gymnasio. minerval frustra dant; nihil sciunt, quamvis plurima discunt. Incassum incipiunt, quia cœpta non perficiunt. Constantia deest. Quid autem prodest incipere, si nolis perficere? Dei perfecta sunt opera. Hebræus rex Salomon vel inde laudatissimus est, non quod struere templum cœperit, sed quod ad fastigium perduxerit. Ædificavit Salomon domum, & consummavit eam. *Ad li- berta- tem. Deut. c. 31. vers. 4. 3. Reg. cap. 6. v. 14.*

Christus

* Der Geistlichen Suppen
hab ich genug.

286 GYMNAS. PATIENT.

Vide obsecro, mi Lector, Tris-megistum meum l. 1. c. 8. de Inconstantia humana voluntatis. Christus patientissimus in hac schola præceptor, discipulos illos minime amabit, qui conatu ingenti ordiuntur, leges aliquamdiu observant, spem aliquam profectus faciunt, industriam non potestremam adferunt; at paullatim flaccescunt, scholas negligunt, meræ jam solcordiæ se dedunt, tandem præter impatientiam veterem nihil sciunt. Abite hinc desides, exeste inconstantes. Hic nemini eruditionis testimonium datur, nisi tam præclare se gesserit, ut jure de eo dici possit, *Cursum consummaravit.*

Apoc. cap. 3. v. 11. **CONSVMMATVM EST,** ultima omnium in hac schola prælectio est, qui hanc non didicit, in patientiæ gymnasio frustra fuit. Apocalypticus Angelus monet: Tene quod habes, ut nemo accipiat coronam tuam. Hoc divus Basilius eleganti oratione exponit, quadraginta Martyrum constantiam extollit, qui Licinii Imperatoris ævo ad Armeniæ urbem Sebasten sub puro Iove, aura perfrigida, sæviante hieme nudi pernoctare jussi sunt, ita frigore necandi. Vox una omnium erat: Certe-mus, & emetiamur hoc stadium quod ingressi sumus; certamen excipient coronæ. Vocem firmarunt visa cælestia. Nam unus aliquis è custodibus, dum vigilat, videt Angelos è cœlo submissos, qui triginta novem coronas inter Christianos milites partirentur. Hic ipse secum: Horum, inquit, quadraginta sunt: qua-

quadragiesimi corona ubi est? dum hæc apud animum suum volvit, unus è beato illo numero, vitæ nimium amans, & tormentis impar in proximas thermas transit. Ah, delicate martyr, quid agis? Mortem fugis? Imo ipsissimam mortem invenis, hoc ipso loco, quo effugiendam credis. Nam repentinæ frigoris & caloris vices non tolerans miser, paullo post expiravit. O miserum, ter miserum! incidit in Scyllam, cupiens vitare Charybdin. Brevissimos dolores horruit, in æternos incidit: & quia Constantiam amisit, supplicium incurrit sempiternum. At vero ceteri ad supremum usque halitum constantissime perseverarunt, corona digni, quia perseverantia pleni.

III. Et cur in gymnasio Patientiæ non perseveremus? Angusto temporis gyro miseriæ omnes clauduntur; celeri puncto finiunt dolores; tristius momentum æterna excipiet voluptas.

Vitam illam expectamus, inquit *Tob.* Tobias, quam D E V S daturus est his, qui *cap. 2.* fidem suam nunquam mutant ab eo. Sic *v. 18.* currite, hortatur Paulus, ut comprehen- *I. Cor. cap. 9.* datis. *v. 24.*

Fuerunt qui Cynicum illum philosophum interrogarent hunc in modum: Dic, mi Diogenes, cur ætate tam pro-
vecta tuum adhuc dolium habitas, cur
philosophiæ tam rigidæ non renuntias?
Quibus ille: Ridiculi vos estis homi-
nes,

nes, inquit: si curram in catadromo, num cessem currere jam metæ vicinus, ut alius mihi præmium præripiat? Ego vero potius cursu ferar concitatore.

Quin & nos paria cogitamus? quid stultius quam deficere, cum fini sumus viciniore? Iam prope metam contingimus, & cursum desinamus?

Virg. I
Æn.

O passi graviora! dabit Deus his quoque finem.

Sed Diogene multo sapientius Afflias Franciscus, qui annis compluribus religiosissime sibi mortuus, tandem ultimæ cum Morte luctæ vicinus: Incipiamus, inquit, ô fratres, servire Domino Deo nostro, quia usque nunc parum profecimus.

In vi-
ta S.
Fran-
cisci
c. 14.

Itaque *constanter*, ô Christiani, *constanter*: pergendum est in incepto, & brevissimum iter reliquum alacriter conficiendum. Ad hoc duo præcipue nos juverint.

Primum est, *Suimet Accusatio*. In omnibus quæ patimur, reos nos fateamur. Pro se quisque dicat: Merito hæc patior: Ego quidem justissime affligor. Iustus es Domine, & rectum iudicium tuum. Rev. 137
Aug. 82.
de tēp. *Assidue* dixit Augustinus: Iudicia Dei plerunque occulta, nunquam tamen iniusta. Quamdiu nosmet ipsos infantes credimus, & immerentes affligi, tamdiu & patientia languet, & constantia.

Ægyptii Proregis Iosephi fratres, profecto exploratores non erant, ut arguebantur,

bantur, monetam etiam pro tritico fidelissime repræsentarant, dominicum scyphum neutiquam furati fuerant, nihilominus reos se professi: Merito, ajunt, *Gen. c. 42. v. 21.* hæc patimur, quia peccavimus in fratrem nostrum, idcirco venit super nos ista tribulatio. Imitemur, obsecro, & dicamus: Merito hæc patimur, tametsi suspicio, fraus, error, mendacium pessimam in nos fabam cudant, idque in fontes: Nihilominus, merito hæc patimur, hæc & graviora vel millies meriti, rei sumus. At ego, inquis, hac in re innocentissimus accusor. Esto. Quid jam? Num ideo te reum negabis? Recordare, quæso, ante annos triginta, aut etiam quadraginta noxam à te commissam, & nondum persolutam pœnam. En, exactor jam adest, & solutionem poscit. Et quamvis objecti criminis nullam culpam sustineas, compos tamen fuisti culpæ jam pridem patratae, sed nondum expiatae: *Idcirco venit super te ista tribulatio.* Ergo nunc exede, quod dudum intrivisti.

I V. Irene Imperatrix, quod Paulus *Paul. 1* Diaconus narrat, à suomet famulo pul- *Diac.* sa imperio: Ego, ajebat, Deo acceptum *l. 23.* fero quod me orphanam & indignam ad imperium evexerit; quod vero jam dejecti me permittat, meis id peccatis adscribo: in cunctis autem malis & bonis sit nomen Domini benedictum. Vox digna cælo. Hoc est inter serenos & nubi-

290 GYMNAS. PATIENT.

nubilos soles eundem præ se ferre vultum, & instar Heliotropii ad suum semper respicere Phæbum. Atque hoc etiam perditissimum latronem Apostolis priorem in paradisum evexit, quod è cruce velut è cathedra suorum ipse scelerum præco proclamavit: *Et nos quidem* iuste. Latronum alter pæne reum se negat, dum improbe libertatem postulat.

Cum ad portas Bethuliæ jam hostis esset, & in urbe ingens omnium ejulatus audiretur, Iuditha vidua castissima in concionem progressa, ut fientes in spem *Iudith.* erigeret: Nos ergo, inquit, non ulciscamur. *cap. 8.* mur nos pro his quæ patimur: sed re-
v. 26. putantes peccatis nostris hæc ipsa supplicia minora esse flagella Domini, quibus quasi servi corripimur, ad emendationem, & non ad perditionem nostram evenisse credamus.

Itaque cum affligimur, aut punimur, non in alios culpam, sed in nos ipsos referamus, ac fateamur, nos longe mitius, quam commeruerimus, puniri à Deo, qui more suo pœnam statuit noxa semper minorem, & apud ipsos etiam inferos, ut theologi loquuntur, *citra condignum* punit. Hinc Iobus sapientissime *Iob.* optans: Atque utinam, inquit, Deus loqueretur tecum, ut intelligeres, quod *c. 11.*
vers. 6. multo minora exigaris ab eo, quam meretur iniquitas tua. Tu complurium *Eccli.*
cap. 5. scelerum tuorum oblitus, non itidem *vers. 4.* Deus, qui *patiens est redditor*, qui minus
exig

exigit quam debeas. Quisquis igitur in miseria est, assidue dicat: Peccavi; & ego quidem iuste punior; merito hæc patior; minora exigo, quam mereatur iniquitas mea; nimium molli tangor ferula; multo graviora commui. Atque hoc primum est, quod diximus, Constantiæ adjumentum, *Suimet Accusatio.*

Alterum, *Divinae Voluntatis ac Providentiae consideratio.* Omnia quæcunque patimur, Deo volente patimur. **DEVS** ab æterno non solum prævidit, sed & voluit ut unusquisque in eas omnino miseras incideret, in quas revera jam incidet. Itaque separemus culpam à pœna, tollamus ab afflictione delictum; & dicendum erit; Iustissimus **DEVS**, uti nullius peccati est auctor, ita omnium afflictionum & pœnarum principalis (atque ut theologi loquuntur) *Positiva effectiva causa est.* Non vult **DEVS**, sed permittit ut noxa seu culpa quæ plurimarum sæpe miseriarum ac pœnarum causa est, committatur. Sed commissa culpa vult etiam, quia justus est, ut sequatur pœna. *Miserias dico, & pœnas, nō culpam pas.*

Ergo à Deo Deique Voluntate ac Providentia universæ calamitates & ærumnæ in nos immittuntur. **DEVS** vult (quod probe capiamus) ut his omnino quibus premimur malis, premamur. Ideo, quisquis es, debes velle hæc pati (* quod Seneca monet) cū scias ex de-

V.

creto

* Sen. l. 3. nat. qq. præm.

creto Dei fieri. Amantissimus hic pater
liberos suos severe educat.

Fit nonnunquam ut in plateis pueri
ludant, virgarum metu securi. Sed inspe-
ratissimus adest vir quispiam honestus,
qui unius è turba adolescentuli aures
arripiens, misellum à sociis abducit.
Quisquis hoc fieri cernit, mox affirmat:
Proculdubio hic pueri parens est; filium
suum abducit, alios non curat. Ita nos
sæpe dum ludimus, dum nugamur, dum
lascivimus, ab optimo parente abducimur
à lusu. Qui lusus nostros afflictio-
nibus turbat, qui aurem pervellit trahit-
que, non ignotus homo, non alienus est,
pater est. Nam quem diligit Dominus
castigat (millies inculcandum) flagellat
autem omnem filium quem recipit.
Quod si extra disciplinam estis, ergo ad-
ulteri, & non filii estis.

V. Hispanica quædam vina ejus gene-
ris sunt, ut in sua patria non sine horrore
bibantur, cum trans maria vehuntur, sa-
porem & odorem acquirunt gratissimū.
Ita nos Deus trans mare afflictionis ve-
hit, ut austeritate posita optimum patien-
tiæ odorem acquiramus. Dei nutu fiunt
hæc omnia. Qua ratione vinum auste-
rius mansuetos mores doceatur, jam su-
pra dixi: addo istud.

*Card.
l. 13.
de Sub
tilit.
mibi.
p. 282.*

Hieronymus Cardanus, vir variæ eru-
ditionis affirmat, ab explorata experien-
tia constare, Multi dulcedinem servari
posse hac industria: Si dolium, inquit, in-

tus

tus & extra pice oppilatum, dulci vino licet fæculento impleatur, & mensum flumine mergatur, anno integro nil decedet dulcedini, quam picis calor & aquæ frigus defendunt.

Non aliter agit nobiscum Deus, qui nos calamitatum aquis immergit, ne in pravos mores degeneremus, & acetum fiamus. Vtique hoc fluvio merfus est rex ille qui vociferatur: Libera me ab iis *Pf. 68.* qui oderunt me, & de profundis aquarum. *v. 15.* At ubi his aquis extractus est, de eo sibi sic gratulatus est: Misit de summo, & accepit, & assumpsit me de aquis multis. *Pf. 17. v. 17.*

Lætiensis abbas Ludovicus Blosius ad rem dixit, quod grandissimis & plane aureis characteribus videtur exarandum. *Blos. Instit. spirit. cap. 8.* Verba piissimi scriptoris hæc sunt: Quem Deus donis potioribus exornare, sublimiterque transformare decrevit, eum non blande & molliter lavare, sed totum in mare amaritudinis immergere consuevit. Nota hoc, mi Christiane, nota, nota: non vino rosaceo te lavandum, sed mari falsissimo & amarissimo immergendum. Et hoc tibi balneum pater amantiſſimus paravit ab æterno.

Quapropter omnia omnino, læta, tristia è Dei manu acceptanda, & hoc tenore constantissime pergendum, usque in finem. Quot psalmos rex Hebræus composuit hac inscriptione: *Psalmus usque in*

294 GYMNAS. PATIENT.

finem, qui scilicet à primo ad ultimum usque versum decantandus fuit. In Patientiae gymnasio, non theatrales fabulas, non nuptiale canticum modulari cœpimus sed mortuale, sed lugubres threnos, quos profecto pessime canimus, si non canimus usque in finem. Nunquam deerit quod patiamur.

Thom. Verissime dictum: Vna tentatione seu tribulatione recedente, alia supervenit:
l. I. & semper aliquid ad patiendum habebimus: sed & priore adhuc durante
c. 13. conflictu, alii plures supervenient, & insperare. ideo threni sic modulandi sunt,
Gl. 3. [†] ut modulorum fines extendamus. Cantandum est carmen Patientiae usque in finem.

Inchoantibus præmium promittitur, sed perseverantibus datur. Iudas Iscariothes optime cœpit, sed pessime finivit; laudatur illius initium, sed finis damnatur. Multorum est incipere; paucorum finire. E beati Gregorii sententia: Virtus boni operis perseverantia est, quæ sola coronatur. Incassum bonum agitur, si ante terminum vitæ deserratur.

Bernardus ad hoc varie inflammans: Prorsus, inquit, absque perseverantia nec qui pugnat, victoriam; nec palmam victor consequitur. Vigor virium, virtu-

tum

[†] Man muß in diesem Gesang aufhalten.

tum consummatio, soror est Patientiæ
Perseverantia. Tolle perseverantiam,
nec obsequium mercedem, nec benefi-
cium gratiam, nec laudem habebit for-
titude. Diabolus soli semper Perseve-
rantia insidiatur, quam solam virtutum
novit coronari. Nimirum Finis, non pu-
gna coronat. Lauda navigantis felicita-
tem, sed cum venerit ad portum. Parum
est crucem humeris recepisse, nisi eam
deportaveris usque ad metam. *Va his qui Ecclî.
perdiderunt sustinentiam. Eja fortiter, cap. 2.
Christiani, & constanter, ne in nos can- v. 16,
retur fabula,*

*Cœpisti melius, quam desinis: ultima primis
Dedecori sunt —*

Divinus Paulus Mileti flentibus valedi-
cens libere proclamat: Vincula & tribu- *Actor.*
lationes Hierosolymis me manent. Sed *c. 20.*
nihil horum vereor, nec facio animam *v. 23.*
meam pretiosiores quam me, dummo- *& 24.*
modo consummem cursum meum. Se-
quamur præeuntis vocem, & accinamus;
pro se quisque dicat: Quoquo pretio,
quibusquibus impensis & ærumnis coe-
mendum sit cælum; oderint, persequan-
tur, vexent, lacerent me, quotquot vo-
lunt; mala me onerent, quotquot Deo
placuerit immittere; omnia facere, om-
nia pati paratus sum, dummodo con-
summum cursum meum, dummodo li-
ceat ad finem dicere: **CONSUMMATUM**
EST. Fructus labori, sat scio, responde-
bit abundantissimus, æternus.

CAPVT IV.

Afflictiones tolerandas esse cum GRATIARVM ACTIONE.

Phidias artificum nobilissimus, plastes doctissimus, è luto, cera, gypso, marmore, ligno, ære, ebore, argento, auro, ex omni denique materia statuas, & ex omni pæne ligno Mercurium porruit effingere. Affirmat Seneca : Non ex ebore tantum Phidias sciebat facere simulacra: faciebat ex ære: si marmor illi, si adhuc viliores materiam obtulisses, fecisset quale ex illa fieri optimum posset. Quod si ligno rudi & nondum dolato vox fuisset, utique gratias huic magistro suo maximas habuisset, quod eruditæ manus beneficio licuisset sibi pristinam deformitatem exuere.

Seneca
epist.
85. fine.

Ærumnis & afflictionibus homo sic dolatur ab omniscio artifice Deo, ut in novam omnino dignitatem reformetur. Ideo par est, ut suo Phidiæ gratias agat informis antea truncus, nunquam in tam elegantem statuam mutandus, nisi tam multum sui amisisset, dolabris inclementer & aspere tractatus.

Diximus aduersa omnia *Patienter, Hilariter, Constanter* toleranda. His quartum addimus modum, Cum GRATIARVM ACTIONE, seu, *Grate*. Cur autem gratiæ sint agendæ pro calamitatibus alioquin ingratis beneficiis, jam exponemus.

I. Ger-

I. Germani veteres suos olim liberos erudierunt, traditis per certa symbola præceptis. Inter quæ & hæc numeranda. Si quando iter feceris, aiebant, non prius è loco, ubi fessus accubueris, abeas, antequam ter despuas. Hoc scilicet volebant, attente circumspicerent, si quando viatores essent, ne quid sarcinularum post se reliquissent. Sic & stellas digitis monstrari vetabant, non quod nefas sit manum ad sidera intendere, sed quia curioso stellarum aspectu oculorum aciem hebetari credebant. Sic etiam prudenter monebant: Si quid te ufferit, dicito, *Deo gratias*: Aut, * *Rependat hoc Deus*. Præceptum sane aureum, & ad rem nostram. Quicquid ignium, quicquid aduersorum te ustularit, quisquis hominum te læserit aut turbarit, tam amplas tu age gratias, perinde ac si stipem liberalissimam acceperis.

Solent etiam parentes serii suos liberos condocere, ut virgis castigati, virgas osculentur. Sic & in scholis discipuli melioris indolis magistro gratias agunt, cum cæsi sunt, perinde si dicant: Domine Præceptor, me punitum non ægre fero; pœnas merui: jamque mihi potius gratulor, quod etiamnum magistro meo curæ sim; quod nondum spem omnem de me abjecerit. Et quid indigner? Præceptoris est in discipulos animadvertere cum delinquant, ita in posterum

298 GYMNAS. PATIENT.

sterum cautiores fiunt. O bonam indo-
 lem, sed raram, quæ plagas hoc ore con-
 Coloss. coquit ! Ita decet. In omni patientia &
 cap. 1. longanimitate, cum gaudio gratias age-
 v. 11. tes Deo patri, qui dignos nos fecit in
 partem fortis sanctorum. Atqui hæc pars,
 hæc fors sanctorum est, *Pati plurima*, &
 gratias agere, quod tanto se DEVS dig-
 netur honore.

Ut hoc ipsum Christianis omnibus va-
 lidissime persuaderetur, divina Chryso-
 stomi facundia mire laboravit. Chryso-
 stomum ipsum loquentem audite: Hæc
 est, inquit, Voluntas Dei, semper gratias
 agere: hoc est animæ sapienter institu-
 tæ. Passus es aliquid mali? si velis, non
 est malum: gratias age Deo, & malum
 in bonum transmutasti. Dic tu quoque
 quemadmodum Iob: Sit nomen Domi-
 ni benedictum in sæcula. Quid enim
 tale, quæso passus es? Incubuit mor-
 bus? At nihil novum est, corpus enim
 mortale nobis est, & pati natum. Sed
 pecuniarum inopia? Verum & hæc ac-
 quiri possunt, & amitti, & hîc tantum
 manent. Sed ab inimicis insidiæ & ca-
 lumnia? Sed nos in his injuriam non
 patimur, sed illi qui faciunt. Peccavit
 enim non qui male passus est, sed qui
 male fecit.

Quicquid ergo malorum te premar,
 age Deo gratias, & malum in bonum
 transmutatum est. Ne igitur, quod
 idem Chrysostomus monet, in tenta-
 tionibus

Chrys.
 tom. 5.
 ho. 68.
 initio,
 cujus
 inscri-
 ptio.
 Quod
 maxi-
 mum
 lucrum
 in tri-
 bulati-
 onibus
 est gra-
 tiarum
 actio.
 mihi
 p. 365.

300 GYMNAS. PATIENT.

age, quod te hujus fecit participem, non exosus, sed & valde diligens : quoniam & illos tot gravia pari non permisisset, nisi vehementer amasset. Nullum gratiarum actioni par bonum. Hoc maximum est sacrificium, hæc oblatio perfecta.

1. Thef. cap. 5. v. 18. Ideo divinus Paulus: In omnibus, inquit, gratias agite ; hæc est enim Voluntas Dei.

Hebræi juvenes ad Babylonicum ro-
gum damnati, in ipsis flammis, tanquam
lautissime epulati, gratias agebant Deo.
Nam Daniele teste , quasi ex uno ore
laudabant, & glorificabant, & benedice-
bant D E V M in fornace dicentes: Bene-
dictus es Domine D E V S patrum no-
strorum, & laudabilis, & superexaltatus
in sæcula. Et benedictum nomen gloriæ
tuæ sanctum, & laudabile, & superexal-
tatum in omnibus sæculis. Hinc illis
igneus hic carcer pro æstivo palatio, pi-
ceus fumus pro vernante cælo, flammæ
pro veste , catenæ pro armillis & torque
fuerunt.

I I. Et quia hoc quod asserimus, gra-
tias Deo etiam in adversis agendas , res
maximi momenti est, amplissimis id te-
stimoniis firmandum est. Chrysostomus,
quod dici cœptum, hac in re singulariter
facundus, & plane Chrysostomus , hoc
est oris aurei orator , hanc unam rem
assidue, ut decebat, inculcans : Gratias,
inquit, porro agere convenit, non divites
modo, sed & paupertate oppressos: non
sanos

*Chrys.
to. 4. in
c. 1. ep.
ad Rō.
hom. 2.
initio.*

sanos, sed & ægrotantes: non eos quibus prospera omnia, sed & eos quibus adversa contingunt. Deo enim tum gratias agere, cum secundo cursu res feruntur, nihil mirum fuerit, at vero cum ingenti suborta tempestate jactata undique navis periculum incurrerit, tum demum magna existit patientiæ, æquanimi-
tisque probatio. Quo certe & Iob hinc coronam reportavit, & diaboli impudens os obturavit, planum faciens se, cum felix esset, non ob pecunias, sed ob multam erga Deum charitatem gratias egisse.

Hoc est maxime grati animi, hoc sapientiæ studiosi, in rebus etiam asperis & adversis gratias agere, pro omnibus gloria DEVM afficere, non solum pro beneficiis, sed etiam pro suppliciis, hoc enim majorem mercedem conciliat. In bonis quidem gratias agens reddidisti debitum: In malis autem, DEVM constituisti debitorem. Qui enim beneficio affectus est, & agit gratias, reddit debitum: qui autem male affectus est, & gloria afficit, is debitum acquirit. Ita DEVS æque est laudandus, & cum puni-
tur, & cum à supplicio eximit. Utraque enim sunt curationis, utraque sunt bonitatis. Oportet ergo eum æque laudare, & quod posuerit Adam in paradiso, & quod eum expulerit, & agere gratias non solum pro regno, sed etiam pro gehenna. Eam enim & fecit & minatus est, ut à vitio liberaret. Quem-

*Idem
tom. I.
in ps. 9*

302 GYMNAS. PATIENT.

Idē in
ps. 148
med.
mihi
pag.
1082.
& seq.
 Quemadmodum ergo medicum non solum nutrientem, sed etiam fame ex-
 cruciantem; non solum in forum edu-
 centem, sed etiam domi alicubi inclu-
 dentem; non solum ungentem, sed etiam
 urentem & secantem observamus, &
 admiramur (et si enim sunt contraria
 quæ fiunt, unum tamen finem respici-
 unt) ita etiam oportet D E V M laudare
 pro omnibus, atque adeo multo magis,
 quatenus hic quidem D E V S, ille vero
 homo: & quod res quidem eorum sæpe
 aliter eveniunt, quæ autem D E V S facit,
 fiunt cum summa sapientia & cura. Ideo
 etiam, Non solum gratias agamus Deo,
 si consequamur quod petimus, sed etiam
 si repulsam passi fuerimus. Nam cum
 D E V S nobis aliquid denegat, non minus
 pater est, quam si concessisset. Nescimus
 enim nos quæ nobis conducant sicut ipse
 novit.

Idē in
c. II.
Gen.
ho. 30.
post
med.
Idem
tom. 5.
hom. I.
propius
finem.
 Itaque si ve voti compotes, si ve impo-
 tes simus, gratias agere debemus. Ma-
 gnus ergo thesaurus est gratiarum actio,
 magnæ divitiæ, inconsumptum bonum,
 & fortis armatura. Eritque in tribulatio-
 nibus remissio, si sit in ea gratiarum a-
 ctio. Ibi multæ quidem insidiæ, ubi vir-
 tus: illic invidia, ubi misericordia. Sed est
 nobis telum maximum, quod omnes ta-
 les machinas repellere valet, qui per
 hæc omnia Deo gratias agit. Perdidisti
 pecunias? Si gratias quidem egeris, ani-
 mam lucratus es, & majores nactus es
 divi-

divitias, quia Dei benevolentiam haufisti amplius.

Nec aliter sane Augustinus: Sic, inquit, *Aug. tō. 10. serm. III. de Tēp. mihi p. 302* sunt boni & mali, quomodo si duo vasa sint plena, & unum habeat putredinem, & aliud aromata pretiosa cum uno ventilabro ventilata. Illud vas, ubi fuerint aromata, odorem desiderabilem, aliud autem foetorem intolerabilem reddit. Ita simul boni atque mali indiscrete quidem turbati, sed alto Dei iudicio separati.

Quoties aliqua tribulatio in Mundum venerit, qui boni sunt, velut vasa sancta gratias agunt Deo, qui eos castigare dignatur: illi vero qui sunt superbi, luxuriosi, cupidi, blasphemant & murmurant contra DEVM dicentes: O Deus quid tanti mali fecimus, ut talia patiamur? Vnde sæpe fit, ut infelices isti amore huius vitæ obligati, nec istam tenere possint, & illam sempiternam, de qua fugiet dolor & gemitus, amittant: & quod pejus est, nec ista mala præsentia possunt evadere, & ad illa quæ æterna mala sunt, eorum crimina eos faciunt pervenire.

Igitur, Admonendi sunt, inquit Gregorius, qui flagella metuunt, ut si malis veraciter carere desiderant, æterna supplicia perhorrescant. *Greg. part. 3. pastor. Admonit. 14.*

Veterum Patrum historiæ memorant, fuisse inter eos hominem, qui culpa prorsus non sua, in odium & insensionem omnium *Vita PP. tr. de Fortit.*

304 GYMNAS. PATIENT.

omnium incurrit. Nemo eum amplius admittebat, nemo salutabat, nemo librum vel panem commodabat, nemo finitis laboribus domum suam invitabar. Ille tamen (quod laude dignissimum) in his omnibus gratias Deo agebat. Evenit autem ut hic ipse à messe domum rediens nil panis reperiret. Quid hîc ageret? à sociis nil sperari potuit: num ergo è cœlo petendus panis? Inde profecto allata est annona. Nam brevi adfuit, qui ad fores pulsaret, camelum trahens panibus onustum. Vbi hanc Dei liberalissimam in se providentiam anachoreta vidit, in lacrimas solutus: Ergone, inquit, ô mi amantissime Deus, indignus ego sum, qui diutius pro te penuriam patiar? Ab eo autem tempore & alii in eum longe mitiores erant, & ut scriptor loquitur, *repausabant eum.*

Tob. III. Ille optimus, & exploratæ patientiæ senex Tobias, Non est contristatus contra Deum, quod plaga cæcitatiscap. 2. v. 13. & 14. evenerit ei: sed immobilis in Dei timore permansit, agens gratias Deo omnibus diebus vitæ suæ. Hoc nobis omni conatu imitandum est. Cum despici-mur, in odium vocamur, cum in mala plurima præcipitamus, gratias Deo agamus. Quo factò provocatus Deus, aut hostiles aliorû, in nos animos mutabit, ut crebra testatur experientia, aut aliunde, quicquid hoc mali est, largissime pensabit.

Hæc beatissimi Pauli mens est, qui hortatur: Gratias agentes semper pro *Ephes. cap. 5. v. 20.* omnibus. Quod divus Hieronymus considerans: Pro beneficiis, ait, gratias age- re vel idololatræ ac Iudæi norunt, pro calamitatibus & suppliciis soli Christiani. Quare juxta Apostolum in omnibus periculis & miseriis dicamus semper, *Benedictus Deus.* Hic animus Christiani est.

Qua de re Imitatio Christi libro ter- *Thom. de Kēp. l. 3. c. 50. nū. 5.* tio, capite quinquagesimo tam præclare differit, ut putem hoc, quod dixi, caput, aut certe illius partem afflictis, mœstis, quocunque modo turbatis *Æru- quotidie prælegendum. Vnde ad in- mnesis situtum & hæc delibamus: Gratias tibi hoc præ ago, Domine Deus, quia non peperci- sertim sti malis meis, sed attrivisti me verberi- capite bus amaris, infligens dolores & immit- legen- tens angustias, foris & intus. Disci- dus. plina tua super me, & virga tua ipsa me docebit.*

Refert è beati Dominici familia eccle- *Ioan. Taule- rus In- stitur. c. 24.* siastes insignis, Virum spectatæ erudi- *Vixit anno 1350.* tionis à religiosissima quadam virgine compendium vitæ sanctius instituendæ petiisse. Illa decem omnino documen- tis rem omnem complexa, & quinto quidem loco hoc assignans: Tantis doloribus, ajebat, & angoribus nemo afficiatur, quin gratias pro iis agat, seque indignum his judicet, & pœnas majores ac duplicatas petat. Quod illa certe re- ipsa

306 GYMNAS. PATIENT.

ipsa præstitit. Quin & nos imitamur rem imitatione dignissimam ?

Exemplo demonstretur quod dicimus: Tussit quis tota nocte, præcordiis misere concussis, somnum non vidit, & omnes horarum partes numeravit. Rem magnam hic fecerit, si dicere audeat: Domine D E V S da tussim vehementiorem, quæ magis me vexet, nam ego sæviora sum meritis.

Est qui dolore capitis, torsione stomachi, † qui arthritide, calculo, podagra laboret, & tamen hoc unum clamet; Domine dolorem gemina, modo simul & patientiam. Quis est hic, & laudabimus eum ?

Est quem tres quatuorve cavillatores, largiter irriserint. At ille dicat: O m i Christe pro me sæpius illuse, plures in me immitte, qui me & irrideant, & probris variis afficiant; his ego dignus sum. An est qui sic precetur ? Non dubitem esse, sed latere, & abdita se solari patientia. Nec deerunt qui sic orent: Mi amantissime Deus, ego quidem non una tantum suffixus sum cruce, varia patior: sed, ô Domine, te rogo, da graviora quæ patiar, ærumnas auge: sat scio, augebis simul & patientiam. Nunc de istis gratias tibi ago, & indignum me judico, qui patiar pro te Deo meo.

Num hætenus ita precati sumus, num ita precaturi deinceps ? O Christiani quando-

† Grimmen/Grüß/2c.

quandoque nos ipsi nobis de sancti-
monia nescio qua suspecti sumus, ubi
has illasve precatiunculas recitaveri-
mus. Sed ô quam remoti etiamnum a-
gimus à vera patientia? Hîc viri, hîc
gigantes simus, his exerceamur. hæc ne-
mo arbitratur, nemo laudat, nisi solus
ille scrutator cordium DEVS, cui è musi-
cis instrumentis duo potissimum pro-
bantur. Tympanum & Organum; *Tym-*
panum contribulati spiritus, Organum lau-
dis & gratiarum actionis. Tympani mu-
gitus iste est: Ah, ah, quam hoc dolet,
quam hoc urit! Sed ô Deus ne deferas
me, da patientiam ô patientissime IESU.
Hoc sane tympanum præclare resonat,
vincitque vel delicatissimam musicam.
Organum laudis suavissimos spargit mo-
dulos. Beatus Iacobus qui à supplicio
quod tulit, Intercisus dictus, peritissi-
mus hac in re Organicus, membratim
mori sustinuit: quoties autem vel arti-
culus digiti, vel junctura membri præ-
secabatur, toties ille auditus est dicere
DEO GRATIAS.

Magistrum hac in re habuit Iobum,
qui quoties nova clades nuntiabatur,
toties ille novas Deo gratias agebat.
Venit qui nuntiaret: Boves cum asinis à
Sabæis abacti sunt. Ad quæ Iobus: Sit
nomen Domini benedictum. Venit ali-
us: Ignis è cælo lapsus ovium greges
absumpsit. Iob iterum: Sit nomen Do-
mini benedictum. Venit tertius: Came-

308. GYMNAS. PATIENT.

Ios invaserunt Chaldæi, & abegerunt omnes. Iob constanter: Sit nomen Domini benedictum. Venit alius: Liberi tui omnes una domus ruina sepulti sunt. Iob ut prius: Sit nomen Domini benedictum: Sicut Domino placuit, ita factum est. En Organum laudis, en Organicum artificiosissimum, quem Deus

Iob. ipse commendans: Nunquid considera-
cap. 2. sti, ait, servum meum Iob, quod non sit
vers. 3. ei similis in terra?

I V. Persis, ut Stobæus refert, mos erat, ut si quem civium Rex citari, & quantumvis innocentem flagellari iussisset, ille sic cæsus amplissimas ageret gratias, quod rex sui tam benevole meminisset. Tantine est regis memoria non excidisse? siccine adoramus verbera, cum ore regio jubemur verberari? cur non æque Optimo Maximo Deo nos submittimus, & plagas, quæ cæli pretium sunt, veneramur, & proni supplicesque pro iis gratias agimus? Hoc profecto sanctissimi quique homines fecerunt.

Laurentius igneo lectulo incumbens, velut aper lentis ignibus affabatur. At ille: Affatus, inquit, gratias ago. Recte omnino; nam in mensam magni regis hic cibus parabatur.

Theodorus ævo Maximiani Cæsaris, laceratis & pertusis jam lateribus vix spirans amplius, suum tamen organum animabat, & canebat: Benedicam Dominum in omni tempore. Phu.

Plurimi sanctorum non humanius quam canes habiti, ipsi tamen instar fidelissimorum canum, quo sævius cædebantur, hoc blandius se suo domino applicabant, cujus sibi gratiam ut conciliarent, omnia promptissime ferebant. Nota vox est inter jumenta sese numerantis: Vt jumentum factus sum *Pf. 72. v. 22.* apud te, & ego semper tecum.

Rufinus Aquilejensis memorat, è prioribus Ascetis optimum senem ægrotanti *Rufin. lib. 3. num. 157.* discipulo dixisse: Ne tristeris, fili, ob corporis morbum. Summa enim religio est, ut quis in infirmitate Deo gratias agat. Si ferrum es, ignis tibi æruginem absterget; si aurum es, experimentum tui ab igne quoque sumendum est. *6. Pe- lagius libello 7. nu. 16.* Ne igitur cadas animo. Si corpus tuum torqueri vult Deus, tu quis es, qui ei resistas, aut id molestè feras? Ergo sustine, & Deum precare, ut quæ ipse vult, illa concedat.

Nec omittendum illud Ioannis Avilæ *Avilæ tom. 2. epist. p. 20.* divinum monitum, vel millies inculcandum: In adversis unum Deo gratias plus valet, quàm in prosperis sex millia. Nimirum summa religio est inter adversa Deo gratias agere.

Maximum est discrimen inter carnes quæ verui figuntur ad ignem torrendæ. Nam si aridus & exuccus capro, aut pulli gallinacei macie torridi sint assandi, necessarium prorsus est ut cocus has carnes minime succidas liquato adipe

310 GYMNAS. PATIENT.

sæpius perfundat, vix tamen multo labore aliud quam osseum, & stramineum, vel ligneum ferculum parabit. Sin vero aut opimus anser, aut obesa gallina, aut pinguis & spado capus, aut vitulus saginatus, aut altilis porcus, aut præpingues meleagrides assentur, non opus multam his pinguedinem asfundere, suo se succo perfundunt, sed & multum supererit pinguiissimi liquoris. Atque hæ omnino dapes sunt dominicæ regis mensis inferendæ.

Ita prorsus illi hominum, qui nunquam in sagina spiritus fuerunt, quibus nec mens, nec sensus, nihil devotionis, nihil fervoris est, si ad ignem afflictionis applicentur, heu quam aridum sit assum! iis quidem consolatio instar pinguedinis adhibetur, sed parum proficitur, insolabiliter lugent. Deest sagina boni spiritus. quantumcunque ungas, maciem non correxeris; quomodocunque soleris, patientiam non per-suaseris.

Illi vero qui præcepta Patientiæ alto pectore combiberunt, qui Voluntati divinæ seipso totos devoverunt, cum calamitatis ignem sentiunt, tum maxime devotionis suæ pinguedinem ostendunt; animo præsentis sunt, & imperterriti, seipso aliosque solatio afficiunt; ad vilissima quæque se submittunt, pro ærumnis gratias agunt, plus calamitatum petunt; ita se sua velut pin-

gue

guedine perfundunt. Hi sane ad epulum illud grande ac regium parantur, ad quod convivæ his invitantur: Ecce *Matt. c. 22.* prandium meum paravi, tauri mei & altilia occisa, & omnia parata sunt: venite *vers. 4.* ad nuptias.

Quemadmodum vero adeps carnis assæ meliori est odore quam lixæ; ita gratiarum actio longe pretiosior, Deoque charior est ab iis proveniens, qui diuturni doloris, aut mœroris ignibus velut assantur, quam ab iis, qui levibus incommodis conflictantur, & mare navigant plane tranquillum ac placidum.

Noëmus cum suis post procellas illas quibus orbis universus haustus est, gratiarum actionem instituit illustrem, nam aram struxit ex omni pecore, & ex universis volucris victimas selegit, *Gen. cap. 8.* obtulitque holocausta, *Oderatusque est Dominus odorem suavitatis.* *v. 21.*

Sed cogita, quamdiu & quantis Noëmus miseriis sit exercitus. Nam bonam ætatis partem (dum totus Orbis secure delitiatur) cum magna fatigatione in extruenda Arca detrivit. Quod mortem effugerit, id majoribus ejus molestiis factum, quam si mors centies fuisset obeunda. Nam præterquam quod Arca ei quasi sepulchrum decem mensium fuit, insuavius nihil esse poterat, quam in animalium stercorebus pæne immersum tamdiu detineri. Post-

312 GYMNAS. PATIENT.

quam tantas difficultates eluctatus est, in novum mœrorem incidit: ludibrio se habitum à suomet filio intellexit, & ei quem magno Dei beneficio salvum, è diluvio receperat, suo ipsius ore maledicere coactus est.

Ita Noëmi constantem patientiam & inter adversa gratiarum actionem, velut gratissimum odorem Deus admittit, ac beneficiis amplioribus remuneratus est.

V. Ergo, quod Paulus hortatur, Gratias agamus semper pro omnibus. Et sane in Patientiæ gymnasio, nullæ voces crebrius ingeminandæ sunt quam hæ ipsæ, DEO GRATIAS, aut BENEDICTVS DEVS. Hoc unum ad omnia usurpandum. Sed nos tam indociles sumus, ut vel duas solum voculas lentissime capiamus. Optime dixit

Pe-

trarcha

l. 2. de

Vtra-

que

Fort.

dial.

37.

Franciscus Petrarcha: Hic est mos, cito vultis accipere, tarde autem dare, ad illud alacres, ad hoc mœsti; ad illud præcipites, ad hoc segnes. Petitio plerunque calet dum impetretur quod petitur, at gratiarum actio, cum impetratum est, sæpe frigidissima est.

In nostro hoc gymnasio contrarium & solet, & debet fieri. nam Patientiæ discipuli, cum calicem vident amaroris plenum, orant quidem cum Christo: Pater, transeat, à me calix iste. Sed has ipsas quantumvis calidas preces refrigerant adjunctis verbis: Veruntamen,

men, ô mi Pater, veruntamen non mea, sed tua voluntas fiat. Ita liberari quidem cupiunt, si tamen id placeat Deo. Cum vero gratias agunt, toti id faciunt, & quidem calidissimas agunt gratias tam lingua, quam mente. Illorum voces sunt: Immortales, infinitas, ô DEVS, gratias ago, quod me tanto dignaris honore, & aliquid pro te patriendum submittis: gratias ago, quod me inter filios tuos numeras; quis autem filius quem pater non corripiat? Quis sana intelligentia, inquit Gregorius, de percussione sua ingratus existet, si ipse sine flagello non exit, qui hîc sine peccato vixit?

Greg.
part. 3.
pasto-
ral. ad-
monit.

Ideo, Rectæ mentis est, Deum non solum in prosperis benedicere, sed etiam in adversitatibus collaudare. Si in adversis gratias referens Deum tibi patientia feceris esse placabilem, & quæ amissa sunt, multiplicata redduntur, & super hæc gaudia æterna præstantur.

13. sine
omni-
no.
Idem
tom. 4.
l. 8.
ep. 31.

Enimvero patri pro plagis & disciplina meritissimo aguntur gratiæ, nam patris verbera multo meliora sunt quam hostis oscula. Nemini non notissima vox patris est: Ego quem amo, castigo: omnes filios meos flagello. Vis esse filius? adesto castigandus. Quid hîc parenti optimo respondeant filii? Augustinus verba suggerit; ita respondendum: Et cum blandiris, pater es, & cum cædis, pater: blandiris, ne deficiamus,

mus, cædis ne pereamus. Addit Augusti-

Aug. Exaltate, inquit, Dominum Deum no-
tom. 8. strum. Iterum exaltemus eum qui bo-
in nus est. Nam si non vindicet, & dese-
ps. 98. rat, perimus.

prope Igitur, Quando bene est, lauda mi-
finem, sericordiam; quando male est, lauda
mihi justitiam. Tu qualis filius es? Quan-
p. 454. do te pater emendat, tunc tibi displice-
Et in cet. Non emendaret, nisi tu illi displice-
ps. 91. res. At si sic displiceret ut odisset, non
pag. ille te emendaret. Gratias age ergo e-
189. mendatori, ut accipias hæreditatem à
Et in Deo qui te emendat. Quando aliquos
ps. 48. flagellat in terra, admonitio est, non-
p. 187. dum damnatio. Patiens est super pecca-
et pag. tores, non exercens iram, sed expectans
189. poenitentiam.

Sed nunquid sæpius pro re vili & eti-
 am ingrata gratias agimus, vel eam so-
 lum ob causam, quia meliora spera-
 mus? Nam qui ob primum beneficium
 gratus est, secundum provocat. Idcir-
 co cui vel mica salis est & prudentiæ,
 is gratus est pro beneficio etiam ingra-
 to. sic enim secum ratiocinatur: Qui
 beneficium dedit, utique bono animo
 id fecerit, cui si gratias referre omitte-
 rem, omni deinceps beneficio excide-
 rem ut ingratus. Atque hoc quidem ra-
 tio dicat. Lumen ratione superius est
 istud: DEVS nunc quidem cupreos &
 plumbeos spargit numos; coronas di-
 vidit

vidit, sed spineas & cruentas. Quo
id animo facit? Vt brevi det aureas &
gemmatas.

Cur igitur Patri amantissimo meri-
tam gratiā non persolvimus cum plum-
bum donat, cum spinas offert, & au-
ro & gemmis brevi mutanda? Nunc er-
go plumbum, nunc spinas amplecta-
mur, & pro his non minus, quam pro
thesauris opulentissimis gratias aga-
mus. Hæc auri & gemmarum certissi-
ma sunt pignora. Qui humiliatus fuerit,^{Iob.}
erit in gloria, & qui inclinaverit ocu-^{c. 22.}
los, ipse salvabitur.^{v. 29.}

C A P V T V.

Afflictiones aggrediendas esse cum P R Æ-
MEDITATIONE.

VITA quam agimus, duos habet
Tortores, *Timorem*, & *Dolorem*.
Alteruter horum semper à tergo
hæret, cæditque nos. Cum res sunt tur-
bulentæ & asperæ, *Dolor* nos ferit: Cum
valemus, & rebus secundis utimur, *Ti-*
mor nos tundit, nam timemus ne quod
gratum est, perdamus. Ita luculente ^{Aug.}
Augustinus: Tota, inquit, vita ista in-^{tō. 10.}
telligentibus tribulatio est, sunt enim ^{de vera-}
duo tortores animæ, non quidem fi-^{bis}
mul torquentes, sed cruciatu alternan-^{Dom.}
tes: horum duorum tortorum nomina ^{serm.}
Timor & Dolor. Quando tibi bene est, ^{42.}
times: Quando male est, doles. ^{post}
^{init.}

X S

Quan-^{mihi}
^{p. 62.}

Quando igitur nescire non possumus, nos à duobus his exactoribus identidem interpellandos, solerter præmeditandum est, qua ratione nos ad illos geramus. Atque hic quintus modus est, qui ad afflictiones scite perferendas plurimum facit, si eas cum PRÆMEDITATIONE aggrediamur. Quomodo autem adversa sint præmeditanda, nunc exponemus.

Eccli. I. Sollicite monet Siracides: Fili ac-
cap. 2. cedens ad servitutem Dei, sta in justi-
vers. 1. tia & timore, & præpara animam tu-
Idem am ad tentationem. Præpara vigilan-
c. 13. do, & precando; præpara subducendo
vers. 1. te malignioribus occasionibus, nam
qui tetigerit picem, inquinabitur ab
ea. Præpara firmando cor in omnium
adversorum occursum. Nam hoc pro-
be scias, si coeperis esse frugi, & pie
casteque DEVM colere, simul etiam
incipient undique in te procellæ rue-
re. Hostes tui, crede mihi, non otia-
buntur.

Sapientia Tu ergo te præpara: & noris, Omnia muscipulam esse pedibus insipientium. Atque ne vitæ blandimenta nos fallant, exactum illius typum subjiciens Chrysostomus: Nihil est, inquit, in rebus humanis stabile, nihil inconcussum, sed hominum vita imitatur mare vesaniens, quotidie parturiens naufragia, naufragia, inquam, tum nova, tum periculosa. Et ut cautissime circum-

cum-

cumspiciamus, quo demum loco simus, addit orator aureus: Omnia tumultuum ac turbarum plena sunt, omnia scopuli & præcipitia, omnia rupes sub aquis latentes, & sinuosæ cautes. Omnia, terrores, discrimina, suspiciones, tremores & angores. Innumerabiles ubique personæ simulatæq; facies. Multa ovium vellera, innumeri ubique lupi sub his occultati, ut jam inter hostes aliquis tutius vixerit, quam inter hos qui videntur amici. Qui heri adulabantur, qui blandiebantur, qui manus exosculabantur; hodie repente comperti sunt esse lupi, abjectisque personis facti sunt omnibus accusatoribus acerbiores.

Ergo animam tuam ad tentationem præpara; stationem age, & pro portis tui cordis excuba; medius hostium degis. Ergo in tranquillitate tempestatem, in sanitate morbum, in divitiis paupertatem, calamitatem in prosperis expecta. Iobi patientia hinc plurimum adjuncta. Nam, Timor, inquit, quem timebam, evenit mihi, & quod verebar, accidit. Quicquid expectatum est diu, lenius accedit; & mali præcogitati molli ietus venit: *Iob. cap. 3. v. 25.*

Nam levius ledit quicquid prævidimus ante,

Et prævisa minus tela ferire solent.

Ideo sapiens affluescit futuris malis, Seneca
& quæ alii diu patiando levia faciunt, *ep. 18.*
hic ante

*med. epist. 76. fine. epist. 91. initio & post med. epist. 98.
post init. & epist. 180.*

318 GYMNAS. PATIENT.

hic levia facit diu cogitando. Audimus aliquando voces imperitorum: Nesciebam hoc mihi restare. Sapiens scit sibi omnia restare: quicquid factum est, dicit, Sciebam. Cogitanda ergo sunt omnia, & animus adversus ea, quæ possunt evenire, firmandus. Exilia, tormenta, bella, morbos, naufragia meditare. Tota ante oculos sortis humanæ conditio ponatur: nec quantum frequenter evenit, sed quantum plurimum potest evenire, præsumamus animo, si nolumus opprimi, nec ullis inusitatis velut novis obstupefieri. Inexpectata plus aggravant; novitas adjicit calamitatibus pondus. Ideo nihil nobis improvisum esse debet; in omnia præmittendus est animus: cogitandumque non quicquid solet fieri, sed quicquid potest fieri.

Animus beatæ aut miseræ vitæ sibi ipse caussa est. Malus omnia in malum vertit, etiam quæ spe optimi venerant: rectus atque integer corrigit pravâ fortunæ, dura atque aspera ferendi scientia mollit. Sive igitur alios observare volueris, sive teipsum favore seposito, & senties hoc & confiteberis, nihil ex his optabilibus & charis utile esse, nisi te contra levitatem casus, rerumque casum sequentium instruxeris: nisi illud frequenter & sine querela inter singula damna dixeris, *Deo aliter visum est.*

Sic

Sic composito animo nihil accidet, *Seneca*
 sic autem componetur, si, quid huma- *ll. supra*
 narum rerum varietas possit, cogitave- *cit.*
 rit, antequam senserit. Si & liberos, &
 conjugem, & patrimonium sic habue-
 rit, tanquam non utique semper habitu-
 rus, & tanquam non futurus ob hoc
 miserior, si habere desierit.

Plutarchus commemorat, Vlysssem *Plu-*
 post totos viginti annos militiæ actos, *tarch.*
 in patriam reducem, jamque uxori Pe- *l. de*
 nelope flenti assidentem, nil tale pas- *tran-*
 sum & siccis oculis perstitisse. Eo e- *quillit.*
 nim venerat animo jam ante confirma- *animi,*
 ro & adversus lacrimas munito. At u- *propius*
 bi canem vidit in adventu suo mortu- *finem.*
 um, non temperavit à lachrimis. In il-
 lum autē fletum subita res & inexpectata eum conjecerat. Qui minus ergo
 vult dolore de adversis, magis ea præ-
 videre debet.

I I. At nos nonnunquā adeo immedi-
 tati & inconsiderantes sumus, ut obli-
 ti quo eamus, miremur nos aliquid per-
 dere, amissuri uno die omnia. Sic im-
 parati, etiam levissima expavescimus.
 Quo circa hoc agendum est, ne quid
 nobis inopinatum sit: & quia omnia
 novitate graviora sunt, hæc cogitatio
 assidua præstabit, ut nulli malo tirones
 simus, & nihil miremur eorum ad quæ
 nati sumus. Ea quæ patimur paria sunt
 omnibus. Ita dico, paria sunt. Nam eti-
 am quod effugit aliquis, pati potuit.

Æquum

320 GYMNAS. PATIENT.

Æquum autem jus est, non quo omnes usuri sunt, sed quod omnibus latum est.

Imperetur æquitas animo, & sine querela mortalitatis tributa pendemus. Hiems frigora adducit; algendum est. Æstas calores refert; æstuandum est. Intemperies cæli valetudinem tentat; ægrotandum est. Et fera alicubi nobis occurreret, aut homo feris omnibus perniciosior. Aliud aqua, aliud ignis eripiet. Hanc rerum conditionem mutare non possumus: id possumus. Magnum sumere animum, quo fortiter fortuita patiamur.

Ad hanc tolerantia legem animus noster aptandus est, hanc sequatur, huic pareat: & quæcunque fiunt, debuisse fieri putet. Optimum est pati quod emendare non possis, & DVM, quo auctore cuncta proveniunt, sine murmuratione comitari. Malus miles est, qui Imperatorem gemens sequitur. Quare impigri atque alacres excipiamus imperia, & sic alloquamur DEVM: Duc me Pater, quocunque placuerit. Adsum impiger; nulla parendi mora est. Tu meam etiam rebellem ad te propitius compelle voluntatem. Sic vivamus, sic loquamur. Paratos nos inveniatur quæcunque calamitas.

Eccli.
c. 11.

v. 27.

Eccli.
v. 18.

v. 25.

Eccli.
v. 26.

Hanc ob causam Siracides dixit: In die bonorum non immemor sis malorum; & in die malorum, ne immemor sis.

sis bonorum : Memento paupertatis in tempore abundantiae , & necessitatem paupertatis in die divitiarum. A mane usque ad vesperam immutabitur tempus , & hæc omnia citata in oculis Dei. Dominus es , & imperas ? servire potes . Opes tibi affluunt ? Etiamnum mendicare potes. Vires & valetudinem ostentas ? Unica te febricula , unica imo guttula necare potest. Liberi tibi sunt ? Vno die omnes extinguere possunt. Amici tibi sunt ? Et amicis , & rebus omnibus una te horula , momentum unicum privare potest.

Tuam igitur animam ad has tentationes præpara , ut cum Mors amicos , aut liberos abstraxerit , dicas quod mulier Spartana : Sciebā me mortales genuisse. Cum pecunia diffluxerit : Sciebam non semper fore meum , quod solo usu fuerat meum. Cum honor evanuerit : Sciebam nullam in hac vita gloriam æternare.

Sunt qui rerum ac negotiorum molem velut vallum ante se objiciāt , præsentibus occupati futura nunquam dispiciant. Hos semper putes agere , ut Attalum illum , etiamsi parum agant. Secessum his & spirituale otium suades ? Respondebunt , *Non vacat*. Ad concionem invitas ? *Non vacat*. Sacræ Confessionis admones ? *Non vacat*. Ad epulum cæleste vocas ? *Non vacat*. Ad Dei tribunal cogitandum hortaris ? *Non vacat*.

322 GYMNAS. PATIENT.

cat. Æternos ignes meditandos ingeris? *Hic minime vacat.* Ad cælestia contemplanda erigis? *Nec tum vacat.* Ad mortem prævidendam impellis? *Nunquam minus vacat.* Vix iis, credo, vacabit cum moriendum erit. Ita miseri nihil futurorum prævident. Quemadmodum magna pars hominum est, quæ navigatura de tempestate non cogitat.

Cum vero in tales subitum fulmen irruit, cum eos inexpectata calamitas premit, hîc illi animum abjicere, rebus suis omnibus diffidere, de auxilio desperare, inconsolabiles se præbere. At hoc telum, ô boni, prævidendum vobis fuisset, & levius læsisset.

III. Ajunt si quem lupo prior videat, visum ab hac fera hominem obmutescere: idemque fieri lupo, si prior videatur ab homine. Fabulæ locum fecit, quod, uti Cardanus interpretatur, *l. 18.* subitus terror aut vocem eripere, aut *De* ravim inducere soleat. Hinc illud veteris poëtæ:

Car- ——— *lupi Marin videre priores.*

dan. Haud aliter si quem infestus casus, *Virgil.* velut lupo, prior aspiciat, sic repente *Ecloga* obmutescit miser, & animum sibi spem- *9. fine.* que finit eripi; quod si prior ipse infelicitatem prævideat, multo eam molliorem sentit.

Sen. l. Appositissime ad rem Sene- *de Træ-* ca: In tanta rerum, inquit, sursum ac de *quil.* orsum euntium variatione, si non quic- *c. II.* quid

quid fieri potest, pro futuro habes, das in te vires rebus adversis, quas infregit, quisquis prior vidit.

Sero animus ad periculorum patientiam post pericula instruitur. *Non putavi hoc futurum: nunquam hoc eventurum credidissem.* Quare autem non? Quæ sunt divitiæ, quas non egestas, & fames, & mendicitas à tergo sequatur? Quæ dignitas; quam non mille maculæ, & extrema contemptio comitetur? Quod regnum est, cui non parata sit ruina, & proculcatio, & dominus, & carnifex? *Sæpius: Hora* nec magnis ista intervallis divisa, sed *spatio* horæ momentū interest, inter solium & *hac* aliena genua. Scito ergo omnem conditionem versabilem esse: & quicquid *veriti* in ullum incurrit, posse in te quoque in- *ita pos-* *sunt, ut* *qui in* *alto se-* *disti* *vite* *arbitr* *cujus* *genus* *suppli-* *ces tā-* *gebant;* *idem* *deje-* *ctus est* curre.

Socrates ajebat: Sicut ii qui in tranquillo & sereno navigant, parata etiam instrumenta habent, quæ in tempestate sint usui: sic qui in bona fortuna sapiunt, contra adversam auxilia expediunt. Hoc si quis in medullas demiserit, & omnia aliena mala, quorum ingens quotidie copia est, sic aspererit, tanquam illis liberum & ad se iter sit, multo ante se armabit quam petatur.

Res vulgo nota; Tela prævisa minus ferire, & labores prævisos, ut Gregorius loquitur, tranquillius tolerari.

Y

Ejus-

† Greg. 124. moral. c. 133

324 GYMNAS. PATIENT.

Hieron. in cap. 7. Escli. Eiusdem prorsus sententiæ Hieronymus : Quia vita hæc miserabilis , inquit , diversis quotidie variatur eventibus , tam ad prospera quam adversa iusti animus præparetur , ut quodcunque venerit , libera mente sustentetur. Et quæso , mi Christiane , ne putes ad gymnasium Patientiæ te ideo vocatum , ut in pulvillo colloceris , variis solatiis mulcendus. Erras , ô bone , erras gravissime. Hanc scholam ideo ingressus es , ut fatigeris , ut pugnes , ut lucteris , ut incommodis plurimis exercearis. Ergo præpara animam tuam ad tentationem.

Optima vero hac in re præparatio est creberrimum cum Deo inter preces colloquium. Huc in ærumnis cursus ac recursus omnis , huc primus omnium gemitus , prima omnium vox huc dirigenda , ad opem è cælo impetrandam. Quo scilicet in calamitate properandū *Matt. cap. 8. v. 25. Ps. 45. vers. 1.* sit , digito monstrarunt Apostoli. Nam dum inter turbines & procellas maris sunt , ad Christum vociferantur , Domine salva nos : Deus noster , refugium & virtus , adjutor in tribulationibus , quæ invenerunt nos nimis.

Hic Augustinus interpres accedens : *Aug. tom. 8. in ps. 45. initio.* Sunt quædam refugia , inquit , ubi non est virtus , quo quisque cum fugerit , magis infirmatur , quam confirmetur. Confugis , verbi gratia , ad aliquem in sæculo magnum , ut facias tibi potentem

tem amicum, refugium tibi videtur (*o refugium ruinosum!*) Antea enim tantum causæ tuæ timebas, cum vero ad talem refugeris, & de illo tibi timebis. Multi enim cum ad talia refugia cōfugissent, cadentibus illis ad quos confugerunt, & ipsi quæsi sunt: quos nemo quæreret, si non ad talia confugissent. Non est refugium nostrum tale; sed refugium nostrum virtus est; cum illuc confugerimus, firmi erimus.

Hanc ob causam Hebræus rex ingenti spiritu: Ideo, inquit, non timebimus, dum turbabitur terra, & transferentur montes in cor maris. Si à parte nostra stet DEVS, etsi montes confligant & in mare præcipitentur, etsi cælum terraque misceantur, turbentur & confundantur omnia, pandantur inferi, ruat Orbis; impavidos tamen feriet ruina; non timebimus.

Echinus marinus, sed & Sepia piscis, cum futuras in mari tempestates præsentiant, suarum virium conscii, ne fluctuum impulsu, scopulis illidantur, saxo tenacissime inhærescunt dum desavierit tempestas. Quid hac vita turbulentius, quid procellosius? alia ex alia tempestas oritur: sæpe

323.

Ferrea stant calo nubila—

In tanta maris ventorumque rabie, discamus ab echino & sepia, Deo insuperabili, rutissimæ petræ adhærescere, ut pro se quisque dicat: Mihi autem ad-

326 GYMNAS. PATIENT.

Pf. 70. *hæ* rere Deo bonum est. Non me inde
vers. 3. calamitatum vis ulla, non universi dia-
 5. bolorum exercitus, neque omnes A-
 cherontis machinæ hinc avellent. Quo-
 niam firmamentum meum, & refugi-
 um meum es tu: Quoniam tu es patien-
 tia mea, Domine, Domine spes mea à
 juvêtute mea. Vices, mi Deus, sic partia-
 mur: Ego me meaque cruci non sub-
 traham, tu ad crucem pèrferendam suf-
 fice petientiam. Nam adversis, sat scio,
 nos ideo fatigas, ut nostram iis patien-
 tiam exerceas, & magnam in te fiduci-
 am accendas. Ergo, mi Domine, pone
Job. 17. me juxta te, & cujusvis manus pugnet
v. 3. contra me. Iam nullas cruces horreo,
 nullos hostes formido: quoniam tu es
 patientia mea.

IV. Præmeditatio itaque in adversa
Greg. clypeus adamantinus est. Omnia Orbis
hō. 35. mala mitius vulnerant, si contra hæc, ut
in Eu- Gregorius loquitur, per præscientiæ
ang. clypeum munimur.

Sapiens humanis casibus non excipi-
 tur, sed erroribus: neque enim illi om-
 nia, ut voluit, cedunt, sed ut cogitavit.
 Et hoc est quare sapienti nihil contra o-
 pinionem dicatur accidere. Quicquid
 enim impedimentorum potest objici,
 id semper provide præmetitur animo.
 Hunc talem sæpius dicentem audias:
 Navigabo, nisi quid aliud inciderit: of-
 ficiū adipiscar, nisi quid obstiterit; ne-
 gotiatio mihi respondebit, nisi quid in-
 ter-

tervenerit ; cras ero conviva, nisi me aliud avocarit ; perendie me in palæstra exercebo , si tamen bene valuerō ; post annum ædificabo, si tamen vixero. Hoc scilicet semper cogitat , posse aliquid propositis suis resistere.

Hac mente instructus Zeno philosophus, cum audiret sua omnia mari submersa: Laudo, inquit, tuum factum fortuna ; nunc expeditius philosophari me jubes.

Docte ac sapienter Epictetus submo- *Epictet.*
nens: Cujusque rei, ait, antecedentibus
& consequentibus consideratis, sic eam *l. 3. dist.*
aggreditor. Alioqui cupide quidem eam *seruat.*
aggredieris: quippe qui nihil eorum quæ *c. 15.*
sequuntur consideraris. Postea vero cum *distin-*
aliquæ molestiæ ac difficultates inter- *ctis lo-*
cesserint, turpiter desistes. Cupio, in-
quis, vincere Olympia. Considerato an-
tecedentia & consequentia : & sic, si è
re tua fuerit, rem aggreditor. Est tibi ac-
curato ordine opus : edendum necessa-
rio, bellariis abstinendum, exercendum
corpus vel invito : idque hora præfina-
ta, in æstu, in frigore: non bibenda frigi-
da: aliquando ne vinum quidem ; deni-
que lanistæ tanquam medico te tradas
oportebit. Deinde in certamine laniari
corpus contingit, manum lædi, distor-
queri lumbos, multum pulveris diglu-
tiri, flagris cædi, & cum his omnibus
interdum vinci.

His rebus consideratis, si placet, certa-

328 GYMNAS. PATIENT.

men inito. Sin minus, vide ut puerorum more acturus sis, qui nunc pugiles ludunt, nunc gladiatores, nunc tuba canunt, nunc tragœdias agunt, cum ista viderint, admiratique fuerint. Sic & tu nunc pugil eris, nunc gladiator, mox philosophus, postea orator, toto autem animo nihil: Sed ut finius, quicquid videris, imitaberis, subinde aliud ex alio tibi placebit. Vſitata vero displicebunt. Neque enim considerate quidquam aggreſſus es, neque rem totam explorasti, aut examinasti; sed temere, & frigida cupiditate impulsus.

Vigilandum est, laborandum, vincendæ sunt quædam cupiditates, à cognatis discedendum: oportet à puero contemni, ab obviis derideri: omnibus in rebus deteriori conditione esse, in magistratu, in honore, in iudicio. His consideratis, si lubet, accedito: si his rebus redimere cupis animi tranquillitatem, libertatem, constantiam.

Interrogatus Diogenes, quid in philosophia didicisset? Prompte respondit: Prævidere adversa, & cum advenierint illa, patienter ferre. Non gratis hoc à Diogene dictum, reipsa comprobavit Anaxagoras. Hic Athenis captus geminos accepit nuntios, sed utrumque tristissimum. Primus, mortem ei decretam denuntiabat. Cui Anaxagoras: Iam pridem, inquit, sententiam tulit natura, tam in me, quam in eos qui me
dam-

damnant. Alter nuntius filios interiisse significabat. Cui philosophus : Scivi equidem liberos meos non esse immortales. Letalia hæc tela erant, sed quia prævisa erant, Anaxagoram vulnerare non poterant.

Hæc Christiana philosophia est : ita Christus suos in Orbis theatrum emit-
tens : Ecce ego mitto vos, inquit, sicut *Matt.*
oves in medio luporum : Si me perse- *c. 10.*
cuti sunt, & vos persequentur : Tra- *v. 16.*
dent vos in conciliis, & in synagogis *Ioan.*
suis flagellabunt vos ; ad præfides & ad *c. 16.*
reges ducemini propter me. Venit ho- *vers. 2.*
ra, ut omnis qui interficit vos, arbitretur *& 4.*
se obsequium præstare Deo. Sed hæc locutus sum vobis, ut cum venerit hora, eorum reminiscamini, quia ego dixi vobis.

Prædixit hæc magister, ut præcogitarent ea discipuli. Quemadmodum peregre ituro præmeditanda sunt, quæ in itinere solent contingere : fœda tempestas, viæ fractæ ac difficiles, hospitia egena, caupones fallaces, importuni ac molesti comites, exhaustum marsupium, cælum ambiguum, venti, pluviae, fatigatio, & ejuscemodi complures miseriae, quæ sane peregrino tam graves non videbuntur, si possit dicere : *Prævidi hæc omnia.* Improvide lamentantium voces sunt : *Non expectabam hunc casum : Quis hoc putasset ? sperabam meliora.* Non sunt sapientis hæc querelæ.

330 GYMNAS. PATIENT.

Iucundum auditu est quod narrant. Cœnobiarcha in more positum habuit, ut antequam tironem in familiam adscisceret, eum in turrim educeret, diceretque : Prospecta, quousque licet oculis, & cogita, si ab ultimo tui visus termino crux cruci hæreret, tu tamen tot oculis cruces non obiturus esses, quot tibi etiamnum perferendæ. Vide, mi fili, & futura prospice : Aliud semper quam voles, fiet. Cum precari libuerit, laborandum erit; cum laborare, precandum; cum somnum cogitaveris, vigilare cogeris, cum vigilare malueris, dormitum amandaberis; cum loqui volueris, silentium imperabitur, cum filere placuerit, loqui iubeberis. Nec dissimulo : sæpius præbendum erit os ad male audiendum : innumeræ te manent reprehensiones, præter continuam corporis afflictationem. Cum putaveris recte fecisse, & scienter cantasse, pro laude vituperium feres & invectionem. Accusatores sæpius habebis, nec semper veraces : sed nec ad Spirensē Curiam sineris provocare. Ius tuum omne in patientia erit. Potes hæc omnia quinquaginta, sexaginta annis, potes hæc omni vita tolerare? quod si animum frangere, & te ipsum assidue nolis vincere, abi fili mi, abi, nullus tibi locus est in religiosa domo ac familia.

Candide prorsus & sapienter. Ecquid

quid rectius gymnasii sacri discipulis inculcabitur, quam hæc ipsa cohortatio: Prævidete adversa, quæ vos manent, innumera: Potestis seu vultis ferre? Bene est. Non vultis? Abite, exeste ab hoc gymnasio, quod lentulos, Endymiones, fucos, cessatores somni plenos, laboris fugientes, aut non admittit, aut admissos excludit. Faceffat hinc ignavum pecus. Hæc labor & Patientia imperant.

V. Ita quivis sui status miseras & quicquid futurorum casuum est, prospiciat, ut cum Anaxagora possit dicere: Sciebam hæc, providebam ista, nil novi contigit. Sed pecuniam perdidi? Fortassis illa me perdidisset; nec illam aliter quam perditurus habui: & utinam cum illa simul & avaritiam perdidissem.

Sed pauper sum? Scio non in paupertate vitium esse; curabo igitur ne sit in paupere.

Sed oculos amisi? Pars innocentiaæ cæcitas est.

Sed amicum perdidi? Alium quæram, & ibi, ubi possum invenire. Amici omnium integerrimi in cælo sunt, delectu & numero quanto volumus.

Sed aliena me invidia premit? Quis obsecro ab hac peste immunis degit? nisi forsan infelicissimus, cui pauci solent invidere. Sed gratiam amisi? Sciebam ea nihil esse inconstantius, ut quæ momento

evanescat, citius quam ullum aromatizantes vinum.

Sed morbus me dejecit? Nil miri aut novi hoc, eum ægrotare qui etiam mori debebit.

Hæ tales cogitationes in futuros casus præmissæ vetant nos in rebus turbidis sævire & furere.

Carneades magni acuminis philosophus mœrorem omnem & dolorem in rebus magnis inde nasci ajebat, quod inexpectata & improvisa nos tempestas obruat. Ita cocum imperitum nil magis turbat quam adventus convivarum subitus minimeque expectatus, cum nec ignis, nec focus, cum nec carniū, nec olerum quidquam ad manum est: hîc ille per culinam discursare, caput scabere, ingressos allatrare, sopitum cinere ignem laceffere, culinariam suppellectilem huc illuc disjicere, fulmina prius quam fercula coquere, convivis pestem & Erisichtonis famem imprecari, sicque inter execrationes manum admove-re foco. Minus ad hanc tempestatem cocus expavesceret, si eam prævidere posset: Nos possumus, & ejuscemodî procellas prævidendo plurimum mitigare, præsertim si quæ prævidemus, ad divinam Providentiam & Voluntatem referimus.

Beata Felicitas septem liberorū mater, divi Augustini encomiis varie ornata, cum in carcere parturiret maximis dolo-

doloribus, nec ejulatus posset compri-
mere, unus aliquis lictorum ejulantem
illam audiens, acerbo scommate dixit :
Si nec hos quidem dolores, ô femina,
ferre queas silentio, illos quomodo fe-
res, cum ureris, secaberis, laniaberis.
Quæ jam pateris, jocum puta, sequen-
tur seria. Huic Felicitas prudentissime,
& prorsus Christiane: Iam, inquit, pro
me patior, ac tunc in me passurus est
Christus. Prout dixit, sic contigit. Nam
cum feris objiceretur, nullos ejula-
tus, sed nec ullos gemitus prodebat. Di-
xisses ad choreas invitata duci, adeo
hilari vultu salutabat mortem. Quoniam
tu Domine illius eras patientia.

Ad hunc plane modum pugnandum
nobis est, & vincendum. Quampri-
mum tristior nos ventus afflaverit, mox
omnis animus ad DEVM convolet, se-
que divinæ Voluntati quam plenissime
tradat, imo in eam sese penitus im-
mergat; peccasse doleat, à Deo inter
adversa non recedere statuatur, opem di-
vinam expetat. Cetera omnia, Deo fre-
tus, divinæ committat Providentiæ.
Hoc auget patientiam, hoc reddit im-
perterritos.

Aristippus, Vitruvio teste, naufra-
gium passus, in lacero navigio ad Rho-
diorum littus ejectus est. Hic ille soler-
ter circumspiciens, pulverem circino
descriptum, & impressas ei mathema-
ticas notas deprehendit, mox ad socios

ver-

*Vi-
truv.
l. 6. de
Archit.
test.*

versus: Bono, inquit, animo estote viri, sperandum optime, nam & hîc vestigia hominum sunt.

Quotiescunque nos ad Deum precando vertimus, immensæ bonitatis ac potentiæ signa, nostramque beatitudinem Deo inscriptam legimus. Spere- mus ergo quam optime, quantumvis naufragi: nulla nec pecuniæ, nec famæ, sed neque ullius alterius rei jactura æstimetur gravis, cum cœlum promittitur.

Quid dolemus obolos perdidisse, cum regna recipiamus? quid mori metui- mus, cum in immortalitatem transcri- bamur? Post omnia naufragia in tutissi- mum portum deducimur à bono Deo, modo illi te ipsum, mi Christiane, totum quantus quantus es, offeras.

- I. Reg.* Acaronitæ à muribus vexati, mures
cap. 6. aureos fecerunt, eosque obtulerunt
v. 11. Deo, & malo remedium repererunt: sic
Num. & Israëlita à serpentibus ic- ti, per ser-
c. 21. pentem æneum valetudinem receperunt:
vers. 6. Ita nos prorsus hoc ipsum sanat quod
c. 9. vulnerat; calamitas dum premit, ad
 Deum erigit, modo nos nostris parti-
 bus non desimus, & animam ad tenta-
Eccli. tionem præparemus. Quoniam pius &
cap. 2. misericors est Deus, & remittet in die
v. 13. tribulationis peccata; & protector est
 omnibus exquirentibus se in veritate.

C A P V T VI.

*Afflictiones omnes perpetiendas esse cum
CONFORMATIONE Humanae vo-
luntatis ad divinam.*

OVum, ut fertur, in aqua falsa fluitat, in dulci mergitur. Hierosolymæus Rex David, inter tot publicas privatasque clades, inter suorum cædes & funera, in tanta calamitatis varietate velut in falsissimis undis supernatabat erecto semper celsoque animo, vir secundum cor Dei, qui se ipsum ad omnes nutus divinos accuratissime formabat. At vero filius illius Salomon in dulcibus illis deliciarum ac voluptatum stagnis, velut ovum mergebatur. Dei Voluntatem Salomon intellexit, sed illi se non conformavit.

In hac tertia parte quinque modos quibus adversa omnia sint perferenda præscripsimus. I. PATIENTER. 2. HILARITER. 3. CONSTANTER. 4. Cum GRATIARVM ACTIONE. 5. Cum PRÆMEDIATIONE. Sextum ac ultimum, sed & utilissimum summeque necessarium addimus: Cum CONFORMATIONE SVÆ VOLUNTATIS AD DIVINAM. Et quamvis hunc humanæ voluntatis cum divina consensum quinque libris *Heliotropii* explicaverimus, cum

336 GYMNAS. PATIENT.

eum tamen hîc nihilominus, sed breviter summarimque confirmabimus, idque convenienter instruendæ patientiæ, non recantaturi jam dicta.

I. Nulla nec Angelorû nec hominum voluntas bona unquam rectaq; dici poterit, nisi ea cum Voluntate divina consentiat. Atque quo plenior ac sincerior fuerit consensus iste, tanto voluntas melior ac perfectior erit cēsenda: quo minus integer & sincerus fuerit iste, quem diximus, consensus, tanto deterior & instabilior erit Voluntas humana. Vnica Dei Voluntas amussis est, & regula omnium cælo terraque voluntatum. Nul- lum uspiam VELLE laudandum, quod à VELLE divino discrepet.

Beatissimus rex David rectos corde
Ps. 35. sapius commendans: Prætende, inquit,
v. 11. misericordiam tuam sciētibus te, & ju-
stitiam tuam his qui recto sunt corde.

Aug. Hoc Augustinus, eruditissimus interpres
tom. 8. explicans: Quod sæpe diximus, ait, illi
in sunt recticordes, qui sequuntur in hac
Ps. 35. vita Voluntatem Dei. Voluntas Dei est
ante aliquando ut sanus sis: aliquando ut æ-
finem. grotes. Si quādo sanus es, dulcis est Vo-
luntas Dei; & quando ægrotas, amara
est Voluntas Dei: Non recto corde es.
Quare? quia non vis voluntatem tuam
dirigere ad Voluntatem Dei, sed Dei vis
curvare ad tuam. Illa recta est, sed tu es
curvus. Voluntas tua corrigenda est ad
illam, non illa curvanda est ad tuam;
& re-

& rectum habebis cor. Bene est in hoc sæculo? Benedicatur Deus, qui consolatur: Laboratur in hoc sæculo? Benedicatur Deus, qui emendat & probat Et eris recto corde, dicens: Benedicam Dominum in omni tempore. Ille igitur solus cor rectum habere censendus est, qui vult quod vult Deus.

Hoc unum documentum omnes hac in re præceptiones antecellit, hoc omnium monitorum summa, hoc omnium sacrorum voluminum epitome, hoc omnium virtutum compendium, hoc ærumnarum omnium solarium maximum, hoc supremus est divini amoris gradus; hoc discipulis crucis jus paradisi transcribit, hoc homines in Angelorum sedes evehit. Hoc unum, suam scilicet divinæ Voluntati conformare, unice omnibus & ante omnia discendum. Nam quisquis in patientiæ gymnasio hoc unum didicit, jam pæne finem discendi fecit, jam magistri, jam doctoris nomen obtinuit.

Hoc certe præ aliis omnibus jure suo sibi vindicavit divinæ voluntatis scientissimus rex David. Hic divinæ hujus scientiæ specimina dedit plurima, tum maxime cum degenerem filium Absalonem fugiens, sacerdotes & Arcam juberet redire, diceretque: Si invenero gratiam in oculis Domini, reducet me, & ostendet mihi eam, & tabernaculum suum. Si autem dixerit mihi, Nō pla-

places; præsto sum, faciat quod bonum est coram se.

En in fuga impeditissima, in luctu maximo, in supremis angustiis, cum jam de regno toto videretur actum, sibi tamen rex David præsentissimus, & ad unam unicam Dei Voluntatem, omnemque illius nutum attentissimus, hoc solum vult, quod vult Deus. Redire me vult Deus? Et ego volo. Non vult ut redeam? Nec ego volo. Faciat Dominus quod in oculis suis bonum est, ego præsto sum.

II. O Christiani, si vel hoc unū satis capere, si penitissimis animi medullis hoc ipsum imprimere velimus, rem omnem habebimus confectam, nulla nos amplius calamitas, non dico, tanget, sed lædet, nulla opprimet afflictio, mortalium nemo nocere nobis poterit; inexpugnabiles, insuperabiles sola Dei voluntate circummuniti stabimus; ruent fortassis res nostræ, pecunia, valetudo, fama? nos stabimus; sed etsi ruāt urbes & regna, nos stabimus; ruat Atlas, & Orbis cum illo, nos vero stabimus; ruat cælum ipsum, nos stabimus tamen, quādiu in nobis steterit hæc ad divinam voluntatem conformatio.

Hoc Christus proxime sui funeris diem luculente ad clivum Olivarium demonstravit. Nam ubi suam omnem in Patris Voluntatem quam integerrime transfudit, ipsis jam hostibus, velut
agnel-

agnellum lanionibus seipsum obtulit
mactandum. Ante has preces mœstus,
pallidus, pavidus, semianimis, ad horren-
dæ mortis apparatus contremiscebat.
Post preces, & sua jam Voluntate ad Pa-
tris Voluntatem conformata : Surgite, *Secus*
inquit, eamus in amplexus & oscula *potius.*
hostium. *Confor-*

Adeo hæc voluntatis humanæ cum di- *matio-*
vina consensio, ad omnia toleranda *ne quæ*
promptum, ad omnia peragenda lacerto- *semper*
rum, ad omnes hostes superandos animo- *erat,*
rum, ad superanda omnia invictum & *decla-*
inexpugnabilem reddit, ut quo quis di- *rata.*
vinæ Voluntati devotior est, hoc fortius
omnia & facere, & pati paratus sit. Nec
ulla calamitas aut ullus dolor, alias illi
voces exprimet, quam istas: Sicut Domi-
no placuit, ita factum est, ita fiat; quo-
niam ab ipso patientia mea. Hoc illu- *Aug.*
strissime Augustinus explicans: Quæ pa- *in psal.*
tientia, inquit, inter tanta scandala, nisi *61.*
quia si id quod non videmus, speramus, *circa*
per patientiam expectamus? Venit dolor *med.*
meus, veniet & requies mea. Venit tri-
bulatio mea, veniet & purgatio mea.
Nunquid lucet aurum in fornace aurifi-
cis? In monili lucebit, in ornamento lu-
cebit: patiatur tamen fornacem, ut pur-
gatum à sordibus veniat ad lucem. For-
nax ista, ibi palea, ibi aurum, ibi ignis,
ad hanc fiat aurifex. In fornace ardet
palea, & purgatur aurum. Illa in cineres
vertitur, à sordibus illud exuitur. For-

340 GYMNAS PATIENT.

nax Mundus, palea iniqui, aurum iusti, ignis tribulatio, aurifex Deus. Quod vult ergo aurifex, facio; ubi me ponit aurifex, tolero. Iubeor ego tolerare, novit ille purgare. Ardeat licet palea ad incendendum me, & quasi consumendum me; illa in cinerem vertitur, ego sordibus careo. Quare? quia Deo subijcietur anima mea.

Jud. En integram humanæ voluntatis cum
Gra- divina conspirationem. De hac religio-
nata in sus ille scriptor verissime dixit: Non
Duce est sacrificium majus aut Deo gratius,
pecca- quam in omni tribulatione sese confor-
tor. l. 1. mem facere divinæ Voluntatis benepla-
part. 2. cito.
4. 22.

DEVS Abrahamo compluries se velut mutabilem exhibuit, perinde si aliud atque aliud modo vellet, modo nollet, & fuisset imperiis contraria imperaret. Quod ideo factum, ut in tam fideli famulo hic talis cum Dominica Voluntate consensus augeretur. Ipsum Abrahami animum inspicite. Non potuit Deus toties mandata sua variare, non labores tam molestos unquam injungere, neque tam acerbè virum illum exercere, quin Abrahamus semper in omne divini nutus arbitrium versatilis idem veller, idemque nollet quod Deus.

III. Differentia inter Patientiæ discipulos maxima est. Sunt qui ad gymnasium sine pileo veniant, vertice nudo, excalceati, sine pallio, quod hominum

pau-

pauperrimi solent; Alii, quibus pedum
 ulus negatus est, ad hanc scholam æger-
 rime non eunt, sed repunt; Alii pedites
 quidem veniunt, & honeste vestiti, sed
 sine charta, sine calamis, sine atramento,
 sine libris accedunt, ad discendum im-
 paratissimi; Alii hæc quidem habent, sed
 * minerval nō habent. Aliis minerval nō
 deest, sed ingenium: Sunt denique qui ad
 Patientiæ gymnasium equo aut curru
 vehuntur, ut magnatum filii solent. His
 suave est hoc tali compendio ad scholas
 accedere.

Primi illi sine pileo, sine calceis, sine
 pallio, gymnasium hoc quidem adeunt,
 sed etiamnum impatientes sunt, & nec-
 dum didicerunt vel saltem *Patienter* ad-
 versa tolerare: impatientiam suam nec
 dissimulare quidem aut tegere norunt;
 homines sine pileo, & pallio, nimium, &
 vitiose aperti.

Alii ad hanc scholam miserrime per-
 reptant, qui aliquid quidem patientiæ
 hauserunt, sed patientes non essent, nisi
 esse cogerentur: pecunia illis aut metus
 aliquid patientiæ ostendendum persua-
 det. Hi sane nihil *Hilariter* sustinent.

Tertii illi ad Patientiæ ludū veniunt,
 sed ab omni scholastica supellectile im-
 parati, velut extemporanei auditores, qui
 unam alteramve horulam attenti assi-
 dent: mox discendi tœdio victi constan-

Z 2 tiam

* Schulgelt mangelt ihnen.

tiam omnem exuunt, deferuntque Lyceum. Istorum mens vaga & indocilis illud *Constanter* nequit capere.

At sunt, qui paratiores magistrum doctorem audiant, sed minerval non habent. Verissimum in Patientiae auditoriis minerval seu didactrum est *Gratiarum actio* in adversis. hanc discipulorum complures ob tarditatem ingenii non percipiunt, sed neque id multum curant. Videntur hi profectu utcumque constanti progredi, atque in cæteris disciplinæ gymnasticæ satis capaces, sed ut ii pro plagis ac suppliciis æque ac pro beneficiis Deo gratias agant, hoc certe nondum didicerunt: hos minervalis paupertas impedit.

Verum aliis minerval forsan non deesset, sed deest ingenium, nam difficilia & tristia sine omni *Præmeditatione* patiuntur. Magnus hic ingenii defectus est, ea quæ cuivis hominum evenire possunt, & solent, non prævidere, & ignavas voces illas spargere: *Non putaram.*

Alii demum sunt, qui equis aut pilentis ad hanc patientiæ scholam eunt redeuntque, homines divinis favoribus opulenti. Atqui hi sunt qui se totos, in rebus omnibus, præsertim adversis, divinæ Voluntati ac Providentiæ penitissime tradunt. Qua certe ratione hoc agunt, ut crucem quidem sentiant, sed facillime ferant, ad divinam Voluntatem attentissimi. Hi non solum *Patienter*, *Late*,

Con-

Constanter, verum etiam cum *Gratiarum actione*, nec sine *Præmeditatione*, & quod caput est rei, cum maxima suæ voluntatis ad divinam *Conformatione* adversa omnia ferunt. His semper bene est, etiam cum est pessime. Nam curru divinæ Providentiæ vehuntur securi. Cuius horum in ore semper est: Dominus regit me, & nihil mihi deerit: Dominus sollicitus est mei. Horum optatis respondent omnia; istorum voto cuncta competunt, & ante votum, cum votorum summa sit, *Velle quod vult Deus*. Male valent? Norunt hoc divinæ Voluntatis partem esse. Labores, damna, metus incurrun? Sciunt hæc solere fieri; decerni ista, non accidere. Tristes amicorum abitus, immatura suorum funera spectant? Non nesciunt vitam & mortem, & omnem vitæ seriem penes divinum arbitrium esse. Ita Deo in omnibus assentiuntur, Deum ex animo, non quia necesse est, nec coacti, sed volentes sequuntur. Nihil unquam illis incidit quod tristes, quod malo vultu excipiant, nullum vitæ tributum conferunt inviti.

Omnia autem ad quæ gemimus, quæ expavescimus, vitæ tributa sunt, quorum nec speranda immunitas est, nec petenda. Hi denique divini arbitratus tam observantes, faciunt quod citharædus, qui citharæ fides tamdiu tendit, attrahit, remittit, dum assonent: ita qui suam di-

344 GYMNAS. PATIENT.

vinæ Voluntati vult consonare, tamdiu suam corrigit, impellit, instruit, tot ei stimulos subdit, dum illa se divinæ perfecte subiciat.

Quod Hebræus psaltes insigniter se-
Pf. 61. cum exigens : Nonne Deo, inquit, subje-
vers. 2. cta erit anima mea? ab ipso enim saluta-
1. Ma re meum. Sicut Domino placuit, ita fa-
chab. ctum est : Sicut fuerit voluntas in cælo,
cap. 3. sic fiat. Nonne igitur Deo subiecta erit
u. 60. anima mea? Hebræum idioma: Nonne
 ad Deum filebit anima mea? Perinde si
 dixisset : In omnibus quæ mihi contin-
 gunt, religiosissime fileo, nec contra
 quidquam mutio, Voluntate ac decretis
 divinis contentissimus: Dei est governa-
 re ac præcipere, meum obsequi: ita pede
 securo pergo. Quod si voluntatem meam
 experiar refractariam, tunc illud rogare
 instituo, quod ille fervorum fidelissimus
 rogavit : Ecce Pater dilecte, in manibus
Tbo. de tuis sum ego, sub virga correctionis tuæ
Kemp. me inclino : percutite dorsum meum, &
Imit. collum meum, ut incurvem ad Volun-
Christi tatem tuam tortuositatem meam, da mi-
l. 3. hi super omnia Voluntatem beneplaciti
e. 50. tui semper inquirere.

IV. Neque hæc humanæ voluntatis cum divina Conformatio ulli hominum videri debet difficilis. Quid magis in nostra potestate est quam VELLE, aut NOLE? Et quid cuivis promptius, quam, quod minimi sumptus est, Annuere, vel Abnuere?

Alexan-

Alexander Macedonum rex discere Geometriam cœperat, sciturus quam pusilla terra esset, ex qua minimum occupaverat. Erant illa quæ tradebantur subtilia, & diligenti intentione discenda, quæ non adeo facile, homo militaris & trans Oceanum cogitationes suas mit- tens percipere posset. Idcirco discipulus iste: Facilia, inquit, me doce. Cui præceptor: Ista, inquit, omnibus eadem sunt, æque difficilia.

Pæne hoc idem de humanæ voluntatis ad divinam Conformatione dixerim: Ista omnibus eadem sunt. Sic *Velle*, sic *Nolle* omnibus æque facile videri debet. Ad istud discendum pares sumus, & pauperrimi, & ditissimi; sine omni labore, sine ullo sumptu infinita *Velle* ac *Nolle* possumus. Imo vero quotidie infinita & volumus & nolumus. Sed non in eo laus est, ut plurima velimus, aut nolumus: divinæ Voluntati congruenter *Velle* aut *Nolle*, hoc laudis, hoc Virtutis est.

Rem mirissimam narrant Palladius *Pallad.* & Ruffinus. Visus est sibi Paphnutius *dins* eos fecisse progressus in via Domini, ut *Helen.* simplici piaq; curiositate rogarit Deum, *episc.* monstraret sibi hominem qui se ratione *c. 63.* vivendi exæquaret. Annuit Deus, & ei *Ruffin.* ab Angelo significari iussit, parem illi *Aquil.* haberi tibicinem, qui in vico non procul distante tibiis inflandis victum quæriraret. Obstupuit ad hunc nun- *c. 16.*

tium Paphnutius, & multa putans animo: Itane, aiebat ipse sibi, tot annis, tanto conatu, non plus profeceris, quam ut virtute tibicinem æques? Et mox iter ingressus, omni studio hunc ipsum virum quæsit. Inventum studiosissime perconatus est, quod vitæ genus, quas maxime virtutes sectaretur? Ille ad quæstionem tam seriam subridens, & quod res erat fateri orsus: Ego, inquit, prius latro, nunc * plagiaulus sum. De virtutibus meis, vir optime, frustra quæris; nullas habeo, quarum & nomen ignoro. Paphnutius urgere hominem scitando, & animare, diceret porro si quid bonæ actionis vel inter latrocinia suscepisset. Cui ille: Ah, inquit, hircum mulges; sterilis mihi conscientia est. Ebrietatis & libidinis mancipium fui. Illud unum memini, monialem à nobis captam, cui vitium à sociis erat offerendum, à me liberatam, & in proximum pagum deductam esse. Sed & illud memoriam subit, quando adeo quæstionibus me premis, & hæc audire collubitum est.

Ante annos aliquot liberalis formæ feminam silvis inerrantem, & multa lacrimantem reperi. Cumque fletus causam sciscitarer: Ne me roges, aiebat illa, mulierum infelicissimam. Sed si ancilla eges, abduc quo lubuerit. Maritus meus, ob grande es alienum, in carcere tantum

* Schwegelpfeiffer.

tum non agit animam: nec spes libertatis est. Tres filios meos, sed heu non meos amplius creditores sibi rapuerunt mancipia, in debitorum vicem. Ego cum ad similem fortunam quæriter, inedia & miseriis confecta huc profugi, omnis auxilii, sed & consilii inops. His auditis ego, aiebat tibicen, sortem tam indignam miseresceus, & id esse divinæ voluntatis ratus, ad nostram specum, ægre spirantem feminam adduxi, ubi jam pæne fugientem animum cibo revocaui. Et quia nescire non potui, Deum divitem esse dominum, profugam in civitatem reduxi, atque pro liberandis tam filiis quam marito pecuniæ sat multum erogavi.

Tu vero, vir bone, pluribus me quæstionibus ne laceffe: hic omnis virtutum mearum cumulus est: vitia mea citius quam virtutes meas recitavero.

Hic Paphnutius altum suspirans: Ego vero, inquit, mi frater, Deo id mihi aperiente comperi, te nihilo inferiorem nobis esse, qui solitudines habitamus, & corpus summis rigoribus exercemus. En ergo, mi optime frater, cum tanto loco sis apud Deum, quanto vix charissimam, cumque omnis sanctimonix fons sit, velle sanctum esse, ne quæso te ipsum negligas. Serio voluisse, fecisse est. Hoc unum tibi restat, ut abneges te ipsum, crucem tuam tollas, & sequaris Christum. At ille, perinde si volentem ac jubentem

bentem Deum cerneret, tibiis quas manu gerebat, abjectis, ad divinæ Voluntatis perpendiculum, Paphnutium è vestigio secutus est. Ita triennio cælestem egit aulædum in terra, & cælo receptus est.

Hic ego merito exclamem: Videte, ô discipuli, qui vobis in Patientiæ gymnasio plurimum profecisse videmini, videte ne infimi vos vincant. In gymnasiis certe moris est, ut nonnunquam ex ima classe puerulus evocetur qui adultum, sed stupidum juvenem turpiter errasse doceat. Pæne hic idem fit. Latrones & tibicines infimæ classis discipuli, altiores illos sed & superbiore, aut minus patientes in ruborem dant.

Hic palmam fert, Omnia cum Deo velle, nec quidquam nisi cum eodem nolle. Ille hic litteratior, ille utique patientior, ille ceteris omnibus præstantior, cujus voluntas cum Deo conjunctior. Omne tulit punctum, qui suam omnem divinæ Voluntati transcripsit. Fac VELIS, & Patientiæ lauream impetraſti.

V. Sed illud colubrinum CUR in Patientiæ gymnasio plurimos turbat. Cur hoc, cur illud Deus? Cur punit innocentes, dimittit fontes? Cur tot tamque nefanda scelera permittit? Cur suis austerus, alienis sæpissime blandus est? Cur omnia ad suæ voluntatis nutum vult fieri? Ita serpens in Elysiis campis humanæ gentis

gentis matrem interrogat: Cur præcepit *Gen.*
vobis Deus, ut non comederetis ex om- *cap. 3.*
ni ligno paradisi? *vers. 1.*

Serpentinum C V R istud è Patientiæ
ludo penitus eliminandum est. Magister *Ephes.*
serio edixit: Nec nominetur in vobis. *cap. 5.*

Et Augustinus his serpentibus exa- *vers. 3.*
ctissime respondens: Quare, inquit, per-
cutiunt aliquando fulmina montem, &
non percutiunt latronem? Quia forte
adhuc latronis conversionem quærit
Deus, & ideo percutitur mons qui non
timet, ut mutetur homo qui timet. Ali-
quando & tu cum das disciplinam, ter-
ram feris ut infans expavescat. Sed dicis
mihi: Ecce cædit innocentior, di-
mittit sceleratorem. Noli mirari: un-
decunque mors pio bona est. Vnde au-
tem scis illi sceleratiori, si se mutare no-
luerit, quid pœnarum in occulto serve-
tur? Nonne mallent fulmine incendiï
potius interire, quibus in fine dicetur:
Ite maledicti in ignem æternum. Opus
est, ut innocens sis. Quid enim? Ma-
lum est mori naufragio, & bonum est
mori febre? Sive inde, sive inde moria-
tur, quære qualis sit qui moritur, quo
post mortem iturus, non unde nunc exi-
turus. Tu time, & bonus esto. undecun- *Aug.*
que voluerit, ut ex eas hinc, paratum te *tom. 8.*
inveniat. *in psal.*

Quicquid ergo hic accidit (eiusdem 140.
Augustini verba sunt) contra voluntatem *circa*
nostram, noveris, non accidere, nisi de *med.*
Volun- *mihi*
p. 711

*Hac,
quæso,
bene
noten-
tur.*

Voluntate Dei, de providentia ipsius, de ordine ipsius, de legibus ipsius. etsi nos non intelligimus, quid quare fiat, demus hoc providentiæ ipsius, quia non fit sine causâ. Cum enim cœperimus disputare de operibus Dei: quare hoc, quare illud, & non debuit sic facere, male fecit hoc. Vbi est laus Dei? Perdidisti Alleluja. Omnia sic considera ut placeas Deo, & laudes artificem. Quasi si intrares in officinam forte fabri ferrarii, non auderes reprehendere folles, incudes, malleos. In officina non audes vituperare fabrum, & audes in hoc mundo Deum? Imperitus reprehendit omnia. Peritior, etsi artificem novit, scit tamen esse hominem, & ait: Non sine causâ hoc loco folles positi sunt; artifex novit quare, etsi ego nō novi.

*Idem
tō. 10.
De
Verbis
Dom.
ser. 4.
c ap. 5.*

Vt igitur amantissimi patris voluntatem obviis ulnis amplectamur, idem Augustinus animos addens, & Æternitatis hæreditarias delitias ingerens: Deus autem tuus, inquit, redemptor tuus, dominus tuus, castigatō tuus, pater tuus erudit te. Quo? Ut accipias hæreditatem, ubi non efferas patrem, sed hæreditatem habeas ipsum patrem. Ad hanc spem erudiris, & murmuras? Et si quid triste acciderit, fortasse blasphemas? Quo ibis à spiritu ejus? Ecce dimittit te, & non flagellat: deserit blasphemantem; non senties judicantem? Nonne melius est, ut flagellet te, & recipiat te: quam parcat tibi, & deserat te?

Gau-

Gaudes? agnosce patrem blandien- *Idem*
tem. Tribularis? agnosce Patrem emen- *tom. S.*
dantem. Sive blandiatur, sive emendet, *in psal.*
eum erudit, cui parat hæreditatem. *54. mi*

Porro Deus, eodem Augustino teste, *hi pag.*
omnium hominum peccata sic ordinat, *212.*
Ut quæ fuerunt oblectamenta homini *post*
peccanti, sint instrumenta Domino pu- *med.*
nienti. Non dixit Deus, fiant tenebræ, & *Idē in*
factæ sunt tenebræ? & tamen ipsas ordi- *psal. 7.*
navit. Ita & peccata Deus, quamvis illa *ante*
non faciat, ea tamen permittit & ordi- *finem.*
nat, & sic in omnibus Voluntatem suam
exequitur efficacissime. Nunc jam huc
animum omnes, ea quæ loquar, adverti-
te. Res ab ovo, sed brevissime, dedu-
cenda.

V I. Ante Orbem conditum, inane
fuit merissimum, imo nihil fuit præter
Deum Optimum Maximum, qui sine re-
bus creatis beatissimus, ipse sibi suffi-
ciens, rerum omnium in se ideam ab æ-
terno habuit, habetque, ita perfectam, ut
nec jota, nec punctulum (sic loquimur)
nec apiculus ullus tam in intellectu di-
vino quam in voluntate desiderari possit.
Ad hanc Intellectus ac Voluntatis suæ
ideam omnia perfecte condidit, bona
omnia, & quidem *valde bona.* Ea guber- *Gen.*
nare porro ac conservare non desinit, & *cap. I.*
momentis singulis universa disponit or- *v. 31.*
dinatissime.

Finem Deus, quem sibi ab æterno
præstituit, in rebus semper omnibus asse-
quitur.

quitur. Et quod infinitæ prorsus potentia ac bonitatis est, minima æque ac maxima curat, tam singulos quam universos homines providentissime, nullo non puncto temporis regit, & singulorū quoque hominum minutissima quæque sic dirigit amantissime, ut nihil sit quod non in optimum finem feratur, unica modo voluntas hominis ipsa sibi non incommodet, discordando à summa Voluntate.

Quod Deus ab omni retro Æternitate in suis pugillaribus scripsit, quod facere, quod permittere decrevit, nemo hominum, neque Angelorum ullus mutabit, aut impediet. Omnium animantium piluli, omnium montium arenulæ, arborum omniū foliola; avium minimæ, * passeruli ac reguli, ipsi aeris atomi; omnium omnino tam Angelorum quam hominum cogitationes & numeratæ sunt, & appensæ.

De quo igitur tu jam conqueri potes, perinde si Deus ad calamitates tuas parum attentus, te tuaque non satis provide gubernet, aut nimium hostibus tuis permittat, aut in tanta rerum hominumque turba te negligat? Stultissime mortalium, tunc apud teipsum hæc susurres? Omnia in mensura, & numero, & pondere disponit Deus, etiam res tuas, etiam rerum tuarum minutissima quæque.

Sap.
c. II.
v. 21.

Vitam

* Künigle/Zaunschlusserle.

Vitam tuam retro actam, oro, considera, & dispunge in ea, quid aliter velis evenisse, simulque observa hoc ipsum à Deo ad ideam suam accuratissime relat-um, hoc est (ut id probe capias) sicut Deo placuit ab æterno, sic factum est, sic & deinceps fiet. *Iota unum, aut unus apex non prateriit, nec in posterum præteribit, dum usquequaque omnia divinæ ideæ conformiter fiant.*

*Mate.
cap. 5.
v. 18.*

Voluntas Dei sanctissima stabit. Quid tu vero tunc profecisti, cum adeo doles, teque aliosque frustra turbares? E- quid jam dolendo & turbando profi- cies? Obsecro te, ne ad idem saxum ite- rum impinge, *Resignationis* affectum indue & Dei Voluntati quam integerrime te committe, atque ita divinæ Providentiæ currum conscende; veheris eo securus. Sine concessu & venia divinæ Volunta- tis, nec arenula, nec digitulus, nec ulla contra te cogitatiuncula movebit.

Non exclu- dimus licita rerum reme- dia; aut ea autē effectū habitus- ra sint. an mi- nus, penes Dei Vo- luntatē est.

Sed sicut præterita meo suasu, sic & futura, quæso, considera; quidnam eo- rum in voluntate aut potestate tua? Vix quidquam. Sed nec prævidere satis im- minentia potes. Dic, qualis erit proxima æstas? Si sterilis & mala sit, sequetur rerum penuria, & pestis. Quid ergo tuum hic providere & angi juverit? idem in rebus aliis sentiendum. Revera nec bona impetras, nec mala præcaves, nisi Deus id velit, cujus idcirco Voluntati tuam ag- glutina.

Incas.

354 GYMNAS. PATIENT.

Incaſſum te torques , fruſtra reluſta-
ris; ſupervacuo labore ſtruſis & ædificas,
niſi divina tecum ædificet Voluntas; Ni-
hil agis , nihil proficis , niſi velis quod
vult Deus.

Hoc igitur age; in omnibus divino nu-
tui te ſubjice. Et hoc unum, obſecro, a-
pud animum tuum quotidie perpende,
quod longe certiffimum : Deus ab æter-
no providit & decrevit , hanc tibi crucē
ſecundum omnes circumſtantias loci ,
temporis, perſonarum imponere, quam
ipſe ſumma bonitate & ſapientiā tuis vi-
ribus admeſus eſt. Hoc ſolum reſtat, ut
ea velis tibi prodeſſe. proderit autem
plurimum, modo tu tuam divinæ Volun-
tati jungas, & accommodes.

Ergo in omni omnino eventu ſic ra-
tiocinare: Hoc à Deo eſt, ergo optimum
eſt. Hæc injuria, hic morbus, hæc inopia,
hæc moleſtia ſeu miſeria ab ipſiſſimo
Deo eſt, ergo mala mihi eſſe non poteſt,
niſi mea voluntas à divina diſſentiat.
Cave autem unquam dixeris: *Modo hac,
modo illa crux me non premat.* Otioſa &
inanis querela. Et hanc, & illam cru-
cem, quam ſic horres, ideo amplectere,
quia vult Deus & hac , & illa te cruce
fatigari. Aut ergo idem velis quod Deus,
aut quia ita viſ, ſuccumbe ac peri.

Ioan.

Sariſ-
berieſ.

l. I.

Polier.

cap. I.

VII. Quod vero colubrinum illud
CVR quærebat. Cur Deus alienis non ra-
ro tam benignus, ſuis plerunque tam au-
ſterus ſit &c. exacte ſciendum, hanc Dei
Volun-

Voluntatem æquissimam esse. Advertis-
sane multa millia hominum ad frugem
corriguntur; prosperitate vix ullus. Feli-
citas Virtutis noverca beatulis suis ap-
plaudit ut noceat.

Sunt qui felices sibi videantur, sed sua
tantum opinione, quæ quoniam falsa
est, felicitati parum addiderit, sed miseriæ
multum. Siquidem propriam non nosse
miseriam miseria summa est. Magnus
ille Pompejus felicem se credidit. Sed si
profundius verum fodiamus, nunquam
fuerat, ne tunc quidem cum florentissi-
mo in statu felicissimus haberetur. Exi-
tus monstravit acta. Carnificis gladio ca-
put & sanguinem suum propinare ius-
sus est Pompejus.

Polycrates, rex Samiorum, ipsissimus *Hero-*
Fortunæ pullus censebatur; nihil ei in *dotus*
vita adversum. Cælum, terra, mare fave-
bant aut serviebant. Omnes conatus e-
jus placido excipiebantur itinere, spes
certum cupitæ rei fructum apprehende-
bat, vota nuncupantur simul & solve-
bantur, velle ac posse in æquo positum
erat. Semel duntaxat vultum contraxit
Polycrates brevi tristitiæ salebra succes-
sus, cum scilicet placandæ Nemese, & ne
omnis incommodi expers esset, charissi-
mum summique pretii annulum in mare
abjecit. Hunc ipsum tamen continuo re-
cuperavit, capto pisce, qui eum devora-
verat. Tandem felicitas omnis in altissi-
ma cruce expiravit. Nam Polycrates ab

Alii: Oronte Darii regis Satrapa in Mycalen-
Oronte. sis montis vertice cruci affixus, miserabi-
 le sed luculentum dedit spectaculum fal-
 lacissimæ felicitatis.

Hæc vana sunt, inquis. Ergo Amanum
 in alto suspice, Polycrati geminum, mau-
 solæo simili, nec minus sublimi excep-
 ptum. Divitiis Aman diu abundabat,
 uxore & prole copiosa beatus, amicos
 plurimos numerabat, ipse Assuerus rex
 ei amicissimus; omnia Amano ex senten-
 tia fluebant. Quid tandem? Tantæ feli-
 citatis epilogus fuit patibulum. Hanc
 ipse sibi domum architectatus est Aman
 vel invitus. Sic segetem nimia sternit u-
 bertas, sic arborum rami onere fran-
 guntur, sic magna maris tranquillitas
 procellarum signum est. Idem in mori-
 bus, & vita:

Luxuriant animi rebus plerunque secundis.

Nimirum Luna nunquam in deliquio
 est, nisi cum plena est: quo autem ea ple-
 nior, hoc à sole remotior; sic & equus
 quo curatior & pinguior, eo in sessorem
 ferocior: sic & homo plerunque à Deo
 alienior, quo felicior.

Hinc Deus olim de gente sua queri-
Hierē. tur: Saturavi eos, & mæchati sunt. Incraf-
cap. 5. sati sunt, & impinguati, & præterierunt
vers 5. sermones meos pessime. Vbi felicitas
& 28. regnat, illic plerunque virtus exulat.

Ambrosius Mediolanensium præsul,
Paul. uti Paulinus memorat, ad hominem opu-
in vita lentum è via divertit. Hic, ut Ambro-
Ambr. sium

sum hospitem suum, non liberali solum mensa, sed & humanis colloquiis reficeret, prolxiorem ingressus est narrationem. In ea de seipso affirmavit, nihil se unquam adversi passum; ante vota, supra vota omnia adesse, hoc est, priusquam vellet, & plusquam vellet, adeoque quid calamitas sit, se nescire. Exhorruit ad has voces Ambrosius, & mox velut ad subitum negotium avocatus, patrifamilias & beatissimæ illi domui valedixit. Repentini abitus causam suis hanc assignavit. Vereri se, ne in domo tam beata, & apud hominem, quem adversa nunquam vellicassent, hospitium pessimum elegerit. Quare maturandam illinc fugam, ne forsan subita eademque clade cum tali hospite involvantur. Ambrosio non procul inde digressio, una sed insperata domus ruina inquilinos omnes sepelivit.

Quam ergo melius longe cum iis agitur, qui jam procellis variis jactantur, ut quietem ac felicitatem ibi quærant, ubi ruinæ non sunt metuendæ. Hic vitam agimus perpetuis tentationum præliis infestam, periculis semper & multis & gravibus expositi, nec unquam ante exitum securi; quod sive nesciant sive sciant, qui felicitatem somniant, æque miseri sunt habendi. Nulla enim cum errore, nulla sine securitate felicitas. Solus ille felix, qui in curru Altissimæ Providentiæ sedens, divinæ Voluntati se dat ex toto.

358 GYMNAS. PATIENT.

Thomas Morus exemplar patientiæ illustrissimum, suam divinæ Voluntati integerrime subjecit hoc modo. Cum è legatione transmarina reversus, procul domo apud Regem ageret, Augusto mense, pars domus, & omnia illius horrea frumento plena, nescio qua vicini incuria per incendium subitum deflagrarunt. Hanc cladem conjux, generi sui litteris exposuit. Conjugi Morus Anglice rescripsit in hunc modum.

Salus plurima. Domina Aloyfia, intelligo horrea nostra & vicinorum aliquot cum omni frumento periisse incendio. Dolenda quidem (salva Dei Voluntate) frumenti tam copiosi jactura. Quia tamen ita Deo visum est, debemus omnino non solum patienter, sed & libenter hanc Dei manum in nos extentam ferre. Quicquid amisimus, Dominus dedit. Sed quia id nobis iterum ademit, Domini

Nota
hac.
Chri-
stiane,
nota.
nota.

Voluntas fiat. Nunquam super hac re murmuremus, sed æqui bonique consulamus, & Deo magnas gratias agamus, tam in adversis, quam prosperis. Atque si recte calculum ponamus, majus Dei beneficium est hoc damnum, quam ingens lucrum. Quid enim salutis nostræ faciat, Deo magis quam nobis perspectum est.

Rogo igitur, bono sis animo, & omnem tecum familiam duc ad templum, Deoque gratias age, tam de his quæ nobis donavit, quam quæ nunc abstulit, & quæ

quæ etiamnum reliquit. Facile Deo est, si ei sic visum, augere nondum ablata. Quod si plura velit auferre, sicut Domino placuerit, ita fiat.

Inquiratur etiam, quantam jacturam fecerint vicini, moneanturque, ne ob eam rem contristentur. Non enim committam, ut vicini mei cladibus meis domesticis lædantur; etiamsi omnis mea supellex ad unicum usque cochlear diripiatur.

Obsecro, o mea Aloysia, una cum liberis nostris, totaque familia sis læta in Domino. Hæc omnia, nosque omnes in manu Dei sumus. A Dei Voluntate pendamus toti, nec ullum unquam damnum nocere nobis poterit. Vale. Ex aula Wodstochii 13 Septemb. an. 1529.

O superi! quam hæc sincera in divinam Voluntatem devotio! quam hæc vere cordati viri epistola est! Hic paterfamilias in gymnasio Patientiæ profecit. hic vir hic est, qui tantam jacturæ molem, per integram cum Voluntate Dei Conformitatem, suaviter portavit. En struthiocamelum, qui ferrum potuit & glutire, & concoquere. Horrea illius arserunt, non animus. Hunc patientia munitum servavit integrum.

Et videte, qua ratione hanc cladem, perinde ut Iobi ærumnas, liberalissimus Deus multiplici fenore pensarit. Mense Septembri tristissimum nuntium accepit Morus; Octobri proximo regni

360 GYMNAS. PATIENT.

Anglicani Cancellarius pronuntiatus est. Nec nova tantum dignitate, sed & censibus novis est auctus. Vnde non vetera solum horrea restaurari, sed & veteribus nova potuerunt adjungi. Hic Dei mos est: Deducit ad inferos, & reducit.

Andr. Anglorum Cancellario Principem Hispanum, Franciscum Borgiam tertium in Societate IESU Præpositum Generalem adstituo. Iter fecit Borgias Septimanam, ubi Societatis tirocinium erat: Nox præcipitans euntem in itinere deprehendit. Plurima nix cælo labebatur, ventus perfrigidus urebat & confundeabat vias, tenebræ iter omne subducebant.

Tandem per nives ac tenebras eluctatus, nocte adulta, quo destinaret, pervenit. Necdum tamen injurias cæli effugere licuit. Cum jam ad Collegium starer, socii omnes primo sopore merfi altius dormiebant, Pulsavit fores iterum, iterumque ac sæpius; nemo respondit. Non sopiti tantum, sed mortui videbantur incolæ. His illud accessit incommodi, quod à porta longius abesset domus. Interim venti flare & fatigatum percellere, famæ pabulum postulare, nives optimum Patrem operire, & totum candidatum facere. Post diuturnas moras tandem aliquando expergefacti tirones, & reseratae fores. Intromissus, tantum abest, ut vel severiore vultu, aut asperioribus dictis moras castigaret, ut plenus hilaritate grati-

gratulari sibi de hoc videretur. Stabant focii, & erubescabant tam altam somnolentiam; itaque multis deprecabantur quod optimum parentē in tanta intemperie cæli pro foribus stantē tamdiu destituisſent. At Borgias licet exanimatus pæne frigore, sereno nihilominus & placido vultu: Non est filii, ait, quod meas vices doleatis. Dum expectarē, hæc mea fuit cogitatio: Quemadmodum princeps quispiam voluptatem capit, cum leonem similemve feram in arena stimulis ac venatu agitari cernit, ita delectatur Deus, dum me feris nihilo meliorem, mollibus petit nivium velleribus, quæ me non lædant, sed urgeant atque impellant. Hæc mihi evenire Dei providentia, Voluntas Dei fuit. Velimus & nos quod vult Deus; & gaudeamus, cum suum ille in nos favorem explicat, licet rigidiore paullulum experimento.

Hoc virum sapit, hoc mitigat adversa, voluntatem suam divinæ tam non contradicentem, tam conformem, tam obsequentem adungere.

Sed Gandienſium duci, Serenissimam principem Magdalenam Neoburgicam jungo, ut quo recentioribus, eo etiam efficacioribus impellamur exemplis. Laudatissima hæc princeps, alibi à nobis uberius laudanda, Sermi. Electoris Maximiliani soror, Sermi. Ducis Wolfgangi Guilielmi Neoburgici conjunx, diem suum obiit anno 1628, die 25

Septembris. Hæc, inquam, lectissima herois, in omnium quidem virtutum actionibus constanter suam industriam exercuit: imprimis vero illuc animum intendit, ut voluntatem suam cum divina quam arctissime conjungeret. Adversa omnia, quæ quotidie plurima occurrabant, à divina manu tanquam præcipui favoris argumenta prompte accipiebat, & ad casus omnes Dei causa fortiter perferendos invictam se præstabat. Quo in studio, exercitatione continua eo denique mentem adegit, ut postremis quatuor annis, quibus ad hujusce virtutis apicem feliciter contendit, uno sæpe die amplius centies voluntatem suam cum divina conformasse in codicillis ejus repertum sit.

Nimirum ad Dei Voluntatem vivere, hæc vera demum est vita: quod aliter vivitur, mors est. De quo eleganter *Aug.* *ro. 10.* *ser. 13.* *de Ver-* *bis A-* *postoli* *circa* *med.* *gustinus*; Contulerunt, inquit, cum Apostolo quidam philosophorum Epicureorum secundum carnem viventes, & Stoicorum quidam secundum animam viventes; contulit cum illis secundum Deum vivens. Dicebat Epicureus, Mihi frui carne, bonum est. Dicebat Stoicus, Mihi frui mea mente, bonum est. Dicebat Apostolus, Mihi autem adhærere Deo, bonum est. Errat Epicureus; fallitur Stoicus; non errat Christianus, qui Deo divinæque Voluntati adhæret. Tunc enim recte vivit anima, si non secundum car

carnem , nec secundum seipsam, sed secundum Voluntatem divinam vivat. Sicut enim anima carnis, ita Deus animæ vita est.

VIII. Quin ergo hanc unā, omnium optimam, sanctissimamque Dei Voluntatem amplexu arcto stringimus, quin ad eam ultro ire, quam raptari malumus? Quin nostram voluntatem omnem in hac una constituimus, ad agendum, atque patiendum, quicquid nos Deus agere, ac pari voluerit.

Is demum verus Patientiæ discipulus, is vere patiens est, qui in omnibus, quæ patitur, hoc unum vel millies ingeminat: *Solius Dei velle volo*: Novit Deus quid publice privatimque tam gloriæ suæ quam salutis nostræ expediat. Ego vero cum id ignorem, quid rectius spero vel metuo, quid sanctius doleo vel gaudeo, nisi de tua, mi Deus, Voluntate, ejusque sanctissimis decretis? Quicquid eveniat; cælum ac terra misceantur, sursum deorsum res eant, turbentur ac confundantur omnia, nihil fiet (certissimus sum) & nec capillus quidem è capite, nec arenula vel lapillus è monte defluet, sine tua Providentia. Non est ergo quod de ulla re, ullove homine conquerar. Tua Voluntas fiet, mi Deus, imo & mea, quam toties transmutati tuæ.

Hic oro te, Lector, ne pigeat legere, aut etiam lecta relegere, quæ tam in *Helotropio* toto, præsertim libro quinto, ca-

364 GYMNAS. PATIENT.

pite ultimo summam ; quam quæ in *Æternitatis Prodromo*, Capite secundo, paragrapho 28, & Capite tertio, paragrapho 47 & 49 tradimus, ubi hanc humanæ voluntatis cum divina consensionem cum cura explicamus. Qua porro ratione in adversis firmanda & erigenda sit ad Deum fiducia, *Heliotropii* libro quinto, capite tertio docemus, quæ hic non videntur recantanda.

Sed verbo transigamus. Si hanc doctrinam, ô Christiani, aut non capiatis, aut, quod verius, nolitis capere, in gymnasio Patientiæ tempus frustra teritis; quem imitamini, nunquam assequemini; nullus est profectus vester, nihil agitis,

2. *Tim* semper discentes, & nunquam ad scientiam
cap. 3. veritatis pervenientes.

vers. 7. Aut ergo voluntatem vestram conformate cum divina (* nudis verbis dicendum) aut gymnasio hoc excludemini, velut indociles, nullius frugis, nec ullius spei discipuli. Quod si hoc unum documentum probe condiscitis, nunquam nō beati eritis, etiam inter res afflictissimas.

Ioan. *Æternæ Veritatis* vox est: Si quis voluerit voluntatem ejus facere, cognoscet de doctrina. Quicumque enim fecerit Voluntatem Patris mei qui in cælis est; ipse
cap. 7. v. 17. *Matt.* c. 12. v. 50. meus frater, & soror, & mater est.

& *Mar*

si cap. 3. vers. 35.

IX.

* Gut Deutsch.

IX. E P I L O G V S

Dictorum omnium.

QUOD de humana voluntate ad divinam in adversis maxime conformanda diximus, id Augustinus illustrissime confirmat, ubi de improbis tolerandis differens: Hinc mitesce, inquit, quemadmodum mitescis cum dicis, quia Deus hoc vult, ideo florent mali. Parcere vult malis; ad poenitentiam adducit eos quibus parcat, sed illi non corriguntur. Novit ille quomodo de illis judicet. Immitis est autem homo, cum vult contradicere aut bonitati Domini, aut patientiæ, aut potestati, aut justitiæ judicis.

Qui ergo sunt recto corde? Qui hoc volunt quod Deus vult. Deus parcat peccatoribus, tu vis ut jam perdat peccatores. Distorti ergo cordis es, & praviæ voluntatis, quando aliud vis, aliud vult Deus. Vult autem Deus parcere malis; tu non vis parci. Patiens est Deus peccatoribus, tu non vis tolerare peccatores. Sed ut dicere cœperā, aliud vis tu, aliud vult Deus. Converte cor tuum, & dirige ad Deum, quia & Dominus infirmis cōpassus est. Vidit in corpore suo, id est, in Ecclesia sua infirmos, qui primo voluntatē suam sequi tentant: sed cum vident
volun-

366 GYMNAS. PATIENT.

voluntatem Dei aliam esse, dirigunt se & cor suum ad suscipiendam & sequendam voluntatem Dei.

Igitur ne voluntatem Dei velis torquere ad voluntatem tuam, sed tuam corrigere ad voluntatē Dei. Voluntas Dei est ut regula incommutabilis. Quamdiu integra est regula, habes quo te convertas, & corrigas pravitatem tuam, habes unde corrigas quod in te tortum est.

Quid autem volunt homines? Parum est quia voluntatem suam tortuosam habent, etiam volunt voluntatem Dei tortuosam facere secundum cor suum, ut hoc faciat Deus quod ipsi volunt, cum ipsi hoc debeant facere, quod Deus vult. Hæc Augustinus.

Obsecro vos, mortales, an non tandem aliquando hanc doctrinam de vestra voluntate ad divinam conformandam capitis? quam prisci Patres, quam sacri codices tantis clamoribus inculcant. Etiamnum nostri sensus ac cerebri pervicaces stamus, & nolumus quod vult Deus, aut volumus quod Deus non vult? Quæ patimur, ea nos pati vult Deus (nil certius) idque vult in nostrum bonum, favore singulari. Hos ego favores, inquis, non ambio. O te, pæne dixerim, non hominem, sed ignarum cæli pecus? Quæso te, circumspecte, quanti etiam è magnatibus labores ambient, modo iis honores & opes misceantur. Cum impetrant quod ambiebant, id maximi favo-

favoris argumentum habent. Et tu per brevissimos labores ad ferias atque delitias transiturus æternas, velut bubalus cornu feris, & restitas? Audi rem miram, & testatissima fide comprobata, quam Leontius Neapoleos Cyporum episcopus hunc in modum commemorat.

Ioanni Alexandrino Patriarchæ viro *Leont.*
 sanctissimo unus aliquis civium (Philo- *tius*
 christum vocat Leontius) septem auri *Neap.*
 libras & dimidiam in egenorum stipem *Cyporum e-*
 offerens: Plus auri, ajebat, mihi non est. *pisc. in-*
 Hoc autem unum, Pater sancte, à te po- *vita S.*
 stulo, idque unice, ut filium meum ab- *Ioan.*
 sentem tuis precibus Deo commendes. *Ele-*
 Modo illum salvum & incolumem reci- *mosyn.*
 piam, & quicquid hoc auri est, bene im- *c. 25.*
 pensum dicam. *toto.*

Vt autem constaret, quam id serio pe-
 teret, poplite creberrime submisso ante
 præsulem sese identidem inclinavit, tan-
 to efficacius, ut putabat, impetraturus,
 quanto submissius petiisset. Habebat au-
 tem filium quindecim annorum, eumq;
 unigenam, quem in navi ex Africa spera-
 bat reducem. Atque hunc Ioanni Patriar-
 chæ quam commendatissimum cupie-
 bat. Admisit aurum, & una preces Pa-
 triarcha, miratusque est animum tam
 generosum, qui posset spernere tam mul-
 tum auri. Ita optime ille precatus, atque *Leont.*
 ut Leontius loquitur, oravit ei in facie *perfe-*
 multum, & sic eum dimisit. Neque vero *et à se-*
 distulit, *cit syn-*
anim.

distulit preces fundere pro eo, qui illas tam ardentem expetiisset. Mox igitur oratorium ingressus, auro subtus sacram mensam reposito, rem divinam fecit: Deū vero, quod facturū se promiserat, quantis potuit precibus rogavit, filium parenti salvum una cum navi sisteret. Necdum dies triginta abierant ab iis precibus, & filius liberalissimi civis illius mortuus est; onusta navis naufragio periit. Tertio die à morte filii, adest tristissimus nuntius, qui & filium obiisse, & navigium una cum mercibus omnibus periisse; solos homines, vacuumque scapham evasisse, cum fide exponit.

Heu patris dolorem multiplicem, immensum! Aurum expendit, filium amisit, navim quam expectarat, non recepit. En pietatis præmium, luctus ingens, & vix ullius solarii capax. Nam illud regii psaltæ de afflictissimo hoc parente vere
Pf. 93. tunc dici potuit: Nisi quia Dominus
v. 17. adjuvit illum, paullo minus habitasset in inferno anima illius. Ad concutendum virile pectus videri potuisset sufficere navis interitus: accessit insuper immaturus filii obitus. Heu geminum letale vulnus! quorum alterutrum sat mortis intulisset.

Vbi hæc omnia Ioanni Patriarchæ sunt narrata, optimus Antistes pæne plus doloris hausit, quam is quem ex destinato periit tam sæva calamitas. Hinc dubius quid ageret, impensissime Deum obse-

obsecravit, solatii aliquid parenti mæstissimo impertiretur. Nam virum adeo undique afflictum ad se accersere non sustinuit. Misit tamen hominem prudentem, qui suo nomine hæc illi diceret: Cave animum despondeas, vir optime, cave Deum ullius inclementiæ accuses. Erigere in altum, & delicias æternitatis prospice: Momentaneum & leve tribulationis nostræ, æternum gloriæ pondus operatur in nobis. Quæcunque in terra sunt, æquissimo Dei iudicio fiunt. Nec ullum tam grande malum aut supplicium est, quod non in nostrum cedat bonum, si vincamus illud patiendo. Deus providentissimus Pater ab æterno non tantum præsciit, sed & decrevit quod maxime nobis expediret. Nos velut infantes damnorum nostrorum ignari sæpe nobis noxia postulamus. Quapropter fide Deo, in cuius manu & navis tua, & filius tuus est.

Pia prorsus, & è solido petita consolatio: sed animum tam letaliter saucium hæc verba vix penetrarunt. Ergo cum humanum deesset, divinum adfuit auxilium. Sequenti nocte afflictissimo huic civi visus est in somnis adstare Ioannes Patriarcha, & hæc dicere: Quid angeris, frater, & cur mœrore dissolveris? An non rogasti me, peterem à Deo, ut salvum haberes filium? En, salvus est. Crede mihi, si vixisset superstes, periisset. De navi tua hoc scito. Nisi tibi Deum elemosyna

370 GYMNAS. PATIENT.

emosyna tam liberali conciliaffes, illa cum omnibus, qui ea vehebantur, fuisset fluctibus hausta, inter quos & fratrem tuum jam mare sepeliiffet, quem tamen fospitem recepisti. Surge igitur, & Deo gratias age, de filio jam salvo, & fratre insuper recepto.

Ab hoc somnio Philochristus evigilans, iam multo quam ante erectior, moerorem pæne omnem deterfum sensit, & mox ad Patriarcham accurrens, ad genua illius accidit, & narravit quæ sibi per proximam noctem species fuisset visa, quantumque solatii verbis affusum. Inde jam, inquiebat, gratias ago benignissimo Deo, qui nostro nos bono exercet, nec minus patrem agit, cum poenis afficit, quam cum solatiis. Mox Patriarcha in has ipsas voces erumpens: Gloria tibi, ô benignissime, ô misericordissime Deus, qui tuorum preces non spernis. Et ad civem conversus: Nequaquam, inquit, id meis orationibus adscribas, sed divinæ bonitati, tuæque fidei.

Discamus, ô modicæ fidei mortales, Deo fidere; in rebus arctis & afflictis animum non abjicere: discamus adversa non *Patienter* solum, sed & *Hilariter*, & cum *Gratiarum actione* perferre. Quid trepidamus aut tergiversamur? Inaniter & frustra. Hæc animo constet sententia, hoc nobis deliberatissimum sit, *Pati plurima*. In eam rem animum ad hæc talia *Præparemus*, & sua Patientiam comitemur

Con-

Constantia; voluntatem nostram, in omnibus omnino rebus, maximis minimis cum divina *Conformemur*.

Pius V Pontifex, gravissimos eosque diuturnos calculi dolores patientissime ferens, sæpius auditus est dicere: Domine, adde ad dolorem, modo addas ad patientiam. Sequamur præeuntis vocē, & licet animo corporique undique male sit, fidentissime tamen dicamus: Domine Iesu, auge ægrimoniam, auge, modo augeas & patientiam.

Haud aliter Franciscus Xaverius, ille Indorum & Iaponum ecclesiastes, qui patiendi tam avidus fuit, ut in ipsis incommodis & periculis enixe Deum precaretur, ne his malis eriperetur, nisi ad maiora mala divinæ gloriæ causa reservandus. Cumque etiamnum Romæ in valetudinario ageret, & magnos sibi labores, inopiam, famem, sitim, egestatem, æstum, frigus, vexationes, pericula, proditones, terra marique Christi causa subeunda cognosset, ardenti spiritu succlamavit: *Etiam amplius, Domine, etiam amplius*. Nam ea in Deum fiducia ferebatur, ut certus crederet, ab eo qui desiderium illud suggessisset, vires etiam ad perferenda omnia sufficere. Hinc animosissimæ voces illæ: *Etiam amplius, Domine, etiam amplius da, quod patiar*.

Audeamus obsecro, Christiani, audeamus & nos aliquid cælo dignum, &

372 GYMNAS. PATIENT.

cum in ærumnis erimus, exclamemus
& nos cum beato viro: Etiam amplius,
Domine Iesu, etiam amplius. Auge do-
lores, augebis etiam, nil diffidimus, pa-
tientiam.

Sed finio hanc omnem de Patientia
scriptionē cum beato Melithone mar-
Surius tyre, qui inter quadraginta Christianos
tom. 2. heroas natu minimus, virilis tamē con-
die 9 stantiæ nobilissimum dedit specimen.
Martii Mater illius virago vere Christiana cum
de SS. filium cerneret jam fractis cruribus vix
40 animam trahentem, animosissime illum
Marty- sic cohortata est: Fili paullisper sustine;
ribus ecce Christus ad januam adest, auxi-
ad ur- lium allaturus & præmium: paullif-
bem per, mi fili, sustine. Sustinuit, & hor-
Seba- tatu matris accensus generose mortem
sten oc- obiit.
tiss.

Iisdem nos vocibus compellat optima
mater Patiētia: Filii sustinete paullisper,
auxiliator adstat Christus, & jam præ-
mium commonstrat. Dolor omnis mo-
mento finiet. Æternitas beatissima in
proximo est. Respicite tot beatorum
agmina: omnes illi levi temporis im-
pensa invenerunt quomodo immortales
fierent; ad immortalitatem patiēdo &
moriēdo venerunt.

*Chry- Quid ergo resistimus, & pati horre-
sostom. mus? Ad contemnendam omnium ma-
tom. 5. lorum potentiam animus patientia per-
hō. 5. venit. Si non vis pati, recusas coronari.
hō. 66. Non est vita, inquit * Chrysostomus, si-
post ne
init.

ne miseria. Sed quantum tribulationes intenduntur, tantum & retributiones ampliabuntur.

Laboribus & doloribus cælū emitur. Vetus illud non ignoramus: *Labor est ante cibum*. Ita Suidas memorat Cyri milites absque sudore ad prandium non venisse, quo & suavius cibū caperent, & rectius valerent. Et nobis epulum cælestē inter lusus & otia obtinget?

*Suidas
voce
cæsti,
mihi
p.82.*

Et quæso, ut æternam illā & immortalē vitam discamus nosse, hanc mortalē prius probe noverimus. Quid nobis blanda proponimus, quid suavia pollicemur? in exilio sumus, in eremo degimus. Hīc aliter non vivitur, quam inter innumera incommoda. Si male fers, magna onera; si bene, magna solatia.

Sicut immortalis homo, inquit Chrysostomus, non potest inveniri, ita nec absque tristitia. Sed in solatium addens: Cum rebus, ait, adversis premimur, gaudeamus; hoc enim est peccatorum expiatio. Nullus athleta generosus in stadio balnea quærit, aut mensam cibis & vino redundantē. Hoc non est athletæ, sed delicati. Athleta namque pugnat pulvere, oleo, solis ardore, sudore largo, tribulatione & angustia. Hoc est certaminis tempus & pugnæ: igitur & vulnere, & cruoris, & doloris. In acie militem, in tempestate gubernatorem, in stadio cursorem, in arena pugilem noscas.

*Chrys.
tom. 5.
hō. 67.
med.
mihi
p.363.
& prius
361.*

374 GYMNAS. PATIENT.

*Idem
eod.
tom.
hō. 62.*

Omniem nos vitam certamen esse putemus, nec unquā remissionem quæramus, & nunquā in tribulationibus inusitata nos pati arbitrabimur. Pædagogus noster tribulatio est. Nec tribulari malum, sed malum est peccare. Pecavit, non qui male passus est, sed qui male fecit.

*Chryf.
tom. 4.
in c. 1.
ad Phil.
lip.
hom. 4.
mihi
pag.
1031.
Et
tom. 5.
hom. 2.
de imaginum
sub-
vers.
ante
med.
Philip.
cap. 1.
v. 29.
Greg.
l. 9.
ep. 39.
post.
init.*

Imo quod explicatissime idem Chrysostomus affirmat: Pati pro Christo gratitutum munus est, ac majoris admirationis, quam sit revera mortuos excitare, & signa miranda patrare. Nam illic quidem debitor sum, inquit, hîc vero debitorem habeo Christum. Christianū vero & in hoc ab infidelibus differre oportet, ut omnia generose ferat: & velut alatus se humanorum malorum impetu superiorē exhibeat: Supra petram statutus est fidelis: propterea & undarum ictibus inexpugnabilis est.

Ideo hoc ipsum Paulus, uti gratiam singularem & grande munus prædicans: Vobis, inquit, donatum est pro Christo, nō solum ut in eum credatis, sed ut etiam pro illo patiamini. Neque enim electis suis, ut Gregorius loquitur, in hac vita promisit gaudia delectationis, sed amaritudinem tribulationis, ut medicinæ more per amarum poculum ad dulcedinem æternæ salutis redeant.

Sed quid opus hîc testibus? Vox Domini est, & æternæ veritatis oraculum:

*Matt.
c. 10.
v. 38.*

Qui non accipit crucem suam, & sequitur

tur me, non est me dignus. Nulla hinc
 venia, nulla exceptio, aut prærogativa,
 privilegium nullum: Indignus est Chri-
 sto, qui abjecta cruce non sequitur
 Christum. Crux etiam gravissima * pati-
 enter accipienda. Christo charissimi, ip-
 sa mater Christi, Christus ipse non aliis
 vixerunt legibus.

Iam olim integerrima vidua Iudith
 eleganti prorsus publicaue oratione
 patientiam commendans: Illi autem,
 inquit, qui tentationes non suscepe-
 runt cum timore Domini, & impati-
 entiam suam, & improprium mur-
 murationis suæ contra Deum protule-
 runt, exterminati sunt: Expectemus er-
 go humiles consolationem ejus, quia
 tentati sunt patres nostri, ut proba-
 rentur, si vere colerent Deum suum.
 Quomodo pater noster Abraham ten- *Iudith.*
 tatus est, & per multas tribulationes *cap. 8.*
 probatus, Dei amicus effectus est. Sic *v. 20.*
 Isaac, sic Iacob, sic Moses: Et omnes *22.23.*
 qui placuerunt Deo, per multas Tribu-
 lationes transierunt fideles.

Quid oblectamur amplius? Om-
 nes sic transierunt, Omnes, Omnes,
 quicumque placuerunt Deo. Nemo pro-
 batus & fidelis censendus, quem hæc
 afflictionis & patientiæ nota non infi-
 gnierit.

R b 3 Ve-

* Es muß gelitten seyn / maz-
 chets wie ihr wölt.

376 GYMN. PAT. PARS III.

Verissimum Iudithæ stat oraculum :
Omnes qui placuerunt Deo, per multas
tribulationes transierunt fideles. Hoc
pro Christo pati, hoc vincere est cum
Christo. Hæc regia ad cælum via est: as-
pera quidem & angusta, sed tuta. Sustineamus paullisper; nec certantibus de-
erit auxilium, nec præmium vincen-
tibus.

F I N I S

Patientiæ scriptæ, initium sit
exercendæ.

*Ad maiorem Dei, Deiparæ, &
omnium SS. Angelorum ho-
norem & gloriam.*

INDICVLVS

IN

Gymnasium Patientiæ.

P A R S I.

- Cap. I. *Quæ pœnarum genera, seu, Quæ cruces sint in Patientia gymnasio ferenda.*
Habet paragraphos III. pag. 2
- Cap. II. *Cur discipuli in schola Christi tam duriter, & aspere habeantur.* Hab. s. v. 17
- C. III. *Cur discipulorū aliqui durius, & asperius in hac schola tractentur.* Hab. s. v. 31
- C. IV. *Quinque pœnarum & afflictionū genera singillatim explicantur.* Hab. s. v. 47
- C. V. *Alia quinque genera pœnarum singillatim etiam exponuntur.* Hab. s. v. 79
- C. VI. *Quæ potissimum culpa in Patientia Gymnasio cavenda.* Hab. s. ix. 112

P A R S II.

- Cap. I. *Afflictio docet Fortitudinem, & Fidelitatem.* Habet s. v. 136
- C. II. *Afflictio docet Commiserationem, & Abstemiam.* Habet s. v. 150
- C. III. *Afflictio decet Orationē, & Mortificationem.* Habet s. v. 165
- C. IV. *Afflictio docet Prudentiam, & Modestiam.* Habet s. v. 179
- C. V. *Afflictio varie utilissima: & plerumque quæ nocent, docent.* Hab. s. vii. 195
- C. VI. *Afflictio & crux omnis à Deo est, à quocunque demum illa imponatur.* Habet s. ix. 218

INDICVLVS.

P A R S III.

- Cap. I. *Afflictiones sustinendas esse Patienter.* Habet s. v. 252
 C. II. *Afflictiones subeundas esse Hilari-
 ter.* Habet s. v. 268
 C. III. *Afflictiones perferendas esse Con-
 stanter.* Habet s. v. 279
 C. IV. *Afflictiones tolerandas esse cū Gra-
 tiarum Actione.* Habet s. v. 296
 C. V. *Afflictiones aggrediendas esse cum
 Præmeditatione.* Habet s. v. 315
 C. VI. *Afflictiones omnes perpetiendas esse
 cum Conformatione humana volunta-
 tis ad Divinam.* Habet s. ix. 335

A P P R O B A T I O


R. P.


PROVINCIALIS.


GYMNASIVM PATIENTIÆ,
 quod P. Hieremias Drexel. Socie-
 tatis nostræ Presbyter scripsit, ali-
 quot ejusdem Societatis Theologis cē-
 sum probatumque ; Ego Gualterus
 Mundbrot , Societatis Iesv per Supe-
 riorem Germaniam Præpositus Provin-
 cialis , facta mihi potestate ab admo-
 dum R. P. N. Generali Mutio Vittelle-
 sco, in lucem dari permitto.

In cujus rei fidem auctori chirogra-
 phum hoc dedi , officii mei sigillo mu-
 nitum . Monachii die 1 Septembris
 Anno M DC XXIX.

GVALTERVS MVNDBROT.







SPECIAL

88-B

10692

GETTY CENTER LIBRARY

Dr
Gym
pat